

ME
AE

DAD
ÓN

95

83 83 83 83 83 83 83



IMOSWSKI

INSTITUTIONES
PHILOSOPHICAE



2


B 103

D5

v. 2

1856

009695



1080014367

EX LIBRIS

HEMETHERII VALVERDE TELLEZ

Episcopi Leonensis




UANL

UNIVERSIDAD AUTÓNOMA DE NUEVO LEÓN



DIRECCIÓN GENERAL DE BIBLIOTECAS



INSTITUTIONES
PHILOSOPHIAE

AUCTORE

Josepho Aloisio Moswiski


E SOCIETATE JESU

IN COLLEGIO ROMANO PHILOSOPHIAE MORALIS PROFESSORE

VOL. II.

CONTINENS INSTITUTIONES ETHICAE SIVE PHILOSOPHIAE MORALIS

EDITIO ROMANA AB AUCTORE EMENDATA
ET PLERISQUE NOTIONIBUS AUCTA



DIRECCIÓN GENERAL DE BIBLIOTECAS

GUADALAJARAE.

IN TYPOGRAPHIA CIVIS DYONISII RODRIGUEZ

MDCCCLVI.

Capilla. Alfonsina
Biblioteca Universitaria
FONDO GENERAL
LETRAS Y LETRAS


F 46150

B 103

D5

V.2

1856



Philosophi autem qui vocantur, si qua forte vera et fides nostrae accomodata dixerunt, maxime Platonici, non solum formidanda non sunt, sed ab eis etiam in usum nostrum vindicanda.

S. AUGUSTINUS, lib. 2. de Doctrina christiana cap. 40 n. 60.



FONDO EMETERIO
VALVERDE Y TELLEZ

INSTITUTIONES ETHICAE

SIVE

PHILOSOPHIAE MORALIS.

PROOEMIUM.

PARS illa rationalis philosophiae, quae circa bonum morale versatur, legesque considerat a quibus publica totius humanae societatis, vel privata individuorum felicitas, morumque debita conformatio pendet; *Juris naturalis publici et privati scientia* seu *philosophia moralis* nuncupatur, sicut solet innui in generali totius philosophiae adumbratione (1). Praejacta definitioni ejus amplior descriptio, ostendit eam esse satis aptam, caeterisque tradi solitis consentientem, cum et rei definiendae naturam sufficienter determinet, et totius tractationis summam implicite praeconti-

(1) Vide vol. 1. pag. 1. nostrae Logicae et Metaphysicae. Definitio haec nostra quamvis explicite non experimat philosophiam moralem esse scientiam practicam sicut aliae quaedam definitiones faciunt, e. g. *ista scientia practica quae circa actus humanos ad honestatem dirigendos versatur*. vel haec alia, *scientia principia inquirens et praecepta tradens, quibus liberae hominum actiones ad honestatem, et per consequens ad felicitatem diriguntur juxta regulam rectae rationis lumine manifestatam*, est tamen sufficiens, cum talis explicita mentio non sit necessaria, quando id per se et ex rei natura jam patet, et aliunde hujusmodi definitio magis sit consentanea rationi illi sive methodo, qua a recentioribus auctoribus pars haec philosophia rationalis tradi solet.


009695

B 103

D5

V.2

1856



Philosophi autem qui vocantur, si qua forte vera et fides nostrae accomodata dixerunt, maxime Platonici, non solum formidanda non sunt, sed ab eis etiam in usum nostrum vindicanda.

S. AUGUSTINUS, lib. 2. de Doctrina christiana cap. 40 n. 60.



FONDO EMETERIO
VALVERDE Y TELLEZ

INSTITUTIONES ETHICAE

SIVE

PHILOSOPHIAE MORALIS.

PROOEMIUM.

PARS illa rationalis philosophiae, quae circa bonum morale versatur, legesque considerat a quibus publica totius humanae societatis, vel privata individuorum felicitas, morumque debita conformatio pendet; *Juris naturalis publici et privati scientia* seu *philosophia moralis* nuncupatur, sicut solet innui in generali totius philosophiae adumbratione (1). Praejacta definitioni ejus amplior descriptio, ostendit eam esse satis aptam, caeterisque tradi solitis consentientem, cum et rei definiendae naturam sufficienter determinet, et totius tractationis summam implicite praeconti-

(1) Vide vol. 1. pag. 1. nostrae Logicae et Metaphysicae. Definitio haec nostra quamvis explicite non experimat philosophiam moralem esse scientiam practicam sicut aliae quaedam definitiones faciunt, e. g. *ista scientia practica quae circa actus humanos ad honestatem dirigendos versatur. vel haec alia, scientia principia inquirens et praecepta tradens, quibus liberae hominum actiones ad honestatem, et per consequens ad felicitatem diriguntur juxta regulam rectae rationis lumine manifestatam.* est tamen sufficiens, cum talis explicita mentio non sit necessaria, quando id per se et ex rei natura jam patet, et aliunde hujusmodi definitio magis sit consentanea rationi illi sive methodo, qua a recentioribus auctoribus pars haec philosophia rationalis tradi solet.

009695

neat. Et sane, pars haec philosophiae rationalis ejusque studium, sita non sunt in mera principiorum moralitatis contemplatione, sed diriguntur ad habitum seu facilitatem quamdam naturaliter et recto rationis usu comparandam; ex quo ad normam eorundem moralium principiorum liberas hominum actiones pro opportunitate exigamus, deque eorum bonitate vel malitia, honestate vel turpitudine etc. dijudicemus; quod cum fiat, ex universalibus, evidentibus et indubiis principiis, conclusiones seu applicationes ad casus vel notiones minus universales eruendo, manifestum est: 1^o; eam esse veri nominis *scientiam*, licet actiones quas instar materiae considerat sint in se contingentes ac variables, praesertim si addas, eandem debere esse genericam rationem partis ac totius (1); 2^o; eam esse *scientiam practicam*, nam et ratione principiorum, et applicationis eorundem, magis ad operationem, quam ad veritatis contemplationem respectum habet: 3^o; ejus finem et *objectum remotum* esse bonum praesertim morale, hoc namque tamquam terminum jus naturale pro complexu legum naturalium acceptum, diversaque officia exinde manantia respiciunt; *objectum* vero *proximum* esse ipsas liberas hominum actiones *elicatas*, et *imperatas*, seu potius earundem actionum ad normam legum moralium informationem, et institutionem, id est, rectitudinem morum. Porro *proprie dicti* hominum *mores* (2) aliud non sunt quam habitus quidam constantes ex iteratis actibus acquisiti, ac veluti cum ipsa natura identificati, qui reddunt eos expeditos ad ponendas legibus moralitatis conformes vel difformes actiones, quae ipsos *externos mores* bonos, scilicet, vel pravos referunt; atque hinc ab etymologia vocis $\epsilon\theta\omicron\varsigma$ originem traxit ipsum nomen *Ethicae* seu moralis philosophiae.

Actionum humanarum ad normam legum moralium ins-

(1) In comperto est apud omnes philosophiam praesertim rationalem esse scientiam; philosophiam vero moralem esse partem ejusdem rationalis philosophiae nemo dubitat. Quomodo contingentia objecti non adiuvat veram scientiae rationem et appellationem, vide si vacat. Vol 1 pag. 5 notam 1.

(2) Sunt et aliae harum vocum *mos* vel *mores* acceptiones, scilicet, dum ad indicandam quamlibet consuetudinem vel praxim aliquid faciendi, aut etiam modum se gerendi et operandi provenientem a constantia legum physicarum vel instinctu quodam naturae animalis adhibentur; sic more suo plantae flores et fructus producere, aves nidificare, canes latrare etc. dicuntur.

titutio seu morum informatio, quam sibi pro objecto *moralis* philosophia assumit, ejus in primis utilitatem sufficienter manifestat; pluris namque interest, majorisque emolumentum esse cencetur ab omnibus recte sapientibus studium earum rerum, quae moralis, quam quae physici ordinis ornamentum, perfectionemque constituunt. Evincit quoque ejusdem moralem necessitatem, quamvis enim omnes natura duce ac sponte experiamur in nobis *sensum* quemdam *moralem* (1) seu rationalis naturae instinctum, (quod Aristoteli, Tullio, caeterisque etiam antiquioribus non erat ignotum) cum animus, sicut videre est in pueris ac rudioribus adultis, antequam exactam legum moralium notionem efformet, incipiat jam in quibusdam singularibus actionibus alias approbare improbare alias, veracitatem e. g. bonam, mendaciunt turpe judicando, vel saltem de morali bonitate gaudium, de turpitudine aversionem quamdam manifestando; quin etiam usu quodam ac diuturniori experientia, et perfectiori rationis evolutione accedente plarium veritatum moralium experimentalem cognitionem acquirere valeat; hic tamen *moralis sensus*, seu primitiva quarundam operationum approbatio vel improbatio, nequit *per se* esse absoluta ac indubia nostrarum moralium actionum regula, nisi recto rationis usu ac institutione ad normam universalium principiorum primitiva illa judicia vera secernantur a falsis quae ob ignorantiam, desidiam, aliasque pravas animi cupiditates, et morum corruptionem saepissime illis sociantur. Quod profecto innuit talis institutionis et studii necessitatem ad faciliorem tutioremque moralium actionum directionem.

Hinc autem minime inferas velim moralem philosophiam ejusque studium esse per se sufficiens medium ad rectam morum institutionem vel emendationem, perfectionemque humani generis, et ejus finis certam assecutionem. Neminem namque latere potest, hoc sibi munus potissimum vindicare, illoque felicius ac tutius fungi Religionem superne revelatam, sanctissimamque instituendae vitae rationem, ac morum praecepta e sacris litteris, sanctorumque patrum coelesti doctrina praecipue hauriri, philosophos vero et philosophiam etiam moralem superna revelatione non suffultam, utpote nec ab omni erroris labe immunem, nec omni hominum sta-

(1) De sensu morali cujus multiplex est significatio, apposite inferius loquimur 4 part. artic. ult.

tui, indole, ac conditioni ac comodam, id nunquam praestitisse, nec morali, ut vocant, potentia praestare potuisse (1).

Quia porro homo in suis moralibus actionibus, ex implicita saltem et interpretativa finis sui ultimi seu felicitatis intentione operatur, patet eum noster moralis philosophiae Tractatus sumat necesse est initium a quaestione de felicitate seu ultimo hominis fine, quam deinde excipient quaestiones de actibus humanis generice spectatis, de regula seu norma naturali eorumdem actuum, de statu hominis sociali ac civili, et de officiis ab eadem norma seu lege naturali manantibus; postremo demum loco de actibus humanis in particulari, seu potius de eorum qualitatibus, ut sunt virtutes et mentis affectus, loquemur, ne videlicet graviores quaestiones ad exitum scholastici anni dilatas, minori quam par est studio et leviter dumtaxat instituere, vel etiam omittere contingat. Haud me latet, pauca eaque lectissima, facillique via et ratione, philosophari incipientibus esse proponenda, quare Tractatus hic noster brevior et exilior erit quam ut iis satis facere possit, qui paulo profundius sunt in hac scientia versati; si itaque is unquam in eorum manus deveniat, meminerit quaeso, nos adolentes instituendos suscepisse, non doctos: eos autem satis instituisse arbitramur, ubi primis utilium rerum rudimentis imbuerimus.

Quod autem spectat auctores et progressum moralis philosophiae, ex animadversione superius facta facile colligitur, non esse indiscriminatim asserendum cum de Bonaldio (2), antiquos philosophos eorumque moralem doctrinam praefereendam esse recentioribus, nisi antiquorum philosophorum nomine veniant primi Christiani philosophi simulque Patres Ecclesiae, Justinus, scilicet, Basilius, Chrysostomus, Augustinus, Gregorius, S. Thomas aliique; hi namque superno divinae revelationis lumine collustrati non solum summorum et nicorum, ut Senecae Socratis Platonis Aristotelis, Epicteti, aliorumque moralem philosophiam emendarunt, perfecerruntque, sed etiam quoad eorum moralem doctrinam vel ex solis naturalibus principiis deductam, parem haud agnoscunt inter ipsa saeculi elapsi heterodoxorum lumina, ut sunt Grotius, Pufendorfius, Thomasius, Buddeus, Burlamaquius, etc.

(1) Moralem hanc insufficientiam rationis ac philosophiae humanae circa ipsum principalissimum naturale officium, quale est cultus Deo debitus, inferius in part. 4, cap. 1. art. 3. ostendemus.

(2) Tom. 1. *Mélange Littéraire*. p. 104. art. de la Philos. moral. etc.

qui sibi impudenter Juris naturae instaurationem arrogant. Id vero vel ex ipsa scriptorum protestantium dissensione circa hanc praeminentiam sibi vindicandam luculenter colligitur. Et sane, quis inter protestantes aequius sibi vindicet lauream tanto debitam facinori nisi unus Grotius? Grotius enim primus, si eis fides sit habenda, disciplinam hanc e tenebris eduxit, acerrimoque ingenio et omnigena eruditionis suppellectile instructus, quod mente conceperat opus executioni mandavit. Haec aliaque oppido nobiliora de Grotio protestantes. Atqui iidem grotianum opus velut imperfectum et mancum, quodque secundis curis emendari nequeat, saepissime traducunt. Stat ergo palma Pufendorfio. Obnititur Thomasius, atque omnia miscet, ut cunctis persuadeat, vix ac ne vix quidem mediocriter compertam fuisse Pufendorfio moralem disciplinam. Ipse ergo Thomasius eorum ducet. Negat Wolfius, quandoquidem ipse omnium primus saeculo tandem decimo octavo moralem doctrinam tenebris adhuc involutam maximo nisu in lucem protulit. Atqui illam Wolfius non illustravit sed contenebravit, non statuit sed evertit, si Jacobo Langio fidem adhibeamus. His vero tantum positus, quis istis hominibus inventae absolutaeque moralis doctrinae laudem tribuet, aut eosdem venerandis Ecclesiae Patribus praeferre audebit?

Barbeyraco et Thomasio contra Ecclesiae Patres nimis debacchantibus opponi potest testimonium auctoris fidei minime dubiae scilicet Buddei (1), ita disserentis. „Saepius ab antiquissimis Ecclesiae doctoribus de juris naturalis capitibus haud perfunctorie sermo instituitur. *Basilium Magnum*, *Gregorium Nazianzenum*, ipsumque *Chrysostomum* non tantum graecae, sed universae, quacumque patet, Ecclesiae summum decus evolvat, legat, scrutetur, cui dubium forte ambiguumque id quod a me asseritur, videtur. Hos ingenio acri iudicio singulare juris hujus quaestiones, quoties eas attingerent, attingerunt autem saepius, expedivisse constat, et ipse *Ugo Grotius* restaurator hujus philosophiae felicissimus tum demum et pondus et robur, et lucem insignem se assertis suis consiliare posse, si praesulum horum auctoritate sententiam suam muniret, fuerit opinatus. *Ambrosius* qui plane ad *Tullii* exemplum tres de Officiis libros composuit, quanta solertia in hac doctrinae parte fuerit versatus nemo, puto, ignorat, aut si ignorat, *Ioannem Henricum Boeclerum* adeat velim, qui in praefatione ad hosce *Am-*

(1) *Histor. Juris Naturae* § IX.

«*brocii* libros, quanti istius viri labor sit faciendus, omnes edocuit.» Vide quoque Michaellem Foerschium [1].

Absone autem prorsus iidem protestantium scriptores de inscitia aut ignorantia juris naturalis coarguunt catholicos doctores, quos injuriae gratia scholasticos nominant. Qua in re vel ipsius Grotii testimonio satis refelli possunt; ipse namque haec proferre non dubitat (2): *Scholastici quantum ingenio valeant, saepe ostendunt. Sed in infelicia, et artium bonarum ignara saecula inciderunt: quominus mirum, si inter multa laudanda, aliqua et condonanda sunt. Tamen ubi in re morum consentiunt, vix est, ut errent, quippe perspicaces admodum ad ea videnda quae in aliorum dictis reprehendi possunt, in quo ipso tamen diversa tuendi studio laudabile praebent modestiae exemplum rationibus inter se certantes, non, qui mos nuper adeo litteras inquinare coepit, convictis turpi foetu impotentis animi.* Quid quod, memoratum et celebre Grotii opus quidquid boni continet, illud velut a fonte a catholicis doctoribus, quales sunt e. g. Dominicus Soto, Molina, Suarez etc, derivavit; quos etiam passim ad margines indigitat. Ostendant praeterea protestantium scriptores vel unicum moralis doctrinae caput ab eorum doctoribus inventum vel exornatum, quod non fuerat a catholicis jam in antecessum traditum. Wolfius quoque opibus scholasticorum dives factus est, ut insipienti ejus practicam philosophiam facile patere potest. Insaniunt itaque contrarium opinantes Pufendorfius (3), Buddeus (4) Tomasius [5], Scheirschmidius (6), Fleischierus [7], quin et ipse Heineccius [8]. Vide quae hac de re egregie et uberrime disserit Joan. Franc. Finetti (9).

Hanc protestantium in catholicos doctores qui Grotium praecesserunt calumniam nunc temporis etiam repetit recen-

[1] In *Dissertatione* de philosophia morali et jurisprudentia naturali christiana veterum Ecclesiae doctorum, in qua Clementis Alexandrini, Gregorii Nisseni, Lactantii, et Augustini praeclara ad rem exhibet exempla.

[2] *De jure belli et pacis*. Prolegomen. n. 52.

[3] *De jure Natur. et Gent.* Praef. edit. Lips. 1744.

[4] *Hist. juris Natur.* § XI.

[5] *Hist. jur. Natur.* cap. 3, § 11.

[6] Praefat. in *Element. juris Natur.*

[7] Praefat. *Instit. juris Natur. et Gent.*

[8] *Element. juris Natur.* Praef. edit. Venet.

[9] *De princip. jur. Natur. et Gent.* tom. 1. lib. 1. per totum.

tissimus auctor, haud scio utrum protestans aut deista an vero utrumque simul, H. Ahrens (1) in libera Universitate Bruxellensi Juris naturalis professor. Oleum autem prorsus et operam perdes, si his catholicis doctoribus quempiam parem velles invenire inter insanum saeculi decimi octavi materialistarum vel deistarum philosophorum [quales sunt Helvetius, Tracy, Condoreet, Diderot, Voltaire, Rousseau etc.] agmen, quod ne cum sapientioribus quidem ethnicis absque injuria possit comparari. Ex nostris recentioribus in exornanda morali philosophia laudabile studium et operam navarunt, Finetti, Gerdil, Spedalieri, Zallinger, Muratori, Stellini, Piccadori, Galluppi, Rosmini, Pacelli, aliique.

PARS PRIMA

DE FELICITATE SEU ULTIMO HOMINIS FINE, ET ACTIBUS
HUMANIS GENERICE SPECTATIS.

1. Inter omnia hujus aspectabilis mundi entia, necessitate eorum constitutionis in proprium finem directa, solus homo utpote *rationalis* se ipsum in finem dirigit, atque propter finem operatur, cum hoc perceptionem illius quod tantum futurum est, et relationis mediorum cum fine requirat: finis praeterea in actibus humanis praesertim moralibus principalis est motor et causa, hinc patet quaestiones hujus partis nostri tractatus magnum inter se habere nexum, praesertim si advertas quae Tullius de fine hominis seu summo bono praeclare dixit (2): *Hoc enim constituto, in Philosophia constituta sunt omnia.... summum autem bonum si ignoretur, vivendi rationem ignorare necesse est. Ex quo tantus error consequitur, ut quem in portum se recipiant, scire non possint. Cognitis autem rerum finibus, cum intelligitur quid sit, et bonorum extremum et malorum, inventa vitae via est, conformatioque omnium officiorum.*

[1] *Cour de Droit Naturel ou de Philosophie du Droit* Bruxelles 1838 et 1840, ubi 1^{re} livraison pag. 66. haec habet: *La philosophie scolastique du moyen âge a fait faire peu de progrès au Droit naturel, dont les principes, au lieu d'être rationnellement développés, furent subordonnés à des dogmes religieux vagues et souvent confus.*

[2] *De Finibus* lib. 5. cap. 6.

«*brocii* libros, quanti istius viri labor sit faciendus, omnes edocuit.» Vide quoque Michaellem Foerschium [1].

Absone autem prorsus iidem protestantium scriptores de inscitia aut ignorantia juris naturalis coarguunt catholicos doctores, quos injuriae gratia scholasticos nominant. Qua in re vel ipsius Grotii testimonio satis refelli possunt; ipse namque haec proferre non dubitat (2): *Scholastici quantum ingenio valeant, saepe ostendunt. Sed in infelicia, et artium bonarum ignara saecula inciderunt: quominus mirum, si inter multa laudanda, aliqua et condonanda sunt. Tamen ubi in re morum consentiunt, vix est, ut errent, quippe perspicaces admodum ad ea videnda quae in aliorum dictis reprehendi possunt, in quo ipso tamen diversa tuendi studio laudabile praebent modestiae exemplum rationibus inter se certantes, non, qui mos nuper adeo litteras inquinare coepit, convictis turpi foetu impotentis animi.* Quid quod, memoratum et celebre Grotii opus quidquid boni continet, illud velut a fonte a catholicis doctoribus, quales sunt e. g. Dominicus Soto, Molina, Suarez etc, derivavit; quos etiam passim ad margines indigitat. Ostendant praeterea protestantium scriptores vel unicum moralis doctrinae caput ab eorum doctoribus inventum vel exornatum, quod non fuerat a catholicis jam in antecessum traditum. Wolfius quoque opibus scholasticorum dives factus est, ut insipienti ejus practica philosophiam facile patere potest. Insaniunt itaque contrarium opinantes Pufendorfius (3), Buddeus (4) Tomasius [5], Scheirschmidius (6), Fleischierus [7], quin et ipse Heineccius [8]. Vide quae hac de re egregie et uberrime disserit Joan. Franc. Finetti (9).

Hanc protestantium in catholicos doctores qui Grotium praecesserunt calumniam nunc temporis etiam repetit recen-

(1) In *Dissertatione* de philosophia morali et jurisprudentia naturali christiana veterum Ecclesiae doctorum, in qua Clementis Alexandrini, Gregorii Nisseni, Lactantii, et Augustini praeclara ad rem exhibet exempla.

(2) *De jure belli et pacis*. Prolegomen. n. 52.

(3) *De jure Natur. et Gent.* Praef. edit. Lips. 1744.

[4] *Hist. juris Natur.* § XI.

(5) *Hist. jur. Natur.* cap. 3, § 11.

(6) Praefat. in *Element. juris Natur.*

(7) Praefat. *Instit. juris Natur. et Gent.*

(8) *Element. juris Natur.* Praef. edit. Venet.

(9) *De princip. jur. Natur. et Gent.* tom. 1. lib. 1. per totum.

tissimus auctor, haud scio utrum protestans aut deista an vero utrumque simul, H. Ahrens (1) in libera Universitate Bruxellensi Juris naturalis professor. Oleum autem prorsus et operam perdes, si his catholicis doctoribus quempiam parem velles invenire inter insanum saeculi decimi octavi materialistarum vel deistarum philosophorum [quales sunt Helvetius, Tracy, Condoreet, Diderot, Voltaire, Rousseau etc.] agmen, quod ne cum sapientioribus quidem ethnicis absque injuria possit comparari. Ex nostris recentioribus in exornanda morali philosophia laudabile studium et operam navarunt, Finetti, Gerdil, Spedalieri, Zallinger, Muratori, Stellini, Piccadori, Galluppi, Rosmini, Pacelli, aliique.

PARS PRIMA

DE FELICITATE SEU ULTIMO HOMINIS FINE, ET ACTIBUS
HUMANIS GENERICE SPECTATIS.

1. Inter omnia hujus aspectabilis mundi entia, necessitate eorum constitutionis in proprium finem directa, solus homo utpote *rationalis* se ipsum in finem dirigit, atque propter finem operatur, cum hoc perceptionem illius quod tantum futurum est, et relationis mediorum cum fine requirat: finis praeterea in actibus humanis praesertim moralibus principalis est motor et causa, hinc patet quaestiones hujus partis nostri tractatus magnum inter se habere nexum, praesertim si advertas quae Tullius de fine hominis seu summo bono praeclare dixit (2): *Hoc enim constituto, in Philosophia constituta sunt omnia.... summum autem bonum si ignoretur, vivendi rationem ignorare necesse est. Ex quo tantus error consequitur, ut quem in portum se recipiant, scire non possint. Cognitis autem rerum finibus, cum intelligitur quid sit, et bonorum extremum et malorum, inventa vitae via est, conformatioque omnium officiorum.*

(1) *Cour de Droit Naturel ou de Philosophie du Droit* Bruxelles 1838 et 1840, ubi 1^{re} livraison pag. 66. haec habet: *La philosophie scolastique du moyen âge a fait faire peu de progrès au Droit naturel, dont les principes, au lieu d'être rationnellement développés, furent subordonnés à des dogmes religieux vagues et souvent confus.*

(2) *De Finibus* lib. 5. cap. 6.

Supponimus autem in tractatione omnium subsequentium quaestionum inesse nobis Dei cognitionem, non logicam dumtaxat et idealem sed objective realem; illudque manifestum discrimen inter objectum intellectus et voluntatis seu inter verum et bonum, quod scilicet operatio intellectus praescindat ab actuali sui objecti existentia, operatio vero voluntatis eam necessario supponat, idque apertum fit ex diverso utriusque facultatis in suum objectum tendendi, seu illud prosequendi modo (1).

CAPUT I.

DE FELICITATE SEU ULTIMO HOMINIS FINE.

2. Posse et debere actu dari felicitatem seu beatitudinem quae sit ultimus omnium hominum finis in comperto habetur; etenim humanae naturae constitutio id intrinsece postulat, tum quia secus non haberet certum terminum in quem iuxta rationis dictamen suas dirigeret operationes, tum quia in intentionibus sicut et in electionibus nequit fieri progressus in infinitum (2). Praeterea appetitus cujusdam felicitatis, si non essentialis saltem naturaliter (3) omnibus

(1) Discriminis hujus ratio inde petenda est, quod intellectus tendat in verum per *intuitum*, voluntas autem in bonum per *prosecutionem*. Vide, si vacat, quae de hoc discrimine diximus in *Metaphysica* et praesertim *Psychologiae* cap. 3. in initio.

(2) In iis quae appetimus propter aliquid aliud animus noster non conquiescit, sed ultra semper porrigitur, estque velut in continua tendentia: si itaque nihil esset quod ratione suit et tamquam quid ultimum appeteremus, sequeretur 1^o. tendentiam hanc inanem esse, utpote fixo termino destitutam: 2^o. vergere ad impossibile, cum in iis quae ultra et ultra sine ullo limite variari queant deberet posse transiri infinitum, et insuper supponat terminos relativos, absque eo quod a relatione non pendet.

(3) Revocanda hic est in mentem nota illa distinctio inter *essentialem* et *naturalem* alicuius entis proprietatem; qua distinctione supposita, evidens erit, appetitum cujusdam felicitatis indeterminate sive saltem imperfectae, esse homini essentialem, sicut essentialis est homini habere voluntatem ac per consequens rationalem tendentiam in bonum, bonum enim et felicitas indeterminate accepta convertuntur. Quod si sermo fiat de felicitate perfecta atque perpetua, haec non nisi animo nostro naturalis, seu quatenus physice ita constitutus fuit, esse dicenda est, cum conceptus entis finiti ratione et voluntate praediti nullatenus pe-

hominibus insitus, utpote ab educationis, conditionis, praedudiciorum, et opinionum diversitate minime pendens, tamquam vox ipsius naturae habendus est; unde merito dicebat S. Augustinus (1): *omnium sententia est, qui ratione quomodo uti possunt, beatos esse omnes homines velle, et alibi (2) reprehendens quorundam non rectas assertiones subiecit: At si dixissent, omnes beati esse vultis, miseri esse non vultis, dixissent aliquid quod nullus in sua non agnosceret voluntate. Quidquid enim aliud quisquam latenter velit, ab hac voluntate, quae omnibus hominibus satis nota est, non recedit.* Porro natura nihil frustra operatur, neque Deus poterat frustraneas suoque destitutas objecto propensiones cuilibet tribuere naturae. Quaestio itaque hac in re circa duo versabitur, scilicet, quodnam sit objectum hujus felicitatis, et in quo consistat ejusdem assecutio. Quia vero horum inquisitio postulat claras notiones *appetitum*, *boni*, et *finis*, omissis pluribus de hoc in metaphysica dictis (3), juvabit in primis paucis perstringere ea quae propius ad praesentes pertinent quaestiones.

ARTICULUS I.

NOTIONES PRAEVIAE.

3. Appetitus, seu propensio animi nostri in bonum, dividi solet in *naturalem* et *elicitem*, qui potest esse sensitivus vel rationalis, non quasi appetitus *elicitem* non fundaretur quoque, vel non proveniret a natura et vi subjecti appetentis, sed quia hic exeritur ab animo sponte et ex praeeconcepta clara appetibilis objecti cognitione, ille vere perficitur quadam necessitate et impulsu naturae, non supposita etiam

reat, etsi supponatur tale ens ad aliquam dumtaxat temporalem felicitatem ordinatum.

(1) Libr. 10. de *Civit. Dei* cap. 1.

(2) Lib. 12. de *Trinit.* cap. 13. Porro reprehendit ibidem quorundam histrionum impudentiam, qui indoctae plebis cogitata atque sensa se divinatos simulantes atque repromittentes, fidem datam solvere autumabant dicendo e. g. omnes divites esse vultis: omnes homines laudari desiderant: etc.

(3) Videri haec possunt *Theolog. natur.* cap. 1. art. 2. *Psycholog.* cap. 2. art. penultimo. *Cosmolog.* art. ultim.

clara objecti in quod fertur cognitione, ita ut in tali appetitione, juxta praedestinationem Auctoris naturae, animus potius agatur in finem, quam agat propter finem. Idem dicatur de aversione mali. Appetitu sive naturali sive elicito non ferimur nisi in aliquod bonum sive illud fuerit verum sive apparens, sicut non aversamur nisi malum saltem quoad apprehensionem; tum quia unaquaeque facultas speciem sumens a suo objecto, extra illud ferri non potest; cum etiam quia malum quatenus malum, utpote privatio realitatis et convenientiae non nisi rationem aversionis seu fugae, et bonum quatenus bonum, utpote enti conveniens et illud perficiens, non nisi rationem appetitionis vel prosecutiones habere potest. Adde etiam, quod sicut intellectus nequeat approbare falsum quatenus est falsum, et reprobare verum quatenus est verum, ita et voluntas debet se habere relate ad malum et bonum. Ejus autem libertas id tantum postulat ut inter plura bona unum alteri, vel etiam malum bono, sed semper sub aliqua saltem apparenti ratione boni, praeferre et eligere velit. Hinc et desperati, et qui violentias sibi manus injiciunt, non appetunt *non esse* seu malum *ratione sui*, sed ratione immunitatis a calamitate vel angustia; et ipsi damnati non aversantur Deum, nisi sub falso conceptu tamquam injusti et crudelis.

4. Bonum considerari potest vel *absolute* seu *in se*, scilicet tamquam aliqua realitas metaphysica, aut physica; vel *relative*, tamquam quid perficiens et conveniens naturae alicujus entis; hoc secundo modo spectatum definiri potest cum Aristotele, *id quod omnia appetunt*, quae definitio *simpliciter* vera erit, si eam ita intelligas, ut omne id quod appetitur sit aliquod bonum, per *analogiam* dumtaxat, si ad rationem boni requiras ut ab omnibus entibus appetatur: etenim prope, dictus appetitus utpote aliquam cognitionem rei appetendae et intrinsicam activitatem supponens, nequit convenire rebus inanimis; in ipsis igitur non datur nisi quaedam perfectionis eorum naturae convenientis exigentia, quae ab extrinseca ordinatione dimanat, sumiturque per *analogiam* pro quadam appetitione. Hinc colliges quid intellexerint antiquiores philosophi hac eorum generalissima assertionem sive axiomate, *omne ens appetit suum esse*. Bona quae appetimus alia sunt *creata*, scilicet, bona fortunae sive externa, et bona animi sive interna; aliud *increatedum*, quale est solus Deus.

5. Finis, seu id propter quod causa efficiens operatur, spectari potest vel quatenus est in *intentione* agentis, et su-

mitur tamquam principium vel causa finalis operationis, movens et alliciens operantem ad opus, vel quatenus est *terminus* operationis, et tunc accipitur materialiter et objective, nempe pro ipso objecto expetito, quod ratione sui amatur et quaeritur, et in cujus assecutione appetitus conquiescit, per oppositionem videlicet ad media, quae non appetuntur nec amantur nisi ratione alterius, id est finis, ad cujus assecutionem conducunt: sic e. g. medicinae sunt medium ad sanitatem, quae ratione sui proxime appetitur. Verum quia sanitas potest adhuc referri tamquam medium ad aliquid, hinc non est finis ultimus *simpliciter et absolute*, sed tantum relative, id est in suo genere et *secundum quid*. Ut itaque aliquid sit finis *ultimus simpliciter, et absolute*, debet expeti ratione sui integre et totaliter, nec ad aliud posse referri. Finis et bonum convertuntur licet inadaequate (1); finis igitur hominis *ultimus simpliciter* erit bonum illud quod tantum ratione sui appetitur et amatur ex integro, et in cujus assecutione appetitus hominis perfecte conquiescit; idque colligitur ex ipsa *ultimi simpliciter* finis natura, et oppositione ad finem *relative* ultimum, nec non ex facto; siquidem vel nihil esset admittendum tamquam finis ultimus, quod est falsum ex dictis superius (n. 2.), vel si quid hujus generis admittatur, debet illud non nisi ratione sui posse appeti, secus non differret a fine *proximo* seu tantum *secundum quid* ultimo: constat insuper posse hominem intendere aliquid in cujus assecutione plane conquiescat, et ad quod dirigat totum se, et omnia sua, quantum est ex modo appetendi.

Porro homo finem suum ultimum *simpliciter*, vel appetit sub quadam universali seu communi ratione ejusdam boni sufficientis, perfecti, et necessarii; vel sub ratione alicujus boni determinati, in utroque casu nequeunt ab homine duo aut plures fines *simpliciter* ultimi *simultaneae* intendi; quod de primo est per se manifestum, cum bonum sub ratione communi et transcendentali apprehensum nequit esse nisi unicum, nec in eo ut tali fas est varietatem excogitare (2). Secundum vero evidenter proba-

(1) Cum finis alliciat operantem ad opus, debet necessario esse aliquod bonum saltem in apprehensione; hinc omnis finis intentus est aliquod bonum. Quia vero aliqua bona e. g. sumptio cibi et potus relate saltem ad hominem, nequeunt habere rationem finis; hinc non omne bonum potest esse consideratum tamquam aliquis finis.

(2) In transcendentali conceptu, ut constat ex Logica et Me-

tur, nam ex ratione finis simpliciter ultimi, bonum quod appetitur debet existimari tamquam per se sufficiens, necessarium et appetitum perfecte quietans, si igitur unum tale est, alterius necessitatem, et simultaneam potentiam appetitus tendendi in istud excludit; vel si hoc non excludat, neutrum illorum bonorum erit finis simpliciter ultimus, sed potius complexio utriusque.

6. Nec juvat oponere 1.^o; saltem per errorem circa naturam finis ultimi poterit homo appetere simultanee duo bona sub ratione finis ultimi simpliciter; sicut per errorem potest colere duos Deos. 2.^o; qui duplex grave peccatum simultanee patrat, in duabus rebus creatis quas praefert Deo, finem suum ultimum simultanee constituit: 3.^o; recte amamus Deum etiam simultanee, et ut ultimum finem seu bonum propter se ipsum amabile, et ut finem ultimum nostrum, seu quia est bonus nobis; ergo duplicem finem etc.

Etenim respondemus ad 1.^m. qui 'speculativus errat et ex inde existimat, se amare plura bona ut fines ultimos simpliciter, non impeditur, quominus praeciae et in exercitio non intendat illos ut fines dumtaxat relativos, quandoquidem alterutro tantum non es revera contentus.

Eadem responsio valet ad 2.^m; praeterea nos defendimus duos fines ultimos non posse simultanee appeti sub propria dumtaxat et formali ratione finis simpliciter ultimi; jam vero non est necessarium, quod peccator peccando tendat in duas res creatas sub formali ratione ultimi simpliciter finis et boni sufficientis, sed interpretative dumtaxat, et secundum moralem imputationem; quatenus videlicet, sciens propter inordinatum illarum rerum amorem amitti Deum et suum ultimum finem, nihilominus ita easdem prosequitur, ut saltem implicite nuncium remittat Deo libensque et volens ita iisdem inhaeret quasi ipsae ejus ultimum constituerent finem (1).

tapsica, omnis differentiae notio excluditur, igitur objectum hujusmodi conceptus nequit esse multiplex.

(1) Quidam auctores ad declinandam hujusmodi difficultatem inquirunt, eum qui duo vel plura peccata simultanee patrat non duas vel plures res creatas sed se ipsum dumtaxat Deo praeferre, quatenus nempe id facit semper ex inordato suis ipsius amore. Verum quia plerique doctorum vel ex eo turpitudinem peccatorum eruunt, quod peccantes rebus vilissimis Deum postponent, idque sensu implicito et interpretativo

Ad 3.^m. Dicimus, duo haec motiva amandi Deum possunt inprimis spectari conjunctim ita ut ex utroque exurgat unus finis ultimus, qui primo et ratione sui intenditur. Deinde si motiva haec ad duos distinctos actus referas, tunc tendentia in Deum tamquam bonum nobis, et hic, ut ita dicam, amor propriae utilitatis, qui dicitur amor concupiscentiae, ne sit inordinatus, non excludit tendentiam in Deum tamquam finem simpliciter ultimum propter se amabilem, amoremque ejus *gratuitum* seu benevolentiae, sed potius ab eo dimanat, vel ad ipsum implicite refertur. Non enim qui amat Deum tamquam bonum sibi, ordinat Deum ad se ut ad finem, seu ut minus perfectum ad perfectius (quod utique inordinatum esset), sed amat dumtaxat conjungi illi bono prout est bonum perfectissimum et ultimus finis suus.

7. Tandem sicut ultimus hominis finis ita et beatitudo sumitur, vel pro ipsa re extrinseca qua homo est beandus, et vocatur *beatitudo objectiva*, vel pro assecutione et possessione illius rei vel objecti, et dicitur *beatitudo formalis*; utraque tamen suo modo concurrit in unum, sine quo haberi nequit hominis beati status, quem Boëtius apte definiit, *Status omnium bonorum aggregatione perfectus*; quatenus nempe est assecutio ultimi ac supremi boni, quod ab homine *viribus naturae* desiderari potest, quodque in se cetera bona virtute praecontinens, *naturalem* ejus felicitatis capacitatem replet. Status hic praeterea postulat etiam dotes sequentes; 1.^o, exclusionem omnis mali; quod potissime felicitati adversatur: 2.^o, firmitatem et immutabilitatem in bono, a summa namque felicitate transitus fieri nequit nisi in statum ac conditionem deteriore: 3.^o, indeficientiam seu perennitatem; etenim periculum amissionis illius status, jam per se solum constitueret maximam infelicitatem. Vide dicta alibi (1). De utraque istiusmodi beatitudine separatim sermonem habebimus.

semper verum est, patet responsionem a nobis datam sufficientissimam esse.

(1) *Psychologiae* cap. 1. art. 4

ARTICULUS II.

DE NATURALI HUMANA BEATITUDINIS OBJECTO.

8. Quae fuerint et quam dissentientes hac de re Philosophorum sententiae videri potest apud Lactantium (1) et Augustinum (2). Tres tamen sunt celebriores: Epicuri in voluptatibus corporeis humanae beatitudinis objectum constituerunt; his assentiuntur etiam recentiores Isalaemita, eamque beatitudinem ad saturam vitam extendunt. Stoici cum Zenone et Socrate, in eo quod est *vivere convenienter naturae ac rationi*. Aristoteles cum suis in perfectissima operatione intellectus, non exclusis functionibus virtutum moralium, caeterisque bonis fortunae ac corporis. Hi omnes bonum dumtaxat creatum saltem immediate prae oculis habuerunt, nec de animi natura vel futura vita ac Deo ut par est iudicaverunt. Propius ad veritatem accessit Plato beatitudinem constituens in contemplatione ejusdem *universalis idae boni*; quae pariter si objecto physice reali destituta supponeretur, foret tantum ideale ac illusorium beatitudinis objectum (3). Contra hos generatim sit

PROPOSITIO.

Nullum bonum creatum, sed solus Deus est objectum sufficiens (4) humanae beatitudinis.

9. Prob. 1^a. pars. Ex conditionibus (n. 7.) expositis,

(1) *Divinarum Institut.* libr. 3.

(2) *De Civit. Dei* libr. 19.

(3) Aristoteles *Ethicor.* libr. 1. cap. 6. sententiam Platonis sui magistri pluribus insectatur, contendens nullum dari bonum universale, omne bonum esse determinatum. At Plato videtur considerasse non bonum universale in abstracto, quod utique nihil est, sive quatenus est tale non existit, sed bonum universale objective quatenus refertur ad summum bonum sive Deum. Hunc sensum Platoni attribuunt Dionysius, Justinus, Clemens Alexandrinus, Augustinus, alique, eumque sic vindicant. Id etiam forte colliges facillime ex Dialogo 6. *de Republica*.

(4) Consulto utimur hac voce *sufficiens* ut praescindamus a distinctione beatitudinis essentialis et accidentaliter, et a quaestio-

objectum beatitudinis debet tantum propter se appeti, appetitum perfecte explere, omne malum excludere, et stabile ac indeficiens esse; haec autem, ut experientia et ratio ostendit, in nullo bono creato inveniuntur. Cum enim naturalis tendentia voluntatis nostrae sit in bonum universale sicut intellectus in verum, et cum bona creata seorsim vel collective sumpta sint semper quid particulare ac limitatum, et eorum alterum possit et quandoque debeat esse sine altero, nec quidquam in se habeant, unde ad aliquid aliud non referantur vel stabilitatem ac indeficientiam involvant; possunt quidem appetitum nostrae felicitatis allicere et acere, minime tamen explere et quietum reddere; nam solus etiam metus amissionis eorum, et conflictus quo unius usus impedit plerumque usum alterius, sunt malum naturaliter ipsis conjunctum, et ab objecto beatitudinis omnino excludendum.

Praeterea bona creata vel sunt bona *fortunae*, ut divitiae, honor, gloria, potestas, robur, sanitas, pulchritudo corporis, vel bona *animi*, ut voluptas, morales virtutes, scientiae; jam vero nihil eorum potest in se habere rationem ultimi finis et beatitudinis humanae: 1^o, divitiae *artificiales* ut sunt pecuniae, praedia etc. non appetuntur nisi ratione divitiarum *naturalium*, seu rerum necessariorum ad conservationem et commodum vitae praesentis; suntque omnes simul quid inferius bono intellectuali ac rationali, communes aequae bonis ac malis, maximeque instabiles. 2^o, idem dicatur de honore, gloria et potestate; honor namque quaeritur quatenus est *alterius testimonium* cujusdam nostrae excellentiae, unde a sapientioribus magis appetimus honorari; non perficit itaque honoratum, pendet ab opinione humana saepius fallaci et semper instabili, sicut et gloria seu fama, quae cum sit *clara cum laude notitia*, appetitur tantum ratione honoris, quem ex tali notitia expectamus; ergo sicut et honor nequit habere rationem ultimi finis. Potestas autem humana, ut ait Boetius (1) *sollieitudinum morsus expellere, formidinum aculeos vitare nequit*: est praeterea communis bonis ac malis, etiam invito auferri, et acquisita in perniciem trahere potest; quae omnia beatitudinis objecto competere nequeunt. 3^o. Robur, sanitas, et pulchritudo corporis est homini communis

ne utrum bona creata saltem quaedam ad objectum secundarium beatitudinis pertineant, eamque accidentaliter augeant: tales namque quaestiones aut sunt inanes, aut parvi admodum ponderis.

(1) *De Consol.* libr. 3.

cum bellis, quemadmodum et sensitiva voluptas, quae ex bono delectabili secundum sensum percipitur, quaeque insuper indita est animali naturae propter operationem, et ejusdem conservationem; beatitudo autem quae sit ultimus finis, bonum hominis quatenus rationalis constituere debet, cui bono quanto magis quis inhaeret, tanto magis deberet perfici, cum e contrario quanto magis sensitivae voluptati quis indulget, tanto magis ad conditionem brutorum deprimitur, ineptusque ad intellectuales operationes efficitur. Videant itaque epicurei eorumque gregales quam nefandam homineque indignam beatitudinem praestolentur.

10. At neque morales virtutes et scientiae, quaeque utriusque functiones vel assecutionem subsequitur intellectualis voluptas, sunt objectum sufficiens humanae beatitudinis; tale namque forent, ut arguit Lessius (1), vel quatenus sunt in habitu, vel in actu: non primum, quia habitus non sunt propter se expetendi, sed propter actus, ab his ulterius perficiuntur, et sine his sive subsequenti eorum exercitio plerumque sunt et esse possunt. Non alterum, quia vel in omnibus actibus virtutum aut scientiarum consisteret, vel in singulis; non in omnibus simul, nam omnes actus virtutum et scientiarum, tum propter oppositionem tum successionem, a nemine exeri simultanee possunt, etiam aequivalenter (2): non in singulis; etenim et in se sunt aliquod bonum finitum, ac proinde forent dumtaxat pars beatitudinis, et eorum collectio nequit esse quid infinitum. Nonne etiam omnis humana scientia ignorantiae, et virtus imperfectioni sociatur?

Insuper omnes homines sensu quodam naturae rationalis, summum eorum bonum censent esse praemium virtutis, virtutisque functiones dirigunt in obsequium Dei omnis justitiae ac rectitudinis praeceptoris et custodis. Non sunt igitur morales virtutes objectum beatitudinis, sed medium ejusdem assequendae, ab ipso objecto distinctum, sicut opus mercenarii a mercede, et prava operatio a supplicio seu poena, distinguuntur. Praeterea, summum bonum sub ratione ultimi finis, debet mentes hominum posse sufficienter excitare

(1) *De summo Bono* libr. 1. cap. 7.

(2) Actus aliquis e. g. cognitiones qui intensione suae perfectionis aequivaleret cunctis scientiis, deberet simultanee exhibere ens sub omni illa multiplici relatione sub qua in diversis scientiis consideratur, vel potest considerari; quod ut per se patet, humanae mentis limites, quae ut plurimum dividendo et componendo cognoscit, evidenter superat.

ad bene vivendum; at pulchritudo virtutis et scientiarum, voluptatisque intellectualis utriusque functiones concomitantis, est quid valde abditum, et a paucis admodum altius dumtaxat ac sublimius rerum naturas scrutantibus percipitur.

11. Nullius autem sunt ponderis rationes aut potius assertiones adversariorum dicentium; omnes naturaliter appetere voluptatem et quidem ratione sui ac per se, illaque praesertim quae percipitur omni dolore excluso, veluti summo bono gaudere, ita ut quemadmodum summum malum vitam doloribus refertam ducere, ita summum bonum perpetuis frui animi et corporis voluptatibus, arbitrantur. Quin imo ipsam sapientiam et virtutes a nemine expeti, nec vitia respui, nisi tamquam media ad animi tranquillitatem procreandam et avertendum dolorem.

Respondemus etenim haec omnia nihil aliud inuere, quam naturale desiderium felicitatis (quae certe in aliquo animi bono cum exclusione omnis mali consistit) ita nobis insitum esse, ut modus ipse hujus tendentiae sit quoque naturalis, unde quidquid appetimus voluptatis cujusdam, vel potius delectationis et tranquillitatis animi causa appetimus; sed quia, ut dictum fuit, nullum bonum creatum par est huic desiderio explendo, et voluptates seu delectationes ipsae sunt propter operationem ac convenientem naturae honorum prosecutionem, ejusque effectus, patet hujusmodi voluptatem non esse illud bonum quod rationaliter debemus exquirere, neque eam a nobis ratione sui appeti; praesertim quod majorem sui sensum excitat dum quis e. g. honorem divitias sibi comparat, quam dum his potitus ea possidet, nova namque statim accenditur cupiditate, animi tranquillitatem amittit, novumque bonum inquirat, ut nova iterum voluptate poliantur.

12. Prob. II^a pars. Solum Deum seu increatum bonum esse sufficiens humanae beatitudinis objectum, potest in primis ostendi per exclusionem; ex eo scilicet, quod inter bonum creatum et increatum non detur medium, et duo fines simpliciter ultimi nequeant simultanee intendi; quodque solus Deus, utpote plenitudo et fons omnis entitatis, realitatis, ac perfectionis sic illud verum ac bonum perfectissimum, rationali nostro appetitui tendenti in omne verum ac bonum explendo, proportionatum. Deinde sicut (n.º 2.) ex naturali felicitatis appetitui intulimus debere aliquam beatitudinem necessario dari, ita quia appetitus iste tendit in bonum perfectum, quod praeter

Deum non datur, legitime infertur Deum tantum esse huiusmodi objectum: secus conditio humana deterior foret conditione brutorum, quorum appetitus proprio objecto non caret. Praeterea, ex principio in metaphysica probari solito (1) omnia scilicet entia tendere in Deum tamquam in ultimum finem, quem assequuntur, ut ostendit S. Thomas (2), per assimilationem bonitati divinae, sunt namque bona participata et solus Deus est ipsa sua bonitas, necesse est quod, ait idem Doctor (3) *intellectuales creaturae aliquo speciali modo ad ipsum pertingant: scilicet per suam propriam operationem intelligendo ipsum* (per hoc enim maxime assimilantur Deo): *unde oportet quod hoc sit finis intellectualis creaturae, scilicet intelligere Deum.* Atque huc pertinet quoque ejusdem argumentum 3^m. et 5^m. (4).

Neque hinc inferas caeteras res creatas esse beatitudinis capaces, quia ultimum finem seu Deum assequuntur: quamvis enim Deus sit finis ultimus omnium, non tamen eodem modo. Homo enim ad Dei imaginem conditus potest per suas actiones proxime attingere Deum, cognoscendo scilicet et amando, et ideo potest proprie assequi illum et esse beatus; hinc est quod homo dicitur in medijs te creatus propter Deum, non tantum ut manifestet e et attributa, sed etiam ut sub ratione simpliciter optimi ultimi boni eum assequatur.

Praeterea tandem non possunt duo alia ejusdem S. Doctori argumenta, octavum nempe et nonum (5): «Naturaliter inest omnibus hominibus desiderium cognoscendi causas eorum quae videntur.... Nec sistit inquisitio quousque perveniatur ad primam causam, et tunc perfecte nos scire arbitramur, quando primam causam cognoscimus. Desiderat igitur homo naturaliter cognoscere primam causam quasi ul-

(1) Vide si lubet *Cosmologiae* art. ultim.

(2) *Contra Gent.* lib. 3.

(3) *Ibidem* cap. 23.

(4) Ut horum argumentorum vis intelligatur, advertenda sunt tria velut principia seu notiones quas ibidem supponit S. Doctor: 1.^o cognitionem per id perfici, quod cognoscibile constituitur in intellectu per sui similitudinem. 2.^o, perfectius esse actu cognoscere quam solum in habitu vel potentia. 3.^o, diversa entium genera diversimode participare divinam bonitatem, eidemque assimilari potissime per activitatem illorum.

(5) Ejusdem cap. 23. lib. 3. *contra Gent.*

«timam finem: prima autem omnium causa Deus est; est igitur ultimus finis hominis cognoscere Deum.»

«Cujuslibet effectus cogniti naturaliter homo causam scire desiderat, intellectus autem humanus cognosci ens universale: desiderat igitur naturaliter cognoscere causam ejus (1), quae solum Deus est.... Non est autem aliquis assecutus finem ultimum quousque naturale desiderium quiescat: non sufficit igitur ad felicitatem humanam, quae est ultimus finis, qualiscumque intelligibilis cognitio, nisi divina cognitio adsit, quae naturale desiderium quietet sicut ultimus finis; est igitur ultimus finis hominis ipsa Dei cognitio.»

13. Deum non esse humanae beatitudinis objectum arguunt in primis, ex eo quod sit ens infinitum, et animi facultates finitae; proinde nullam ad ipsum proportionem habentes, secus specificarentur ab objecto, et mutarent naturam. Confirmatur 1.^o quia Deus est sibi objectum suae beatitudinis; non foret itaque discrimen infinitum inter objectum beatitudinis substantiae increatae et creatae. 2.^o, quia quicumque beatitudinem appetunt, deberent appetere bonum infinitum, quod falsum est in his qui beatitudinem in improprio objecto reponunt. 3.^o, quia cum supernaturalis quoque beatitudinis objectum, ut fides docet, sit Deus, nullum haberetur discrimen inter utramque beatitudinem.

Respondetur distinguendo. Inter facultates animi et infinitum objectum nulla quidem habetur proportio naturae non autem *habitudinis*, quae sita est, ut in fundamento monuimus, in eo quod homo ad Dei imaginem conditus habeat facultates tendentes in omne verum ac bonum, quale ens [revera cognoscibile] est tantum Deus, cui proinde cognoscendo et amando, licet in se ac *subjective* dicantur finitae pares sunt. Haec sane *habitudinis* proportio postulat aliquam proportionem *entitatis*, quatenus scilicet non debet esse fundata in nihilo, vel in ente irrationali; at non *omnimodam* nisi in casu quo facultates deberent attingere objectum adaequate, vel modo ejusdem naturae respondentis. Adest itaque inter infinitum objectum et finitas ani-

(1) Adverte S. Thomam non intelligere hic causam efficientem, esse enim *universale* ea non eget, sed *formalem* vel quasi *exemplarem*. Vide de hoc, si vacat *Metaphysicam* et praesertim *Ontolog.* art. 2. nu. 13. 16. 17. etc. et *Psycholog.* cap. 3. artic. 2. n. 59.

mae facultates sufficiens ex utraque parte proportio, ut scilicet modo finito valeat attingi infinitum objectum, quod propter plenitudinem suae realitatis quamvis simplicissimae, etiam ex parte est cognoscibile. Unde ut evidens est, nec facultates animi fieri debent infinitae, et mutare naturam; praesertim quod diversitas objecti dumtaxat extrinsece specificam facultatum differentiam constituit.

Hinc in primis colliges parvi esse ponderis paritatem, quae desumeretur ab improportione inter objecta mere intelligibilia et sensitivam facultatem; quasi nempe sicut haec habet omnimodam improportionem ad objecta mere intelligibilia et spiritualia attingenda, ita et mens nostra finita eandem aut etiam majorem improportionem haberet relate ad Deum objectum infinitum. Et sane paritas nullatenus subsistit; facultas namque sentiendi ex sui natura coarctatur ad unum determinatum et materiale objectum, e. g. visus ad colores, intellectus vero et voluntas humana tendunt in omne verum ac bonum.

Deinde patet responsio ad 1^m. Confirmationem: etenim in Deo ipsa sua bonitas, est sibi ipsi infinitum beatitudinis objectum essentialiter, adaequate et comprehensive, quatenus hoc modo, ut in metaphysica [1] probari solet, se ipsum cognoscit et amat, animus vero noster nisi per participationem, naturaliter et inadaequate potest attingere Deum, ergo adest infinitum discrimen inter beatitudinem substantiae creatae et increatae ratione objecti formaliter considerati.

Ad 2.^m Confirmationem dicimus etiam eos qui in falso sive improprio objecto beatitudinem reponunt, implicite appetere bonum infinitum, quotiescumque aliquod bonum sub ratione fines simpliciter ultimi prosequuntur. Vide praeterea dicta superius (2).

Ad 3.^m Confirmationem conc. antec. nego consequ. Hoc ipso quod homo sit naturaliter aptus et ordinatus ad cognoscendum et amandum Deum, Deus est etiam nature humanae beatitudinis objectum. Sed quia potest esse et revera est ordinatus homo ut fides docet, ad supernaturalem Dei assecutionem, qui status excedit conditiones et vires humanae naturae in se consideratae, nequit profecto homo attingere hunc statum nisi per modum et adjumenta super-

[1] Theologiae natural. cap. 2. artic. 4 prop 1 n. 56. et prop. 2. n. 61 in nota 2.

(2) N.º 6. in responsione ad 1^m et 2^m difficultatem.

naturalia; ergo utriusque beatitudinis discrimen desumitur ex parte modi et adjumentorum.

Urgent. Deus tantum naturaliter cognitus non explere beatitudinis appetitum; qui enim ita dumtaxat cognosceret, appeteret ulterius cognoscere et amare eum modo perfectiori ac supernaturali, ergo etc.

Resp. Nego antec. et prob. Humanae beatitudinis objectum explere debet rationalem hominis appetitum relate ad bona conditioni ac naturae appetentis proportionata et modo proportionato, cum haec tantum efficaciter ac rationabiliter queant desiderari. Jam vero in homine ad supernaturalem statum minime elevato desiderium supernaturaliter cognoscendi ac amandi Deum foret irrationabile, et a perfectae felicitatis statu alienum; ergo qui esset naturaliter tantum beatus, tale desiderium non haberet, similiter ac supernaturaliter beati non desiderant comprehendere Deum. Praeterea, qui Deo frueretur naturali dumtaxat modo, vel cognosceret vel non, perfectioris fruitionis modum; si primum, cognosceret simul eam sibi in debitam esse ideoque non appetendam; si alterum eam non appeteret, quia ignoti nulla cupido. Porro in possessione boni actu infiniti statuendus est quidam determinatus modus conditioni possidentis proportionatus, cum sive naturaliter sive supernaturaliter tale objectum possideatur, propter infinitatem suae realitatis, alia semper et alia perfectior ejusdem possessio, ac fruitio concipi queat.

14. Arguunt II^o. Deus utpote ens spirituale nequit beatere sensitivam hominis facultatem; utpote Creator ac Dominus nequit a creatura possideri: ergo nequit esse humanae beatitudinis objectum.

Resp. Ad 1^m Sufficit ut beatitudinis objectum valeat hominem reddere beatum secundum facultates eas per quas homo maxime assimilatur, et accedit ad summum bonum, quales profecto sunt facultates superiores; sensitiva autem facultas ad usum animalis vitae concessa, dirigit dumtaxat hominem ad bona corporea intellectualibus bonis inferiora, ipsique cum belluis communia; haec itaque facultas velut munere suo functa est, quando jam vitae animalis bonis usi sumus nec proinde per se exigit, aut spectata ejus natura potest fieri ut per eam homo suam beatitudinem assequatur.

Ad 2^m libenter concedimus Creatorem a creatura non posse possideri possessione, ut ajunt, juridica et civili, quae tribuit jus de re possessa, pro libito disponendi; similiter pos-

sessione physica, quae in quadam *materiali* per sensuum applicationem occupatione sive apprehensione sita foret: minime vero de possessione quidem *physica*, sed *intentionali* quae per intellectus apprehensionem et voluntatis prosecutionem fieri potest; per hos namque actus vitales animus vere, realiter, ac positive conjungitur Deo, eumque modo spiritali velut suum efficit, quod neutra ex parte repugnat; homo enim, ut loquitur S. Aug. (1) fruatur Deo, *non sicut corpore, vel seipso animus, aut sicut amico amicus, sed sicut luce oculus* (2). Cum autem hujusmodi actus versentur circa bonum *objective reale*, non minus ac operationes materiales, sunt positivi, physici ac reales, et non merae tantum animi abstractiones, vel chimaerae. Et licet in praesenti humanae naturae conditione actus isti non exerantur sine aliqua molestia ac labore, tamen ex sui natura ad purissimam voluptatem eiendam sunt idonei, proinde sublata praesentis vitae conditione ad beatitudinem seu possessionem summi boni sufficientes.

Urgent. Quaestionem de summo bono esse idealem, cum nec in caeteris rerum generibus detur aliquid summum; secus, subdit Voltaire (3) eodem prorsus modo quaeri posset utrum detur summum caeruleum. Deinde, illud est unicuique summum bonum, quod maxime placet.

Resp. ad 1^m. Falsitas assertionis patet ex eo quod hic supponamus certissimam cognitionem existentiae Dei, qui absque dubio est unicum, verum, ac summum bonum. In coeteris rerum generibus, cum singulae sint finitae in realitate, nulla earum est *absolute summa*; *relative* autem summa in singulis generibus debet adesse; nisi velis negare differentiam secundum magis et minus; hinc illud erit e. g. *relative* summum caeruleum quod caeteris ejusdem generis in intensione hujusmodi coloris praestabit; licet forte et ip-

(1) *De civitat. Dei* libr. 8. cap. 8.

(2) Paritas haec est sive similitudo non autem identitas, deficit itaque a veritate, attamen imbecillitati humanae mentis, ut a sensibilibus ad intelligibilia gradum faciat, plurimum commodum adfert; oculus namque fere absque ulla sensibili ac molesta sui immutatione et affectione a luce afficitur, ea fruitur quin ullatenus consumere videatur. Similiter lux singulis pro cuiusque oculi capacitate se totam videtur communicare, quin tamen decrescant, etc. idque *ad sensum* verum est in utroque systemate circa naturam lucis.

(3) *Dictionair. artic. Bien souverain.*

sum ab aliquo alio objecto adhuc intensioris coloris [si tamen existeret, et si nimia intensitas naturam coloris non mutaret] superari posset. Porro sicut consideratis rebus quibusvis sub ratione solius *entitatis* seu *esse*, necessario inferitur dari absolute primam causam vel *summum ens*, ita spectatis iisdem rebus sub ratione *bonitatis*, legitime inferimus *bonum absolute summum*.

Ad 2^m. Illud esse summum bonum quod cuique maxime placet secundum appetitum *naturalem*, quo ferimur in bonum in communi seu universale sub ratione perfectae nostrae felicitatis, verum est; quia in hac prosecutione liberi non sumus, et natura *per se* circa proprium non fallitur obiectum. Non est tamen idem dicendum si sermo sit de appetitu *elicto* juxta quem liberi sumus, possumusque, licet per summum nefas ac specie tenus et tantum in praesenti vita, apprehendere aliquod bonum finitum tamquam nobis maxime placens in eoque nostram reponere *felicitatem*. Patet itaque aequivocatio assertionis.

ARTICULUS III.

DE FORMALI BEATITUDINE HUMANA.

15. Possessio seu assecutio objecti beatitudinis constituit beatitudinem *formalem*, id est, illud per quod beatus est revera actu beatus. Patet namque nullam rem a nobis distinctam posse nos beatos reddere, nisi nobis quodammodo applicetur et intime uniatur. Unio haec cum Deo debet necessario differre ab unione dependentiae et intimae penetrationis, quae proficiscuntur a divina in rebus omnibus praesentia per operationem, et substantiam; secus status beatitudinis etiam rebus inanimis convenire, et cum maxima etiam infelicitate sociari posset. Cum autem animus sit subjectum intrinsece activum et rationale, ejus unio cum beatitudinis objecto, spectato *praesertim solo ordine mere naturali*, (1)

(1) Dicimus, spectato *praesertim ordine mere naturali*, quamvis enim etiam supernaturalis beatitudo debeat applicari animo tamquam intrinsece activo et viventi, nihilominus quia haec superat vires et activitatem naturalem ejusdem animi, ejus actus in hac applicatione, ut docent Theologi, debent per aliquod supernaturale medium *sublinari* sive elevari.

sessione physica, quae in quadam *materiali* per sensuum applicationem occupatione sive apprehensione sita foret: minime vero de possessione quidem *physica*, sed *intentionali* quae per intellectus apprehensionem et voluntatis prosecutionem fieri potest; per hos namque actus vitales animus vere, realiter, ac positive conjungitur Deo, eumque modo spirituali velut suum efficit, quod neutra ex parte repugnat; homo enim, ut loquitur S. Aug. (1) fruatur Deo, *non sicut corpore, vel seipso animus, aut sicut amico amicus, sed sicut luce oculus* (2). Cum autem hujusmodi actus versentur circa bonum *objective reale*, non minus ac operationes materiales, sunt positivi, physici ac reales, et non merae tantum animi abstractiones, vel chimaerae. Et licet in praesenti humanae naturae conditione actus isti non exerantur sine aliqua molestia ac labore, tamen ex sui natura ad purissimam voluptatem eiendam sunt idonei, proinde sublata praesentis vitae conditione ad beatitudinem seu possessionem summi boni sufficientes.

Urgent. Quaestionem de summo bono esse idealem, cum nec in caeteris rerum generibus detur aliquid summum; secus, subdit Voltaire (3) eodem prorsus modo quaeri posset utrum detur summum caeruleum. Deinde, illud est unicuique summum bonum, quod maxime placet.

Resp. ad 1^m. Falsitas assertionis patet ex eo quod hic supponamus certissimam cognitionem existentiae Dei, qui absque dubio est unicum, verum, ac summum bonum. In coeteris rerum generibus, cum singulae sint finitae in realitate, nulla earum est *absolute summa*; *relative* autem summa in singulis generibus debet adesse; nisi velis negare differentiam secundum magis et minus; hinc illud erit e. g. *relative* summum caeruleum quod caeteris ejusdem generis in intensione hujusmodi coloris praestabit; licet forte et ip-

(1) *De civitat. Dei* libr. 8. cap. 8.

(2) Paritas haec est sive similitudo non autem identitas, deficit itaque a veritate, attamen imbecillitati humanae mentis, ut a sensibilibus ad intelligibilia gradum faciat, plurimum commodum adfert; oculus namque fere absque ulla sensibili ac molesta sui immutatione et affectione a luce afficitur, ea fruitur quin ullatenus consumere videatur. Similiter lux singulis pro cuiusque oculi capacitate se totam videtur communicare, quin tamen decrescant, etc. idque *ad sensum* verum est in utroque systemate circa naturam lucis.

(3) *Dictionair. artic. Bien souverain.*

sum ab aliquo alio objecto adhuc intensioris coloris [si tamen existeret, et si nimia intensitas naturam coloris non mutaret] superari posset. Porro sicut consideratis rebus quibusvis sub ratione solius *entitatis* seu *esse*, necessario inferitur dari absolute primam causam vel *summum ens*, ita spectatis iisdem rebus sub ratione *bonitatis*, legitime inferimus *bonum absolute summum*.

Ad 2^m. Illud esse summum bonum quod cuique maxime placet secundum appetitum *naturalem*, quo ferimur in bonum in communi seu universale sub ratione perfectae nostrae felicitatis, verum est; quia in hac prosecutione liberi non sumus, et natura *per se* circa proprium non fallitur objectum. Non est tamen idem dicendum si sermo sit de appetitu *elicto* juxta quem liberi sumus, possumusque, licet per summum nefas ac specie tenus et tantum in praesenti vita, apprehendere aliquod bonum finitum tamquam nobis maxime placens in eoque nostram reponere *felicitatem*. Patet itaque aequivocatio assertionis.

ARTICULUS III.

DE FORMALI BEATITUDINE HUMANA.

15. Possessio seu assecutio objecti beatitudinis constituit beatitudinem *formalem*, id est, illud per quod beatus est revera actu beatus. Patet namque nullam rem a nobis distinctam posse nos beatos reddere, nisi nobis quodammodo applicetur et intime uniatur. Unio haec cum Deo debet necessario differre ab unione dependentiae et intimae penetrationis, quae proficiscuntur a divina in rebus omnibus praesentia per operationem, et substantiam; secus status beatitudinis etiam rebus inanimis convenire, et cum maxima etiam infelicitate sociari posset. Cum autem animus sit subjectum intrinsece activum et rationale, ejus unio cum beatitudinis objecto, spectato *praesertim solo ordine mere naturali*, (1)

(1) Dicimus, spectato *praesertim ordine mere naturali*, quavis enim etiam supernaturalis beatitudo debeat applicari animo tamquam intrinsece activo et viventi, nihilominus quia haec superat vires et activitatem naturalem ejusdem animi, ejus actus in hac applicatione, ut docent Theologi, debent per aliquod supernaturale medium *sublinari* sive elevari.

non aliter *feri debet* nisi per ejusdem actus vitales simulque rationales, finitos sane atque conditioni ejus naturae respondentes, proindeque subjective ac in se constituentes bonum aliquod creatum sive finitum. Unde patet *formalem* beatitudinem esse *bonum creatum et finitum* quamvis semper objectum seu *objectiva* beatitudo remaneat *bonum increatum ac infinitum*.

Haud me latet in praesenti conditione humanae naturae ad supernaturalem ordinem elevatae, neminem ad beatitudinem *mere naturalem* esse perventurum, cum fide divina certum sit Beatos in patria coelesti visuros esse immediate et qualis *in se* est divinam essentiam, juxta illud Apostoli Joannis (1), *videbimus eum (Deum) sicuti est*, et illud aliud Pauli (2), *videmus nunc per speculum in aenigmate tunc autem facie ad faciem. Nunc cognosco ex parte, tunc autem cognoscam sicut et cognitus sum*; ideoque superius de conceptu formalis beatitudinis naturalis, *conditionate* tantum sumus locuti. Porro circa eam duo possunt inquiri, scilicet, in quibus nam rationalitatis nostrae actibus essentialiter consistat, et utrum post hanc tantum vitam obtineri queat: caeterae quaestiones a Doctoribus agitatae fiunt in suppositione ordinis dumtaxat supernaturalis, ideoque limites nostrae provinciae excedunt (3). Factae animadversiones sufficienter determinant sensum propositionis.

PROPOSITIO.

In perfecta cognitione, et fruitione summi boni, modo proportionato naturali conditioni humanae naturae, sita est formalis beatitudo: quae tamen in praesenti vita a nemine obtinetur.

16. Antequam primam propositionis partem evincamus animadvertendum est, tres haberi hac in re sententias; prima in sola intellectus cognitione, altera in voluntatis amore, tertia in gaudio, hujus beatitudinis essentiam constituit; nos

(1) Epistol. 1. cap. 3. v. 2.

(2) 1. Corinthior. cap. 13. v. 12.

(3) Quales sunt, quomodo e. g. divina substantia et essentia se immediate videndam animabus praebeat; quid, sive cognoscet: an omnes aequaliter sint Deum visuri; etc.

statum beatitudinis complete, et non solam objecti adeptionem spectantes, cum Suarezio (1) et Lessio (2) aliisque, asserimus, omnes istos actus, licet non eadem ratione, ad essentiam beatitudinis pertinere; intellectus scilicet cognitionem *principaliter*, quatenus per eam objectum beatitudinis sistitur animo intime praesens, sine qua praesentia duo alia haberi absolute non possunt; voluntatis amorem et gaudium *secundarie*, quatenus sine his, quae per se *fruitionem* boni acquisiti constituunt completa beatitudo concipi nequeat.

Ac primo quidem quod in actibus seu operationibus rationalitatis nostrae generatim haec beatitudo sit reponenda patet; quia tales actus sunt maxime immateriales, et omnibus aliis perfectiores, ipsamque rationalitatis vitalitatem constituentibus sunt proprii hominis quatenus rationalis; intentionali summi boni possessioni proportionales; per eos homo maxime assimilatur Deo, eumque velut suum efficit; quae omnia ad beatitudinis, humanae conditioni proportionatae, naturam vel complementum pertinent, suntque simpliciter necessaria.

Quod vero in intellectus operatione *principaliter* sit constituenda formalis beatitudo, eruitur tum ex ratione superioris allata, cum etiam quia intellectus ejusque aliqua operatio dirigit voluntatis actus, estque radix ipsius libertatis, ut in methaphysica probatur (3). Ad intellectum pertinet objectivam summi boni veritatem, quod maxime beatitudinis perfectionem interest, determinare: ejus actus, quo summum bonum intime animo constituitur praesens, implicite sive virtualiter in se praecontinet amorem et gaudium seu fruitionem completam, quae est quid consequens illum. Unde si physica dumtaxat horum actuum perfectio spectetur (4), actus intellectus videtur praestantior et plus momenti ad beatitudinem conferens.

(1) Opera omnia Tom. 4. Disput. 15.

(2) *De summo. Bono.* libr. 2. cap. 5. et. 6.

(3) *Psychologiae* cap. 3. artic. 6. n. 91.

(4) Quia in homine voluntas tantum, utpote libertate praedita, est per se ac immediate facultas moralis, praestantia actuum intellectus *in se* considerata nequit respicere nisi physicam animi perfectionem. Atque hinc gravissimi Doctores, ut Lessius, Suarezius, etc. desumunt optimam et dignitatem S. Thomae apprimè congruam rationem respondendi objicienti auctoritatem S. Doctoris, essentiam formalis beatitudinis in actibus solius intellectus constituentis, dicendo scilicet, S. Thomam optime quidem ra-

17. Non esse autem a beatitudinis essentia *saltem secundarie* excludendum amorem complacentiae de actuali summi boni praesentia, et gaudium vel oblectamentum directum illum concomitans (amor enim tantum boni absentis et desiderium, utpote cum auxietate conjuncta, ad beatitudinem quae sit ultimus finis, certe non pertinent) fit manifestum 1^o quia et voluntas est facultas mentis superior, ejusque actus sunt vitales: et ipsius est proprium posequi bonum sub *ratione boni* non autem intellectus, quae prosecutio boni actu praesentis est ipse amor complacentiae et fructivus voluntatem cum suo ultimo fine jungens: frui namque, ut loquitur S. Agustinus, est *amore alicui rei inhaerere propter seipsam*. Sine hac igitur voluntatis unione sive amore, homo etiam *ut rationalis* foret tantum dimidiatus beatus.

2^o. Quia homo et est ens *physicum et morale*, ergo non erit perfecte beatus, nisi juxta utramque rationem sit tandem perfectus; jam vero sicut in *esse physico* per veritatis contemplationem et cogitationem, ita in *esse morali* per amorem summi boni perficitur; aequae enim ad utrumque naturaliter impellitur.

3^o. Quia formalis beatitudo essentialiter debet consistere in perfectissima assimilatione, et vitali unione cum ultimo fine sive beatitudinis objecto: atqui perfectior est unio et assimilatio per cognitionem et amorem, quam per solam cognitionem.

4^o. Sola *naturalis* cognitio Dei etiam perfectissima, potest consistere cum *negatione* beatitudinis, ut in peccatoribus et daemone, vel etiam cum *positivo* cruciatu et infelicitate; quo enim perfectior fuerit talis cognitio eo magis per se deberet influere in affectum, amoremque et gaudium cedere, si haec itaque quavis de causa, aut violenter ac proinde cum molestia, impedirentur, superesset tunc perfecta naturalis cognitio sine ulla beatitudine aut etiam cum statu infelicitatis. Quod si dicas talem cognitionem non cedere dictos affectus; erit igitur dumtaxat arida contemplatio objecti tamquam rei alienae ad nos non pertinentis, unde nec possessio summi nostri boni.

5^o. Nemo saltem perfecte beatus esse potest qui illo quod possidet, quantumvis sit magnum, non fruitur, id est non amat neque oblectatur. Quis enim avarum e. g. etsi di-

tiocinatum esse, sed dumtaxat physicam animi beati perfectionem praec oculis habuisse.

tissimum beatum existimet si rebus quas possidet non gaudet, easque ordinata ratione non amat?

6^o. Omnes homines etiam qui circa beatitudinis objectum errarunt, ab ejus assecutione cumulum quemdam gaudii et oblectationis non excluderunt. Beatitudinis itaque formalis statu *complete*, et cum *perfecta* appetitus repletionem sive satisfactione, nec non *morali* etiam hominis perfectione, considerato; actus voluntatis amor scilicet et gaudium intellectuale directum seu fructio, ad illius essentiam *saltem secundarie* pertinere, dicendi sunt. Accedit, quod hujusmodi doctrina videtur apprimae, congruere cum iis quae de supernaturali beatitudine humana novimus ex fide (1).

18. Qui in sola intellectus operatione beatitudinis essentiam constituent, utuntur in primis rationibus quas superius exposuimus (2), quaeque ad *summum* principalem duntaxat intellectui haec in re partem vindicant; eas itaque, si urgerentur, solves ex dictis in fundamento; nisi forte velles actibus etiam voluntatis in beatitudinis assecutione aequae principale ac intellectui munus tribuere. Id vero facile admodum poteris praestare; voluntas namque est pariter superior et vitalis hominis facultas; non tantum facultatibus inferioribus, sed etiam ipsi intellectui in quibusdam saltem actibus imperat; ipsa, et non intellectus, habet suorum actum dominium seu libertatem; moralemque hominis perfectionem, quae physicae ejusdem perfectioni saltem aequatur, immediate respicit.

Dicitur quoque 1^o. Beatitudo formalis est adeptio et possessio summi boni; atqui utrumque fit per solius intellectus actum, ut patet ex ejus operandi modo. 2^o. Amor et gaudium cognitionem praesertim perfectam summi boni concomitantes vel subsequentes, sunt potius passiones quaedam animi, quam actiones, minusque proinde perfectae quam cognitio et contemplatio; vel si spectentur ut actiones quia

(1) In sacris literis haec supernaturalis beatitudo nedum exhibetur, sicut innuimus superius (n. 15.) sub conceptu visionis seu intuitivae cognitionis Dei verum etiam gaudii, laetitiae, voluptatis, amoris etc. e. g. Psal. 20. v. 7. *laetificabis eum in gaudio cum vultu tuo*. Psal. 35. v. 9. *inebriabuntur ab ubertate domus tuae, et torrente voluptatis potabis eos*. Joannis 16. v. 20. *tristitia vestra vertetur in gaudium*. v. 22. *et gaudet cor vestrum: et gaudium vestrum nemo tollet a vobis*. v. 24. *gaudium vestrum si plenum*. etc.

(2) N^o. 16. circa finem.

exerantur cum tendentia seu prosecutione quadam objecti, excludunt perfectam quietem et tranquillitatem ad beatitudinem requisitam.

R. ad 1^m. Adeptio et possessio summi boni, ut formalem constituat beatitudinem, debet esse adaequata et completa, quae totam hominis rationalitatem, per quam Deo assimilatur, tam *in esse* physico quam morali perficiat repleatque, quod non obtinetur, ut patet ex fundamento, per solam cognitionem. Praeterea, cum haec adeptio et possessio non sit aliud quam vitalis et intentionalis unio animi cum Deo, et animus non minus per actus voluntatis quam intellectus eidem uniatur, patet falsitas minoris; quamvis si per adeptionem et possessionem intelligatur dumtaxat exhibitio summi boni ut *praesentis*, hoc utique fit per actum solius intellectus, ideoque concedendum foret; sed apprime est semper distinguendum inter adeptionem et possessionem summi boni ut *cogniti* et ut *amati*, quarum prima ad intellectum, altera ad voluntatem pertinet.

Ad 2^m. Amor et gaudium, si fierent, ut ita dicam, in nobis sine nobis, quod nonnunquam accidit, forent utique species quaedam passionum; at dum concomitantur claram intellectus praeconceptionem et rationis iudicium de objectiva summi boni realitate, sunt perfectissimae, licet necessariae, voluntatis operationes: praesertim quod gaudium vel oblectamentum directum, de quo sermo, ab amore amicitiae et complacentiae quo animus summo bono inhaeret, realiter non differt. Neque per hoc tollitur quies et tranquillitas quae beatitudinis propria est, et quae tantum excludit tendentiam vel prosecutionem alicujus rei a beatitudinis objecto distinctae vel nondum possessae, minime vero illam, quae constituit continuationem adhaesionis vel unionis cum summo bono acquisito; secus status beatitudinis non foret status vitalis et permanens.

19. Quod ad alteram nostrae thesisi partem pertinet superest investigandum; et in primis, ut per se patet, non loquimur de quadam imperfecta beatitudinis specie, quae in vita ex virtute et rationis praescripto peracta, cum spe futurae et perfectae felicitatis assequendae, consistit: hanc enim etiam nunc temporis, qui ita suam institueret vitam certissime assequeretur (1). Verum beatitudinem quae sit

(1) Vera haec praesentis vitae felicitas est semper in hominis potestate, quum aequae cum debili ac firma valetudine, cum egestate ac abundantia rerum, aliisque vicissitudinibus bonorum ac

ultimus finis hominis, alteri meliorique vitae reservari, pluribus et invictis rationibus ostendimus. Et quia in nullo bono creato, ut ex praecedentis articuli propositione patet, haec beatitudo est sita; contemplatio et amor Dei ut summi boni quem in hac vita habemus vel habere possumus eam constituere deberet: at 1.^o haec contemplatio et amor tales non sunt, teste intima experientia, ut naturalem appetitum felicitatis perfecte expleant, nihilque melius saltem in altera vita acquirendum relinquunt.

2.^o Contemplatio Dei sub respectu purissimi esse, ejusque amor tali cognitioni sive contemplationi respondens, spectata praesentis vitae conditione, non solum maximae hominum partis naturali indoli est improportionatus, sed etiam tanta sensibilibus perceptionum et affectuum multitudine obruitur, ut non nisi ad brevissimum tempus eidem insistere valeamus. Praeterea molestia in animo illuc sublevando longe excedit voluptatem intellectualem exinde manantem; quantoque plura etiam sub hoc respectu de Deo intellectus cognoscit, tanto plura sibi cognoscenda superesse

malorum naturae vel fortunae consistere valeat, sitque ab ipsis omnino independens. Si quis itaque vellet inquirere, plusne felicitatis aut infelicitatis homines in praesenti vita experiantur et, utrum hanc praesentem felicitatem possint unquam assequi, juxta memoratum vitae ex praescripto rationis instituendae modum quaesitum solvendum esset.

Porro plerique auctores, ut Montesquieu, Genovesi, alique, parum accurate de hac felicitate diaserentes videntur gaudium tantum laetitiamque, aliave hujus vitae bona extrinseca prae oculis habuisse, dum in determinanda hujusmodi felicitate ad numerum momentorum felicium vel infelicium recurrunt. Sic juxta primum, ejus valorem habebis determinatum, si veluti calculo algebraico a momentis felicitatis subtrahas momenta infelicitatis vitae humanae, quod, missis etiam aliis inconvenientibus, utrum possit unquam ad exitum perducere licet cuique in dubium vocare. Alter vero cum animadvertisset tot malis praesentem vitam cumulatam esse ut momenta infelicitatis longe superent momenta felicitatis, arbitratus est praesentem felicitatem *in minimo malorum* constituendam esse, quatenus scilicet in dicta subtractione momentorum nequeat pro residuo haberi nisi *minus malum*. Verum quia imminutio malorum est aliquid dumtaxat *negativum*, et felicitatis status dicitur quid *positivum*, nequit primum eorum constituere secundum. Praeterea, divinae sapientiae et naturali iudicio rationis videtur adversari, hominem non fuisse a Deo ordinatum ad aliquam etiam vitae praesentis, licet imperfectam, veri tamen nominis felicitatem.

perspicit, majorique in dies cognoscendi desiderio ac voluptate urgetur.

3°. In eadem vitae praesentis conditione quaevis contemplatio, et amor summi boni, non excludit dolores et corporis morbos, internosque et externos animi cruciatus, mortalemque et eius periculum non avertit; quae omnia, cum perfectae beatitudinis statu pugnant. Cum vero praeterea voluntas nostra utpote libera, sensuum illecebris illecta, a divinarum rerum studio et prosecutione animum pro libito avocare queat quin etiam ut necessitatibus vitae animalis satisfaciat, quandoque id facere debeat; perennis anxietas, sollicitudo vel timor amittendae felicitatis, nos in hac mortali vita perfecte beatos esse non patitur.

4°. Perfectam beatitudinem ex una parte omnes inquirimus sub respectu praemii virtutis, et termini laborum ac luctae huius vitae, ex altera vero, studium ipsum rerum divinarum vel maxime intellectuale, laborem et defatigationem adfert, sensibilitatque reluctandum impellit: ac in Dei obsequium dirigitur; ergo cum praemium non detur nisi finito certamine ac labore, et haec non finiantur nisi cum praesenti vita, beatitudo perfecta non nisi post hanc vitam obtineri potest (1) et debet; ab iis utique qui se ea ob aliquam culpam indignos non praestiterunt [2].

(1) In enunciatione propositionis diximus beatitudinem hanc a nemine in praesenti vita obtineri, hic vero asserimus etiam non posse obtineri; quod postremum intelligas velim de impossibilitate physica, sive spectato consueto rerum naturalium ordine. Cum enim hic loquamur de beatitudine quadam mere naturali quae viribus animi naturalibus deberet esse per se proporcionata, non videtur in eo *absoluta repugnantia* haberi, quod sublatis extraordinaria quadam ratione consuetis vitae praesentis impedimentis possit quis etiam nunc talis beatitudinis particeps fieri. Aliter autem prorsus de supernaturali beatitudine [disserere solent Theologi.

(2) Ex huiusmodi exceptione facta nemo potest recte inferre appetitum felicitatis, cum possit esse frustraneus, non evincere necessario existentiam beatitudinis, etenim aliud est appetitum naturalem fieri frustraneum ex defectu objecti ad quod tendere et in quo conquirere possit; aliud vero, ex defectu non usus vel abusus mediocrium tale objectum assequendi: illud primum ordini naturali et divinae sapientiae manifeste adversatur, ideoque vis nostrae demonstrationis superius expositae integra permanet, non autem hoc postremum, quod accidit dumtaxat de consequenti praeter naturalem ordinationem et divinae sapientiae intentionem. Quomodo autem nec in iis ipsis, qui ob eorum culpam fe-

20. Dices 1. Naturalis cognitio et amor summi boni in altera vita, nequit supponi esse alius quam qui naturae viribus foret proportionatus; ergo sicut cognitio abstractiva Dei et amor in ea fundatus in praesenti vita non explet beatitudinis appetitum, sic nec in altera explet. Deinde si post hanc tantum vitam beatitudo foret obtinenda, mortem tanquam medium ad illam perveniendi naturaliter appetemus; cum tamen nemo sit qui mortem non horreat, ejusque etiam speciem non refugiat.

R. ad 1^m. Spectato tantum naturali ordine, cognitio et amor Dei tanquam ultimi finis etiam in altera vita, deberet supponi dumtaxat viribus naturae proporcionatus, ac proinde ejusdem generis ac conditionis cum eo de quo nunc ideam habemus: nihil autem obest, quin haec cognitio et fruitio summi boni vitae futurae supponantur quoad claritatem, et gradum quemdam intensionis (semper tamen intra limites ordinis et exigentiae ac capacitatis naturalis) longe perfectiores, quam sint vel possint haberi in vita praesenti; quia tunc, et deberent habere rationem praemii ac mercedis, et animus a corpore solutus, ut passim affirmant Doctores, non habens opus, nec impeditus sensibili phantasmate, naturam spirituslem instar sui et spiritualiter cognosceret, ejusque contemplationi constanter et immutabiliter, utpote naturaliter immortalis, inhaerere posset. *Abstracta* autem dicitur *cognitio* etiam illa quae in alio licet intellectuali conceptu fundatur seu ab illo similitudinem rei intelligendae mutuatur, per oppositionem nempe ad cognitionem seu potius *visionem immediatam* objecti quale in seipso est, in qua objectum magis per se ipsum quam per conceptum intellectus exhiberetur animo praesens, sive ut loquitur S. Thomas (1), *oportet si Dei essentia videatur, quod per ipsammet essentiam divinam intellectus ipsam videat: ut sic in tali visione divina essentia sit et quod videtur, et quo videtur*. Ergo quamvis modus cognitionis et amoris naturalis summi boni, naturali beatitudinis appetitui explendo in prae-

licitate privantur appetitus iste sive desiderium naturale remaneat prorsus frustraneum, vide si vacat dicta in *Psychologia* cap. 1. artic. 4. prop. 2. n. 28 in nota circa poenarum aeternitatem.

(1) *Contra Gentil.* libr. 3. cap. 31.

senti vita non sit sufficiens, non sequitur illum etiam in altera vita insufficientem futurum (1). Unde etiam clar. Ger-

(1) Data responsio urgeri potest nedum auctoritate sed et ratione haud contemnenda S. Thomae. qui et *summae theolog.* 1. 2. quaest. 3. et in loco nuper indicato, atque in hoc potissimum nixus illo principio, quo et nos in praecedenti articulo usi sumus, scilicet, quod *animus viso effectu, naturaliter appetat videre causam*, postquam pluribus ostenderit, animum neque per cognitionem proprii neque aliarum licet spiritualium creaturarum esse posse videre Deum per essentiam, tandem (cap. 50.) apposite demonstrat quod in naturali cognitione quam habent de Deo substantiae spirituales separatae non quiescit naturale earum desiderium, eo quia quaelibet cognitio abstracta est semper visio seu cognitio Dei in re finita, cujus similitudo nunquam adaequat infinitatem divini esse, sed est tantum quidam finitus effectus, quo viso, animus appetet ulterius videre causam seu Deum qualis est *in sua essentia*. Deinde memorato nuper cap. 50 et sequenti apertissime et pluries asserit, nos *naturaliter desiderare Deum per suam essentiam cognoscere*, quodque *naturaliter* omnes mentes *desiderant*.

Verum instantia haec quantum ad rationem allatam licet validissimam (quae plurimorum etiam theologorum, dum de supernaturali beatitudine et statu naturae purae disserunt, ingenia vehementer torsit), facile solvitur si dicas; animum quidem nostrum *viso effectu, naturaliter appetere videre causam*, sed modo proportionato sive convenienti conditioni suae naturae: porro spectato dumtaxat ordine mere naturali, conditio animi nostri ejusque vires ultra abstractivam, sicut caeterarum rerum ita et Dei essentiae cognitionem non se porrigit; atque hoc postremum eo vel maxime, quod *esse divinum vi suae naturae omnium rerum creaturarum ordinem infinita ratione excedat*.

Quod vero spectat auctoritatem S. Thomae, dicimus eum in his aliisque similibus locis locutum fuisse semper in suppositione divinae revelationis de gratuita hominis ordinatione sive elevatione ad beatitudinem supernaturalem, sive futuram visionem divinae essentiae qualis in se est. Nam et alias saepe naturalem a supernaturali beatitudine distinguit, et (cap. 51) indicata possibilitate talis immediatae cognitionis sive visionis divinae substantiae qualis in se est, mox ad testimonia SS. Scripturarum (1. Corinth. cap. 13. 1. Joan. cap. 3. et Lucae cap. 22) recurrit, ut eam homini promissam fuisse suadeat; quin et subsequenti capite (52) statuens quod nulla creata substantia possit naturali sua virtute pervenire ad videndum Deum per essentiam, n. 5. haec habet: *videre autem Dei substantiam transcendit limites omnis naturae creatae: nam cuilibet naturae intellectuali creatae proprium est ut intelligat secundum modum suae substantiae*. Porro in facta suppositione divinae revelationis S. Thomas optime ratiocinatus

dil ad rem inquit (1); *Homo solo rationis lumine instructus tantummodo Deum cognoscere potest ut auctorem naturalem; quare in statu naturae purae beatitudo hominis consisteret in naturali quadam sed eminentiori, quam excogitare possimus, Dei cognitione et fruitione*.

Ad 2^m. Cum mors sit verum malum physicum corporis nostri, eam sicut et caetera mala vi generalis in felicitatem tendentiam refugimus, non secus ac omne quod aliquam rationem boni continet naturali appetitu prosequimur, sed quia appetitu *elicito*, non eodem modo prosequimur objecta quae rationem medii, quam quae rationem ultimi finis continent, haec scilicet necessario, illa libere; et quaelibet prosequimur sub duplici respectu mali nempe et boni considerari possunt: hinc frequenter accidit, ut quod sub uno respectu naturali propensione appetimus, sub alio aversemur. Sic et mortem quatenus est physicum malum *naturaliter* refugimus quatenus exhibetur ut medium assequendae beatitudinis futurae *elicito* ac recte ordinato appetitu possumus desiderare, et cum Apostolo repetere, *Desiderium habemus dissolvi, et esse cum Christo* (2).

21. Dices 2^o. In hoc statu naturalis beatitudinis alterius vitae, vel totus homo futurus esset beatus vel solus animus: si primum resurrectio corporum non amplius ad ordinem supernaturalem spectaret; si alterum, beatitudo illa non foret perfecta: 1^o. quia totus homo bonis operibus meretur; ergo toli debetur et praemium. 2^o. quia anima natura sua est substantia incompleta, habetque naturalem inclinationem ad corpus, ac proinde unio corporis est illi na-

est, poteratque asserere naturalem hominis appetitum non con- quiescere nisi videat Deum per essentiam; etenim quamvis, spectato dumtaxat ordine naturali, nulla sit in hominis natura talis immediatae visionis exigentia, facta tamen gratuita promissione et revelatione talis futurae beatitudinis naturali appetitu eam prosequitur, nec amplius poterit eidem appetitui satisfieri per quamvis aliam abstractam tantum Dei cognitionem, cum ulterius semper exquiret illud, quod scit sibi debitum esse vi gratuita et certae divinae promissionis: haud secus quam vir pleveus, a Rege quodam in filium et regni successorem actu et certo cooptatus licet vi suae conditionis nullam talis status ac dignitatis exigentiam habuerat, in facta nihilominus suppositione istius gratuita ordinationis, quavis alia inferioris ordinis, dignitate minime esset contentus.

(1) *Institutiones Philosoph. moral.* cap. 3.

(2) *Ad Philippens* cap. 1. v. 23.

turaliter debita; esset igitur sine corpore et usu sensuum in statu contra naturali, imperfecto, et ideo nec perfecte beata.

R. N. 2^m. illationem disjunctionis. Et quoniam Lessius noster (1) aptissime et congruenter ad ea quae in Metaphysica solent exponi has difficultates dissolvit, ejusdem fere ad omnia respondimus verbis. Concedendo itaque in primis corporum resurrectionem ad supernum pertinere ordinem, quia corpus humanum est naturaliter mortale et corruptibile; ad 1^m secundae illationis probationem dicimus, hominem non mereri nisi per animum et ipsum opus quatenus est in corpore non dicitur meritorium nisi denominatione extrinseca ab opere quod est in animo. Itaque satis est ipsum animum accipere praemium; nec ulla justitia postulat, ut corpori aliquid detur nisi rursus uniatur animae; quod in statu nudae naturae fieri non posset (2).

(1) *De summo Bono* lib. 1. cap. 9.

(2) Quae dicimus de corporum nostrorum resurrectione forte alicui minus probata videbuntur, eo quod plerique etiam Patres Ecclesiae, solius quoque naturalis rationes ductu, illam demonstrare conati sint eodem ipso usi argumento quod nos refellimus, scilicet, videri a divina justitia et providentia prorsus alienum esse si totus homo non reciperet mercedem, et corpus quod fuit consors laboris non esset particeps et praemii. Sic loquuntur Chrysostomus (*Hom. 63. in Joan.*), Teodoretus (*De Curat. graec. affect. lib. 11.*) Damascenus (*De Fide lib. 4.*) etc.

Verum, quid vetat asserere illos patres usos fuisse dumtaxat rationibus congruentiae, quibus redderent ethnicis credibile id quod sola tantum fide in divinam revelationem tenendum fuerat. Nonne, plerique eorum id ipsum praestiterunt relate e. g. ad mysteria Incarnationis et SS. Trinitatis, quae certe ex sola naturali ratione minime demonstrari possunt? Praeterea quis unquam evidenter ostendit rationes illas vere demonstrativas esse? Aut ubinam aliquid Patrum id de ipsis vel semel tantum affirmavit? Insuper Patres illi arguunt in hypothesi corporum gloriosorum, in qua utique expedit animabus ut corporibus iterum uniantur: unde loquuntur de consequenti ad divinam revelationem, a qua si prorsus praescindas, sive si antecedenter ad ipsam, rem consideres, forte ne suspicio quidem rationabilis de futura corporum resurrectione mentem subiret.

Adde, alios Ecclesiae patres contrarium opinatos esse. Sic S. Augustinus (*De Trinit. lib. 13*) inquit. *Fides totum hominem immortalem futurum, qui utique constat ex anima et corpore, non argumentatione humana, sed auctoritate divina promittit; et* (in Psalm. 88.): *Nihil est quod tantam contradictionem a phi-*

Ad 2^m. probationem. Sicut animus secundum gradum inferiorum facultatum inclinatur ad corpus, ita secundum gradum intelligendi, qui est supremus, et a quo omnem suam excellentiam habet, abhorret quodammodo a corpore, nisi corpus tale sit quod libertati et functione intelligentiae non officiat, quale non potest esse, nisi in statu supernaturali gloriae. Nihil itaque incommodi, etiamsi illi ad corpus inclinationi nunquam in posterum, ubi semel separatus fuerit, satisfiat: quia jam semel illi abunde satisfactum est, quando animus primo fuit corpori unitus. Expleto igitur hoc appetitu seu hac inclinatione ad corpus per primam unionem, censeretur quasi extinta; nec proinde frustraretur sine suo quem in prima unione consecuta est. In eo autem statu etsi animus esset adhuc aptus jungi corpori, non tamen esset ei debitum ut rursus jungatur, sed potius ut non jungatur, ne praestantiora bona in eo impedirentur. Nec refert quod sit substantia incompleta, quae ordinatur ad compositionem; quia in eo statu post separationem esset quasi substantia completa, quatenus et a natura non esset amplius ordinata ad unionem, et haberet modum existendi et operandi substantiae completae, multo nobiliorem quam possit habere in corpore. Praeterea non est substantia incompleta nisi quoad partem inferiorem cujus ratione fit idonea ad conjunctionem cum corpore. Libenter autem animus usus sensuum jacturam tulisset, imo eam posuisset in lucro, propter incommoda huic usui adnexa, et abundantem sufficientiam solius intelligentiae, per quam etiam corporalia percipere potuisset. Longe tamen perfectius anima extra corpus cognovisset: etenim modum habens existendi substantiae completae, similem accepisset ab auctore naturae cognoscendi modum, praesertim id exigentibus meritis quibus naturalem beatitudinem meruisset. Unde meri-

losophis hujus saeculi passim sit sicut resurrectio mortuorum. S. vero Gregorius (in Ezechiel. *Hom. 20.*) ait: *resurrectionem esse mysterium divinae virtutis, quod ratione comprehendere non potest.*

Videri potest hanc in rem eruditissimum opus D. Josephi Angeli in lucem edictum Anno 1833. Romae, cui titulus: *Il Regno di Dio, ossia L'universale Resurrezione dei trapassati, etc.* et in quo plura ingeniosissima reperies argumenta ex sola ratione petita, quae tamen si ad simplicem argumentationis formam revoces, poteris per te ipsum facile deprehendere, utrum vim congruentiae aut solidae cujusdam conjecturae revera excedant.

to laudatus Doctor poterat asserere: *Qui in statu nudae naturae vult animum facere beatum ea beatitudine cuius in tali statu capax est, non debet eum relegare ad corpus.* [1].

Ex eo autem quod in statu mere naturali, quod nuper dictum est, melius foret animam corpore destitui, si inferas, ergo unio cum corpore cederet in damnum animae, utpote beatitudinis adeptionem retardans; nullaque haberetur ratio, cur primo ab auctore naturae fuerit sociata corpori: negabimus sequelam. Etenim spectato etiam ordine naturali beatitudinem non expetimus, nisi ut mercedem bonorum operum: debebat igitur anima in praesenti vita tamquam in via virtutibus operam impendere, seque perficere; ad quod mirifice confert unio cum corpore. Nam affectiones molestae, aliaeque incommoda et ipsa animi subjectio ac dependentia a corpore, innumeras virtutis, quae rebus in arduis praesertim elucescit, exercendae occasionem praebent. Est itaque in utilitatem ipsius animae ejus unio cum corpore: et auctor naturae habuit rationem eam corpori sociandi. Adsunt autem et aliae hujus unionis rationes 1^a. ut admirabile hoc compositum humanum seu natura ex duplici toto genere diversa substantia coalescens, ordinis physici ornamentum, haberetur in mundo. 2^a. ut generis humani propagatio fieret naturali modo. 3^a. ut inferiores animi facultates complemento accepto frustraneae non forent (2).

CAPUT II.

DE ACTIBUS HUMANIS GENERICE SPECTATIS.

22. De actibus humanis per quos ad finem nostrum opportunis adhibitis adiumentis dirigimur generice dissonantes, monemus in primis *humanos actus* illos esse et dici, qui *sunt proprii hominis, in quantum est homo.* Jam vero, ut loquitur S. Thomas [3]: «Differt homo ab irrationalibus creaturis in hoc quod est suorum actuum dominus. Unde illae solae actiones vocantur propriae humanae, quarum

[1] Lessius, loco proxime indicato.

[2] Quomodo facultates animae inferiores frustraneae fuissent si anima nunquam corpori jungeretur, vide si lubet *Psychologiae* c. 2. n. 37. in fine et in nota ibidem posita.

[3] *Summae theolog.* 1. 2. part. quaest. 1. artic. 1. in corpor.

«homo est dominus. Est autem homo dominus suorum actuum per rationem et voluntatem..... Illae ergo actiones propriae humanae dicuntur, quae ex voluntate deliberata procedunt: si quae autem aliae actiones homini convenient, possunt dici quidem *hominis actiones*, sed non proprie humanae cum non sint hominis, in quantum est homo.» At quia actus humani spectari possunt, vel quatenus fiunt seu eliciuntur a voluntate deliberata, et in ipsa sistunt ac consummantur, et vocantur *actus elicitis*, vel quatenus dimanant vel etiam ad extra prodeunt, et dicuntur *imperati*: philosophia moralis illos praecipue considerandos assumit. Quidquid enim formalis moralitatis actibus imperatis competit, id totum ab actibus elicitis dimanant.

De his porro generatim tria possunt inquiri, eorum scilicet *natura, impuabilitas et moralitas*, advertendo interim perspicuitatis gratia, quod cum ad constituendos actus humanos, ut patet, voluntas et ratio simul concurrant, cumque ratio et voluntas se se invicem movere vel determinare dicantur, hoc non perinde esse intelligendum, quasi hae duae facultates essent duo principia operationum distincta et diversa: sunt namque idem unus animus intrinsece actibus qui utraque simul, vel alterutra tantum facultate in prosecutione objectorum utitur; ipsumque hoc *movere* vel *determinare* indicat dumtaxat ordinem quo actus unius facultatis debet necessario praecedere vel comitari actum alterius: secus subijci vel imperare invicem aliquid absurditatis contineret. Atque haec dicta de dependentia actuum unius facultatis ab actibus alterius, liberos nos reduunt a quaestionibus circa agendi modum et imperium mutuam voluntatis et intellectus, quod imperium non esset certe dicendum absolutum seu *despoticum* sed *politicum* tantum, cui scilicet reluctari licet. [1]

(1) Utrum intellectus voluntati an vero haec illi imperet, parum interest determinare, cum hoc et a diversa vocis *impero* acceptione dependeat, et sub diverso respectu consideratum forte utrumque possit dici verum. Voluntas porro hoc imperium exercit in intellectum, quotiescumque in rebus non immediate evidentibus, (immediate enim evidentia intellectum necessitant) dictamen, ut ajunt, sive praeivum iudicium aut repraesentationem, mutamus in aliud diversum vel etiam oppositum, propter diversam vel oppositam voluntatis propensionem sive affectionem ad aliquod objectum; quae immutatio dictaminis sive lucta volunta-

to laudatus Doctor poterat asserere: *Qui in statu nudae naturae vult animum facere beatum ea beatitudine cujus in tali statu capax est, non debet eum relegare ad corpus.* [1].

Ex eo autem quod in statu mere naturali, quod nuper dictum est, melius foret animam corpore destitui, si inferas, ergo unio cum corpore cederet in damnum animae, utpote beatitudinis adeptionem retardans; nullaque haberetur ratio, cur primo ab auctore naturae fuerit sociata corpori: negabimus sequelam. Etenim spectato etiam ordine naturali beatitudinem non expetimus, nisi ut mercedem bonorum operum: debebat igitur anima in praesenti vita tamquam in via virtutibus operam impendere, seque perficere; ad quod mirifice confert unio cum corpore. Nam affectiones molestae, aliaeque incommoda et ipsa animi subjectio ac dependentia a corpore, innumeras virtutis, quae rebus in arduis praesertim elucescit, exercendae occasionem praebent. Est itaque in utilitatem ipsius animae ejus unio cum corpore: et auctor naturae habuit rationem eam corpori sociandi. Adsunt autem et aliae hujus unionis rationes 1^a. ut admirabile hoc compositum humanum seu natura ex duplici toto genere diversa substantia coalescens, ordinis physici ornamentum, haberetur in mundo. 2^a. ut generis humani propagatio fieret naturali modo. 3^a. ut inferiores animi facultates complemento accepto frustraneae non forent (2).

CAPUT II.

DE ACTIBUS HUMANIS GENERICE SPECTATIS.

22. De actibus humanis per quos ad finem nostrum opportunis adhibitis adiumentis dirigimur generice disserentes, monemus in primis *humanos actus* illos esse et dici, qui *sunt proprii hominis, in quantum est homo.* Jam vero, ut loquitur S. Thomas [3]: «Differt homo ab irrationalibus creaturis in hoc quod est suorum actuum dominus. Unde illae solae actiones vocantur propriae humanae, quarum

[1] Lessius, loco proxime indicato.

[2] Quomodo facultates animae inferiores frustraneae fuissent si anima nunquam corpori jungeretur, vide si lubet *Psychologiae* c. 2. n. 37. in fine et in nota ibidem posita.

[3] *Summae theolog.* 1. 2. part. quaest. 1. artic. 1. in corpor.

«homo est dominus. Est autem homo dominus suorum actuum per rationem et voluntatem..... Illae ergo actiones propriae humanae dicuntur, quae ex voluntate deliberata procedunt: si quae autem aliae actiones homini convenient, possunt dici quidem *hominis actiones*, sed non proprie humanae cum non sint hominis, in quantum est homo.» At quia actus humani spectari possunt, vel quatenus fiunt seu eliciuntur a voluntate deliberata, et in ipsa sistunt ac consummantur, et vocantur *actus elicitis*, vel quatenus dimanant vel etiam ad extra prodeunt, et dicuntur *imperati*: philosophia moralis illos praecipue considerandos assumit. Quidquid enim formalis moralitatis actibus imperatis competit, id totum ab actibus elicitis dimanant.

De his porro generatim tria possunt inquiri, eorum scilicet *natura, impuabilitas et moralitas*, advertendo interim perspicuitatis gratia, quod cum ad constituendos actus humanos, ut patet, voluntas et ratio simul concurrant, cumque ratio et voluntas se se invicem movere vel determinare dicantur, hoc non perinde esse intelligendum, quasi hae duae facultates essent duo principia operationum distincta et diversa: sunt namque idem unus animus intrinsece actibus qui utraque simul, vel alterutra tantum facultate in prosecutione objectorum utitur; ipsumque hoc *movere* vel *determinare* indicat dumtaxat ordinem quo actus unius facultatis debet necessario praecedere vel comitari actum alterius: secus subijci vel imperare invicem aliquid absurditatis contineret. Atque haec dicta de dependentia actuum unius facultatis ab actibus alterius, liberos nos reduunt a quaestionibus circa agendi modum et imperium mutuam voluntatis et intellectus, quod imperium non esset certe dicendum absolutum seu *despoticum* sed *politicum* tantum, cui scilicet reluctari licet. [1]

(1) Utrum intellectus voluntati an vero haec illi imperet, parum interest determinare, cum hoc et a diversa vocis *impero* acceptione dependeat, et sub diverso respectu consideratum forte utrumque possit dici verum. Voluntas porro hoc imperium exercit in intellectum, quotiescumque in rebus non immediate evidentibus, (immediate enim evidentia intellectum necessitant) dictamen, ut ajunt, sive praeivum iudicium aut repraesentationem, mutamus in aliud diversum vel etiam oppositum, propter diversam vel oppositam voluntatis propensionem sive affectionem ad aliquod objectum; quae immutatio dictaminis sive lucta volunta-

ARTICULUS I.

DE ACTUUM HUMANORUM NATURA.

23. Ad naturam actuum humanorum quatenus a ratione simul et voluntate dimanant, sive tandem circa finem ut *volitio, intentio, et fructio*, sive circa media ut *assensus, electio et usus*, versentur, pertinet praesertim id unde voluntarii vel liberi dicuntur. Spontaneum a voluntario et hoc a libero distinguere ex metaphysica (1) notum supponimus. Nos hic de natura voluntarii, praescindendo non tamen excludendo ab ipso rationem liberi, sicut communiter fieri solet, loquemur; idque ipsa rei natura permittit: nam voluntarium, seu illud quod procedit a principio intrinseco (scilicet voluntate) efficiente et determinante cum cognitione finis, sumtum etiam causaliter et pro voluntario perfecto, id est dimanatione actus a voluntatis propensione cum plena rationis advertentia, non involvit dominium seu indifferentiam potentiae ad actus positionem vel omissionem, quod libertatem constituit, et de quo sufficet diligenter inspicere quae fusius dicuntur in Psychologia. (2)

Porro voluntarium sic definitum, ut rei natura et communis huius vocis significatio postulat, manifeste differt a mere spontaneo, et a primis motibus appetitus naturalis, qui actus non supponunt reflexionem et finis saltem distinctam cognitionem, quamvis a principio intrinseco proficiantur. Differt similiter ab actibus puerorum ante usum rationis et brutorum, qui nisi improprie et latiori sensu voluntarii a quibusdam dicuntur; unde etiam patet ratio discriminis quod in

tis contra intellectum, si fiat quando dictamen est rectum voluntas inordinate operatur, idque facit per nefas; quod si dictamen intellectus esset erroneum aut rationabiliter dubium, tunc voluntas ordinatissime ageret illud respuendo, circa hoc novam motorum inquisitionem imperando. Atque ita contra intellectum luctari voluntas non solum potest sed et debet, haud secus quam in temerariis iudiciis tenetur cohibere intellectum ne propter apparentes dumtaxat sibi insufficientes ac inanes rationes apprehendat convenientiam vel non convenientiam idearum ubi revera non datur, in opinabilibus vero valet eundem inclinare ut acquiescat rationibus quae merentur attentionem viri prudentis.

(1) Psychologiae cap. 3. artic. 6. n. 86 et 91.

(2) Ibidem artic. 6. n. 90. et sec. artic. 7. per totum.

voluntarii definitione solet reperiri (1). Patent etiam sequentes voluntarii divisionis; 1.º voluntarii perfecti, et imperfecti seu improprie dicti, nisi voluntarium imperfectum sumas dumtaxat relate ad quamdam minus absolutam voluntatis inclinationem, vel ad pauciores quosdam reflexionis et attentionis gradus. 2.º Causaliter seu active, et objective, id est pro ipsa re seu objecto volito accepti. 3.º Eliciti, et imperati. Tandem considerandum est perattente voluntarium in se seu directum et in causa seu indirectum: illud habetur in iis ad quae voluntas per se immediate terminatur; hoc autem dum voluntas terminatur immediate ad aliquid, in quo virtualiter vel moraliter continetur id quod dicitur voluntarium in causa seu in alio: sic aegritudo dicitur et est voluntaria in causa, id est in immediata appetitione cibi illius, quem quis sumpsit cognitum ut sanitati contrarium.

24. Utrum vero detur voluntarium indirectum, quod sit in se volitum, seu in quod voluntas influat; sed influxus iste consistat in mera omissione, vel carentia actus voluntatis, non quaerimus; quia hoc respicit magis libertatem actus quam actum mere voluntarium, et potius dici debet non voluntarium quam voluntarium indirectum, qualis foret mors proximi ex defectu alimenti, respectu alicujus non habentis quo illi subveniat, nisi se ipsum in simile periculum mortis conjiciat. Et sane in casu allato ille cui diceretur mors ista proximi negative, et indirecte voluntaria, aut supponitur se determinare ad volendum, nolendum, vel cohibendum se ab utroque; aut cognoscens omnia rei adjuncta remanet in mera potentia ad volendum, nolendum, et se cohibendum. In primo casu, cum etiam cohibitio sui a volendo sit velle, haberetur quidem actus positivus velut influens in talem affectum, sed quia ad nihil eorum tenetur (si enim ad aliquid te-

(1) Qui voluntarium a mere spontaneo non distinguunt, hi ad ejus naturam et definitionem nihil aliud requirunt, nisi ut aliqua actio procedat a principio intrinseco; unde consequens esset, nedum actus amentium, dormientium etc. sed etiam brutorum voluntarius esse. Qui vero voluntarium pro eodem ac liberum habent isti ad ejus definitionem postulant, ut procedat ab indifferentia sive dominio voluntatis in suos actus; quo sensu sive confusione similiter supposita, tendentia voluntatis in bonum in genere, et amor beatorum erga Deum, non essent nec possent dici actus voluntarii, quamvis cum plena finis cognitione et voluntatis propensione exerantur.

neretur quaestio jam esset non de actu simpliciter voluntario, verum de libero), hujusmodi voluntatis actus relate ad hunc effectum idem sunt ac si non essent: in altero vero casu ex defectu omnis propensionis voluntatis respectu securitatis mortis, haec deberet potius dici *non voluntaria*, quales sunt e. g. effectus permissivi relate ad Deum.

Ut autem illud quod dicitur tantum *in causa* voluntarium sit revera tale id est voluntati tamquam principio a quo pendeat tribui queat tres requiruntur conditiones; *prima*, ut cum illo quod est immediate ac *in se* volitum aliqua ratione nectatur, et fluat ab ipso: *secunda*, ut talis utriusque connectio ac dependentia praevideatur, vel saltem potuerit *facile* praevideri ab eo qui operatur, propter generalem rationem *nihil esse volitum quin praecognitum*: *tertia*, ut operans teneatur non velle *unum* ex quo sequitur aliud. Haec tamen *tertia* conditio licet sit semper necessaria ad actum voluntarium simulque liberum, et praesertim ad meritum vel demeritum imputabilem; non videtur aequae necessaria ad actum *mere* voluntarium; quando enim ex illo quod immediate ac *in se* est volitum, aliquid aliud sequitur *necessario*, et *vi* praecise ipsius actionis: jam tunc generaliter verum erit, *qui vult causam vult etiam effectum* sufficienter cognitum. Quod si per *accidens* tantum et non ex *vi* ipsius actionis aliquid sequatur, licet infallibiliter securum praevideatur, ut voluntarium *in causa* dici possit debet locum habere conditio *tertia*, ut scilicet *vi* obligationis cognitae ipse actualis inactivitatis status non sit amplius agenti indifferens, et per consequens indirecte saltem *voluntarius*, quatenus nempe liberum supponit voluntarium.

25. Sicut *spontaneo violentum*, seu id quod fit ab *extrinseco* nullam vim conferente *passo*, quin etiam contra ejus naturalem tendentiam; ita *voluntario* opponitur *coactum* et *involuntarium* (1), seu illud quod alterutri e duobus actus voluntarii constitutivis adversatur; nam *necessi-*

(1) Latius patet *involuntarium* quam *coactum*, hoc enim ex ipso sui conceptu deberet tantum constitui si activa facultas per vim quamdam adigeretur ad aliquem actum (sive tandem hoc fieret simul contra naturalem ejus tendentiam sive non unde differ a *violento*) ponendum; illud vero habebitur undecumque tandem proveniat quod aliquid fiat contra positivum voluntatis renisum. Hinc sicut omne violentum est coactum, sed non vice-versa; ita omne quidem coactum est involuntarium, sed non omne involuntarium est coactum.

tas per se tantum cum *libero* consistere nequit. Porro primo constitutivo voluntarii, scilicet inclinatione seu propensione voluntatis ad actum praecipue adversatur extrinseca *vis* et *metus*; advertentia vero rationis ad finem, objectum et circumstantias actionis, seu alteri actus voluntarii constitutivo, opponitur *ignorantia* et *concupiscentia*. Et in primis advertendo, quod cum duae primae praesertim causae involuntarii non aliter in illud influant nisi movendo aut physice aut moraliter voluntatem ad actum, qui vel *simpliciter* vel *secundum quid* ejus tendentiae seu inclinationi adversatur; quodque ut actus sit involuntarius non sufficiat voluntatem respectu ejus se *negative* habere, sed requiratur ut fiat ipsa positive quodam modo (1) renitente: jam veluti per se patet, *voluntatem quoad actus elicitos, a nulla vi extrinseca cogi posse*.

Hoc itaque pro enunciatione propositionis supponimus, et sic probamus. Actus elicitus utpote ex sui natura ab intrinseco dimanans fit secundum voluntatis inclinationem; si fieret coactus foret contra ejusdem inclinationem, idem igitur simul esset et non esset. Deinde vis quaelibet coactionem inferens, vel faceret voluntatem intrinsece nolle aut velle dum simpliciter non est ad aliquid determinata; et tunc non fieret actus coactus et involuntarius, sed status mere *negativi* in *positivum* mutatio, id est transitus potentiae in actum, qui actus hoc ipso quod non esset aliud quam voluntas volens, foret jam voluntarius; vel voluntatem ad aliquid actu et positive determinatam ad ejus oppositum efficaciter inflecteret, idque aut sublata prorsus priori determinatione, aut in eodem statu relicta oppositam superinducendo: si primum ex his duobus supponatur, jam idem recurrit quod modo ad primum disjunctionis membrum diximus; si alterum, tunc talis determinatio utpote vitalis et adhuc elicitus voluntatis actus quamvis distinctus et diversus a primo, fieret juxta praesentem voluntatis inclinationem eamque constitueret, ideoque foret quid *simpliciter* voluntarium, licet forte, ratione nempe praecedentis adhuc actu permanentis vel habi-

(1) Modus iste duplex est, scilicet *explicite* vel *implicite*, hoc secundum haberetur si voluntas supponatur ita comparata esse, ut nunquam prosequeretur tale aliquod objectum cognitivis adjunctis et conditionibus quibusdam, sicut accidit, uti inferius videlicet, in casu cujusdam ignorantiae.

tualis ad oppositum determinationis, posset dici *secundum quid* tantum involuntarium.

26. Hinc si quis opponeret, Deum saltem potentissima sua virtute posse actus voluntatis elicitos efficere coactos; scilicet vel infundendo voluntati ipsa nihil agente talem actum; vel faciendo ut aliquid nolens, durante etiam ac nolitioni velit, ut nempe amet e. g. Petrum, quem odio actu prosequitur; respondebis negando antecedens, quod probationes non evicunt: et aliunde certissimum est Deum non posse efficere quod ex ipsa rei natura repugnat, ut esse actus ab intrinseca voluntatis activitate dimanans, simulque ei a vi extrinseca impressus. Demus praeterea conceptum *actus* potentia intrinsece activae ab extrinseco *infusi* absolute non repugnare, tamen quia actus talis voluntati infusus eam constitueret volentem, dici quidem posset et revera esset eidem necessarius, minime autem involuntarius et coactus.

Ad id quod secundo loco asseritur, praeter posteriorem rationem fundamenti, ex qua sequitur affectionem dictam amoris, mutare in casu voluntatis inclinationem, eamque necessitare, non autem eidem *simpliter* et *absolute* involuntariam esse, negari quoque potest supposita duratio seu permanentiae oppositae ac contrariae nolitionis. Etenim, cum *absoluto* volitionis *actu* nequit simul consistere ejusdem actus *absoluta nolitio*, non quidem ratione intrinsecae ac immediatae, sed objectivae et modalis, contradictionis (1) Certum namque est potentiae ad intra agentis in *actu elicitio* quatenus est talis, ipsum actum esse *objectum et terminum* operationis *adaequatum*, cum ipsa potentia seu facultate realiter identificatum, ipsamque ad talem existendi modum determinatam, positio itaque uno tali actu, tollitur objectum alterius actus oppositi, et ita repugnat potentiam seu facultatem ad talem opposi-

(1) Intrinseca ac immediata contradictio adesset, si actus e. g. velle non velle, et nolle utpote in suo conceptu oppositi, ratione hujus oppositionis mutuo se excluderent ab animo, quod certe non subsistit, cum tales actus sint simplicissimae animi modificationes, earumque oppositio nunquam cadit in idem de eodem ac sub eodem respectu; oppositio itaque quam erimus se tenet ex parte talis actus utpote elicitio considerati tamquam intrinsecum objectum suimetipsius, et ex parte modi agendi ac existendi quem in tali operatione subjectum agens seu animus acquirit.

tum actum terminari, priori non remoto, sicut repugnat ipsum e. g. *absolutum velle* quatenus *tale*, posse unquam simul evadere *absolutum nolle*.

Potest id ipsum confirmari paritati desumpta ab intellectu, qui posita apprehensione unius propositionis contrariae ut verae, nequit simul etiam acta distinctio a primo, sicut hanc judicare falsam, ita et ejus oppositam veram, non quod desit in animo virtus ad duo vel plura judicia, etiam de rebus oppositis simultanee ponenda, sed quia datis et cognitis motivis pro veritate propositionis e. g. *omnis europaeus est albus*, sicut desunt motiva et objectum pro apprehendenda falsitate ejusdem, ita hoc ipso debet necessario deesse motiva et objectum pro simultanea propositionis contrariae, scilicet, *nullus europaeus est albus*, veritate. Unde parum proficeres dicendo ulterius, intellectum approbando falsum pro vero, voluntatem peccando, ponere actus naturali inclinationi verum ac bonum contrarios; siquidem et intellectus *per se* non approbat falsum pro vero nisi aliqua specie veri illudatur, et voluntas non vult peccatum nisi sub aliqua ratione boni; actus igitur isti sunt secundum generalem harum facultatem inclinationem in verum ac bonum, ideoque nec violenti, nec coacti.

27. Non est autem idem iudicium ferendum de *imperatis* nostrae voluntatis actibus, hi enim cum ab imperio dumtaxat voluntatis atque extrinsece et denominative rationem voluntarii habeant, efficienterque ac in se ab aliis facultatibus dimanent, possunt esse revera involuntarii et coacti. Etenim pleraeque facultates voluntatis imperio naturaliter subjectae, vel per applicationem proprii earum objecti, vel per immediatam excitationem potentiae materialis, (ut accidit in vitalibus corporis nostri motibus) possunt cieri ad actus suos renitente etiam voluntate in oppositum; sic et in intellectu aliqua cogitatio, et in imaginatione aliquod phantasma quandoque perdurat, et corporis nostri membrum potest a vi extrinseca ad aliquid feriendum determinari etc. Hi itaque aut similes actus contra voluntatis actualem inclinationem in nobis existentes vel circa nos producti sunt proprie involuntarii: magis tamen vel minus involuntarii erunt dicendi, pro majori vel minori voluntatis *oppositione*, a qua praecipue determinationem ac rationem involuntarii derivant.

Neque dicas, plerosque horum actuum cieri a potentiis intrinsece ac vitaliter activis, e. g. imaginationem, sensibilitate etc. fiunt igitur juxta earum naturalem inclinationem,

ac proinde voluntarie. Deinde, si aliunde quam ab imperio voluntatis dimanant, non erunt amplius actus *imperati*. E-nim vero ex eo quod aliqui horum actuum proveniant ab in-trinseca facultatum activitate vel secundum earum particula-rem inclinationem producantur, non erunt quidem violenti aut coacti relate ad has particulares potentias, sed relate ad inclinationem communis principii, quale in homine est vol-untas, qua renitente fieri supponuntur, erunt prorsus involuntarii. Quia porro per extrinsecam talium actuum deter-minationem, vel qui jam fuerunt a voluntate imperati, ipsa renitente nihilominus impediuntur, vel quos vellet hic et nunc imperare aut compescere, irrita conatu minime valet, patet eos ut tales, *actu*, aut *potentia* ad naturale voluntatis imperium spectare, quatenus nempe producantur in poten-tiis seu facultatibus imperio voluntatis naturaliter subjectis, et quatenus supponuntur fieri contra actualem ac positivum voluntatis renisum.

28. Metus, seu *animi trepidatio orta ab imminente ali-quo periculo damni*, solet spectari tamquam moralis causa propensione voluntatis in suos actus opposita, quando nempe voluntas *ex tali metu* tamquam *motivo*, hanc prae aliis deter-minationem sequitur, dum e. g. mercator orta tempestate ex metu amittendae vitae projicit merces in mare; quod profecto differt ab actione facta simpliciter *cum metu*, quae potius in-tensitatem voluntarii commendat, e. g. in fure qui licet me-tuat ne capiatur et poena afficiatur nihilominus alienas res auferit. Metus etiam *gravis*, qui scilicet *in virum* quoque *constantem cadere potest*, rationem *voluntarii* simpliciter *perfecti* minime tollit, quamvis illud quodam modo minuat, quatenus nempe et spectata generali animi dispositione volun-tas talem determinationem non sequeretur, et praecipue quia hic atque nunc occasione metus cum quadam renitentia ac ve-lut invita operatur; unde etiam hujusmodi actus a quibusdam vocatur *ex voluntario, et involuntario mixti*.

Facile autem assertio haec nostra suadetur; nam in primis ad rationem voluntarii perfecti sufficit ut ab intrinseco prin-cipio scilicet voluntate, procedat praeclucens cognitione finis, at quae ex metu fiunt talia sunt: metus enim, de quo sermo, relinquit hominem sui compotem; animus de facto, ut patet in allato superius exemplo, ex propensione suae voluntatis, perpensis beneadjunctis, se determinat ad mercium jacturam, et vi hujus determinationis potentiam extrinsecam, ad exe-quendam projectionem actu applicat quod evidentissimum

est signum absolutae et efficaci voluntatis, ergo talis actus etc. Deinde sicut observat S. Thomas (1), unumquodque simpliciter esse dicitur, secundum quod est in actu, iudicium nempe de re aliqua in particulari ferendum esse juxta parti-cularem ejus existendi modum; jam vero actus ex metu po-situs est revera volitus et quidem efficaciter a voluntate hic et nunc tamquam medium ad declinandum aliud malum; ergo sicuti est talis actus hic et nunc, est proprie ac simpliciter vo-luntarius.

29 Dices. In ea quae ex metu volumus ita fertur volun-tas, ut ea non vellet cessante metu; ea non delectant, sed po-tius moerore animum afficiunt. Pactiones quaedam vel pro-missiones ex metu invidiae, irritae ac nullae censentur; et illum, qui aliquid ex metu egit, licet istud fuerit turpe, dignum commiseratione ac venia judicamus.

R. Ad 1^m, ista dispositio voluntatis est tantum inefficax et secundum hypotheticam apprehensionem, quae non tollit efficacem et absolutam tendentiam voluntatis in actum de quo loquimur: oritur praeterea non ex actione propter me-tum, quae potest haberi ratione sui absque tali conditionata dispositione (2) sed ex amore v. g. mercium quae pereunt, quaeque possent honeste retineri ac servari remoto periculo amissionis vitae: unde etiam tales actus non delectant men-tem, sed moerore afficiunt, non autem quasi non essent vo-luntarii.

Ad 2^m. Pactiones vel contractus quidam facti ex metu ab *extrinseco* et *injuste* incusso pro non factis habentur, non quasi ita initi ex sui natura involuntarii forent, sed vel prop-ter legem positivam, quae ad bonum commune et fraudem declinandam dirigitur: vel propter aequitatem naturalem, ne scilicet, latro e. g. promissionem vel pactionem pecuniae solvendae metu extorquens, ex injusta actione fructum per-cipiat; nemini enim iniquitas suffragari debet (3).

(1) *Suum. theolog.* part. 1. 2. quaest. 6. artic. 6.

(2) Quando quis hic et nunc se cohibet propter metum ab ali-qua actione ponenda, et cognoscit talem sui cohibitionem futuram sibi frustraneam vel etiam noxiam, si pro hypothesis non existen-tiae metus retineret voluntatem oppositum faciendi, is rationabi-liter cupiens agere hanc etiam conditionatam voluntatis dispositio-nem procul amandabit, quamvis ex metu tantum, velut immedia-to motivo, operetur.

(3) Id quod dicimus verum esse inde quoque colligitur quod si metus quamvis *ab extrinseco* juste tamen fuerit incussus, e. g.

Ad illud quod additur dicimus: dignos commiseratione ac venia judicari eos qui metu praesertim ab extra incusso aliquid patrant, ratione scilicet durae necessitalis quae eos ad alterutrum malum subeundum adegit, quodque in talibus adjunctis constituti *invite* quodammodo egerint, non autem *coacte et involuntarie*. Hac distinctione non facta Pufendorffius (1), aequè involuntariam censet actionem ex metu ac ex vi extrinsecos determinante factam, utiturque per summum nefas comparatione inter illum qui violenter impulsus aliquem ictu offenderet, et satellitem qui minis adactus insoniti viro necem inferret. Quis enim non videt ingens discrimen actionis illius hominis, cujus manus ipso prorsus repugnante ad aliquem ferendum arripitur, et alterius qui territus minus ad insontem necandum se ipsum determinat?

Hic tandem breviter juvat advertere nullum metum, etiam qui a periculo amittendae vitae, et vi tormentorum oritur, posse excusare aut cohonestare turpitudinem moralis actionis intrinsece malae, tum quia etiam iste metus non perimit rationem voluntarii et liberi, cum etiam quia moralis deformitas talis actionis est immutabilis, ac major cujuscumque physici boni jactura. Hanc pariter humanorum actuum essentiali conditionem Pufendorffius inficiatur vel tollit (2).

si iudex sub poena etsi gravissima cogat quempiam ad ineundam aliquam pactionem licet onerosam pro compensatione injuriae vel damni alicui illati, talis actus et ex sui natura et ex sententia omnium Doctorum rationem voluntarii quin et liberi minime amittit. Quod si metus dumtaxat *ab intrinseco* proficiscatur, si nempe e. g. mercator plurimas merces coemat, timens ne earum futurum pretium nimis augeatur, ne minimum quidem dubium esse potest, illum prorsus voluntarie egisse, etsi valor mercium in futurum decreseat.

(1) *De Jure natur. et gent.* libr. 1. cap. 5. et *de offic.* libr. 1. cap. 1.

(2) Pudet vel innuere turpissima scelerum exempla, quae loco nuper memorato iste protestantium moralista nedum profert, sed veluti ab omni crimine immunia, et commiseratione dumtaxat digna, eo quod propter metum patrata, impudenter exhibere non dubitat. Hoc certe non est scelerum horrorem animis hominum ingerere, sed speciem cujusdam innoxii velaminis amplioem effraenis cupiditatibus aditum patefacere, atque ea confundere quae sunt apprimè distinguenda. Aliud namque est, quod metus gravis cujusdam mali queat interdum excusare actionem contra legem humanam, quae versatur circa objectum indifferens, aliud vero quod actio intrinsece mala possit unquam ob metum desinere esse talis; primum, quia leges humanae non obligant communiter cum

30 Aliud voluntarii impedimentum est *ignorantia seu carentia convenientis cognitionis in subjecto intelligente*. Missis aliis ignorantia acceptionibus, spectabimus eam prout ad actus voluntatis dicit respectum. Sic autem spectata, alia est quae instar causae influit in actum volitum ipsumque antecedit, quatenus ipsa non supposita talem actum voluntas non poneret, et dicitur *antecedens*; quam si quis *moralis adhibita diligentia* non poterat deponere, erit illi quoque *invincibilis, secus vincibilis*.

Alia ignorantia est, quae dumtaxat comitatur actus positionem, et qua etiam sublata actus fieret; et dicitur *concomitans*; qualem habet is, qui invincibiliter putans occidere feram occidit hostem, idem facturus etiam si errorem cognovisset. Haec ignorantia nec constituit voluntarium simpliciter, quia deest cognitio sufficiens ex supposita invincibili ignorantia; nec involuntarium positivum, quia actus iste non est contra inclinationem agentis, erit itaque talis extrinsecus actus simpliciter non voluntarius, supposita semper invincibili ignorantia. Redditur tamen hujusmodi actus etiam extrinsecus communitè voluntarius *de consequenti* quatenus cum tali ignorantia operans, detecto errore, lactatur de facto ipsumque approbat.

Tertia acceptio ignorantiae spectat eam, quae dicitur *consequens* voluntatis actum, non quidem eum in cujus positionem influit; sed aliquem alium vi cujus directe vel indirecte fuit volita; dicitur porro *affectata* in eo qui directe ac positive vult et quaerit ignorare e. g. legem aliquam ut liberius contra eam agat, *supina* vero vel *crassa* in eo qui negligit addiscere praesertim ea quae sunt majoris, momenti et ad recte operandum scitu necessaria, unde censetur talem ignorantiam indirecte velle.

Utraque haec modo dicta ignorantia *consequens*, ut per se patet, quia antecedenter a voluntatis propensione orta fuit, rationem voluntarii in causa a subsequenti voluntatis actu, qui cum ejus vel sub ejus influxu ponitur, nullatenus admittit. Verum *ignorantia antecedens et invincibilis* reddit actum sub ea positum simpliciter involuntarium, quod postremum evidentissime probatur.

gravi incommodo, omnes ultro concedunt, alterum docendi instauratae sive potius deturpatae Protestantium morali munus videtur dumtaxat demandatum.

Etenim in casu quo quis ex invicibili ignorantia comederet carnes die vetita, vel putans esse feram occideret amicum, conditiones illae sub quibus ponuntur isti actus non sunt in se ac directe volitae, quia ipsis suppositis actus non fierent; non indirecte ac in causa, quia non sunt praevisae ob ignorantiam invincibilem, ergo actus isti sub formali eorum ratione non fluunt a voluntate, sive nulla est voluntatis tendentia ad eos ut tales; quin etiam quia detecto errore voluntas nullatenus ad tale objectum tenderet, praesens prosecutio objecti fit voluntate in oppositum implicite retinente. Deinde causa positionis istorum actuum, quae est ignorantia, supponitur invincibilis et prorsus involuntaria; ergo actus isti quoad circumstantiam ignotam fiunt sine cognitione, et contra actualem vel habitualementem et interpretativam voluntatis inclinationem, ergo sunt simpliciter involuntarii. Quamvis enim e. g. comestio illa carnis et occisio, materialiter et quoad actus substantiam sunt quid volitum, non tamen formaliter et sub ea ratione quatenus est comestio vetita, et occisio hominis atque amici, sub hoc namque respectu fiunt sine cognitione, et contra voluntatis agentis inclinationem.

32 Postremum voluntarii impedimentum solet spectari *concupiscentia*, sumiturque hic (theologi namque polissime eam considerant, velut partis inferioris adversus superiorem, sive sensibilitatis adversus rationem, luctam et rebellionem, quae in praesenti humanae naturae conditione est effectus et poena originalis peccati) pro vehementiori quodam sensitivi appetitus impetu, qui rationis iudicium solet interdum perturbare, sive tandem exeratur juxta concupiscentem appetendi modum, quo ad bona sensibilia prosequenda et mala propulsanda, sive juxta irascentem, quo veluti ad vindictam e. g. aut ultionem sumendam, incitatur. Concupiscentia utroque hoc modo considerata, dividitur in *antecedentem* et *consequentem*.

Antecedens illa est quae nullo praesupposito voluntatis actu, ex alicuius dumtaxat physica aut morali causa, a nobis tamen independenti, ortum et incrementum ducit. Sic physica sensibilitatis nostrae contemperatio est frequenter illius causa; unde qui acrimonia et subtilitate humorum sanguinisque fervore caeteris praestant, ii propter intimam animae cum corpore unionem sunt quoque ad concupiscendum et irascendum promptiores facilioresque. Huc etiam spectat diversitas regionum, coeli tenuitas vel crassities, ipsaque dissimilitudo alimentorum, nec non peculiaris quaedam

puerorum institutio sive educatio antecedens etiam perfectum rationis usum sermonesque jam tunc auditi et inspecta majorum exempla. Horum tria prima ipsam physicae corporum temperationis diversitatem inducentia, diversarum nationum vel ejusdem nationis diversarum conditionum homines, alios aliis fervidiores, ad eadem objecta magis minusve vehementer affectos et propensos reddunt: alia vero duo, puerulos ad imitandum majores naturaliter inclinatos, atque molli, delicata, in omnem partem flexibili naturae temperatione praeditos, ad concipiendas, fovendas, augendasque peculiare quaedam propensiones et affectiones mira prorsus facilitate inducunt. Quis enim ignorat, quod instar prodigii habendum foret, si puerulus inter iracundos et molles diu degens, non facile ad iram concitaretur, voluptatemque non sectaretur? Haud secus, ac si filius ruricolae ad culturam agrorum, venatoris ad venandum nullam propensionem affectionemque haberet.

Concupiscentia *consequens* quosdam voluntatis jubentis aut permittentis actus subsequitur habeturque in iis qui scienter conjiciunt se in tales occasiones, talia loca et personas adeunt, earumque consuetudine et consortio perfruuntur, quae per se, cupiditatem atque iram concitant, qui frequenter iteratis actibus habitum concupiscendi et irascendi sibi comparant, etc. Haec concupiscentia utpote voluntarie inducta, etsi quandoque transiret in speciem quamdam furoris, actum sub et cum ejus influxu positum relinqueret saltem in causa voluntarium; de ipsa itaque quaeri non solet nec debet, utrum voluntarium minuat aut tollat.

33. Quod vero spectat concupiscentiam antecedentem, ne haec quidem rationem voluntarii ab actu voluntatis subtrahere dicenda est, cum evidens sit actiones cum tali concupiscentia sive cupiditate vel ira positas remanere revera actiones humanas. Ordo nempe naturalis postulat, ut inferioris partis propensiones subsint rationis iudicio, eique saltem in eo optemperet, quod licet rationalem appetitum aut voluntatem valeant in actibus primo primis ad aliquid expetendum incitare; reflexam tamen objecti prosecutionem, in potestate voluntatis, quae solius rationis directioni subjicitur, relinquunt. Porro actiones revera humanae sunt voluntariae. Insuper, quod non adimit sufficientem rationis reflexionem et voluntatis propensionem, non reddit actum involuntarium: talis est concupiscentia ante-

cedens: causae namque illae superius memoratae a nobis independentes, non solent, ut experientia probat, sensitivi appetitus vehementiam ita augere, ut rationis usum praepediant (et si id unquam accideret, talis concupiscentia transiret in furorem, haberetque speciem cujusdam infirmitatis sive dementiae, de quo non loquimur); remanet itaque in actu cum dicta concupiscentia posito sufficiens rationalis cognitio objecti, finis, et circumstantiarum [1], quod tan-

(1) Qui ad objectum, finem et circumstantias actionis ratione advertit, nedum habet id quod ad actum simpliciter voluntarium, sed etiam liberum requiritur: perpensio enim accurata eorum constituit actum vera humanum, et nequit non suppeditare rationale motivum ad se cohibendum a volendo, concupiscentiamque reprimendam, quando ultra praescriptum rectae rationis porrigitur. Quoniam tamen actus cupiditatis vel irae praesertim repentinus, perturbando iudicium rationis eam quodammodo avocet a longiori et profundiori consideratione motivorum, quae voluntatem deterrere possent a tali actione ponenda, hinc quamvis non reddat actionem secundum se involuntariam et non liberam, minuit nihilominus perfectionem, ut ita dicam, extensivam et accidentalem actus liberi relate ad imputabilitatem. Quis enim non videt, minus quodammodo culpandum esse eum, qui paucioribus minusque perfecte cognitis motivis a crimine absterrentibus illud patravit, prae alio qui et longe plura et perfectius perspecta habuerat motiva se cohibendi a scelere, quamvis uterque quoad substantiam actus aequae liber fuerit? Unde et humana iustitia in imputandis criminibus poenisque exigendis, solet habere rationem majoris aut minoris ignorantiae sive perfectionis quoad cognitionem, et praesertim infirmitatis dimanantis ab antecedente concupiscentia praecipue si repentina e. g. in motibus irae aut odii. Atque hinc patet quid sit discriminis inter scelera ignorantiae, infirmitatis et purae malitiae; quod postremum maxime elucet in eo, qui in plena luce sive perfecta atque ampla motivorum se cohibendi a scelere cognitione, nullatenus actus concupiscentiae antecedente, aut fraena relaxans concupiscentiae consequentis, illud admittit.

Quia porro, ut nuper vidimus, etiam antecedens concupiscentia voluntarii et liberi rationem humano actui non adimit, plurimaeque illius propensiones vergant ad objecta, quae ex rationis praescripto appetere nefas est, sequitur vehementer reprehendum esse Pufendorffium, sicut vel et ipse Barbeyrac in eum animadvertit, eo quod (*De offic. hom. et civ. lib. cap. 1.*) asserere non dubitaverit: *si quis vehementioribus animi perturbationibus cupiditatibusque sit obnoxius, quibus resistere non valeat, posse semper aliquo modo illis sine crimine satisfacere.* Nonne hoc est, gravissima scelera quae ex vehementiori concupiscentia communiter dimanant, velle cohonestare?

tum ad rationem voluntarii etiam perfecti, ex parte intellectus praerequiritur et sufficit. Quia vero id ad quod a concupiscentia impellimur, ut jucundum solet a nobis apprehendi et voluntas ad objecta jucunda sponte sua propendet, hinc concupiscentia ista nedum tollit aut minuit, quin potius auget voluntatis propensionem ad actum. Nulloigitur ex capite involuntarium dici potest, quod fit cum tali concupiscentia.

Verum inquires, concupiscentiam hanc saltem minuire voluntarium, haud secus, quam metus. Etenim et quae fiunt ex tali concupiscentia ipsa sublata non fierent, et ipsa reddit actionem molestam: qui enim concupiscentia illecti, libidini e. g. aut irae indulgent aliquam repugnantiam interdum experiuntur.

R. Paritas a metu desumpta nullatenus subsistit, metus namque minuit quodammodo voluntarium non ideo tantum quia sublato metu actio non fieret, sed quia aliquatenus renitente voluntate et cum quadam molestia actio illa ponitur, scilicet, urgente dumtaxat necessitati medii ad declinandum majus malum: e contra in actione ex concupiscentia, cum etiam sumere e. g. vindictam exhibeatur ut quid jucundum, nisus et propensio voluntatis ad actum nequam minuitur sed potius augetur. Atque propter eandem rationem jucunditatis, actionis repugnantia quam obsequentes concupiscentiae interdum experiuntur, non oritur ex

Turpius adhuc a veritate recedunt, et in majorem perniciem incautae juventutis animos pertrahunt plerique impiorum sciolorum, qua scriptis qua blanda voce identidem oggerentes, et instar cujusdam velut naturalis principii insinuantes, *propensionibus naturae esse obsecundandum*: quasi nempe homo, aut instar brutorum physicis dumtaxat legibus subjiceretur, aut illius propensiones cupiditatesque non nisi ad id quod aequum, honestumque et cum ratione consentiens fuerit, semper impellerent. Quid itaque; poteritne esse a crimine innocuum suffragari etiam illis naturae propensionibus quae e. g. ad ultionem, sumendam, vel turpem aliquam cupiditatem explendam solent haud raro urgere? Numquid vel ipsi ethnici philosophi non docuerunt contrarium? *sustine et abstine*; ad haec duo omnia moralia praecepta, et viam assequendae virtutis revocarunt. Quod congruit etiam cum doctrina divinae sapientiae nobis superne revelata: *spiritu ambulate, et desideria carnis non perficietis; caro enim concupiscit adversus spiritum, spiritus adversus carnem: haec enim sibi invicem adversantur.* (*Ad Galatas cap. 5. v. 16. et seq.*)

ipsa rationis natura sicut in metu, sed ex aliqua apprehensione extrinseca subsecuturi mali e. g. jacturae sanitatis propriae, etc. vel tandem ex ipsa physicarum corporis virium defatigatione, quae solet comitari nimiam atque frequenter iteratam concupiscentiae satisfactionem.

ARTICULUS II.

DE ACTUUM HUMANORUM IMPUTABILITATE.

34. Libertas indifferentia seu liberam arbitrium voluntatis nostrae, est fundamentum imputabilitatis actionum humanarum. Hoc evidentissime patebit, si in actu humano distinguamus physicam ejus entitatem seu motum quemdam voluntatis prosequenti proprium objectum, sequae determinantis, quod est veluti *materia* ipsius actus voluntarii, ab ipso dominio actuali vel decreto voluntatis ad quolibet oppositorum se ipsam flectentis, a quo motus ipse physicus voluntatis seu physica entitas actus dependet, quodque constituit actus humani liberi *formalitates*. Distinctio haec aequae locum habet in actibus elicitis ac imperatis, in voluntario directo ac indirecto etc. Jam vero formalitas ista humanorum actuum constituit ipsam *imputabilitatem* eorum, quae proinde non est aliud quam, *proprietas illa moralis vi cujus actio tribuitur alicui tamquam vero ejus auctori et domini, quique pro ipsa et ejus naturalibus eventis rationem reddere tenetur*: sive ipse agens actionem illam physice quoque produxerit, sive ut ab aliis produceretur, utcumque promovendo vel impediendo effecerit.

Imputabilitas ista actuum est certe pro ordine morali aliquid positivum ac reale, utpote affectionum seu attributionum positivarum capax, sive tandem *materiale* ipsius actionis fuerit physicus voluntatis motus, sive ejusdem physici motus privatio. Differt autem imputabilitas a *moralitate* actuum humanorum de qua loquimur in sequenti articulo, quaeque respicit bonitatem, honestatem, etc. actionum derivatam ab imutabili omnis rectitudinis norma, cum actus humanus etiam indifferens, sive praescindendo saltem ab ejus rectitudine in genere morum, adhuc alicui tamquam ejus auctori imputari potest; estque *per se formaliter*, seu tamquam liber et imputabilis spectatus, capax tantum istius *moralitatis* seu rectitudinis et honestatis, aut con-

trarii defectus. Aliud insuper revera *in se* est imputare alicui actionem, aliud imputare ejusdem actionis rectitudinem vel deformitatem; quamvis communiter haec duo pro eodem sumantur tum quia nequit esse actus proprio sensu moralis nisi simul fuerit liber, ac proinde imputabilis, tum ex suppositione, nullum scilicet actum revera humanum et singularem seu in individuo indifferentem esse.

35. Actiones quasdam esse hominibus imputabiles, nemo nisi is qui liberum hominis arbitrium inficiatur, in dubium revocare potest. Et sane, vi liberi arbitrii omnis actus humanus ut talis, ita est in potestatis agentis, ut ab eo pendeat illius positio vel non positio: atqui ille censetur merito alicujus actionis auctor ac dominus et in illum possunt rejici omnia eventa quae ex illa actione naturaliter fluunt, in cujus potestate erat illam actionem ponere vel non ponere; ergo cum hoc constituat imputabilitatem patet assertum. Praeterea, communi omnium judicio ac sententia, quibus sua cujusvis conscientia sponte suffragatur, certissimum habetur, posse hominem quarundam suarum actionum talem auctorem censerit, ut earundem ab illo ratio jure petatur, effectusque qui natura ab his profluunt illi merito tribui queant; cum non alia sit causa cur quis non possit queri quod sibi quaedam actio imputetur, nisi quod ipse sciens volensque illam ediderit; et imperitissimi quique mortalium, ubi super facto aut omisso aliquo accusantur, non efficaciorum se posse excusationem afferre putent, quam si dicant penes se non stetisse, quominus id factum vel non factum fuerit. Atque de hoc fere nulla est controversia.

Facile autem patebit, quae nam sunt actiones hominibus actu imputandae, si, ut par est, *imputabilitatem* distinguas ab *imputatione*, quae quidem supponit illam, sed insuper requirit debitum aliquod seu moralem necessitatem (1) talem actum ponendi vel non ponendi in illo, cui is

(1) Debitum istud sive moralis necessitas actum ponendi vel omittendi tunc est simpliciter necessaria quando ex justitia imputatio alicujus actus fieri debet, idque praesertim si fiat sermo de imputatione ad culpam et poenam; actus namque liber et moraliter bonus, etsi absque omni necessitate morali sive debito positus, recte ad meritum imputatur etiam ex sola aequitate. Similiter si daretur humanus actus positus deliberate, qui tamen sub omni respectu esset indifferens, iste ejusque eventus possent imputari agenti tamquam domino vel causae morali, licet nullam meriti aut

ipsa rationis natura sicut in metu, sed ex aliqua apprehensione extrinseca subsecuturi mali e. g. jacturae sanitatis propriae, etc. vel tandem ex ipsa physicarum corporis virium defatigatione, quae solet comitari nimiam atque frequenter iteratam concupiscentiae satisfactionem.

ARTICULUS II.

DE ACTUUM HUMANORUM IMPUTABILITATE.

34. Libertas indifferentia seu liberam arbitrium voluntatis nostrae, est fundamentum imputabilitatis actionum humanarum. Hoc evidentissime patebit, si in actu humano distinguamus physicam ejus entitatem seu motum quemdam voluntatis prosequentis proprium objectum, sequae determinantis, quod est veluti *materia* ipsius actus voluntarii, ab ipso dominio actuali vel decreto voluntatis ad quolibet oppositorum se ipsam flectentis, a quo motus ipse physicus voluntatis seu physica entitas actus dependet, quodque constituit actus humani liberi *formalitates*. Distinctio haec aequae locum habet in actibus elicitis ac imperatis, in voluntario directo ac indirecto etc. Jam vero *formalitas* ista humanorum actuum constituit ipsam *imputabilitatem* eorum, quae proinde non est aliud quam, *proprietas illa moralis vi cujus actio tribuitur alicui tamquam vero ejus auctori et domini, quique pro ipsa et ejus naturalibus eventis rationem reddere tenetur*: sive ipse agens actionem illam physice quoque produxerit, sive ut ab aliis produceretur, utcumque promovendo vel impediendo effecerit.

Imputabilitas ista actuum est certe pro ordine morali aliquid positivum ac reale, utpote affectionum seu attributionum positivarum capax, sive tandem *materiale* ipsius actionis fuerit physicus voluntatis motus, sive ejusdem physici motus privatio. Differt autem imputabilitas a *moralitate* actuum humanorum de qua loquimur in sequenti articulo, quaeque respicit bonitatem, honestatem, etc. actionum derivatam ab imutabili omnis rectitudinis norma, cum actus humanus etiam indifferens, sive praescindendo saltem ab ejus rectitudine in genere morum, adhuc alicui tamquam ejus auctori imputari potest; estque *per se formaliter*, seu tamquam liber et imputabilis spectatus, capax tantum istius *moralitatis* seu rectitudinis et honestatis, aut con-

trarii defectus. Aliud insuper revera *in se* est imputare alicui actionem, aliud imputare ejusdem actionis rectitudinem vel deformitatem; quamvis communiter haec duo pro eodem sumantur tum quia nequit esse actus proprio sensu moralis nisi simul fuerit liber, ac proinde imputabilis, tum ex suppositione, nullum scilicet actum revera humanum et singularem seu in individuo indifferentem esse.

35. Actiones quasdam esse hominibus imputabiles, nemo nisi is qui liberum hominis arbitrium inficiatur, in dubium revocare potest. Et sane, vi liberi arbitrii omnis actus humanus ut talis, ita est in potestatis agentis, ut ab eo pendeat illius positio vel non positio: atqui ille censetur merito alicujus actionis auctor ac dominus et in illum possunt rejici omnia eventa quae ex illa actione naturaliter fluunt, in cujus potestate erat illam actionem ponere vel non ponere; ergo cum hoc constituat imputabilitatem patet assertum. Praeterea, communi omnium judicio ac sententia, quibus sua cujusvis conscientia sponte suffragatur, certissimum habetur, posse hominem quarundam suarum actionum talem auctorem censerit, ut earundem ab illo ratio jure petatur, effectusque qui natura ab his profluunt illi merito tribui queant; cum non alia sit causa cur quis non possit queri quod sibi quaedam actio imputetur, nisi quod ipse sciens volensque illam ediderit; et imperitissimi quique mortalium, ubi super facto aut omisso aliquo accusantur, non efficaciorum se posse excusationem afferre putent, quam si dicant penes se non stetisse, quominus id factum vel non factum fuerit. Atque de hoc fere nulla est controversia.

Facile autem patebit, quae nam sunt actiones hominibus actu imputandae, si, ut par est, *imputabilitatem* distinguas ab *imputatione*, quae quidem supponit illam, sed insuper requirit debitum aliquod seu moralem necessitatem (1) talem actum ponendi vel non ponendi in illo, cui is

(1) Debitum istud sive moralis necessitas actum ponendi vel omittendi tunc est simpliciter necessaria quando ex justitia imputatio alicujus actus fieri debet, idque praesertim si fiat sermo de imputatione ad culpam et poenam; actus namque liber et moraliter bonus, etsi absque omni necessitate morali sive debito positus, recte ad meritum imputatur etiam ex sola aequitate. Similiter si daretur humanus actus positus deliberate, qui tamen sub omni respectu esset indifferens, iste ejusque eventus possent imputari agenti tamquam domino vel causae morali, licet nullam meriti aut

praesertim ad meritum vel demeritum imputatur; consistitque in illo iudicio objective reali, quo spectatis omnibus tam agentis quam actiones et objecti adjunctis, determinatur veram imputandi rationem locum habere. Praeterea in genere scire etiam sufficit, omnes actus et eventus qui voluntatis deliberatae imperio directe vel indirecte non subduntur, quique non sunt voluntarii vel qui fiunt prorsus involuntarii ob illatam vim aut ob invincibilem ignorantiam merito imputari non posse, cum actus liber supponat necessario voluntarium.

36. Imputabilitatem subsequitur alia generalis actuum humanorum proprietas, ex qua scilicet digni sunt laude aut vituperatione, praemio aut poena. Cum enim actus humanus vel hoc ipso quod est imputabilis, vel potius ex ejus relatione ad aliquam et praesertim immutabilem rectitudinis normam, ut mox videbimus, in ordine morali constituatur, habeatque rationem morales bonitatis vel malitiae; cumque per se bonum laude, malum autem morale vituperatione dignum sit, laus vero et vituperatio, tamquam effectus approbationis et reprobationis illorum actuum, praemii et poenae conditionem contineant: sequitur actus humanos imputabiles, laudis vel vituperationis, praemii vel poenae cujusdam revera assequendae aptos esse. Atque hoc de actibus humanis etiam in se consideratis verum est: quod si respectu ad alium, quod ratio meriti et demeriti postulare videtur; considerentur; evidens erit eos quoque meriti et demeriti rationem contineri, quando ad profectum, id est emolumentum vel detrimentum et damnum alterius quadam praesertim peculiari ratione diriguntur. Et quia tam respectu hominum, quam Dei ratio haec meriti accipi potest, utrumque breviter considerabimus praesertim adversus Pufendorfium (1) qui de utroque non recte sentit.

Monemus autem 1.º, actus qui emolumentum alteri adferunt ut habeant meritum apud illum, debere illi imputari per manifestam vel tacitam acceptationem, quae dici solet imputatio passiva; invitus namque rationabiliter, nil rependere pro emolumento tenetur. 2.º, actionem meritoriam non debere esse alteri ex peculiari conventionione debitam, qui enim ex conventionione restituit quantum e. g. ab al-

demeriti rationem contineant. Verum haec melius intelligi poterunt ex dicendis in quaestionibus mox subsequentibus.

[1] *De jure natur. et genti.* lib. 1. cap. 9.

tero accepit, nihil in ejus confert profectum (1). 3.º; meritum, de quo nunc loquimur, desumitur ex ratione ipsius actus in ordine naturali spectati, quod enim habetur ex dignitate et statu personae operantis, perfinet praecipue ad ordinem supernaturalem, ideoque est extra ambitum morales philosophiae.

37. His positis, sic suadetur doctrina haec nostra quoad primam partem. Si actus quidam hominum ex se ac ex modo et fine quo ad alios homines diriguntur vergant in eorum profectum vel nocumentum habent meriti rationem suntque digni proemio vel poena; atqui ita est; quis enim poterit negare, stipem e. g. conferre egeno, paternum affectum subditis exhibere, sponte pro incolumitate patriae vitam periculo objicere; vel e contra patriam inimicis prodere etc. esse hujusmodi actus? Praeterea, idem est fundamentum gratitudinis ac meriti, gratitudo enim sive gratia, ut probant Doctores et videri potest apud S. Thomam (2), est pars justitiae,

(1) Sunt qui et aliam conditionem adjiciunt, scilicet, nihil mereri eum qui tantum se abstinat ab injuria vel detrimento alteri inferendo; ast si haec ita intelligatur, ut nihil mereatur qui dumtaxat ex impotentia nocendi se cohibet ab inferendo detrimento, res per se est nimis manifesta, nec peculiari exceptione notanda; si vero quis aliis non noceat ex amore virtutis et aequitatis, falsum est illum nihil mereri; existimationem namque viri prohi et aequi apud omnes habere debet, cum generale debitum aliquid praestandi, minime impedit quominus id ipsum ex motivo virtutis exhibeatur, virtus autem per se meritum saltem laudis et boni testimonii exoptulat. Quia vero praecipua difficultas hujus quaestionis de merito sita est in confusione harum notionum, ideo et in expositione secundae conditionis addimus voces, ex peculiari conventionione debitam; quod ulterius adhuc limitandum videtur: nedum enim generalis obligatio ex lege dimanans meriti rationem non excludit, sed nec ipsa peculiaris conventio. Nam in primis, qui praestat id quod ex peculiari conventionione praestandum spondit habet saltem meritum et jus, ut quod in conventionione pactum fuerat ab altero similiter praestetur. Deinde quando id quod vi conventionis sive pacti est exhibendum, ex virtutis et rationis praescripto accurate, aut peculiari quadam cura, affectu amoris, benevolentiae etc. exhibetur, e. g. si filius erga patrem, famulus erga dominum ita se gerant, habent meritum ut famulus a domino praeter debitam mercedem filius a patre praeter curam paternam commendationem saltem virtutis consequantur.

(2) *Summae Theolog.* part. 1. 2. quaest. 60. artic. 3.

respectu praesertim animi grati, et est virtus *per quam redditur debitum benefactoribus*, atqui actus, qui exclusa peculiari conventionem in commodum et profectum aliorum diriguntur sunt fundamentum gratitudinis; ergo et meriti. Etenim nemo existimat se ad officium gratitudinis teneri, nisi erga eum, qui fuerit de ipso benemeritus, qui scilicet aliquid in profectum ipsius praestitit. Rem hanc pulcherrime declarat S. Thomas (1). "*Meritum vel demeritum dicuntur in ordine ad retributionem, quae fit secundum iustitiam. Retributio autem secundum iustitiam fit alicui ex eo, quod agit in profectum, vel nocuum alterius. Est autem considerandum quod unusquisque in aliqua societate vivens est aliquo modo pars et membrum totius societatis. Quicumque ergo agit aliquid in bonum, vel malum alicujus in societate existentis, hoc redundat in totam societatem: sicut qui laedit manum, per consequens laedit hominem. Cum ergo aliquis agit in bonum, vel malum alterius singularis personae, cadit ibi dupliciter ratio meriti vel demeriti. Uno modo, secundum quod debetur ei retributio a singulari persona, quam iuvat, vel offendet. Alio modo, secundum quod debetur ei retributio a toto collegio. Quando vero aliquis ordinat actum suum directe in bonum, vel malum totius collegii, debetur ei retributio, primo quidem, et principaliter a toto collegio, secundo vero ab omnibus collegii partibus. Cum vero aliquis agit, quod in bonum proprium vel malum vergit, etiam debetur ei retributio, in quantum etiam hoc vergit in commune, secundum quod ipse est pars collegii.*"

Atqui hinc illud quoque colliges, quod licet quis generali ratione *teneatur* aliquid praestare, tamen si actus ejus in profectum alterius vergant, quod tantum est de ratione meriti; meritum ex ipso et jus ad retributionem habet. Sic artis medicae peritus quamvis generali lege naturae, vel particulari sui officii teneatur aegris civibus opem ferre, non desinit per hoc rationem meriti apud cives, et jus ad retributionem habere. Quod si singulari quoque modo et cum vitae propriae discrimine e. g. grassante lue, civium necessitati non defuit, singularem retributionem a tota communitate meretur. Id ipsum erui potest, ex ordine quem debita etiam actiones habent ad finem, cujus assecutio cum non ex necessitate, sed ex agentis electione ac dispositione ordinantis con-

(1) Ibidem. quaest. 21. artic. 3.

tingant, rationem in se praemii meritum subsequentis continet.

38. Ex postrema ratione ordinis actionum humanarum ad finem, eruitur etiam ratio meriti earum respectu Dei, quod secundo loco probandum assumpsimus. Cum enim actibus nostris liberis ad felicitatis adeptionem tendamus, et Deus talem ordinem eorum statuerit; necesse est, ut custodientes hunc ordinem, finem nostrum assequamur, quod est praemiari, recedentes ab eodem, ab assecutione finis excludamur, quod est puniri; praemium vero et poena meritum et demeritum supponunt. Adde insuper, nos felicitatem alterius vitae, ex communi omnium sensu, tamquam praemium vel mercedem honorum operum expectare, in iisque praestandis, diversos intensionis et extensionis gradus adesse, pro diversa uniuscujusque sedulitate ac industria et labore; quod divina sapientia ac iustitia tamquam quid indifferens habere vel ex aequo pensare non patitur. Rem hanc quoque clarissime ostendit S. Thomas (1) dicens: "*Actus alicujus hominis habet rationem meriti vel demeriti, secundum quod ordinatur ad alterum, vel ratione ejus, vel ratione communitatis. Utroque autem modo actus nostri boni vel mali, habent rationem meriti vel demeriti apud Deum. Ratione quidem ipsius, in quantum est ultimus hominis finis, est autem debitum, ut ad finem ultimum omnes actus referantur: unde qui facit actum malum non referibilem in Deum, non servat honorem Dei, qui ultimo fini debetur. Ex parte vero totius communitatis universi, quia in qualibet communitate, ille qui regit communitatem, praecipue habet curam boni communis: unde ad eum pertinet retribuere pro his, quae bene vel male fiunt in communitate. Est autem Deus gubernator et rector totius universi, et specialiter rationalium creaturarum. Unde manifestum est, quod actus humani habent rationem meriti, vel demeriti per comparisonem ad ipsum: alioquin sequeretur quod Deus non haberet curam de actibus humanis.*"

39. Opponi potest primo cum Pufendorfio (2), ait autem, ex eo quod Deus habeat jus exigendi a nobis quaecumque opera bona, *mortali adversus Deum nullum comparari posse meritum, si vel maxime is legi divinae examussim implenda par foret. Deum nullo modo hominum debitorem posse*

(1) Loco proxime indicato artic. 4.

(2) *De Jure natur, et gentium* libr. 1. cap. 9. §. 5.

feri, nisi ex vi gratuita promissionis. Deinde, quia humani actus non cedunt in profectum vel damnum Dei, nihil enim ei addi aut subtrahi potest; omnisque eorum utilitas in ipsos homines redundat.

R. ad duo prima, Pufendorfium dum ibidem asserit, *scaturigo meriti praecipue est praestatio operae indebitae, et quam a nobis exigendi alter jus non habet*, sibi met contradicere; concedit namque etiam ex opere alias debito posse aliquod haberi meritum, idque ipsum in fundamento ostendimus, quatenus, scilicet, faciendo id quod debemus, seu dirigendo sicut oportet liberas nostras actiones ad finem, finem ipsum tamquam mercedem laborum nostrorum assequimur. Praeterea lege divina tenemur, ut quicquid boni facimus ad finem nostrum ultimum seu Deum saltem *implicite* referamus, non autem ut omnia opera bona quaecumque facere possumus praestemus; ergo ratio debiti erga Deum nec *per se* rationem meriti tollit, nec discrimen adimit earum actionum, quas pro lubito etiam sine *necessitate morali* sive debito, ponere vel non ponere valeamus. Ubi si advertamus quod tradit S. Thomas (1): "Non potest homini ad Deum esse *justitia secundum absolutam aequalitatem, sed secundum proportionem quamdam, in quantum scilicet uterque operatur secundum modum suum. Modus autem et mensura humanae virtutis homini est a Deo. Et ideo meritum hominis apud Deum esse non potest, nisi secundum praesuppositionem divinae ordinationis; ita scilicet ut id homo consequatur a Deo per suam operationem, quasi mercedem, ad quod Deus ei virtutem operandi depulavit*" evidentissimum erit, Deum non esse *debitorem* hominis, seu nemini aliquid debere, sed *sibi metipso*, secundum *praesuppositionem* suae divinae ordinationis; quae ordinatio, spectato ordine naturali, non est idem ac *gratuita* quaedam *promissio*, ex peculiari revelatione, aut quadam conventionem facta.

Hinc ad duo postrema dicimus, humanis actibus nihil quidem addi aut detrahi divinae naturae intrinsecus, jus tamen divinum reale, quod Deus habet ut a suis creaturis honoretur per eos actus *quantum in ipsis* est servari aut violari, pro ratione custodiae aut perversiones naturalis ordines a Deo statuti, quem ordinem dumtaxat Deus a creatura ex postulat minime vero aliquam sibi utilitatem aut commodum. Un-

(1) *Summae Theolog.* part. 1. 2. quaest. 114. artic. 1.

de parum refert quod intrinseca, ut ita dicam utilitas humanorum actuum in ipsos homines redundet.

ARTICULUS III.

DE ACTUM HUMANORUM MORALITATE.

40. Sicut superius (1) physicam humani actus entitatem ab ejus imputabilitate distinximus, ita nunc claritatis gratia non solum physicam entitatem seu *materialem* ut sic dicam bonitatem, sed etiam physicam rectitudinem ac bonitatem sive perfectionem ejus formalem, a *moralitate* seceramus oportet. Discrimen hoc evidenter apparet in exemplo cujusdam operis artefacti e. g. picturae, in quo entitas physica actus pingendi, seu illud per quod pictura ponitur extra nihilum, differt a physica ejus rectitudine vel bonitate formali, quae ex conformitate ad regulas artis pingendi desumitur, potestque in se spectatus hanc conformitatem habere vel non habere; haec vero conformitas ad regulas artis, vel discrepantia ab ipsis aequae potest inesse depicto operi turpi ac honesto: turpitudine igitur ac honestas seu *moralitas* actionis, est quid ita distinctum a physica rectitudine, seu formali ejus bonitate, sicut haec ab entitate physica seu materiali bonitate discriminatur.

Circa actus humani *moralitatem* inquirendum est 1°. in quo consistat ejus natura seu formalis ratio; 2°. quomodo diversis ejus speciebus conveniat; 3°. unde nam communiter desumatur; 4°. dentur ne actus indifferentes; 5°. utrum sit admittendum intrinsecum discrimen inter bonum et malum morale, honestum et inhonestum, etc. De singulis, prout natura et gravitas quaestionum patitur breviter loquemur.

41. Et in primis *esse hoc morale* humanorum actuum, ut patet ex nuper allato exemplo, non est ipsa materialis entitas actus, neque physica ac formalis ejus bonitas sive perfectio, praesertim quod utrumque habetur in actibus e. g. *indeliberatis* (2) absque moralitate; et moralitas ipsa formaliter

(1) Artic. precedent. n. 34.

(2) Potest quis, actum indeliberatum, qui certe utpote libertate destitutus non est moralis, cum eadem materiali entitate et formali perfectione physica ponere cum qua poneretur si deliberate fieret. Nonne interdum dormientes magnum voluntatis conatum motumque manum cum omni physica perfectione, ad aliquid capiendum vel ferendum repuisita, exerimus. Nonne etiam somnam-

feri, nisi ex vi gratuita promissionis. Deinde, quia humani actus non cedunt in profectum vel damnum Dei, nihil enim ei addi aut subtrahi potest; omnisque eorum utilitas in ipsos homines redundat.

R. ad duo prima, Pufendorfium dum ibidem asserit, *scaturigo meriti praecipue est praestatio operae indebitae, et quam a nobis exigendi alter jus non habet*, sibimet contradicere; concedit namque etiam ex opere alio debito posse aliquod haberi meritum, idque ipsum in fundamento ostendimus, quatenus, scilicet, faciendo id quod debemus, seu dirigendo sicut oportet liberas nostras actiones ad finem, finem ipsum tamquam mercedem laborum nostrorum assequimur. Praeterea lege divina tenemur, ut quicquid boni facimus ad finem nostrum ultimum seu Deum saltem *implicite* referamus, non autem ut omnia opera bona quaecumque facere possumus praestemus; ergo ratio debiti erga Deum nec *per se* rationem meriti tollit, nec discrimen adimit earum actionum, quas pro lubito etiam sine *necessitate morali* sive debito, ponere vel non ponere valeamus. Ubi si advertamus quod tradit S. Thomas (1): "Non potest homini ad Deum esse *justitia secundum absolutam aequalitatem, sed secundum proportionem quamdam, in quantum scilicet uterque operatur secundum modum suum. Modus autem et mensura humanae virtutis homini est a Deo. Et ideo meritum hominis apud Deum esse non potest, nisi secundum praesuppositionem divinae ordinationis; ita scilicet ut id homo consequatur a Deo per suam operationem, quasi mercedem, ad quod Deus ei virtutem operandi depulavit*" evidentissimum erit, Deum non esse *debitorem* hominis, seu nemini aliquid debere, sed *sibimetipsi*, secundum *praesuppositionem* suae divinae ordinationis; quae ordinatio, spectato ordine naturali, non est idem ac *gratuita* quaedam *promissio*, ex peculiari revelatione, aut quadam conventionione facta.

Hinc ad duo postrema dicimus, humanis actibus nihil quidem addi aut detrahi divinae naturae intrinsecus, jus tamen divinum reale, quod Deus habet ut a suis creaturis honoretur per eos actus *quantum in ipsis* est servari aut violari, pro ratione custodiae aut perversiones naturalis ordines a Deo statuti, quem ordinem dumtaxat Deus a creatura ex postulat minime vero aliquam sibi utilitatem aut commodum. Un-

(1) *Summae Theolog.* part. 1. 2. quaest. 114. artic. 1.

de parum refert quod intrinseca, ut ita dicam utilitas humanorum actuum in ipsos homines redundet.

ARTICULUS III.

DE ACTUM HUMANORUM MORALITATE.

40. Sicut superius (1) physicam humani actus entitatem ab ejus imputabilitate distinximus, ita nunc claritatis gratia non solum physicam entitatem seu *materialem* ut sic dicam bonitatem, sed etiam physicam rectitudinem ac bonitatem sive perfectionem ejus formalem, a *moralitate* seceramus oportet. Discrimen hoc evidenter apparet in exemplo cujusdam operis artefacti e. g. picturae, in quo entitas physica actus pingendi, seu illud per quod pictura ponitur extra nihilum, differt a physica ejus rectitudine vel bonitate formali, quae ex conformitate ad regulas artis pingendi desumitur, potestque in se spectatus hanc conformitatem habere vel non habere; haec vero conformitas ad regulas artis, vel discrepantia ab ipsis aequae potest inesse depicto operi turpi ac honesto: turpitudine igitur ac honestas seu *moralitas* actionis, est quid ita distinctum a physica rectitudine, seu formali ejus bonitate, sicut haec ab entitate physica seu materiali bonitate discriminatur.

Circa actus humani *moralitatem* inquirendum est 1°. in quo consistat ejus natura seu formalis ratio; 2°. quomodo diversis ejus speciebus conveniat; 3°. unde nam communiter desumatur; 4°. dentur ne actus indifferentes; 5°. utrum sit admittendum intrinsecum discrimen inter bonum et malum morale, honestum et inhonestum, etc. De singulis, prout natura et gravitas quaestionum patitur breviter loquemur.

41. Et in primis *esse hoc morale* humanorum actuum, ut patet ex nuper allato exemplo, non est ipsa materialis entitas actus, neque physica ac formalis ejus bonitas sive perfectio, praesertim quod utrumque habetur in actibus e. g. *indeliberatis* (2) absque moralitate; et moralitas ipsa formaliter

(1) Artic. precedent. n. 34.

(2) Potest quis, actum indeliberatum, qui certe utpote libertate destitutus non est moralis, cum eadem materiali entitate et formali perfectione physica ponere cum qua poneretur si deliberate fieret. Nonne interdum dormientes magnum voluntatis conatum motumque manum cum omni physica perfectione, ad aliquid capiendum vel ferendum repuisita, exerimus. Nonne etiam somnam-

sumpta est illa, quae substantiam ac entitatem physicam actus denominant ac constituit in ordine morali. Nequit pariter esse dumtaxat ens rationis, aut denominatio mere ab extrinseco sumpta, quia *esse morale* actibus *elicitis* voluntatis intrinsece convenit, utpote ab intellectus apprehensione non pendens, ab ipsis ad caetera omnia derivans, capax attributionum realium e. g. praemii, poenae etc. quae omnia in ens rationis vel denominationem mere extrinsecam cadere nequeunt. *Esse* itaque *morale* humani actus supponit *radicaliter* istius libertatem, cum sine hac, ut patet in actibus necessariis licet circa objecta vel maxime honesta versentur perficiantque operantis naturam, *subjectiva* moralitas haberi nequeat (1); et si generaliter spectetur quatenus nempe ipsam voluntatem denominat potentiam moralem, videtur constituendum *in quadam emanatione* seu *intelligibili dependentia actus a ratione dirigente, et voluntate libere operante*: hoc enim transfert quodam modo actum a statu physico ad ordinem moralem, cum dominium hominis in suos actus potissime constituat illum ens morale; estque aliquid commune actui moraliter bono vel malo.

Quod si *esse* istud *morale* in concreto seu pro ipso morali actu sumatur, et cum respectu ad rectam informationem morum, videtur insuper consistere in *positiva ac reali* (ratione

buli et quadam amentia correpti, solent quandoque quosdam actus cum mirabili prorsus physica atque formali perfectione ponere. Vide quae diximus in *Metaphysica* loquendo de phaenomenis phantasiae (*psychologi* cap. 3. art. 4. n. 75, in *nota*).

(1) Moralitas ut pote affectio actus eliciti et libere nostrae voluntatis est per se aliquid *subjectivum*, atque haec est ejusdem propria acceptio soletque distingui ab impropria sive dumtaxat *objectiva* acceptione, quatenus nempe quidam actus non liber, ideoque subjectivae moralitatis vi cuius spectari solet tamquam perfectio et bonum voluntati ob ejus ordinatam tendentiam adveniens, incapax, versetur nihilominus circa objectum ex sui natura rationi apprimè consentaneum vel adversum, sive morale id est honestum aut inhonestum. Sic tendentia nostrae voluntatis in bonum in genere sive perfectum, amor beatorum quo Deum amant, blasphemiae perfecte amentium aut delirantium, utpote actus destituti libertate non nisi *objectivam* moralitatem sive honestatem aut inhonestatem continent. Cum hac distinctione moralitatis subjectivae ab objectiva, nexum habet quaestio, utrum actus liber sit nec ne semper proetantior actui necessario: vedetur enim actus amoris Dei in coelo, licet necessarius, praestantior esse actui amoris ejusdem Dei in praesenti vita libere elicito.

ipsius fundamenti) *relatione ejusdem actus ad immutabilem regulam morum*, seu ad *objectum* eidem regulae *subjectum*; sive tandem regula haec immutabilis in ipsa natura ac essentia rerum proxime spectetur, sive ad omnis immutabilis praesertim realitatis ac rectitudinis fontem aut fundamentum, scilicet divinae sapientiae ordinem, referatur. Et sane actus voluntatis sub primo tantum moralitatis conceptu consideratus, aequè bono ac malo morali, honesto ac inhonesto convenit, nec quidquam involvit unde queat desumi utriusque discrimen: et alinnde, illud quod *ex se* aequè potest rectum ac deficiens esse, sicut est voluntatis actus, ad aliquam rectitudinis praesertim immutabilem normam exigatur oportet, ab eaque suam determinationem desumat (1).

42. Ex hac postremo moralitatis acceptione ejus species, *bonum* scilicet et *malum* morale facile determinantur. Et quidem *bonitatem* moralem humani actus in hac positiva reletione conformitatis ad regulam morum, seu ad objectum eidem regulae subjectum, sitam esse, patet ex comuni hominum sensu, formalem bonitatem morum velut quamdam rectitudinem spectantium, non secus ac bonitatem physicam et formalem operis artefacti; et ex eo quod, ipsa ut *tali* non supposita aut sublata, pereat totalis conceptus bonitatis moralis, quodque per hoc a formali ratione mali moralis distinguatur.

Propter oppositas rationes, *formalis ratio mali moralis* constituenda est in *privatione* (2) *conformitatis* humani actus ad

(1) Duas has sententias circa *formalem* moralitatis *conceptum* forte haud aegre compones dummodo consideres voces illas primae definitionis *a ratione dirigente*, posse significare rationem velut normam et regulam naturalem ac immediatam ipsius voluntatis et non solum tamquam principium a quo dimanet actus humanus, vel tamquam lumen quoddam manifestans dumtaxat objectum a voluntate prosequendum. Hac porro significatione supposita, quam plerique saltem hujus sententiae assertores videntur supposuisse, evidens est etiam hanc primam sententiam in *formale conceptu* moralitatis implicitam *relationem* actus voluntatis *ad regulam* includere; quia revera *ratio dirigente* sive rationis iudicium, quatenus saltem veram objecti bonitatem a falsa distinguit, est quaedam voluntatis regula, cui ipsa conformari vel non conformari potest. Parum autem refert, quod ratio non constituat regulam magis remotam vel ultimam ac praesertim immutabilem; hic enim quaestio fit de *formali conceptu* moralitatis *in genere* ideoque ab hac specifica determinatione regulae potest praescindi.

(2) Supponimus hic notam illam distinctionem *negationis* a

regulam morum; praesertim quod et ex generica ratione mali nequeat esse *in se* aliqua physica realitas seu substantialis aut modalis entitas, [quidquid enim tale physice est, bonum est, Deumque habet et potest habere auctorem], et ex sui natura positivum hunc debitae rectitudinis defectum, seu privationem innuens aequae possit competere malo morali *commissionis ac omissionis*. Qua in re hoc tantum adest discrimen, quod cum voluntas positivum actum exercet ex objecto, fine, aut circumstantiis regulae morum adversantem, *deformatas* haec cadit *directe* in ipsum actum, si vero tantum omittat positionem *debiti* actus sive cohibeat se a tali positione aut indifferens ad eam remaneat, *deformatas* *directe* respicit voluntatem seu agentem. Praeterea, *deformatas* haec utpote ab oppositione terminorum realium orta, non est *merum nihil* etiam *formaliter* spectata, (materiale enim mali moralis, seu actus ipse, est quid physice bonum), ideoque merito a Deo prohibetur vel poena afficitur. Utrum autem praeter privationem boni seu debitae conformitatis ad regulam morum admittenda sit quoque in ratione formali malitiae moralis, positiva quaedam oppositio cum eadem regula seu ordine, quaestio videtur de nomine; nam *vera privatio* non est idem ac *defectus* dumtaxat *negativus*, ideoque implicite hanc positivam oppositionem involvit, sufficitque ad specificam moralitatis distinctionem constituendam, cum hic non agatur de notis specificis aut genericis stricto sensu acceptis.

privatio, quatenus nempe haec non quemlibet defectum; sed defectum cujusdam realitatis sive perfectionis *debitae* significat: quod in primis animadvertendum erat, ut scilicet tamquam parum accuratam habeamus illam mali moralis definitionem, quae illud constituit simpliciter in *defectu convenientiae sive conformitatis actus ad regulam morum*. Etenim defectus potest etiam accipi pro sola negatione conformitatis sive non conformitate actus ad regulam, hinc actus puerorum ante usum rationis, amentium, quin et brutorum, utpote non conformes seu carentes conformitate ad regulam dicendi forent moraliter mali. Malum itaque morale constituitur per defectum positivum realitatis debitae, sive ejusdem privationem, quae involvit deformatatem actus a regula; haud secus quam malum physicum non constituitur per quemlibet negativum realitatis defectum, qualis e. g. est defectus oculorum in lapide, bene vero per defectum e. g. oculorum, in animali. Multum itaque differunt hae duae expressiones, *aliquid non esse conforme*, et *aliquid esse difforme* e. g. ab exemplari vel regula; postremum namque dicit quamdam oppositionem cum regula vel exemplari.

43. Unde autem in *particulari* moralitas humanorum actuum desumatur, seu, quatenam sint principia a quibus suo modo dimanet, aliam constituit quaestionem. Ex *objecto circumstantiis et fine* bonitatem aut malitiam humani actus dimanare, communis Doctorum tenet sententia. Et sane, si per *objectum*, non quidquid voluntati objicitur, nec solam *materiale* rei entitatem intelligas, sed id quod primo ac per se ab actu voluntatis attingitur, et quatenus *formaliter in esse morum* constituitur, evidens erit bonitatem aut malitiam et quidem specificam actum ab objecto sumere. Cum enim humanus actus sit motus quidam voluntatis seu tendentia ad suum objectum tamquam ad terminum; respicit ipsum tamquam potentia actum, a quo perficitur; contrahit proinde eandem bonitatis aut malitiae speciem, quae objecto in genere morum spectato inest. Sic amor Dei, et erogatio stipis diversam moralis bonitatis; odium Dei, et oblatio rei alienae rationabiliter invito ejus domino, diversam morolis malitiae speciem ex objecto desumunt.

Similiter *circumstantiae* quaedam seu adjuncta, quae non primario, ac per se voluntatis actus attingit, quaeque tamen peculiari ratione agentem, objectum, aut modum agendi comitantur, sicut et *finis operantis*, (nam finis operis, quoad casum sive quaestionem praesentem, idem est cum objecto) actui jam constituto in sua moralitate ex objecto, bonitatem aut malitiam addunt, vel quandoque ejus speciem determinant aut mutant, licet etiam non transeant in rationem objecti, seu primario ac per se non intenduntur. Sic furtum e. g. de loco et re sacra, majori aut in minori quantitate, et ad se inebriandum patratum, praeter majoris aut minoris iniustitiae speciem, sacrilegii et intemperantiae malitiam adnexam habet. Et ratio est, tum a similitudine rerum naturalium et artificialium in quibus circumstantiae in substantialem earum bonitatem interdum influunt; cum etiam quia tales circumstantiae et finis sub regulis morum revera comprehenduntur, habentque quandoque eandem vel etiam majorem, quam ipsum objectum, habitudinem convenientiae aut oppositionis ad rectam rationem. Insuper quia omnis humanus actus *ut talis* a fine ejusque influxu, utpote principali motore, dependet (1), fieri igitur nequit, quin finis influat

(1) Vide dicta in *Metaphysica*, de fine tamquam causa (*Ontologiae* art. 6. n. 60.), de distinctione inter finem operis et operantis (*Cosmologiae* art. 5. n. 28.)

actui bonitatem, *caeteris paribus*, si sit bonus; malitiam vero, si sit malus. Dixi, caeteris paribus, etenim finis bonus non reddit actum bonum, si objectum vel circumstantiae non sint bonae, seu si aliunde actus est jam malus, propter generalem rationem, *bonum ex integra causa, malum ex singulis defectibus*; scilicet, ut actus sit *simpliciter* bonus requeritur totalis complexio bonitatis. Unde etiam S. Thomas (1) *causalem* hanc moralis actus bonitatem reponit in *essendi plenitudine*, per similitudinem ad bonitatem naturalem seu physicam.

44. Neque dicas; objectum, circumstantias, et finem operantis, esse quid extrinsecum et accidentale humano actui, moralitas autem debet esse aliquid intrinsecum. Deinde objecta aut res volitas, non continere in se bonitatem aut malitiam moralem, cum haec non sit quaedam qualitas ideoque nec posse eam actui tribuere; praesertim quod haec, ut dictum est, a relatione ad regulam morum desumitur.

Etenim respondemus ad 1^m, nihil officere, objectum, circumstantias, et finem in se ac materialiter spectata esse quid extrinsecum et accidentale actui, dummodo relatio saltem quorundam eorum cum actu, sit *intrinseca*, ac ex rei natura dimanans, ex hac enim relatione, quae in plerisque casibus datur, moralitatem in actum delinere in fundamento ostendimus. Atque hinc patet quoque responsio ad 2^m, cum non objecta aut res volitate per se ipsas, sed per earum naturalem ac intrinsecam convenientiam aut oppositionem cum natura agentis hanc bonitatem aut malitiam actui communicent, et nos non loquamur nunc de generali ac formali conceptu moralitatis, qui a regulis morum dimanat. Quod probe est advertendum, propter nexum cum quaestione inferius agitata, de intrinseco discrimine boni et mali moralis, siquidem illa censenda est essentialis bonitas aut malitia actus, quae ante omnem aliam in eo concipitur, sine qua concipi nequit, et quae, aliis mutatis invariabilis permanent; qualis profecto invenitur in tendentia actus ad quaedam objecta, circumstantias, et fines; ut patebit exemplis. (2)

45. Quaeritur ulterius, an specifica moralitatis distinctio in bonum et malum morale sit adaequata nec ne, sive utrum dentur actus humani indifferentes. Quaestionis resolutio pendet a distinctioe, seu potius consideratione humani actus,

(1) *Summ. Theolog.* part. 1. 2. quaest. 18. art. 1.

(2) Vide huiusmodi exempla inferius [n. 49.] exposita, ad quaestionem nuper memoratam.

secundum speciem, id est, *ex parte tantum objecti*; et in individuo, id est, *ut affecti* seu determinati a circumstantiis individualibus. Humanum actum in specie, seu tantum ex objecto spectatum, posse esse indifferentem scilicet nec bonum nec malum, fere omnes consentiunt, praesertim quod non agatur hic de specie reali ad extra existenti quae necessario supponit individua, et quod malum et bonum morale non sint ita opposita, ut dicant omnimodam privationem in esse, ideoque admittant aliquid medium (1); et praecipue quia actus quidam, e. g. ambulare, sedere etc. ex objecto tantum considerati, nullam revera convenientiam aut oppositionem cum recta ratione habent, suntque proinde indifferentes. Communior Doctorum sententia tenent actum revera humanum in individuo spectatum, *ex natura rei* [excipiuntur namque actus indeliberati, et propter invincibilem errorem vel probabilitatem opinionis positi] et considerato solo naturali [2] ordine; non posse esse indifferentem.

Sententiam hanc sic enunciatam et limitatam nos quoque tuemur atque pro thesi assumimus. Porro rationes hujus doctrinae videntur evidentes: 1.^a Cum homo quotiescumque deliberate agit etiam circa objectum secundum se indifferens, teneatur servare ordinem rationis, ideoque operari propter finem honestum; si hoc faciat, actio individua erit bona, si non faciat, mala; ergo etc. 2.^a Homo quoties deliberate agit, debet agere ut homo, seu secundum exigentiam ac conditionem naturae rationalis, per quam differt a bru-

(1) Bonum et malum morale utpote qualitas sive proprietas quaedam humani actus physicae ejus realitati velut superadditur; hinc quamvis ratione mutuae oppositionis, in eodem actu simul consistere nequeant, proindeque invicem se excludant, relate tamen ad actum in ejus esse physico consideratum, si utrumque ab eo mente removeas, non dicunt omnimodam realitatis privationem, qualis habetur e. g. inter *existentiam* et *non existentiam* relate ad physicam alicujus entis realitatem, et inter *possibilitatem* et *impossibilitatem* relate etiam ad metaphysica ejusdem realitatem sive notarum convenientiam.

(2) Actus etiam moraliter in ordine naturali bonus, si fiat ab infideli et non baptisato, e. g. si nempe is erogat stipem egeno, relate ad ordinem supernaturalem est *indifferens*, quatenus nempe pro tali actu nullum supernaturale praemium meretur, ne similiter, ut per se patet, ulla afflictorum poena. Ab hoc itaque pariter, sicut philosophum decet, in praesenti quaestione praescindimus.

lis; atqui hoc est agere propter bonum honestum; sicut enim caetera entia per proprias inclinationes sunt directa necessario et ordinata in suos fines, ita homo agens liberum et morale est ordinatus ad finem sibi proprium, qui est bonum rationi conforme et honestum; ergo nequi dari humanus actus qui nec sit bonus, nec malus. 3^a. Quia non datur medium inter bonum honestum et delectabile, (utile namque cum ad aliud referatur, ratione sui non appetitur unquam), et quia nequit homo deliberate agens, agere propter delectabile sensibile tamquam propter finem, cum hoc sit proprium brutorum, et partis sensitivae, absurdumque est ordinare operationem deliberatae voluntatis seu superioris facultatis ad delectandam partem inferiorem tamquam ad finem, in quo sistatur; restat ut non nisi propter finem honestum actus deliberatus elici debeat, ac proinde etc. 4.^a Finis actus humani in quo agens quiescit, vel est summum bonum nempe Deus, *actualiter* aut *virtualiter*, *explicite* aut *implicite* [perinde est enim ad rem nostram] intentus; vel est bonum aliquod creatum; his namque duobus omnia continentur: si primum; actus erit bonus, si alterum, malus; hoc enim constituit illam perversionem, vi cuius ulimur fruendis et fruimur utendis: ergo etc.

46. Consulto induximus postremam rationem, ut scilicet appareat non esse quid supra vires humanas sicut quibusdam, visum est, dirigere actus deliberatos *etiam minimos* ad finem honestum vel ultimum; ad hoc enim non requiritur ut semper *explicite* et *actualiter* in agendo de fine nostro ultimo cogitemus, quod utique conditio nostrae naturae non patitur, sed sufficit, si actus propter finem honestum elicitus, *virtualiter* et *implicite* in Deum referatur; ad quod etiam praestandum a sacris litteris monemur. (1) *Sive ergo manducatis, sive bibitis, sive aliud quid facitis, omnia in gloriam Dei facite*, et (2), *Dico autem vobis, quoniam omne verbum otiosum, quod locuti fuerint homines, reddent rationem de eo in die iudicii*.

Quod autem ulterius inquirunt, homines etiam studiosos boni moralis non agnoscere, neque experiri in se necessitatem naturalem communes ac leves actiones, ut pedem, vel manum movere, spuere etc. referendi ad finem aliquem honestum; neque, si id non praesent, culpa sibi tribuere,

(1) 1. Corinth cap. 10. vers. 31.

(2) Matth. cap. 12. vers. 36.

nimum etiam videri, homines in singulis huiusmodi actibus, ex defectu finis peccare saltem leviter: parvi ponderis est. Id enim accidit, quia tales actus communiter indeliberate fiunt, et quia plerique homines ad ordinem actionum debitum ex ratione non reflectunt; si enim reflecterent et praejudicatam opinionem deponerent hanc necessitatem agnoscerent. Insuper, quia in hominibus moralis boni studiosis propter constantem voluntatem honeste agendi tales actus per se ac virtualiter in finem honestum diriguntur, et quia omissio talis finis circa haec minima censetur minimum peccatum, ideo haec cacterequin viri honesti parvi pendere solent.

Dicunt quoque, non sepe tenemur agere propter finem ultimum, et aliunde nequit dici actus malus si tantum ad aliquam naturae comoditalem referatur; in delectatione namque sensibili sistere tamquam in fine non est quid inordinatum, quando delectatio est finis a natura intentus, ut recreatio aurium ex musica, narium ex odore etc. Praeterea spuere e. g. ob levem indigentiam et commodum naturae, non est actus malus, utpote carens inhonestate, neque moraliter bonus, cum nemo laude dignum existimabit quemquam, eo quod spuere.

Verum respondemus ad 1.^m non semper quidem nos teneri agere propter finem ultimum *explicite*, attamen quia deliberate agendo prohibemur non sequi directionem rationis in finem honestum, jam hoc ipso tenemur *implicite* actionem deliberatam in finem ultimum dirigere. Aliquem actum ad commodum etiam sensitivae naturae referre, non est malum, si fiat juxta rationis dictamen, at hoc ipso erit honestum; agere namque propter levamen et commodum, seu recta habitudinem corporis ad suas et animae functiones necessarias, non est idem ac quaerere delectationem sensibilem propter se ipsam, quod utique est inordinatum, ideoque negatur suppositum delectationem hanc esse unquam intentam a natura pro tali fine hominis deliberate agentis.

Ad 2.^m dicimus, spuere, aliosque similes actus, si deliberate fiant propter necessitatem naturae ac juxta dictamen rationis et sicut hominem decet, esse moraliter bonos, hominemque esse laude dignum, non quia haec facit, sed quia rationis dictamini obsecundat. Ponere tandem tales actus, ratione solius exercitii libertatis semel et iterum, foret honestum; saepius, inane ac otiosum.

47. Denique non est praetermittendus Barbeyrac (1); qui doctrinam hanc de indifferentia actuum humanorum, more solito irridet, inquit 1.^o, innumeros dari actus indifferentes, cum innumera sint, quae nec a Deo nec ab hominibus jubentur vel vetantur, quae proinde facere vel non facere, nec est bonum, nec malum; 2.^o. Distinctionem actionis tantum ex objecto indifferentis, esse ideam chimericam scholasticorum; igitur ex. g. saltatio, etiam in actu singulari erit indifferens; 3.^o. Actionem e. g. quae non est praecipua a lege, licet ex bona intentione fiat, non esse bonam nisi *negative* id est, *non malam*, ergo indifferentem.

Verum, aliud est plura esse nec praecipua nec prohibita, ideoque libero nostro arbitrio relicta; aliud vero ita esse nobis subjecta, ut dum libere ad aliquid objective indifferens determinamur, non debeamus intendere finem honestum, possimusque rationabiliter sensibilem delectationem pro fine habere. Conceptus abstractos, qui habent fundamentum reale esse chimaericos, mera calumnia est; secus etiam conceptus e. g. lineae chimaericus erit, quia singularis linea est semper vel curva vel recta. Actio licet non praecipua, quae ad bonum virtutis dirigitur, *positive* bona est; talis autem censetur actio quae fit propter aliquem finem honestum, virtualiter namque ad ultimum finem refertur. Unde S. Thomas (2) inquit: «Omnis finis a ratione deliberativa intentus pertinet ad bonum alicujus virtutis, vel malum alicujus vitii. Nam hoc ipsum, quod aliquis agit ordinate ad sustentationem, vel quietem sui corporis, ad bonum virtutis ordinatur in eo, qui corpus suum ordinat ad bonum virtutis. Et idem patet in aliis.»

48. Inter antiquos, Epicurei, caeterique de quibus Tullius (3) omnia voluptate vel utilitate dimittentes, boni et mali moralis, honesti et inhonesti naturale discrimen sustulerunt. Eorum vestigia premunt plerique recentiores impii, inter quos Spinosa, et Hobbesius (4) qui *ab opi-*

(1) In Pufendorfi *de jure naturae et gentium* (lib. 1. cap. 7.).

(2) *Summae Theolog.* part. 1. 2. quaest. 18. art. 9. ad 3.^m.

(3) *De offic* libr. 3. cap. 22. et seqq. *De finib* libr. 2. cap. 10 et seqq.

(4) *Leviathan* et lib. *de Civ.* cap. 6. et 12.

nionibus arbitrariis hominum, vel ab *arbitraria legum civilium constitutione*, hoc discrimen repetit (1). Pufendorfius, quem sequuntur Coccejus et ex parte Heineccius, arbitratur discrimen hoc a *libera Dei voluntate et lege positiva* pendere, ita ut tamquam inventum scholasticorum respuat differentiam istam moralium actionum, scilicet: *quasdam esse praecipuas quia sunt bonae, quasdam vero bonas quia praecipuae, et item: quasdam esse prohibitas quia malae, quasdam vero malas quia prohibitae.* Adversus hos omnes generatim probabimus dari *intrinsicum* discrimen inter bonum et malum morale, quasdam morales actiones esse bonas, honestas, alias malas et turpes, citra omnem reflexionem ad ullam legem humanam, vel etiam positivam divinam a libera Dei voluntate manantem.

Ad pleniorum quaestionis intelligentiam advertendum est, hypothesein istam in qua statuitur, aliquas actiones esse ita moraliter bonas, aliquas ita malas, ut etiam si per impossibile Deus illas non praeciperet has non vetaret, adhuc remanerent tales, convenientes scilicet vel repugnantes naturali rationi, esse abstractionem mentalem, praescindentem a Deo,

(1) Ab eadem sententia non procul recedunt Hume, Smith et Loke quorum primus utilitatem et pulchritudinem inter se plane cohaerere autumans, quodque aptum est ad afferenda emolumenta, id simul pulchrum esse; cum talem animi constitutionem detexisset, ut quod pulchrum est eidem placeat sitque oblectamento, quo autem delectatur id necessario ab eo approbari, infert proinde omnes animi affectiones voluptatem aut utilitatem afferentes rationem boni virtutisque moralis continere.

Smith censet ea esse bona et approbanda, quae a spectato-ribus approbata iri perspicimus, quaeque ipsi admitteremus et approbaremus si in illorum locum essemus substituti; quo fit ut ex alio sensu, et non ex rei natura aut necessaria rationalitatis nostrae constitutione, quisque debeat de actuum suorum bonitate aut malitia morali judicare.

Non abluat Loke qui virtutem bonumque aut malum morale ex hominum opinionibus erui atque ad legem opinionis revocari censuit. Unde nec exhorruit nefandissima facta de morum corruptione apud diversas gentes et populos accurate et studiosissime recensere. Verum in hoc, nimio dumtaxat aestu ingenitas virtutis et honestatis ideas impugnandi, videtur fuisse abreptus, melioreque certe docuisset si rejectis etiam ideis ingenitis aliud moralitatis fundamentum, quam mutabilem omnibusque erroribus obnoxiam hominum opinionem, posuisset.

minime autem excludentem eum, ejusque sapientiae necessariam ordinationem. Deinde supponi hic quoque rationalem naturam sicuti est, conformatam; cum absurdum prorsus videatur, exclusa omni absoluta ac immutabili realitate et ordine ejusque fundamento, velle adhuc disputare de convenientia et discrepantia aliquarum realitatum et ordinis, eaque admittere: praesertim quod, nec concipi valeant humani actus ut proprie morales ante ipsam etiam *rationem* spectatam velut naturalem eorum normam [1]. His positis sit.

PROPOSITIO

Datur intrinsecum boni et mali moralis discrimen, ab opinionibus et arbitrariis hominum statutis, a lege humana et etiam positiva divina, id est, a libera divina voluntate manante, prorsus independens.

49. Assertio statuta pluribus evincitur argumentis. 1.^o Ex supposita Doctorum distinctione inter actiones prohibitas, quia malae, et malas quia prohibita, quae distinctio communi sensu probatur, cum etiam si positivam aut humanam legem cogitatione semoveamus, adhuc unicuique turpe ac malum videri debeat a rationis regula rectoque ordine declinare, honestum ac bonum utriusque suas actiones conformare: bonum enim est unicuique enti juxta exigentiam suae naturae agere, et in homine omnia ordinatur sub ratione tamquam sub naturali et nobiliori eorum principio discernente.

2.^o Sublato omni intrinseco discrimine inter bonum et malum morale, tollitur fundamentum legis humanae et positivae divinae. Quid enim? Est ne ex se bonum iisdem legibus subfici, et malum reluctari, vel neutrum eorum? Si primum, ergo ante conceptum harum legum datur aliquid ex se malum; si alterum; ergo leges illae utpote indifferentes, nullam speciem boni vel mali moralis determinabunt.

3.^o Plura sunt practica rationis principia e. g. *Deus est amandus, nemo laudendus* etc., quae ex sui natura animum ad assensum cogunt, vimque rationalitati inferunt, non secus ac illa theoretica, e. g. *idem nequit simul esse et non esse*, to-

[1] Vide dicta superius n. 41 in nota ibidem posita.

tum est majus sua parte etc.; ergo sicut ex his ante omnem conventionem et pactionem, quaedam naturaliter vera dimanant judicia; ita ex illis quaedam actiones naturaliter, ac per se bonae et honestae, iisdemque oppositae malae et inhonestae.

4.^o Sic fere arguit S. Thomas (1): secundum naturalem ordinem corpus hominis est propter animam et inferiores virtutes animae propter rationem; est igitur naturaliter rectum quod sic procuretur ab homine corpus, et inferiores vires animae, ut ex hoc et actus rationis, et bonum minime impediatur, si autem secus accideret, erit naturaliter peccatum; violentiae, igitur, comessationes et alia inordinata, quae liberum judicium rationis esse non sinunt, sunt naturaliter mala. Deinde cum homo naturaliter ordinetur in Deum sicut in finem, hinc ea, quae ducunt in cognitionem et amorem Dei, sunt naturaliter recta, quae vero e contrario se habent, sunt naturaliter, homini mala. Patet igitur quod bonum et malum in humanis actibus non solum sunt secundum legis positionem, sed etiam secundum naturalem ordinem.

5.^o Denique, si omne discrimen boni moralis a malo, penderet a sola positiva divina voluntate et lege potuisset Deus facere ut cuncta, quae nunc sunt moraliter bona essent mala, et vicissim, ideoque potuisset efficere ut bonum esset ipsum odio habere, proximum laedere etc. malum vero ipsum diligere, proximo benefacere etc. quod evidentissimam involvit absurditatem; redditque impossibile medium cognoscendi (excepta divina revelatione) quid Deus revera naturaliter praecepit, et quid prohibuit, ut patet assumpto exemplo ab iis quae sub divina revera positiva lege continentur (2).

50. Difficultates, quae desumerentur ex modo quo in

[1] *Contra gent.* libr. 3. cap. 129. argument. 6. et 7.

[2] Quaecumque e. g. determinata dies cultui divino sit dicenda, quidnam de rebus creatis in sacrificium Deo offerendum, etc. utpote a positiva divina voluntate dependentia sciri nequeunt nisi supposita divina revelatione. Porro easdem res sublato praecepto aut prohibitionem desinunt esse bonae aut malae moraliter, possuntque in oppositum mutari: sic sublato vetito antiquae legis e. g. de non edenda carne suina, et praecepto de quibusdam sacrificiis frugum et animalium, desiit ratio mali aut boni moralis, quae in illis continebatur; quin etiam si quis eas tamquam si essent adhuc vetitae aut praeceptae servaret, actus hujusmodi a malo morali immunes haud essent.

particulari moralitas in humanos actus dimanat, solutas habes superius (1) Objicienti autem discrepantiam opinionum circa actus turpes et honestos, diversaque populorum nefandas consuetudines, et modum agendi notioni intrinsicae malitiae contrarium; respondebis, haec vel non fuisse actus, qui immediatam secum ferunt malitiam aut bonitatem, vel simul constitisse cum generali cognitione intrinsicae discriminis boni a malo. Aliud namque est, quod et philosophi disputent interdum de honestate vel inhonestate alicujus actus ubi immediata non est oppositio cum ratione, quodque nonnullae nationes ac populi exemplo malorum aliisque de causis possint quandoque quosdam turpes actus cohonestare; aliud vero, quod etiam immediate turpia ac iniqua possint in controversiam vocari, aut a recta ratione praeditis non videri; cum praeterea praxis opposita cuidam rationali cognitioni, voluntatis abusum non autem etiam defectum necessarii dictaminis rationis arguit (2). Unde merito ait Tullius (3): "Quae natio non comitatem, non benignitatem, non gratum animum, et beneficii memorem diligit? Quae superbos, quae maleficos, quae crudelēs, quae ingratos non aspernatur, non odit?" et inferius "Haec autem in opinione existimare, non in natura posita, vere dementis est. Nam, nec arboris nec equi virtus, quae dicitur (in quo abutimur nomine) in opinione sita est, sed in natura."

Urgent Hobbesiani. In statu naturae ante quamlibet conventionem, nulla lex est, nullis officiis erga alios homo adstringitur; habetque facultatem naturalem, certe non inutilem, faciendi quidquid ad sui conservationem utile judicaverit; ergo naturaliter omnia ei licita sunt, nihilque per se malum.

R. 1º. negando suppositum, *statum* hunc *naturae* alibi quam in mente adversariorum unquam extitisse, cum homo naturaliter sit socialis, et societas praesertim civilis nequeat subsistere sine mutuis officiis, quin etiam legibus politicae potestatis, a qua gubernatur. 2º. Esto, talem statum naturae per cogitationem apprehendamus: nullae quidem in eo forent leges humanae, ideoque nulla earum

(1) N.º 44.

(2) Vide quoque jam alias dicta *Logicae* part. 2. artic. 6. n. 66. resp. ad 2. et in *nota*.

(3) *De Legib.* libr. 1. cap. 2.

praevaricatio; at adhuc subsisteret omnis rectitudinis immutabilis norma, scilicet, sapientiae divina seu lex aeterna, ab eaque dimanans nostrae rationalitatis talis conformatio, qualem ordo et natura rerum postulat, quae rationalitatis talis conformatio, qualem ordo et natura rerum postulat, quae rationalitatis conformatio in se considerata, praebere fundamentum, ut in probationibus ostendimus, intrinsici discriminis inter bonum et malum morale; ergo tunc etiam inhonestum ac malum foret, odio prosequi e. g. Deum et proximum, aliquem laedere, etc. 3º. Habet sane homo utpote liber naturalem facultatem physicam, etiam Deum e. g. ac parentes inhonorandi; num propterea, quod hoc ipsi est illicitum et contra rationem, dicenda erit haec facultas in se spectata inutilis? Principium istud, *utilitate honestatem esse metiendam*, leterrimum est, omnemque naturalem ordinem subvertit, cunctis effraenis cupiditatibus aditum patefaciendo (1). Praeterea, cum ordinis moralis perversio, quae comitatur actus a ratione difformes sit maximum malorum humanae naturae, nihil potest esse *revera utile*, id est, *verum homini emolumentum* adferens, quod simul non fuerit *moraliter bonum et honestum*. Vide de hoc egregie disserentem Tullium (2).

(1) Utilitas vulgari sensu accepta cum nec in duorum hominum mente eidem ideae subjiciatur sive respondeat, et pro diversis singulorum affectionibus, conditione vitaeque adjunctis sit diversa, si ope ipsius foret metienda honestas haec quoque iisdem mutationibus subjiceretur. Hinc et Jeremias Bentham ponens pro fundamento socialis ordinis, bonitatis et justitiae a legibus manantis *utilitatem*, cum advertisset hujusmodi principii arbitrarium, vagam et valde mutabilem significationem, conatur determinare in quo ratio boni et felicitatis humanae sita est: verum quia hanc quoque voluit constituere in eo quod maximam homini voluptatem oblectamentumque parit, malum vero in eo quod molestiam ac taedium, quae pariter admodum vagam mutabilemque significationem habent, nihilque dari potest magis inconstans et pro hominum diversitate magis diversum, quam voluptas, gaudium, taedium etc. in utroque itaque constituendo procul a veritate recessit. Vera etenim *utilitas* sincerumque hominis *oblectamentum* nequeunt esse a justitia honestateque sejuncta, uti argumentum quod subjicimus manifeste ostendit; at hoc ipso ista aliud sui principium sive fundamentum agnoscent oportet.

(2) *De Legib.* libr. 1. cap. 16. et 18. *De offici.* libr. 3. cap. 2 et seqq.

51. Opponit Pufendorfius [1]. 1°. Cum moralitas humanarum actionum oriatur ex convenientia aut disconvenientia a norma seu lege, lex vero sit jussum superioris, non adparet, quomodo honestas aut turpitudine intelligi possit ante legem et citra superioris impositionem. 2°. Qui secus agunt, aeternam quamdam actionum humanarum statuentes regulam, Deo adjungunt principium aliquod coaeternum, extrinsecum, quod ipse in assignandis rerum formis sequi necessum habuerit. 3°. Fatendum est, Deum sicut caetera omnia ita et hominem liberrime creasse, ideoque in beneplacito ejus fuisse qualem vellet ipsi naturam assignare; nil igitur potest esse quod homini absoluta necessitate conveniat citra beneplacitum Dei.

R. ad 1°. Pufendorfius in hoc vehementer hallucinari, quod non distinguat legem positivam Dei a libera Dei voluntate manantem, a norma quadam naturali, quae in ordine ac natura rerum, rationisque nostrae naturali constitutione in primis deprehenditur, et licet a divina sapientia omnia ordinante dimanet, ad eamque debeat referri, uti videbimus, praescindit tamen prorsus a libera divina voluntate, atque in se considerata medium est agnoscendi radicalem et fundamentalem actionum moralitatem; quae moralitas etiam dici potest, ut sapienter advertit Finetti (2), *intrinseca et formalis*, sed *imperfecta* si comparetur cum *extrinseca et absoluta*, quae a lege extrinseca et proprie dicta profluit.

Ad duo alia in objectione posita, cum solida eorum solutio dari nequeat nisi unica, et haec in suppositione doctrinae, quae in metaphysica solet explicari, circa possibilitatis naturam et rerum essentias (3); respondebimus verbis dignissimi mei antecessoris. Itaque ad 2°. «Nullum aliud principium Deo coaeternum statuimus, quam ipsam divinam naturam, quae omnium rerum ac naturarum fons

(1) *De jure natur. et gent.* libr. 1. cap. 2. §. 6.

(2) *De Princip. jur. natur.* libr. 2. cap. 2.

(3) Vide plura haec de re exposita in *Metaphysica* et praesertim *Ontologiae* artic. 2. nn. 15. 16. 17. et seqq. nec non *Psychologiae* cap. 3. artic. 2. n. 59. Et sane, qui has Pufendorffii difficultatis existimaret se soluturum dicendo, haec in re nihil admitti extrinsecum Deo coaeternum etc. nisi aliquid *logicum* et *ideale*, nescio quid posset respondere contententi, nihil aeternum, absolute immutabile, et necessarium etiam pro *statu* et *logico ideali* dari potest praeter Deum.

est atque *exemplar*. Adjungimus etiam, si Pufendorffio placet, divinam *rationem*, quae voluntatem dirigit in ferendis legibus, cujus quidem divinae rationis *derivatio quaedam est humana*, et consequenter immediata nostrarum actionum norma censetur. Jam vero in his omnibus nullum absurdum.»

Ad 3°. «Omnes quidem fatemur Deum nulla necessitate adstrictum fuisse ad creandum hominem, at homini potuisse Deum quam vellet, seu quamlibet aliam assignare naturam confidenter negamus. Homo enim necessario est animal rationale, sociale ad Deum tanquam ad finem suum ultimum naturaliter tendens. Itaque existentia quidem hominis a libera Dei voluntate pendet, at natura, seu *essentia hominis*, quemadmodum et aliarum rerum omnium, pendet solum ab aeterna atque immutabile idea, quae in intellectu divino, necessario existit. Cum igitur natura hominis in se spectata necessaria sit, atque immutabilis, facile intelligitur, qua ratione aioni humanae convenire possit aliqua affectio etiam moralis, quae ex necessitate intrinseca promanet independentem a libera Dei legem ferentis voluntate.»

Urget Pufendorffius (1). *In obscuro manet, hac sententia (de intrinseca moralitate) admissa, quinam demum sint ille actus in se illiciti et quo indicio ab aliis actibus liquido internoscantur; quae item ratio sit proxima, quare iidem tales sint.* Ait praeterea, super hoc fundamento instructa *definitio juris naturalis*, nequit non esse obscura, et veluti in *circulum revolvitur*.

R. Ad 1°. Pufendorffius ibidem ut eludat vim probationis quinto loco a nobis positae, dum asserit hominis naturam esse talem, cui non omnes actus deberent esse indifferentes, fatetur naturalem quamdam actuum convenientiam cum natura rationali: haec itaque convenientia aut oppositio in aperto ponit quinam sint actus liciti, et quomodo ab illicitis discernantur, estque proxima ac fundamentalis ratio moralitatis eorum, seu cur tales sint. Quin imo in opposita sententia haec obscuritas, ut in fundamento monuimus, haberetur, cum absque divina revelatione scire non posset, quid Deus tanquam auctor naturae prohibuerit vel praeceperit.

(1) Operis memorat. libr. 2. cap. 2. §. 4.

Unde etiam quod secundo loco dicitur falsum est. Quae etenim obscuritas, et qui circulus esse potest? Si dicatur eam esse legem naturalem, quae disponit de iis quae sunt intrinsece bona vel mala (1) et haec illa esse quae natura sua sunt conformia, vel difformia rectae rationi, tamquam *proximae*, et *intrinsecae* normae; quae tandem suae recludinis fundamentum agnoscit in immutabili ac aeterna divina ratione, seu in divinae sapientiae conceptu a libera divina voluntate omnino independente. Hinc et S. Thomas (2) *de peccato* inquit, *ex hoc enim ipso, quod est inordinatum, juri naturali repugnat.*

ARTICULUS IV.

DE SENSU ET ORGANIS MORALITATIS.

52. Moralitatis natura sufficienter determinata, juvat pauca quaedam innuere circa duos gravissimos errores, quorum primus e crassiori materialismo ultimi saeculi prodians *sensum moralitatis* quem experimur, in organo quodam sive sensu corporeo aliis quinque sensibus analogo generatim reponit (3). Alter vero a systemate medici Gall dimanans, et sub eminentio nomine scientiae phrenologicae latens latissime nunc temporis praesertim in Galliis et Germania grassatur, et nedum materialismum manifeste promovet, uti alias vidimus [4], sed ipsa moralitatis fundamenta subruit, dum diversas facultates seu propensiones hominum morales in totidem humanae calvae depressionibus et protuberantiis aut cerebri conformationibus collocat, aut

(1) Non quod legem naturalem ita definiamus, aut ita definiendam esse censeamus haec dicimus, sed ut ostendamus, falsum esse quod Pufendorfius supponit, scilicet, quasi admissa hac nostra doctrina, aliud non esset responsum dandum quaerenti quid sit lex naturalis nisi istud; *illa quae versatur circa intrinsece bona et mala*, et rursus quaerenti quid sit intrinsecum bonum ac malum: illud *quod a lege naturali praecipitur vel prohibetur*; hoc utique esset in circulum revolvit.

(2) *Summae theolog.* part. 1, 2, Quaest. 71, art. 6. ad 4.

(3) Hujus sexti sensus corporei et tamen moralitatem indicantis praeformator fuit auctor *libri de Natura*. lib. 3. part. 3.

(4) Vol. 1. *Logica et Metaphysica* in notis adjectis artic. 1. cap. 1. *Psychologiae*..

saltem iisdem ita alligat, ut tota moralitatis ratio necessitate quadam ab his organis corporeis dependeat. Quidam hujus insanae doctrinae adsertores eo usque progressi sunt ut ope illius vel nefandissima crimina ut homicidia, parricidia etc. velut naturae necessitate patrata, proindeque nulli poenae subjicienda, aut saltem a iudicibus mitius plecenda esse contenderent. Verum quid mirum, si juxta Gall, Spurzheim, Broussais ipse *religionis sensus* in activitate horum organorum residet. Vide cl. Cerise (1).

Monemus autem in primis minime nos latere studium phrenologiae posse quoque subsistere cum exclusione materialismi et fatalismi, et plerosque auctores hac tantum ratione eidem promovendo adstipulari; est quia doctrina haec etiam quoad scientificum valorem, ut sapienter observat cl. Forichon (2), omni solido principio anatomico aut physiologico destituitur, statinque ac anatomicam terminologiam deserit in manifestam sensationis cum idea, merae sensibilitatis cum rationalitate et moralitate confusionem incidit, aut ad conjecturales a Gall ejusque discipulis mutuatas observationes recurrit; hinc eidem etiam sic acceptae si quis valediceret, nullum inde ut videtur, naturalium scientiarum incremento detrimentum afferret.

Animadvertendum est deinde, *sensum moralem* prout communiter sumitur, non esse aliud quam instinctum quemdam nostrae rationalitatis, sive hujusmodi naturalem animi nostri comparationem, qua fit ut experiamur in nobis propensionem, sive stimulum quemdam ad bonum morale approbandum, et reprobandum malum, primoque etiam inviti tacite quodammodo oblectemur, aliud vero horreamus. Differt porro sic acceptus et a *sensu naturae communi*, qui dicit

(1) *Exposé et examen critique du système phrénologique*: ubi sic loquitur. Quid est religio secundum Gall? *Elle est un mode d'action plus ou moins énergique de l'organe de la théosophie, aidée de l'organe de merveilleux, et probablement aussi de celui de le esprit de métaphysique.* Quid est religio juxta Spurzheim? *Elle est un mode d'action plus ou moins énergique de l'organe de la vénération, assisté des organes des sens, de la causalité.....* Audiamus nunc loquentem ipsum Broussais. *L'abstraction-religion est un code formulé par des hommes injustes et avides qui exploitent à leur profit le sentiment de la vénération dont la nature nous a dotés pour d'autres fins:....* Et en religio phrenologorum.

(2) In opere *Le matérialisme et la phrénologie combattus dans leurs fondements*. Préface pag. XV. Paris 1840.

Unde etiam quod secundo loco dicitur falsum est. Quae etenim obscuritas, et qui circulus esse potest? Si dicatur eam esse legem naturalem, quae disponit de iis quae sunt intrinsece bona vel mala (1) et haec illa esse quae natura sua sunt conformia, vel difformia rectae rationi, tamquam *proximae*, et *intrinsecae* normae; quae tandem suae recludinis fundamentum agnoscit in immutabili ac aeterna divina ratione, seu in divinae sapientiae conceptu a libera divina voluntate omnino independente. Hinc et S. Thomas (2) *de peccato* inquit, *ex hoc enim ipso, quod est inordinatum, juri naturali repugnat.*

ARTICULUS IV.

DE SENSU ET ORGANIS MORALITATIS.

52. Moralitatis natura sufficienter determinata, juvat pauca quaedam innuere circa duos gravissimos errores, quorum primus e crassiori materialismo ultimi saeculi prodians *sensum moralitatis* quem experimur, in organo quodam sive sensu corporeo aliis quinque sensibus analogo generatim reponit (3). Alter vero a systemate medici Gall dimanans, et sub eminenti nomine scientiae phrenologicae latens latissime nunc temporis praesertim in Galliis et Germania grassatur, et nedum materialismum manifeste promovet, uti alias vidimus [4], sed ipsa moralitatis fundamenta subruit, dum diversas facultates seu propensiones hominum morales in totidem humanae calvae depressionibus et protuberantiis aut cerebri conformationibus collocat, aut

(1) Non quod legem naturalem ita definiamus, aut ita definiendam esse censeamus haec dicimus, sed ut ostendamus, falsum esse quod Pufendorfius supponit, scilicet, quasi admissa hac nostra doctrina, aliud non esset responsum dandum quaerenti quid sit lex naturalis nisi istud; *illa quae versatur circa intrinsece bona et mala*, et rursus quaerenti quid sit intrinsecum bonum ac malum: illud *quod a lege naturali praecipitur vel prohibetur*; hoc utique esset in circulum revolvi.

(2) *Summae theolog.* part. 1, 2, Quaest. 71, art. 6. ad 4.

(3) Hujus sexti sensus corporei et tamen moralitatem indicantis praeformator fuit auctor *libri de Natura*. lib. 3. part. 3.

(4) Vol. 1. *Logica et Metaphysica* in notis adjectis artic. 1. cap. 1. *Psychologiae*..

saltem iisdem ita alligat, ut tota moralitatis ratio necessitate quadam ab his organis corporeis dependeat. Quidam hujus insanae doctrinae adsertores eo usque progressi sunt ut ope illius vel nefandissima crimina ut homicidia, parricidia etc. velut naturae necessitate patrata, proindeque nulli poenae subjicienda, aut saltem a iudicibus mitius plecenda esse contenderent. Verum quid mirum, si juxta Gall, Spurzheim, Broussais ipse *religionis sensus* in activitate horum organorum residet. Vide cl. Cerise (1).

Monemus autem in primis minime nos latere studium phrenologiae posse quoque subsistere cum exclusione materialismi et fatalismi, et plerosque auctores hac tantum ratione eidem promovendo adstipulari; est quia doctrina haec etiam quoad scientificum valorem, ut sapienter observat cl. Forichon (2), omni solido principio anatomico aut physiologico destituitur, statimque ac anatomicam terminologiam deserit in manifestam sensationis cum idea, merae sensibilitatis cum rationalitate et moralitate confusionem incidit, aut ad conjecturales a Gall ejusque discipulis mutuatas observationes recurrit; hinc eidem etiam sic acceptae si quis valediceret, nullum inde ut videtur, naturalium scientiarum incremento detrimentum afferret.

Animadvertendum est deinde, *sensum moralem* prout communiter sumitur, non esse aliud quam instinctum quemdam nostrae rationalitatis, sive hujusmodi naturalem animi nostri comparationem, qua fit ut experiamur in nobis propensionem, sive stimulum quemdam ad bonum morale approbandum, et reprobandum malum, primoque etiam inviti tacite quodammodo oblectemur, aliud vero horreamus. Differt porro sic acceptus et a *sensu naturae communi*, qui dicit

(1) *Exposé et examen critique du système phrénologique*: ubi sic loquitur. Quid est religio secundum Gall? *Elle est un mode d'action plus ou moins énergique de l'organe de la théosophie, aidée de l'organe de merveilleux, et probablement aussi de celui de le esprit de métaphysique.* Quid est religio juxta Spurzheim? *Elle est un mode d'action plus ou moins énergique de l'organe de la vénération, assisté des organes des sens, de la causalité.....* Audiamus nunc loquentem ipsum Broussais. *L'abstraction-religion est un code formulé par des hommes injustes et avides qui exploitent à leur profit le sentiment de la vénération dont la nature nous a dotés pour d'autres fins:....* Et en religio phrenologorum.

(2) In opere *Le matérialisme et la phrénologie combattus dans leurs fondements.* Préface pag. XV. Paris 1840.

instinctum sive impulsum ad quasdam veritates agnoscendas vel iudicia ferenda, et a *sensu pulchri, admirationis*, etc; qui pro objecto non habent moralitatem actionum, sed vel ordinem quemdam sive symmetricam et proportionalem partium et perfectionum dispositionem atque consonantiam vel singularem utriusque excellentiam consuetas naturae leges quodammodo exedentem.

53. His praeactis, cum jam superius probaverimus moralitatem actuum humanorum ab ipsa nostra rationalitate, ad quam et liberum arbitrium pertinet, et quae mutuas rerum inter se atque cum nostra natura et cum aliqua actionum regula detegit, dimanare, atque velut in ea sitam esse, evidens est idem prorsus dicendum esse de *sensu seu instinctu morali*, sive hic pro indeliberata et ab omni ratiocinatione independenti, sive pro deliberata nostrae rationalitatis inclinatione ad approbandas aliquas actiones tamquam moraliter bonas, aliasque reprobandas ut malas sumatur: unde tamquam insanum commentum rejiciendus videtur iste sextus quidam *sensus revera corporeus et organicus* quinque aliis sensibus anaalogus, quo scilicet moralitatis notionem acquireremus. Id vero etiam inde inferitur facile quod et moralitas utpote in relatione rectitudinis aut deformitatis consistens quod est aliquid dumtaxat mere intelligibile] nullum organum corporeum utcumque tenuissimis fibris contextum afficere queat, et relictio hujus instinctus seu sensus moralis ac iudicii circa moralitatem, nec non quaedam oblectatio de bono et horror a malo morali minime sequantur rationem directam majoris perfectionis nostrae sensibilitatis corporeae, quin potius frequenter e diametro eidem adversentur: dum interim aliorum sensuum corporeorum oblectamenta et pro majori perfectione sensibilitatis augentur, et apprime ad invicem conspirant (1).

Quod autem in pueris ac rudibus, licet notionibus universalibus abstractis destituantur, sensus hic seu instinctus moralis manifestetur, quodque magna sit circa illum inter omnes homines uniformitas, id minime ostendit illum ab organo quodam corporeo pendere, sed supponit dumtaxat illius evolutionem antevertere explicitum ac perfectum rationis usum,

(1) Vide doctrinam hanc pluribus assertam, et doctissime ab oppositionibus vindicatam a Joan. Franc. Finetti *De principis juris natur. et gent.* (in fine tom. 1. capite praetermisso et inserendo post. cap. 10. lib. 11. tom. 2).

haec postulare necessario claras et distinctas cognitiones intellectuales ut manifestetur manifestarique plerumque in nobis etiam sine nobis. Praeterea haec omnia certe longe melius explicantur [suppositis semper quibusdam etsi dumtaxat confusis ideis rectitudinis, deformitatis, et normae cujusdam] per identitatem rationalis instinctus, quam per hoc figmentum sexti cujusdam sensus corporei; cum et talis *moralis sensus* sive *instinctus* nostrae rationalitatis sit dumtaxat medium proportionatum rei cognoscendae, et sensus iste corporeus plane singularis rectaeque rationi manifeste repugnans, tam pro conditione totius corporis quam aliorum sensuum, nedum in diversis sed etiam in eodem homine mutationibus intrinsecis atque extrinsecis deberet esse frequenter obnoxius [1].

54. Idem fere esto iudicium de memoratis pluribus corporeis moralitatis organis, quae in calvae humanae protuberantiis, et depressionibus phrenologi et adsertores systematis Gall se detexisse autumant. Porro ad mentem eorum tres huiusmodi principales sensus seu organa, aut melius tres eorum generales ordines, in cerebro quidem fundamentum habent et per diversas calvae conformationes indicati, tribus generalibus animae facultatibus respondent, seu magnam earum divisionem in *instinctus, affectiones, et intelligentiam* constituunt (2), ac deinde in totidem particulares sensus seu organa in calvae conformatione similiter indicata dispertuntur, quot sunt particulares animae facultates (3). At in primis praeterquam quod experimentales illorum

(1) Sedem hujus corporei sensus ejus praeformator statuit inter *visum et auditum*, eo quod sensus moralitatis ab actione visa vel audita soleat exitari. At missis aliis rationibus nonne caeteri quoque sensus sive sensationes possunt esse occasio exitans sensuum moralitatis? Nonne surdi et caeci homines sensuum moralitatis adhuc manifestant?

(2) Coryphaeus phrenologorum Broussais (pater), *Cours de frenologie* pag. 2-4. quatuor huiusmodi classes sive ordines adstruit, scilicet: 1° *Instincts* (instincts proprement dits, besoins ou penchants): 2° *Sentiments*: 3° *Facultés intellectuelles*: 4° *Mouvements* (quomodo tamen istud possit constituere peculiarem ordinem viderit ipse). Confer opus superius laudatum cl. Forichon livr. 1. chap. 1. § 2.

(3) In hac quoque partitione et numeratione organorum cultores systematis Gall et generatim omnes phrenologi non consentiunt, nihilque adhuc scientificum hac de re constitutum habemus

probationes plerumque a vero aberrant (1), si hujusmodi sensus seu organa propensionesque ab eis dimanantes

sicut observat cl. Debreyne [*Pensées d' un croyant catholique etc. art. Phrénologie*] dicens: *La doctrine phrénologique n' existe pas comme science, ou n' existe pour nous jusqu' à présent qu' à titre de deception et de mystification, comme le mesmérisme ou le magnétisme animale, la mégalanthropogénésie, et l' homoeopathie.*—Ajoutons, dit la Revue médicale [cahier de juin 1838, p. 465], que les docteurs cranioscopes ne sont nullement d' accord sur le nombre des organes: où l' un en découvre trente-quatre, l' autre en compte soixante-dix, un troisième plus de cent, et tous s' accusent d' avoir un jugement faux, un crâne étroit, un encéphale déficient.

(1) Animadvertendum est in primis systema hoc probari non posse rationibus a priori, quae potius eidem adversantur. Etenim si organa praesertim moralium affectionum et passionum in cerebro residerent et per lineamenta calvae impressa et iisdem respondentia manifestarentur, deberent illi, qui talibus affectionibus vehementer indulgent agitanturque experiri quemdam dolorem et molestiam in posteriori capitis parte, non secus ac illi qui profundius et diutius aliquid meditantur, in anteriori capitis parte dolore frequenter afficiuntur. Praeterea si verum esset quod docet istud systema Gall, organum numerationis et matheseos situm esse in externo oculi angulo, quare mathematici post longius saltem et laboriosius studium in eodem capitis loco molestiam non experiuntur? Nonne testibus Bichat Virey aliisque phisiologis qui phrenologorum somniis aut conjecturis non delectantur, organum affectionibus et passionibus mentis inserviens, in partibus ad internam vitam spectantibus, sive in systemate nerveo, quod vocat *ganglionarium*, debet residere?

Deinde adsertores systematis Gall etiam in eorum rationibus a posteriori, sive in divinatione circa indolem et peculiare hominum propensiones ex facta observatione et in investigatione dictorum organorum, passim decipiuntur et si quid veritati consonum quandoque conjecerint, id accidit circa homines scelestos carceribus detentos, quorum nefanda scelera cum gravi quadam corporis inordinatione conjuncta vel ipso suo putore et squalore per se manifestant: aut saltem, utpote cuidam hominum conditioni magis communia, probabiliter de quovis similis conditionis homine conjicienda. In caeteris autem eos passim a vero recedere in comperto habemus, et ut praeterea organum *theosophiae*, quod Gall et cum ipso alii in calva hominum assignarunt, etiam in capite arietum et pecorum inventum esse, nec non organum *stupiditatis* quod fertur detectum ab ipsis fuisse in subjecta phrenologicis observationibus calva acerrimi ingenii viri et praeclearissimi mathematici Laplace; haec pauca ex laudato nuper cl. Debreyne [art. *phrénologie* pag. 258] subicere sufficere. *Je ne me pro-*

ipsas animi facultates constituere dicantur, sicut revera quidam phrenologi impie ac stulte affirmare non dubitant, doctrina haec purum putissimumque saperet materialismum, jam diu a doctis metaphysicis funditus subversum (1). Praeterea, missis nunc organis intellectivis aliisque, si moralia haec organa et propensiones sensibiles inde dimanantes, ita cum moralibus animae facultatibus conspirant, earumque evolutionem augeant, ut infallibilem ac necessarium nexum habeant cum vitae ac morum institutione, tunc actum esset de libertate arbitrii validissime a metaphysicis et

pose pas, de discuter ici sérieusement la doctrine des phrénologistes comme sujet de science. L' opinion publique et surtout la haute raison de tous les vrais philosophes, psychologues, moralistes, physiologistes, etc. s' élève contre ce système d' erreurs, le condamne et le réprouve généralement. On sait en effet que la crâno-scopie reçoit tous les jours de nouveaux et nombreux démentis. Entre mille faits que l' on pourrait citer, je n' en rapporterai que deux ou trois des plus connus, de Fieschi, de Lacenaire et d' Avril.

Les principaux traits de Fieschi ont été: absence de l' organe de la DESTRUCTIVITÉ et de celui de la ruse et développement de l' organe de la BONTÉ. Chez Lacenaire [celui-ci était voleur de profession: il a déclaré avoir participé à sept assassinats suivis de vols, il professe l' athéisme et en général la philosophie du marquis de Sades], absence complète de l' organe du VOL, présence de l' organe de la BIENVEILLANCE et de la THEOSOPHIE (disposition religieuse), cette dernière surtout fort visible: la fermeté située entre les deux organes de la JUSTICE (sentiment du juste et du devoir, conscience morale); tout cela est fort apparent. Chez Avril les penchants SANGUINAIRES, ceux du VOL et de la RUSE sont inappréciables; en revanche, ceux de la BONTÉ, de la THEOSOPHIE de la JUSTICE sont d' une dimension peu commune et dominent tous les autres.

(1) Praeter dicta superius et (Psychol. cap. 1. artic. 1 in notis) de tendentia phrenologiae ad materialismum sive de manifesto plurimorum phrenologorum materialismo, juvat haec pauca ad mentem ipsius Gall subdere, praeeunte eodem cl. Debreyne (artic. *Phrénologie* pag. 241). *Selon l' auteur de l' article SENS du grand dictionnaire des sciences médicales, le docteur Montfalcon, les mots AME et INTELLIGENCE n' ont aucun sens dans le livre de Gall. LE CERVEAU, dit ce dernier, EST LA SOURCE DE toute PERCEPTION, LE SIEGE DE TOUT INSTINCT, DE TOUT PENCHANT, DE TOUT FORCE MORALE ET INTELLECTUELLE (sur les fonctions du cerveau et sur celles de chacune de ses parties, tom. 1, pag. 25). Et ailleurs (Même oeuvre, tom. V. pag. 440) il ajoute: IL EST LA SOURCE DE TOUTES LES IDÉES ET DE TOUTS LES SENTIMENTS.*

nobis superius (1) probata, quin et in communi generis humani sensu fundata (2).

55. Quod si huiusmodi organa propensionesque ab eis dimanantes incitando dumtaxat animam ad actus ipsis respondententes, liberum arbitrium et rationis imperium integrum relinquere suponantur, tunc ex ipsis, et si darentur et possent assignari in calva, nihil posset in primis certo conjici de morum praeterita aut futura institutione; haec namque penderet, sicut revera pendet, a recto dumtaxat vel non recto libertatis usu. Deinde tota eorum efficacia optime poterit explicari per diversos gradus contemperationis nostrae sensibilitatis, juxta concupiscibilem et irascibilem ejus agendi modum, qui certe in diversas animi operationes et affectiones multum influunt (3), moralitatem tamen earum, quae unice ab ordine rationis et relatione ad regulam seu normam morum dependet, minime determinant. Accedit, quod sensibilitas, utcumque vehemens vel remissa non nisi a bona physico et sensibili excitatur, et ad illud animum inclinat, malum enim est mera privatio seu defectus illius quod esse debebat; unde absonum est saltem existere organa moralia corporea e. g. ambitionis, avaritiae, turpitudinis etc. quorum insuper existentia, si sub formali eorum conceptu considerentur, videtur divinae bonitati ac sapientiae manifeste

(1) Hujus capituli artic. 2. n. 35. et *Psychologiae* cap. 3. articulo 6 et 7.

(2) Quod vero doctrina haec fatalismo faveat, auctor nuper laudatus sic pergit eodem loco enarrare. *Les affirmations suivantes doivent nous suffire pour justifier les accusations de tendance au fatalisme portées contre le système phrénologique: L'homme, en tant qu'il est animal (selon le système de Gall, l'homme est la continuation de la chaîne animale), serait-il un être isolé de la nature vivante? serait-il gouverné par des lois organiques opposées à celles qui président aux facultés du chien, du cheval et du singe? (même vol. pag. 48). Aussi Gall assimile les facultés des bêtes à celles de l'homme; il va même jusqu'à dire que les animaux sont des abstractions. [Voyez même vol. pag. 56]. Il ajoute à la page suivante que très-souvent leur actions dénotent un sentiment de morale, du juste et de l'injuste, etc. Voilà de plus des êtres sans libre arbitre et sans devoirs devenus capables de moralité et par conséquent capables de mérite et de démérite, c'est un progrès.*

(3) Vide dicta superius, (artic. 1. hujus capit. n. 32) de causis concupiscentiae.

derogare. Aliud namque est, quod quis habeat a natura propensionem e. g. ad ardua quaedam et magnanima paranda, ad res divitiasque augendas, fideliter servandas vel custodiendas. etc. aliud vero, quod ab ipsa naturali constitutione seu quodam organo corporeo impellatur e. g. ad indebitam praeceminentiam quaerendam, ad inordinatum divitiarum amorem, vel cujusvis alterius sensitivi appetitus inordinatam satisfactionem, etc. In hoc postremo casu auctor ipse naturae Deus esset causa talis inordinationis formaliter spectatae.

Hinc evidenter colligitur quam falsa, aut saltem periculi plena sit huiusmodi phrenologiae doctrina moralibus hominum actionibus applicata, quod lepide quoque expressit Bailly de Blois (1) auctor studiis phrenologiae minime contrarius, inquit: "Olim de praestantia hominum, sive ex operibus, sive ex ceteris ipsorum vitae actionibus iudicium ferri solebat: nunc autem qua id ratione praestetur, si de insignis cujusdam hominis ingenio agatur, attende. Obiit ne? ce-
"rebrum ejus ponito in trutina: an vivit? demetire ejus cal-
"vam quaquaversus et exinde quadam numerica nota mora-
"lem hominis valorem millimetris tibi aut grammis est ex-
"hibitura. Et en qui factum fuerit, ut *χαρηνολογία*, quae
"quandiu a cl. viro (Gall) pertractabatur tanto fuit (si ta-
"men hoc dici possit cum veritate relate ad mentem hujus
"auctoris, ut patet ex dictis in *notis* proxime praecedenti-
"bus) humanae scientiae emolumento jam in ipsum edita
"vulgus, eos excesserit limites, quos inter dumtaxat veram
"potest habere utilitatem. Atque ita etiam doctrina haec
"nos in absurdissimas induceret consequentiones, si modo
"nullus unquam potest diu serpere error (2) quin tandem et

(1) *Essai sur les moyens de faire faire des progrès à la phrénologie.*

(2) Laudatus in praecedentibus *notis* cl. Debreyne videtur errorem hunc gravissimum detexisse et validissime profligasse, ejusque argumenta et rationes eo mejus pondus vimque ad persuadendum habent, quo majori claritate et simplicitate exhibentur, et a viro proficiscuntur nedum medicae scientiae professore, verum etiam, ut patet, in physiologiae et phrenologiae arcanis aliisque recentiorum inventis peritissimo. Porro vir cl. animadversiones suas sic in primis concludit verbis D. Cerise [*Exposé et examen critique* pag. 12]. *Maintenant si nous avions à répondre à cette question: Qu'est-ce que la phrénologie? nous*

“innotescat et profligetur,, (1).

PARS SECUNDA

DE REGULA SEU NORMA NATURALI ACTUUM HUMANORUM,
ID EST, DE LEGE NATURALI.

ALERE 36. Non de quacumque norma seu lege in genere, [sic enim physicae quoque leges naturae comprehenderentur], nec de quacumque lege morali seu norma humanorum actuum sermonem instituimus, sed de norma seu lege naturali quae a rationali natura proxime dimanans, eique impressa, et per eam manifestata, moralitatis humanorum actuum est apta directrix. Verum quidem est etiam conscientiam dici a doctoribus moralibus normam naturalem humanorum actuum; ast quoniam haec non est aliud, quam practicum intellectus dictamen, quo in casu particulari judicamus, hoc esse prosequendum quia bonum vel praeceptum a lege; illud declinandum quia malum vel a lege vetitum differt omnino a

dirions que la phrenologie est un système psychologique qui ne virtuellement et réellement toutes les vérités en vertu desquelles l'homme se distingue des animaux; que ce système est hostile à la morale; qu'il est contraire à toutes les données générales de la physiologie: que par conséquent il est mauvais et faux; qu'il est à la fois une immoralité et une erreur; et que travailler à le combattre, à l'anéantir, est à la fois une oeuvre de fois et une oeuvre de science.

Déinde vero haec alia subdit. *Cousidérant que le système phrenologique est aujourd' hui singulièrement proné par certains personnages, e pour des raisons à eux connues, je me suis souvent demandé si l'on ne pourrait pas invoquer le principe de M. deMaistre pour jouger la phrenologie ou les phrenologistes du moins, sous le rapport philosophique, religieux et moral. Voici les paroles de ce célèbre écrivain: [Soirées de St-Petersbourg tom. 1. pag. 436.] “ Il y a une règle sûre pour juger les livres comme les hommes, même sans les connaître; suffit de savoir par qui ils sont aimés et par qui ils sont haïs. “ Cette règle ne trompe jamais. ,,*

(1) Vide Ephemerides Pisanas tom. 4. et 5. et illas quibus titulus *L'echo du monde savant*, ad an. 1837 in parte phrenologica.

lege, estque potius legis vel principiorum universalium ad casum particularem applicatio.

De conscientia sic definita, haec pauca morali philosopho scire sufficiet. 1º, eam sic acceptam, praesertim si antecedenter vel concomitanter ad actionis positionem spectetur, differre a conscientia seu sensu intimo logicorum, respicit namque operationem, non vero speculationem veritatis. 2º, eam praecipue distingui in rectam, erroneam, certam et dubiam, juxta communem harum vocum significationem, quae in Logica [1] explicatur, jam sufficienter perspectam. Contra conscientiam rectam et invincibiliter erroneam [error enim vincibilis et solidum dubium antequam agamus deponenda sunt] numquam fas est operari, immediata namque in casu particulari voluntatis regula est tale iudicium practicum seu conscientia, ideoque talis mali reum se quis constituit, quale representatur per conscientiam, cui contradicit. Quia vero in moralibus frequenter certitudo haberi nequit, possumus et quandoque debemus, adhibitis reflexis principiis agere juxta solide probabilem sententiam, hinc patet, quid sit conscientia probabilis.

37. Legem naturalem, quae etiam jus (2) naturae dicitur varie a Doctoribus definitam inveniens. Missis caeteris non rectis vel obscuris definitionibus, communiores sunt istae, lex naturalis, est recta ratio, vel, lumen naturale rationis dictans quid sit faciendum, fugiendumve, vel regula a natura hominis petita, apta dirigere actiones hominis, ut naturae illius convenit, vel, participatio legis aeternae in rationali creatura. Diversitas harum definitionum pendet ex diversa consideratione ipsius legis naturalis, et componi possunt, distinctione facta inter legem consideratam in ejus auc-

(1) Vide Logicae part. 2. artic. 1. §. 2.

(2) Etymologia hujus vocis praetermissa, quam Ulpianus a justitia, alii a jubendo sive jussu, aut a nomine Jovis cum Hugone Grotio derivant, monemus duas esse praecipuas, frequentiores, magisque tritas Juris acceptiones. Prima, pro quavis lege, unde ortum habent distinctiones inter jus divinum et humanum, naturale et positivum, ecclesiasticum et civile, etc. Altera, pro adjunctis, ut vocant, personae, sive pro facultate aliquid faciendi, habendi, possidendi etc. unde dimanat jus gladii, ad rem, in re, emendi, vendendi, et. Duae aliae autem juris acceptiones, scilicet pro arte vel scientiam legum, unde jurisprudentia, et pro adjuncto actionis, sive pro honesto et licito, sunt minus usitatae et parum frequentes.

“innotescat et profligetur,, (1).

PARS SECUNDA

DE REGULA SEU NORMA NATURALI ACTUUM HUMANORUM,
ID EST, DE LEGE NATURALI.

ALERE 36. Non de quacumque norma seu lege in genere, [sic enim physicae quoque leges naturae comprehenderentur], nec de quacumque lege morali seu norma humanorum actuum sermonem instituimus, sed de norma seu lege naturali quae a rationali natura proxime dimanans, eique impressa, et per eam manifestata, moralitatis humanorum actuum est apta directrix. Verum quidem est etiam conscientiam dici a doctoribus moralibus normam naturalem humanorum actuum; ast quoniam haec non est aliud, quam practicum intellectus dictamen, quo in casu particulari judicamus, hoc esse prosequendum quia bonum vel praeceptum a lege; illud declinandum quia malum vel a lege vetitum differt omnino a

dirions que la phrenologie est un système psychologique qui ne virtuellement et réellement toutes les vérités en vertu desquelles l'homme se distingue des animaux; que ce système est hostile à la morale; qu'il est contraire à toutes les données générales de la physiologie: que par conséquent il est mauvais et faux; qu'il est à la fois une immoralité et une erreur; et que travailler à le combattre, à l'anéantir, est à la fois une oeuvre de fois et une oeuvre de science.

Déinde vero haec alia subdit. *Cousidérant que le système phrenologique est aujourd' hui singulièrement proné par certains personnages, e pour des raisons à eux connues, je me suis souvent demandé si l'on ne pourrait pas invoquer le principe de M. deMaistre pour jouger la phrenologie ou les phrenologistes du moins, sous le rapport philosophique, religieux et moral. Voici les paroles de ce célèbre écrivain: [Soirées de St-Petersbourg tom. 1. pag. 436.] “ Il y a une règle sûre pour juger les livres comme les hommes, même sans les connaître; suffit de savoir par qui ils sont aimés et par qui ils sont haïs. “ Cette règle ne trompe jamais. ,,*

(1) Vide Ephemerides Pisanas tom. 4. et 5. et illas quibus titulus *L'echo du monde savant*, ad an. 1837 in parte phrenologica.

lege, estque potius legis vel principiorum universalium ad casum particularem applicatio.

De conscientia sic definita, haec pauca morali philosopho scire sufficiet. 1º, eam sic acceptam, praesertim si antecedenter vel concomitanter ad actionis positionem spectetur, differre a conscientia seu sensu intimo logicorum, respicit namque operationem, non vero speculationem veritatis. 2º, eam praecipue distingui in rectam, erroneam, certam et dubiam, juxta communem harum vocum significationem, quae in Logica [1] explicatur, jam sufficienter perspectam. Contra conscientiam rectam et invincibiliter erroneam [error enim vincibilis et solidum dubium antequam agamus deponenda sunt] numquam fas est operari, immediata namque in casu particulari voluntatis regula est tale iudicium practicum seu conscientia, ideoque talis mali reum se quis constituit, quale representatur per conscientiam, cui contradicit. Quia vero in moralibus frequenter certitudo haberi nequit, possumus et quandoque debemus, adhibitis reflexis principiis agere juxta solide probabilem sententiam, hinc patet, quid sit conscientia probabilis.

37. Legem naturalem, quae etiam jus (2) naturae dicitur varie a Doctoribus definitam inveniens. Missis caeteris non rectis vel obscuris definitionibus, communiores sunt istae, lex naturalis, est recta ratio, vel, lumen naturale rationis dictans quid sit faciendum, fugiendumve, vel regula a natura hominis petita, apta dirigere actiones hominis, ut naturae illius convenit, vel, participatio legis aeternae in rationali creatura. Diversitas harum definitionum pendet ex diversa consideratione ipsius legis naturalis, et componi possunt, distinctione facta inter legem consideratam in ejus auc-

(1) Vide Logicae part. 2. artic. 1. §. 2.

(2) Etymologia hujus vocis praetermissa, quam Ulpianus a justitia, alii a jubendo sive jussu, aut a nomine Jovis cum Hugone Grotio derivant, monemus duas esse praecipuas, frequentiores, magisque tritas Juris acceptiones. Prima, pro quavis lege, unde ortum habent distinctiones inter jus divinum et humanum, naturale et positivum, ecclesiasticum et civile, etc. Altera, pro adjunctis, ut vocant, personae, sive pro facultate aliquid faciendi, habendi, possidendi etc. unde dimanat jus gladii, ad rem, in re, emendi, vendendi, et. Duae aliae autem juris acceptiones, scilicet pro arte vel scientiam legum, unde jurisprudentia, et pro adjuncto actionis, sive pro honesto et licito, sunt minus usitatae et parum frequentes.

tore, et in illis, quibus lex ipsa tribuitur. Nobis praeferenda videtur postrema definitio, utpote innuens emanationem legis naturalis in subjectum ab ipso auctore ejus; praesertim quod hic supponamus tamquam ab omnibus admissum, legem naturalem habere veram ac proprie dictam rationem legis moralis; legemque moralem in genere esse, *ordinationem rationis ad bonum commune factam a legitimo superiore*, seu brevius, *jussum vel praeceptum commune et justum legitimi superioris*. Porro lex moralis in genere dicitur *ordinatio vel jussio legitimi superioris*, et respicere *bonum commune*; secus non distingueretur a *consilio*, quod indicat dumtaxat convenientiam alicujus actionis, potestque darii etiam ab aequali vel inferiori, nullam vim obligandi habente; nec a *praecepto simpliciter*, quod respicit tantum aliquam particularem personam et cum ipsa desinit (1).

(1) Haud me latet, alias quoque haberi generales moralis legis definitiones: sic et S. Thomas [sum. theol. part. 1. 2. quaest. 90 artic. 1. hanc quoque tradit definitionem: *lex quaedam regula est et mensura actuum, secundum quam inducitur (obligatur) alicuius ad agendum, vel ab agendo retrahitur*: et Grotius (*De jure belli et pacis* lib. 1. cap. 1. §. 9); *regula actuum moralium obligans ad id quod rectum est*. Verum hae aliaeque similes definitiones vel sumunt legem generalissime, quatenus nec a consilio nec a praecepto distinguitur; vel discrepant dumtaxat quoad verba, quatenus earum quaedam nonnullas legis condiciones *implicite* supponunt, quas aliae *explicite* exhibendas esse censent.

Non est demum praetemitenda singularis prorsus legis definitio, quam tradit cl. Rosmini (*Principii della scienza morale* cap. 1. artic. 1.) dicens: *La legge morale non è che una nozione della mente*, conaturque pluribus eam suadere. Ast *notio* mentis est *per se* quid subjectivum, non involvit igitur emanationem legis a legislatore; aequae de praecepto et consilio dici potest, quin et de quavis alia re cujus conceptum intellectualem habemus. Addit quidem cl. auctor haec alia verba *coll' uso della quale si fa giudizio della moralità delle azioni umane*; verum ne hoc quidem ad rem sufficit. Nonne etiam moralitatis notio latius patet quam legis? cum homo moraliter operetur, etsi id faciat quod est de consilio tantum vel de necessitate peculiaris praecepti. Nonne notio ope cujus de humanarum actionum moralitate judicamus sumitur frequenter ex rei natura, ex fine, ex adjunctis etc. quae per se rationem legis certissime non continent? Mira vero prorsus est ab auctore facta deductio, e *secondo la quale però si deve operare* (nequit enim dici tantum definitionis declaratio, secus eandem destrueret), quasi nempe quidquid ad moralitatem discernen-

Definitionis, quam superius laudamus caeterisque praeferrimus, rectitudo melius adhuc patebit ex dicendis, nunc tantum monemus legem naturalem spectatam tamquam in subjecto, debere esse aliquid insitum ac naturaliter innatum eidem subjecto seu rationali naturae, secus subjectum legis seu animus ut rationalis, id est ratio *in concreto*, ab ipsa lege, et lex naturalis a positiva lege divina non differret; praesertim quod et haec sit quaedam participatio legis aeternae, verum non per impressionem factam in rationali natura, sed aliquo signo vel manifestatione extrinseca. Discrimen utriusque legis etiam ex objecto colligitur, quatenus lex naturalis praecipit, aut vetat tantum ea, quae sunt intrinsece bona vel mala, positiva vero lex etiam ad alia quae per se sunt indifferrentia porrigitur, licet interim utraque, *immediate* dimanet a Deo, non sicut humanae et civiles leges, quae dumtaxat

dam inservit iam hoc ipso moralem necessitatem seu debitum agendi importaret. Eandem insufficientiam ostendunt, ut insipienti facile patebit; tres conditiones huic legis definitioni adjectae. 1. *Che quella nozione sia ricevuta nella mente di chi giudica*. 2. *Che il soggetto che ha quella nozione si sia avveduto della sua attitudine a servir di regola ne' giudizi morali*;..... 3. *Che venga applicata dal soggetto alle azioni da giudicarsi*. Praeterea nome voluntas divina, vel cuiusvis legitimi superioris debito modo et sufficienter subditis manifestata veram legis obtinet rationem? Nonne relate ad eos qui per se rationes investigare non valent, et praesertim in quaestionibus mere probabilibus, Doctorum iudicium et auctoritas pro regula moralis sumi potest? Et tamen quis unquam dicere audebit, haec et horum similia aliud non esse quam notionem mentis? Aut ad hoc ut talia sint debere necessario in mente recipi et ad iudicia circa actiones applicari? Haec sane quae dicimus cl. auctori minus forte probata videbuntur, eo quod non satis congruant cum illius ingenioso systemate unius ingenitae ideae entis in genere; verum nos qui jam alias [vol. 1. *Psychologiae* cap. 3. art. 2. prop. 1. n. 60. in nota 3.] indicavimus quid sit de hoc systemate sentiendum, eo tantum animo has nostras animadversiones protulimus ut prudens lector eas prae oculis habeat antequam in sententiam cl. Rosmini concedat idque potissime ideo, quia, quamvis plurimum cl. auctori gratulemur quod suum systema universalissimum reddere satagat, optaremus nihilominus illud eo usque minime promoveri, ut communes praesertim moralium doctorum sententiae doctrinaeve nedum necessario immutandae sed penitus quoque excludendae censerentur debeat.

mediate, quatenus cum recta ratione congruunt, ad divinam legem reducuntur. De lege naturali sic accepta inquirendum nobis est, primo ejus fundamentum, existentia, et sanctio; deinde diversae ejusdem proprietates et cognitionis principia.

CAPUT I.

DE FUNDAMENTO, EXISTENTIA, ET SANCTIONE LEGIS
NATURALIS.

58. Fundamentum, seu melius fons atque origo divina legis naturalis, quod in primis exponere aggredimur, non solum quaestionem de ejus existentia faciliorem reddet, verum etiam aditum praeccludet ad ulteriores quaestiones circa essentiam legis naturalis et obligationem, seu necessitatem moralem exequendi praecepta ejusdem; palamque faciet, nos prorsus recedere ab eorum philosophorum agendi ratione, qui putant se posse talem de legibus moralibus doctrinam ex rationis praescripto tradere, quae ipsi atheisticae societati (si haec daretur) moderandae par foret. In qua sane agendi ratione possent redargui, vel ab ipsis ethnicis philosophis, quorum nobiliores ut Plato, Tullius, etc. legis naturalis originem a sapientia deorum derivant. Sic Tullius (1) ait; *Lex nihil aliud est, nisi recta et a numine deorum tracta ratio*, et alibi passim (2) simili modo loquitur. Praetermittenda tamen non videntur saltem haec alia ejus praeclarissima verba (3). «Hanc video sapientissimorum fuisse sententiam, legem neque hominum ingenii excogitatam nec scitum aliquod esse populorum, sed aeternum quiddam, quod universum mundum regeret, imperandi prohibendique sapientia. Ita principem legem illam, et ultimam mentem esse dicebant, omnia ratione aut cogentis, aut vetantis Dei: ex qua illa lex, quam dii humano generi dederunt, recte est laudata..... Erat enim ratio profecta a rerum natura, et ad recte faciendum im-

(1) *Philippic.* 2. cap. 12.(2) *De Legibus* lib. 1. et 2.(3) *Ibidem* lib. 2. cap. 4.

pellens, et a delicto avocans, quae non tum denique incipit lex esse, quum scripta est, sed tum, quum orta est. «Orta autem simul est cum mente divina. Quamobrem lex vera atque princeps, apta ad jubendum et ad vetandum ratio est recta summi Jovis.»

Quia porro fundamentum legis naturalis mox reponemus in ratione divinae sapientiae prout ad ordinationem et gubernationem creaturae rationalis refertur, advertendum est 1º, nos hic loqui de *regula objectiva* humanorum actuum; certum namque est conscientiam, de qua superius (1) egimus, ipsaque universalis intellectus nostri practici dictamina, esse *regulam subjectivam*, quae magis minusve proxime moralitatem actionum determinat; ideoque quaesitio in eo versatur an natura rationalis in se, aut in suis dictaminibus practicis spectata, possit quoque pro *objectiva et ultima regula* moralitatis statui (2), quin referenda sit ad rationem divinae sapientiae. 2º, legem naturalem in subjecto spectatam, sumi vel pro ipsa tali nostrae rationalitatis conformatione seu ejusdem conformationis potentia habendi universalis dictamina practica dirigentia actus voluntatis, (quo sensu invenitur constanter et veluti habitualiter, etiam in rationis usu destitutis), vel pro ipsis practicis universalibus dictaminibus; in utroque vero casu referendam esse ad divinam sapientiam seu Deum, non solum tamquam ad *causam efficientem* rationalis naturae, de quo nemo dubitat; sed etiam tamquam ad *causam ordinantem*, id est tamquam ad *legislatorem*, naturalem scilicet ordinem moralitatis praecipientem, ejusque violationem vetantem, quod in controversiam vocatur.

(1) N.º 56.

(2) Exigentia nostrae naturae rationalis *in se*, sive quatenus est ita conformata ut quidam actus eidem convenient, alii vero repugnent et judicia sive practica rationis dictamina talem convenientiam vel repugnantiam quarundam actionum indicantia, utpote quid realiter cum ipso animo rationali identificatum, *per se* non nisi subjectivam regulam constituunt transeunt autem etiam in objectivam ac veluti ultimam, dum a nonnullis auctoribus spectantur tamquam veritates quaedam et a nobis independentes et per semetipsas ordinem naturalem moralem constituentes, quin ad aliquid aliud (praeter ipsam rerum naturam) velut ordinis fundamentum referantur.

ARTICULUS I.

DE FUNDAMENTO LEGIS NATURALIS.

59. Rationem divinae sapientiae moventis *rationalem creaturam* ad debitum finem, praecipientemque honeste, turpia vetantem, *aeternam legem Dei* appellant Doctores, sive tandem hoc ejus *jussum seu imperium ac intimatio* a solo intellectu, sive a sola voluntate, sive potius ab utroque, quamvis diversa ratione, sit derivandum [1]. Unde et S. Augustinus (2) ait: *Legem aeternam esse divinam rationem vel voluntatem, ordinem naturalem conservare jubentem, perturbari vetantem.* Finelli (3) merito arguit Thomassium, quod [4] legem aeternam Dei dixerit esse figmentum scholarum; etenim si ipsam spectes in mente Dei, instar dictaminis practicae rationis e. g. in principe communitatem gubernante existentis, vera ratio legis ipsi competet; haud secus quam illi dictamini practico humani legislatoris quod non in mera speculatione consistit, sed ad gubernationem subjectae sibi communitatis ordinatur. Hoc autem non ita intelligas oportet, quasi ipse Deus ejusque voluntas huic legi subjiceretur, quidquid enim in Deo est essentialiter rectum est, non egens regula et mensura; sed quatenus ipsa ab aeterno et immutabiliter in mente Dei exis-

(1) Utrum ab actibus divini intellectus an potius voluntatis ratio legis sit derivanda multum olim in scholis disputatum fuit. Qui a solo intellectu eam repetebant sic ratiocinabantur: illius esse imperare (quod spectat ad constitutionem legis) cujus est ordinare sive ordinem determinare, ordinare autem, ut per se patet, pertinet ad rationem sive intellectum. A sola vero divina voluntate id repetentes, dicebant; in casu sive quaestione praesenti, imperare idem est ac creaturam ad subjectionem ordini statuto movere sive applicare, quod utpote relationem dicens ad operationem ad extra pertinet ad voluntatem. Verum quia divina voluntas nequit supponi quod feratur ad movendas vel applicandas creaturas ignoranter sed scienter; hinc ratio legis, atque imperii videtur potius derivanda ab utroque, scilicet a voluntate quidem, sed tamen praesupposito simul actu intellectus ordinem repraesentantis et statuentis.

(2) *Contra Faustum* lib. 22. cap. 27.

(3) *De princip. jur. natur. et gent.* lib. 2. cap. 4.

(4) *Jur. divin.* lib. 4. cap. 4.

tens, respectum semper dixit ad bonum et ordinem creaturarum suo tempore creandarum, atque in actu primo vim obligandi, utpote ab acceptatione creaturarum independens, habuit, licet non nisi in tempore creaturis fuerit imposita et manifestata; siquidem ab hac quoque manifestatione, instar humanarum legum in sua firmitate non constituitur [1]. Differt porro *lex aeterna* sic spectata, et ab *idea Dei simpliciter*, quae est tantum exemplar rerum creandarum non vero ordinis earundem; et a *providentia*, quae insuper in ejusdem ordinis executione, mediorumque ad fines etiam particulares accommodatione sita est (2). Verum quia haec omnia propositum nostrum transcendunt, assertum nostrum sic cum limitatione enunciamus.

PROPOSITIO.

Aeterna ratio divinae sapientiae prout est directrix actuum rationalis creaturae, tamquam fons et fundamentum legis naturalis, necessario spectanda est.

60. Statuta propositio evincitur tam ex parte divinae, quam humanae naturae. Et primo quidem, rationem divinae sapientiae, quae sit directrix moralium actuum ratio-

[1] Dicitur solet legem non habere firmitatem et veram legis rationem antecedenter ad decretum voluntatis illam subditis imponendi, ejusdemque decreti manifestationem ad extra, quia scilicet quamdiu tantum lex in mente legislatoris manet, aliter apprehendi mutarique potest. Ast hoc ut per se patet, in divino legislatore locum habere nequit, qui aeternum mentis suae consilium, antequam etiam ad extra manifestet, nunquam mutat vel potest mutare. Porro ut ab his aliisque similibus quaestiunculis praescindamus, in propositione mox enuncianda non *legem aeternam Dei*, sed *rationem divinae sapientiae prout est etc.* pro fundamento legis naturalis statuimus, eo vel maxime quod *aeterna lex Dei* simpliciter ac universaliter accepta, est soletque spectari tamquam fundamentum, etiam physicarum hujus mundi legum.

(2) Vide si vacat quae dicimus de conceptu divinae providentiae. vol. 4. *Theolog. natur.* cap. 3. artic. 4. n. 88.

nalis creaturae, in mente divina haberi, nequit negari, quin ipsa divina providentia istud supponens negetur; Deus enim non tantum est rerum omnium creator, sed etiam provisor, et gubernator: neque ignoranter, dicendus est ordinem quoque moralem instituisse, eumque administrare, aut in utroque ab aliquo alio, quam a semetipso, tamquam ab exemplari suae scientiae causa pendere.

Hoc posito, sic ex parte divinae naturae in primis arguimus: physici rerum hujus mundi ordinis completa perfectio ac firmitas perfecte intelligi et explicari nequit, quin ad Deum ut ejus auctorem referatur (1): ergo idem dicendum est de perfectione praesertim completa ordinis moralis, quae per moralitatem actuum et legem naturalem constituitur: cum aequè in utroque casu posset concipi aliquid perfectionis in creatura, quae in Deo nullatenus praecingeretur, quod summae divinae perfectioni derogat. Praeterea si perfecta ratio moralitatis et legis naturalis a ratione divinae sapientiae complementum non repeteret ordo moralis, utpote in ipsa et sola natura rationalium creaturarum sufficientem suae perfectionis rationem habens, inferioris foret conditionis ordine physico; minorque esset necessitas nexus cum Deo in creaturis rationalibus, quam irrationalibus; quod utrumque minime cum ratione consentit vel potius eidem manifeste adversatur. Insuper in ipsis rebus artefactis, et in gubernatione civili ac politica, bene ordinatis, major ratio perfectionis in inferioribus subordinatis, magis a superiore vel supremo ordinante et gubernante dimanat, magisque ad ipsum relationem dicit: ergo idem dicendum est de perfectione ordinis moralis relate ad Deum.

61. Ex parte deinde rationalis humanae naturae id ipsum probatur, etenim relatio haec legis naturalis ad rationem divinae sapientiae praecipientis aut vetantis excluderetur, sive necessaria non esset, quia *natura rationalis*, vel quatenus est fundamentum honestatis, aut turpitudinis quarundam actionum, vel quatenus dictat practica principia, quae voluntatis actum antecedunt et dirigunt, vim ac rationem legis

[1] Quomodo ordo physicus rerum hujus mundi *complete et adaequate* spectatus, non nisi ad summam divinam intelligentiam et sapientiam, quam manifeste supponit revocari possit et debeat facile colligitur ex dictis in *eadem naturali theologia*. Cap. 1. art. 2. n. 14. et in *nota*; nec non, n. 46. Instant. 2 et 3.

naturalis *completam* per se ipsam haberet; neutrum vero dici potest. Non 1.^m, etenim natura rationalis spectata ut talis essentia cui quaedam actiones congruunt aliae adversantur, non praecipit, non ostendit honestatem aut malitiam, non dirigit, non illuminat voluntatem, qui sunt effectus proprii legis; absurdumque videtur, ut obvia probant exempla, quod fundamentum honestatis aut malitiae quorundam actionum habeat rationem completam legis (1): et licet interdum rationalis natura dicatur quoque esse mensura vel regula actionum, tamen et haec patet latius quam lex. Non 2.^m, nam dictamen rationis seu iudicium actum voluntatis antecedens et dirigens, in iis actionibus quorum bonitas vel malitia moralis pendet tantum a praecepto vel prohibitione, legem certe non constituit, sed dumtaxat indicat; ergo et in omnibus aliis (cum eadem prorsus sit ratio) idem praestat, indicat scilicet tantum intrinsecam et objectivam bonitatem, aut malitiam. Adde praeterea, quod indicare aliquod bonum esse faciendum vel malum vitandum possit fieri etiam ab inferiori nullam vim obligandi habente, lex autem jussum, aut imperium superioris necessario postulat; quodque distinctio inter legem indicantem et praecipientem vana sit, confundens nempe legem cum consilio.

Confirmatur id ipsum ulterius. Natura rationalis utroque nuper dicto modo spectata non est superior se ipsa, nemo enim in se ipsum dicitur jurisdictionem habere; et licet ratio sit quodammodo superior caeteris animi facultatibus, non est tamen superior libero voluntatis arbitrio fundato in ipsa ratione tamquam in principio movente et dirigente; nequit proinde *per se* perfectam moralem obligationem inducere, voluntatemque quodammodo ligare; cum praesertim non sit aestimatione aliquid majus omni bono nostro; nec virtutis indefectibilis ac supremae, quae nesciat unquam falli, totique speciei naturae rationalis universaliter quodammodo praesit. Necessitas itaque moralis a sola rationis *convenientia* petita, saltem in casibus difficilioribus, ubi quis inquireret quid sit ista ratio imperans, perfectam obligationem non induceret,

[1] Indigentia seu egestas hominis cui quis stipem erogat, infirmitas debilis quem quis sublevat, actus concupiscentiae aut passionis quo quis abripi se deliberate sinit; non constituunt certe legem moralem, quamvis duo prima sunt fundamentum moralis bonitatis et honestatis, aliud vero fundamentum moralis malitiae et inhonestatis.

et per consequens rationalis natura *per se* completam ob-
jectivam regulam constituere nequit. Insuper, vel *quaecum-
que* difformitas et conformitas ad rationalem naturam et dicta-
mina rationis constitueret completam et obiectivam moralita-
tis normam seu legem, et tunc inhonestum etiam erit indui
e. g. veste et ocreis, quam par est, majoribus; vel *illa* tantum
difformitas et conformitas, quae cum *vero et ultimo* hominis
sine necessariam relationem habet, et tunc non ratio *per se*
ipsam moralitatis regulam constituit, sed potius eam in ordi-
ne divinae sapientiae, talem relationem actionum ad finem
necessario exigente, earumque conformitatem praecipiente
et difformitatem vetante, constitutam ostendit.

62. Tandem si convenientia ad naturam rationalem et
dictamina rationis eo quod voluntatis actum dirigunt et an-
tecedunt *per se* constituerent proprie dictam naturalem legem,
Deus quoque proprie dictae legi subiceretur, et lex natura-
lis non esset proprie *lex divina*. Primum quidem quia etiam
Deus conformiter ad suam naturam operatur, et actum ejus
voluntatis prioritatem rationis antecedit iudicium mentis, in-
dicans e. g. mentiri esse malum, servare promissum esse
omnino rectum et naturae ac sapientiae ejus conveniens ac
necessarium; quod in hac hypothese absque conceptu supe-
rioris ad naturam verae legis sufficit; et aliunde voluntas di-
vina dici potest, quod revera feratur, licet necessario prop-
ter essentialem sui rectitudinem, in id quod ab intellectu ma-
nifestatur ut necessario praestandum et ut tale eidem pro-
ponitur, instar mensurae suarum operationum. Alterum
vero, quia in hac sententia conditio illa, per quam humani
actus desumerent moralitatem a lege, non penderet a sapien-
tia vel voluntate divina jubente, sed esset in ipsa humana
ratione; ergo et lex ipsa licet penderet in existentia a Deo,
non penderet tamen a Deo tamquam a *legislatore immediato*,
haud secus quam leges humanae non pendent; quod tamen ad
rationem *legis* proprie *divinae* pertinere nemo negabit. Na-
tura itaque rationalis vel dictamina rationis *per se* tantum ob-
jectivam regulam, seu naturalem legem moralitatis non consti-
tuunt, sed potius quatenus sunt finita quaedam divinae ra-
tionis participatio, legem ipsam seu rationem vel ordinationem
divinae sapientiae et voluntatis essentialiter rectam, indefec-
tibilem, universalem et supremam instar praeconis manifes-
tant, intimant, et promulgant.

Hinc colligitur 4°, *essentiam* legis naturalis non posse

constitui in sola relatione ad nostram naturam rationalem,
quasi aliud non esset quam humanae rationis dictata, sive
*regula a natura hominum petita. apta dirigere eorum actio-
nes*: 2°, perfectam *obligationem*, sive veram moralem neces-
sitate servandi hanc legem potissimum dimanare ab ordi-
natione et jussu necessario divinae sapientiae et voluntatis:
3°. demum confirmatur rectitudo definitionis laudatae supe-
rius (1), palamque fit bonitatem moralem actuum humanae
voluntatis magis pendere a divina lege, quam a nostra ratio-
ne: quod postremum more suo pulcherrime declarat S. Tho-
mas [2]. „In omnibus causis ordinatis, effectus plus de-
„pendet a causa prima, quam a causa secunda; quia causa
„secunda non agit nisi in virtute primae causae. Quod au-
„tem ratio humana sit regula voluntatis humanae, ex qua
„ejus bonitas mensuratur, habet ex lege aeterna, quae est
„ratio divina. Unde in Psalmo 4. dicitur, *multi dicunt:*
„*quis ostendit nobis bona? Signatum est super nos lumen*
„*vultus tui Domine.* Quasi diceret: lumen rationis, quod
„in nobis est, in tantum potest nobis ostendere bona, et nos-
„tram voluntatem regulare, in quantum est lumen vultus
„tui, id est a vultu tuo derivatum. Unde manifestum est,
„quod multo magis dependet bonitas voluntatis humanae a
„lege aeterna, quam a ratione humana: et ubi deficit huma-
„na ratio, oportet ad rationem aeternam recurrere,, [3].

(1) Initio hujus Part. 2. n. 57.

(2) *Summae Theologiae* part. 1. 2. quaest. 19. artic. 4.

(3) Plerique Germaniae philosophi, praesertim qui Kantium
sunt subsequuti, in investigando jure atque lege naturali, re-
lationem humanae rationis ad ordinem et rationem divinae sa-
pientiae non considerantes, si non penitus subversum, man-
cum certe et efficacissimo motivo atque potissimo constitutivo
destitutum jus naturae tradunt. Ex eorum numero videtur
prorsus esse H. Ahrens qui (*Cours de Droit naturel ou de phi-
losophie du droit*, etc. Bruxelles, an. 1838. 1839. 1840), quaes-
tionem hanc de fundamento juris et legis naturalis nullatenus
attingit, vel eam cum quaestione de primo juris naturalis cog-
nitionis principio confundit, uti forte colligere fas est ex iis
quae habentur (pag. 7. et seqq. pag. 62. et seqq.) Insuper
auctor iste juris notionem ex sola hominis natura (pag. 48. et
seqq.) deducens, ne meminit quidem multiplicis et diversae sig-
nificationis atque acceptionis *juris* (*le droit*), quam indicavimus
superius (initio hujus 2. part in nota 1. n. 57. adjecta.) vi-

63. Opponunt. 1. Ratio, vel ejus dictamina practica quasdam actiones praecipiant ac prohibent. Insuper voluntas illis

detorque sumere jns pro sola exigentia quam quis habet ut ei ab aliis aliquid praestetur, unde multiplex oritur confusio, nec facile patere potest quid sit jus, pro morali facultate sive potestate aliquid faciendi, imperandi, obtemperandi, etc. acceptum. Quin etiam hujusmodi conceptus juris (qui tamen unice veram legis ideam suppeditare queunt) ab ipso excluduntur; cum et ejus derivatio a voce jubeo tamquam minus philosophica respuitur, (pag. 45. in nota): *Dans la langue grecque le mot de juste et de justice (το δίκαιον, δικαιοσύνη) implique la notion d' égalité de distribution ou d' égale partage. Le génie moins philosophique du peuple romain n' a saisi dans son expression pour le droit qu' un rapport secondaire et tout extérieur en le faisant dériver d' un commandement [JUBERE], et ad mentem Krausii (46, 56, et 74) in sola relativa qualitate constituitur: Ledroit se montre aussi comme une QUALITÉ DE RAPORT dans la vie, et non pas comme une QUALITÉ SIMPLE. comme l' est..... la moralité: atque sic definitur: L'ensemble des conditions dépendantes de la volonté humaine qui sont nécessaires pour l' accomplissement du but assigné à l' homme par sa nature rationnelle; et cette science est celle du droit, dont nous avons ainsi trouvé une DÉFINITION EXACTE ET RIGOREUSE. Cum vero juxta eundem auctorem lex in genere et lex naturalis [pag. 87, 89, 95, 96, 98, 99, 121, 122, etc.] Le droit est antérieur à la loi, qui n' est qu' une expression plus ou moins générale, plus ou moins juste du droit: et iterum. La loi n' est ainsi que la mise en action du droit: non sit aliud quam expressio vel applicatio juris, patet, quid sit sentiendum de ipso naturalis legis conceptu.*

Practerea H. Ahrens considerans hominem tamquam finem sui ipsius, jurisque et legis naturalis fundamentum in sola humana rationalitate et personalitate reponens (pag. 86. 122.): *Chaque homme est but pour soimême..... La personnalité rationnelle est pour l' homme la raison de sa CAPACITÉ de droits, ne verbum quidem dicit de gravissima quaestione, unde nam juris naturalis dimanat obligatio. Hanc vero ab obligatione moralitatis, et moralitatem a jure (le droit). Kantii et Thomasi vestigia premens, consulto prorsus ac sedulo pluribusque in locis (pag. 46, 48, 51, 53, 54, 57, 58, 108, 115, 139, etc.) distinguit, istamque ad internum dumtaxat conscientiae factum revocans, pro ejus constitutivo puritatem motivi exclusionemque etiam moralis coactionis ponit. L' homme peut et doit faire le bien pour le bien: c' est en cela que consiste sa MORALITÉ qui se fonde sur la PURITÉ DES MOTIFS..... La morale exige donc d' un côté la bonne volonté, l' absence de TOUTE CONTRAINTE, et de l' autre côté la pureté des mo-*

dictaminibus opposita inhoneste, conformis honeste censeatur operari; ergo per se rationem legis continent etc.

tif, le désintéressement. Mais de là nouspouvons voir que les obligations de la morale ne peuvent pas être identique avec celles du droit..... Elle (la morale) s' adresse toujours à la conscience, à la bonne volonté, tandisque le droit porte un caractère pour ainsi dire tout extérieur..... Tout contrainte, soit physique, soit morale, ferait entièrement perdre la valeur morale. Quid plura? juxta istum auctorem, moralitas aliter considerata permittit liberum arbitrium. La moralité consiste ESSENTIELLEMENT dans l' action désintéressée de l' homme. Il faut ainsi prétendre que la LIBERTÉ COMPLÈTE n' existe pour l' homme que cuand il agit moralement d' après des motifs désintéressés. Car tant qu' il agit en vue d' un intérêt personnel quelconque, il est sous la domination, sous l' empire de cet intérêt, qui tien sa raison captive; il ne peut pas alors se déterminer librement, etc. (pag. 139).

Verum quamvis defur, moralitatem ajure et lege distingui, eo quod moralitas latius pateat, cum actiones sint morales etiam illae, quae versantur circa bonum dumtaxat *supererogatorium*, sive quod est tantum *de consilio*, nullumque debitum ex jure aut conscientia involvunt, et quamvis moralitas ad internum conscientiae factum proxime pertineat et ad illud referatur, ejus tamen essentielle constitutum in hoc, et in exclusione emolumentum sive puritate motivi, atque coactionis sive necessitatis [*la contrainte*] etiam moralis, minime est situm. Et sane actiones humanae quae necessarium habent nexum, et rationem medii ad executionem nostrae perfectae felicitatis, quae utique maximum est nostrum emolumentum, licet intuitu illius exerantur et fiant, non desinunt esse morales. Insuper, quis dabit actiones e. g. ob spem praemii vel metum poenae elicitas, praesertim quando metus excludit voluntatis affectum ad oppositum sive malum, non esse revera morales aut liberas? Num jus aut lex naturalis e. g. amandi et honorandi Deum, parentes et proximos, ad internum etiam conscientiae factum non pertineat? Aut possit spectari velut habens tantum *un caractère tout extérieur*? Falsum quoque est, moralitatem esse dumtaxat simplicem qualitatem (qualité simple): ut enim superius vidimus (Part. 1. cap. 2. artic. 3. n. 41.) illius adequatus et completus conceptus nequit haberi sine *relatione* conformitatis aut difformitatis actionis liberae ad aliquam normam sive regulam; et insuper moralitas alicujus actus idem est, ac illius bonitas vel malitia moralis, bonitas vero vel malitia, sive bonum et malum, est ex sui natura *relativum* ad rationem entis vel non-entis, sive potius debita perfectionis vel ejusdem defectus.

Tandem, quid sit illa obligatio moralitatis distincta ab obligatione juris, et excludens omnem necessitatem moralem (*contrainte*

R. ad 1^m. Praeceptum hoc, et prohibitio rationis (si qua essent) forent tantum impropria, nisi supponantur manifestare sive exhibere rationem divinae sapientiae et voluntatis ordiantis sive nisi ad eam referantur, ut patet ex fundamento; et si quandoque homo sibimetipsi quodammodo imperat, seque ipsum obligat, *pacta* in eundo vel quaedam *rationalia proposita* concipiendo, id non fit, quasi in se ipsum jurisdictionem haberet sibi que legem poneret, sed quia jam anteceditur generali divinae sapientiae legi jubenti e. g. *promissa esse servanda, et in bono semel recte coepto* perseverandum esse, naturaliter subjicitur. Hinc ad 2^m dicimus, honestatem vel inhonestatem actus voluntatis desumi quidem a practico dictamine rationis, quod est proxima ac interna voluntatis norma, sed non ad exclusionem conformitatis ejusdem dicta-

morale? Num possit dari vera obligatio, quae non sit moralis necessitas? Quid sit illud jus (le droit, et quidem in genere), quod tantum relationem dicit ad alios, quodque omni actionum moralitate exclusa, adhuc esset superstes mundumque ab interitu salvaret? Atqui tale est jus, illiusque conceptus juxta doctrinam H. Ahrens: *La moralité* (pag. 46) *exprime une qualité simple de l'être intellectuelle, tandis que le droit désigne une qualité de rapport entre plusieurs personnes..... Le droit* (pag. 58) *doit être exécuté bon gré mal gré..... ne doit être laissé à l'arbitre de personne. La moralité des actions disparaîtrait-elle entièrement, la justice devrait encore être exécutée, et préserverait encore le monde social de sa ruine. Fiat justitia ne pereat mundus* An cl. Ahrens existimat, quod jus naturale e. g. colendi Deum, servandi vitam propriam, perficiendi rationalitatem, etc. in homine etsi solitario locum non habeat? Aut quod jus e. g. servandae fidelitatis, omni actionum moralitate exclusa, adhuc mundum ab interitu liberaret? An eadem est ratio juris et legum moralium; ac physicarum quae *bon gré mal gré* executioni mandantur, et ab arbitrio personarum non pendet? Hoc si admittatur, aut negandum erit officium e. g. colendi Deum, obtemperandi superioribus etc. ad jus naturae pertinere, aut ad quosdam saltem horum actuum ponendos, auctor iste *bon gré, mal gré* adigendus. *Fiat justitia ne pereat mundus.*

Atque ne hac in re infiniti simus, paucae huiusmodi et generales in systema *juris naturae* H. Ahrens animadversiones sufficient, eo vel maxime quod et quaedam alias peculiare illius doctrinae erroneas deductiones sive principia, in notis ad quaestiones inferius agitandas indicabimus, et minime propositum in mente nostra habuimus, hisce brevissimis dictis systema huiusmodi funditus sobruere, nihilque, quod forte in eo boni esse, velle agnosceret.

minis ad legem aeternam Dei, qua non supposita, talis honestas foret tantum *radicalis ac fundamentalis*, minime vero *completa ac objective* propter extrinsecam legem immutabilis. Vide dicta alias [1].

Inst. Dictamina quaedam rationis sunt per se necessario ac intrinsece vera, habentque intrinsecam conformitatem cum natura rationali antecedenter ad legem Dei, cum etiam si per impossibile Deus non existeret vel saltem non praeciperet nec prohiberet, adhuc e. g. mentiri foret malum, colere parentes bonum et debitum foret. Deinde in eadem hypothesisi adhuc Respublica e. g. ratione intrinsecae honestatis et boni publici prohiberet furta, perfidiam etc. praeciperet fidelitatem, obsequium erga superiores etc. ergo huiusmodi dictamina rationis et convenientiae per se rationem perfectae legis continent, nec pendent a sapientia et voluntate divina praecipiente.

R. Ex antecedente sequitur tantum, quod quoniam quaedam sunt praecepta quia sunt intrinsece bona et ab ordine naturali requisita, quaedam vero prohibita quia intrinsece mala, etiam abstractione facta a praeecepto et prohibitione, aliquid honesti vel inhonesti in actibus humanis posset deprehendi, prout scilicet rectae rationi tamquam proximae eorum regulae, fuerint conformes aut difformes; minime vero quod haec conformitas aut difformitas a ratione, seu hae convenientiae dictaminum rationis, licet sint per se necessariae et intrinsece verae possint constituere *perfectam ac completam* legem moralem, quae oritur dumtaxat per ordinem ad Deum ut *Legistatorem*, jubentem aut vetatam cum supremo ac efficaci imperio. Unde etiam in dicta hypothesisi revera impossibili, (utpote quae pro prima parte tollit omne fundamentum conformitatis aut difformitatis, pro altera supponit Deum posse negare se ipsum, seu suam sapientiam scilicet non prohibendo ea, quae eidem directe adversantur,) si quid adhuc honesti, aut inhonesti concipi posset, sicutet in supposita pariter reipublicae prohibitione aut praeecepto, id totum ad radicalem, et fundamentalem quamdam moralitatem ortam ex oppositione vel convenientia cum bono ordinis physici vel moralis etiam *sed imperfecti*, referendum foret; praesertim quod sicut repugnat hominem recta ratione utentem

(1) Parte 1. cap. 2. art. 3. n. 51. in respons. ad 1^m opposition. Pufendorffii.

non agnoscere aliquid quod sit ipso superius, ita repugnat posse in sola sua rationalitate *completam et consummatam* moralitatis sive potius legis moralis rationem ac fundamentum constituere. Hinc vero sequitur, quod quae a lege naturali praecipuntur aut vetantur, sunt quodammodo dupliciter bona aut mala, scilicet et ex ipsa rei natura, et ex necessario praecepto aut vetito divinae sapientiae et voluntatis.

Instant. Si sola difformitas actionis a ratione sive a natura rationali non constitueret perfectam legem prohibentem, posset quis, agendo contra dictamen rationis et invincibiliter Deum ignorando, vel non cogitando de lege Dei prohibente, non committere offensam Dei seu *formale peccatum*, sed tantum *philosophicum*; quod est inconveniens.

R. Id fieri non potest, vel ideo quia talis *invincibilis* ignorantia in homine praedito perfecto rationis usu et cum advertentia agente sit impossibilis, vel quia ita etiam operans, licet explicite de Deo ejusque prohibitionem non cogitet, id tamen apprehendit implicite, ac sub confuso quodam conceptu alicujus potestatis cum Deo convertibilis; hoc ipso quod actum suum tamquam graviter deformem judicat, et semper ac ubique illicitum, atque etiam in oculo vetitum *naturaliter* spectat, quod iudicium sive consideratio ut patet, plus quam solam oppositionem cum dictamine nostrae rationis involvit. Tale autem iudicium esse a natura hominibus insitum patet, et ex intima conscientia peccata etiam maxime occulta ac tantum interna dicto modo reprehendente, et ex eo quod homo secus non esset sufficienter in proprium finem directus. Tandem istud inconveniens *peccati philosophici* potius ex sententia quam impugnamus videtur posse deduci (1).

(1) Si dictamina rationis perfectam legem naturalem constituunt etiam excludendo aut saltem praescindendo ab ordinatione et jussu divinae sapientiae et voluntatis, ergo istud erit quid extrinsecum et velut superadditum naturali legi; ergo in hypotesi ignorantiae vel inadvertentiae circa hanc rem superadditam actio contra solum dictamen rationis esset actio contra veram legem, ac proinde vera praevaricatio sive *peccatum*, sed non contra Deum, verum contra *solum rationem* habentem ex hypotesi quidquid ad rationem legis moralis requiritur etiam excludendo relationem ad Deum ut *Legislatorem*. Quidquid adversarii proferrent ad declinandam huiusmodi difficultatem, id omne in nostra sententia longe commodius faciliusque dici potest, et praeterea difficultas haec contra nos saltem tantum pondus habere nequit.

64. Opponunt II°. Si *convenientia* actionis cum ordine, natura et rationis dictamine vel *discrepantia* ab utroque habent quamdam *materialem et fundamentalem* bonitatem vel malitiam, jam accedente libertate actionis, moralitas haec constitueretur *formalis*, et quia homo necessitate hypothetica nequit non velle, propter naturalem suae perfectionis amorem, quidquid cum ordine naturae et recta ratione convenit; convenientia huiusmodi inferunt moralem necessitatem seu obligationem et debitum rectae rationi obtemperandi, ideoque *per se* vera legis naturam constituunt.

R. Adjecta, ut ita dicam, seu melius simul considerata libertate actionis cum fundamentali moralitate ex objecto desumpta oritur actionis imputabilitas, quae quidem est conditio necessaria ad intrinsecam et subjectivam actionis moralitatem, eam tamen non mutat, multoque minus addit eidem *perfectam* illam et *completam* rationem, quae tantum a perspecto ordine divinae sapientiae dimanare potest. Hinc nec plus prodest necessitas illa hypothetica, quae supponitur ab amore propriae perfectionis dimanare, licet enim homo perfectionem sui in genere, seu sub conceptu felicitatis cujusdam perfectae, necessario appetat, tamen quia in quolibet actu particulari, praescindendo a cognitione *veri objecti* propriae felicitatis (talis enim cognitio supponeret jam saltem implicite perspectam rationem divinae sapientiae imperantis), conformitas sola cum dictamine nostrae rationis, utpote finitae errorique obnoxiae, non est quid omni nostro bono creato aestimabilius nec propriam efficacis ac universalis imperii rationem continet; convenientiae dictae sicut *per se* obligationem et debitum perfectum non inferunt, ita nec veram legem constituunt (1).

Instant. Sublata vera legis ratione a conformitate seu convenientia actus cum dictamine rationis et ordine naturae, neque ipse ordo divinae sapientiae et jussum divinae voluntatis perfectam obligationem inferret, et verae legis vim haberet. Etenim non aliter agnoscimus parendum esse jussis Dei, aut cujuslibet legitimi superioris, nisi ex dic-

(1) Confer dicta in fundamento sive in probationibus nn. 61. 62. et vide si vacat quae de hac eadem re exposuimus in *Metaphysica* loquendo de atheistica societate sive republica: (vol. 1. *Theolog. natural*, cap. 1. artic. 3. nn. 20. 21. 22.)

tamine rationis et ordine naturae, talem subjectionem morali necessitate exigente. Praeterea, convenientia cum ordine naturae et recta ratione, est in Deo, propter summam ejus perfectionem, fundamentum perfectissimae necessitatis ejusdem actuum moralium; dum ex gr. dicitur non posse, Deum damnare innocentem, non ex defectu potentiae, sed quia hoc absolute pugnat cum recta ratione et ordine ejus sapientiae; ergo eadem convenientia vel repugnantia actionis cum ratione est in homine pro illius defectibilitate fundamentum perfectissimae obligationis seu moralis et hypotheticae necessitatis. Quid quod? Nullus, ajunt, potest assignari actus divinae voluntatis relate ad creaturas necessarius, a quo mediate vel immediate pendeat istud imperium, obligationem et legum naturalem constituens.

R. *Neg. antec.* cujus prima licet acutissima et a viro summi ingenii (1) inventa probatio rem non evincit; ostendit namque tantum hominem etiam dum se imperio superioris subjicit, id facere ex antecedente praescripto rationis, quatenus operatur ut rationalis; non autem quod illud praescriptum seu dictamen rationis per se totam ac perfectam obligationem constituat, cum potius agnitus ordo divinae sapientiae, atque jussum divinae voluntatis, ipsam rationalem necessitatem superiori parendi confirmat, et vere obligatoriam efficit, atque illud constituit, per quod quis con-

(1) Difficultates istae sunt cl. Gerdil, quaestionemque velut ad ultimum ejus promovent recessum, neque enim quid minus a praestantissimi acerrimique ingenii viro expectari potuit, cui tamen haec in re aliquid humani contigisse fatendum est. Etenim summo conatu errorem Pufendorfii, denegantis omne boni ac mali intrinsecum discrimen illudque a positiva divina voluntate repetentis, refellens, has urget rationes tantamque moralibus rationis principiis sive dictaminibus vim attribuit, ut nedum iisdem veram legis rationem concessisse videatur, verum etiam ipsemet aliis in locis atque questionibus a propria sententia recedere, moralemque necessitatem sive obligationem legis naturalis, ab ordine divinae sapientiae et jussu divino repetere cogatur. Hanc cl. viri procedendi rationem speciem tantum antilogiae continere inde forte colligere poteris, si supponas ipsum in impugnantibus erroribus ad duo extrema opposita vergentibus ita se gessisse, sicut solet sapiens agrorum cultor, quia arbustum aliquod a perpendiculari directione declinans in contrariam prorsus partem inflectit, ut scilicet sibimet deinceps relictum media et recta directione consistat.

trarium agens, dicitur proprie *praevicari*, et legem violare. Tandem haec difficultas magnam forte vim haberet contra eos, qui nec *fundamentalem* ac *intrinsecam* sed formaliter *imperfectam* moralitatem obligationemque, ex solis convenientiis cum recta ratione et ordine naturae desumi posse arbitrantur, non autem contra nos qui tuemur oppositum (1).

Ad 2^m *Negatur paritas*. Etenim talis convenientia cum recta ratione et ordine naturae; in Deo non est aliquid realiter aut formaliter distinctum ab essentiali rectitudine ejus intellectus et voluntatis, nec debet habere rationem legis, obligationem, ut ajunt, in conscientia inferentis; e contra in sententia adversariorum talis convenientia relate ad hominem deberet habere veram rationem legis, quod fieri nequit, ut patet ex dictis; et ex eo quod si talis convenientia in abstracto consideretur est quid mere ideale, ad voluntatem efficaciter movendam ineptum; si vero in concreto, jam sive sumatur pro ipsis rationis dictaminibus, sive pro eo quod mediantibus illis repraesentatur, praeseindendo a vero fine hominis et ordine divinae sapientiae, non est quid ipso homine aut ratione humana superius, universalem ac efficacem inferens obligationem; praesertim si animadvertas, legem inquiri pro ipsa rationali natura hominis utpote defectibili.

Ad 3^m. dicimus, quod licet Deus absolute posset nihil praecipere aut prohibere, quatenus poterat simpliciter nolle creare rationalem naturam, tamen ex suppositione quod voluit habere subditos ratione utentes, cum non possit vi suae perfectionis et sapientiae eos non dirigere et non gubernare, debuit necessario velle ipsis prohibere actus intrinsece malos, et praecipere intrinsece honestos et necessarios. Insuper quia actus hujusmodi etiam ut mere possibles aeterno ordini divinae sapientiae necessario adversantur aut congruunt, potest concipi efficax et necessaria divinae voluntatis, in actu primo et ex parte sui, eorundem actuum approbatio et reprobatio etiam antecedenter, seu in signo rationis priori (2) ad liberum decretum creationis.

(1) Part. 4. cap. 2 artic. 3. nn. 49. 50. 51. Potest quoque videre dicta in *Methaphysica* loco in penultima nota indicato *Theologiae naturalis* n. 21. eisdemque subiecta nota.

(2) In mentem revocanda est horum terminorum vera significatio, quam invenies declaratam *Theolog. naturalis* cap. 2. artic. 4. prop. 1. n. 54. in nota s^ecunda.

ARTICULUS II.

DE EXISTENTIA JURIS SEU LEGIS NATURALIS.

65. Gravissimam quaestionum omnium, quae deinceps occurrent, aggredimur. Porro existentiam legis naturalis, licet verbis admittant, re ipsa tamen negant, nedum ii qui intrinsicum boni et mali moralis (1) discrimen sustulerunt, verum etiam plerique recentiores pseudophilosophi et politici Helvetium, auctores operum *systematis naturae*, et *codicis naturae* Machiavellum etc. secuti, qui aut consuetudine et utilitate populorum et regnorum legem naturae metiuntur, aut dicta ista olim jam ab antiquis teste Thucydide et Tacito prolata, in *summa fortuna id aequius quod validius-Regi aut civitati imperium habenti, nihil injustum quod utile-Imperii gratia injurea in jus convertitur-Omnia esse virorum fortium etc.* iterum humano generi impudenter obrudunt. Non minus ejusdem legis existentiae adversantur, qui vel hominem a Deo creatum fuisse *ealegem*, rationemque naturalem etiam primas justitiae et honestatis notiones *per se* haud posse intelligere dictitant, vel cum Thomasio et Fleischerio, praecepta naturalia non esse leges proprie dictas, sed mera consilia vel monita paterna, adstruunt. Omnes istos errores unica conclusione refellemus, idque facile praestabimus propter intrinsicum boni et mali moralis discrimen jam adstructum (2), suppositamque distinctionem legis naturalis ut est in subjecto, et in legislatore (3), atque saltem indirecte vindicatam definitionem ejusdem, quod sit *participatio legis aeternae Dei* (seu rationis et ordinationis divinae sapientiae) *in rationali creatura* (4).

PROPOSITIO.

Existet lex naturalis veram ac propriam legis rationem habens.

66. Propositio in tota ejus extensione manifestissima erit, si constet, et Deum habere verum ac proprium jus legem

(1) Parte 1. cap. 2. artic. 3. n. 48.

(2) Ibidem nn. 49. 50. 51.

(3) Initio huius 2. Partis cap. 1. n. 58.

(4) Toto articulo praecedente.

hominibus imponendi, et eodem jure revera usum esse in lege naturali imponenda; atqui utrumque ita est. Et primum quidem manifeste ostenditur, quia soli Deo veri ac proprii characteres supremi ac perfecti naturae legislatoris competunt. Etenim ipse solus, utpote *creator et gubernator* totius universi, habet imperium, a quo omnis creatura etiam rationalis non tantum quoad existentiam, sed etiam quoad directiorem naturaliter debet esse dependens, eidemque subjecta. Ipse utpote *sapientissimus et omnipotens*, scit perfectissime omnes rationis gubernandi et imperandi rationali naturae accomodatas, habetque sufficientem virtutem suas ordinationes eidem rationali creaturae patefaciendi, ejusque voluntatem ad subjectionem, sicut oportet, movendi. Ipse utpote *summe perfectus ac bonus*, nequit non ordinare eandem creaturam rationalem in bonum eidem conveniens ac necessarium. Haec autem omnia ad rationem perfecti legislatoris sufficiunt, potestatemque seu jus Dei legem hominibus imponendi pro suo unumquodque modo constituunt sive potius manifestant et probant; cum nec in dubium sine absurditate revocari valeant, nec, ipsis suppositis, recte ratio ullam potest deprehendere causam, ob quam sibi homo rationabiliter persuadeat, tali legislatori non esse parendum quidquid tandem sit de quaestione circa titulum, seu potius radicem et fundamentum hujus juris. In qua re hoc tantum juvat advertere scilicet 1°. *fundamentum* istud non posse reponi cum *Hobbes* in sola *irresistibili potentia* Dei, et *imbecillitate* humana; secus jus hoc a mera physica oppressione et subjectione, ac tyrannico imperio non differret, necessitatemque in subditis patiendi, non vero morali obligatione jussis alterius obtemperandi inferret, omnibusque praeterea qui viribus physicis ac potentia caeteris praestant, imperium in alios sibi arrogandi occasionem praeberet. 2°. Neque similiter cum quibusdam aliis reponendum est fundamentum istud, aut in *praeceminentia* naturae, aut in collatione beneficiorum seu magna *beneficentia*; cum illa, admirationem et aestimationem sui in inferioribus ciere, necessitatemque agnoscendi ac forte etiam confitendi propriam demissionem dumtaxat praebere, haec vero, grati animi significationem tantum exposcere, queat; quod ab *inferiore*, et beneficiis *affectedo* exerceri potest, quin *excellentiore* et *benefactoris* imperio se subjiciat, aut se subjiciendi necessitatem et aequitatem semper agnoscat. Quin imo, tituli etiam su-

perius indicati, scilicet creatoris et gubernatoris, sapientissimi, omnipotentis, ac summe perfecti et boni, si seorsim spectentur, nequeunt esse, ut consideranti facile patebit (1), radix ac fundamentum juris seu potestatis legem hominibus imponendi.

67. Altera minoris propositionis pars, scilicet, Deum actu legem naturalem hominibus imposuisse probari in primis potest a priori: 1^o, ex eo quod Deus sit perfectus provisor et gubernator praesertim rationalis creaturae, ad perfectum autem provisorum et gubernatorum necessario spectat praecipere bona et vetare mala, quae ad ordinem gubernationis sunt necessaria, vel quae eidem opponuntur; non poterat igitur Deus talem ordinem a rectae rationis dictaminibus indicatum nec praecipere nec prohibere; praesertim si addas, summam sanctitatem et justitiam divinae voluntatis, cui non potest non displicere quod per se turpe et inordinatum est, nec non placere eidem contrarium et quidem non per simplicem voluntatis affectionem sed per absolutam complacentiam aut displicentiam, unde vult absolute tale opus fieri vel non fieri (2), quantum ad munus perfecti ac justii gubernatoris spectat. 2^o, ex una parte, homo a Deo conditus ratione et libertate defectibili praeditus,

(1) Tituli illi veri legislatoris concipiuntur seorsim, unum scilicet alterumve eorum ad exclusionem aliorum, et mox patebit quod dicimus. Sic e. g. supposito per absurdum titulo creatoris sine provisorum et gubernatorum, qui nempe de rebus a se creatis nullam curam haberet, nemo profecto rationabiliter poterit judicare, se illius jussis, etsi quae forent, morali necessitate obsequi debere. Similiter quis poterit debitum istud obtemperandi agnoscere, si legislator esset quidem creator et gubernator, attamen insipiens qui nesciret, imbecillis qui non posset, mala voluntate affectus qui nollet, homines sibi subjectos ad finem eorum naturae convenientem sicut oportet dirigere, aut si etiam ab illo assequendo eosdem retraheret?

(2) Simplex affectio complacentiae potest haberi de aliquo bono, de heroicae e. g. cujusdam virtutis, pura charitatis actu, qui est dumtaxat de consilio, sicut et simplex affectio displicentiae de hujusmodi actus omissione; at absoluta complacentia et displicentia illa est, quae respicit vel subsequitur morale bonum aut malum ab ordine naturali necessario requisitum vel eidem repugnans: unde a recta ratione primum ut necessario adprobandum et praecipendum, alterum ut necessario reprobandum et prohibendum, apprehenditur.

aptissimus est legibus moralibus recipiendis; ex altera vero, ordinatus fuit ad manifestanda divina attributa, et assequendam perfectam felicitatem, quod fieri non potest nisi per ordinatum libertatis usum ad regulam rectae rationis exactum; hanc proinde regulam non poterat Deus non praescribere, id est praecipere, et quidem efficaciter ac cum absoluto imperio, nisi velis supponere ipsum, et capacitatem naturalem frustraneam homini insipienter dedisse, et indifferentem esse tam relate ad executionem ordinis a se constituti, quam relate ad moralem rationalis creaturae perfectionem, quod summae ejus sapientiae ac bonitati directe adversaretur. Deinde hoc constitueret moralem hominum conditionem deteriore physica conditione brutorum, quae necessario ac efficaci instinctu, ad actus et finem exigentiae eorum naturae convenientem, sufficienter sunt directa. 3^o, ex supposita naturali vita sociali hominis, non poterat Deus, tanquam sapiens naturae institutor, saltem aliquas leges non imponere, sine quibus nec societas subsistere, nec aliae leges ab ipsis hominibus latae vim ac roborem habere possent [1], et insuper solis arbitrariis humanis legibus non satis conservationi humanae societatis fuisset provisum.

A posteriori quoque id ipsum evincitur, 1^o, ex eo, quod constat adesse omnibus hominibus communia et practica quaedam rationis principia, quae nequeunt spectari nisi ut impressiones ordinis divinae sapientiae, quem Deus non potest non velle servandum, nisi se ipsum neget: sicut enim humana ratio est participatio quaedam divinae rationis (non enim ad instar cujusdam rei sibi extrinsecae et coexistentis eam efformavit), ita et ordinatio ejusdem rationis humanae, est participatio rationis divinae sapientiae ordinantis, unde, potest argui cum Tullio (2): *Quibus enim ratio a natura data est usdem etiam recta ratio data est; ergo et lex, quae est rec-*

(1) Si inter cetera sub lege naturae non contineretur e. g. neminem esse laedendum, suum unicuique esse tribuendum; possentne homines in vita sociali consistere? Similiter, si jure naturae non teneremur e. g. politicae potestati obtemperare, bonum particulare communi bono postponere; quodnam quaeso superesset validum motivum, quatenam moralis necessitas humanis legibus nos subjiciendi? Aut denique quamnam normam, humana sapientia frequenter deficiens, in suis legibus condendis sequi deberet?

(2) De legibus libr. 1. cap. 12.

ta ratio in iubendo et vetando, Quam pariter legem, sic etiam expressit (1): *Est igitur haec non scripta sed nata lex, quam non didicimus, accepimus, legimus, verum ex natura ipsa arripimus, hausimus, expressimus, ad quam non docti sed facti, non instituti, sed imbuti sumus.* 2.º, ex communi omnium iudicio, quod se manifestat saltem in iis, qui nimis rationis lumen non deturparunt; quique practica rationis dictamina velut legem ab extrinseco derivatam spectant (2), dum de actibus etiam occultis vel mere internis ad eorum normam exactis, intra se semetipsos iudicant, approbant vel reprobant, tanquam rationem cuidam alii de ipsis redditori; quod evidentissime ostendit, practica rectae rationis principia esse manifestationis supremae legis a ratione divinae sapientiae mentibus nostris impressae. Haec porro apprime consonant divinis litteris, dicente Apostolo (3); *Gentes, quae legem non habent, [scriptam scilicet et Moysi revelatam] naturaliter ea, quae legis sunt faciunt; ejusmodi legem non habentes, ipsi sibi sunt lex; qui ostendunt opus legis scriptum in cordibus suis, testimonium reddente illis conscientia ipsorum.*

68. Ex allatis probationibus sponte sua fluit 1.º, legem quam adstruimus esse vere *divino-naturalem*, solam sufficientem ad continendos homines in officio, habereque veram legis, et non *meri concilii* rationem, utpote quae dimanat ab efficaci supremi legislatoris imperio, vim obligandi habentis. 2.º, eam esse, *universalissimam* ratione temporis, locorum et personarum, utpote rationali naturae, quae semper, ubique, et in omnibus etiam imperantibus et belligerantibus est eadem, ab omnipotenti Deo per participationem rationis divinae sapientiae ordinantis impressa; unde non nisi per turpissimam assentationem ausi sunt pseudo-politici nostri summos principes et belligerantes hac lege solvere. Id vero confirmatur ulterius etiam ex eo, quod huiusmodi homines sive considerentur respectu ad Deum, sive ad alios aequali potestate praeditos, sive ad coeteros homines sibi subjectos et non subjectos, tam ratione eorum officii et conditionis, quam universalis totius humanae societatis boni, aequali vel longe majori necessitate [utpote qui majori potestate praediti, plus

(1) *Oration. pro Milone* cap. 4.

(2) Vide dicta artic. praecedenti n. 63. in respons. ad Instant.

(3) *Epistol. ad Romanos* cap. 2. v. 14.

mali majoremque boni communis et particularis jacturam, si exleges fuissent, caeteris praestare valent] legibus naturae et providentia deesse videretur in his, quae maxime ejus ordinationem ac curam ex sui natura requirunt. 3.º, eam esse sufficienter humano generi *promulgatam*, tum quia nemo pleno rationis usu praeditus, *generalia* hujus legis principia, seu *prima* practica rationis dictamina unquam ignoravit, sicut tota humana docet historia (1), quamvis nonnulla eorum a plerisque populis barbaris plus minusve deturpata fuerunt; cum etiam quia nequit invincibiliter ignorari, dari quemdam sapientissimum, omnipotentem, et beneficum humanae rationalis naturae conditorem et gubernatorem, qui eam, ad convenientem sui finis adeptionem, legibus communivit. Omnia haec eleganter expressit Tullius (2) dum ait: *“Est quidem vera lex recta ratio naturae congruens; diffusa in omnes, constans, sempiterna; quae vocet ad officium iubendo, vetando a fraude deterreat; quae tamen neque probos frustra jubet aut vetat, nec improbos iubendo aut vetando movet. Huic legi nec obrogari fas est, neque derogari ex haec aliquid licet, neque tota abrogari potest: nec vero aut per senatum aut per populum solvi hac lege possumus: neque est quarendus explanator aut interpretes ejus alius; nec erit alia lex Romae, alia Athenis, alia nunc, alia posthac; sed et omnes gentes et omni tempore una lex et sempiterna et immutabilis continebit; unusque erit communis quasi magister et imperator omnium Deus; ille legis hujus inventor, disceptor, labor; cui qui non parebit, ipse se fugiet ac naturam hominis aspernatus hoc ipso luet maximas poenas, etiamsi cetera supplicia, quae putantur, effugerit.”* (3)

(1) Vide testimonium Tullii superius allatum Part. 1. cap. 2. artic. 3. num. 50.

(2) *De Republica*. Fragmentorum libr. 3. cap. 22. prout refert Lactantius *Divinar. Institution.* libr. 6. cap. 8. Vide horum fragmentorum *De re publica* collectionem et editionem ab Eminent. viro Angelo Majo factam Romae 1822.

(3) Testimonium istud Tullii omnia legis naturalis constitutiva quin et alias proprietates a nobis inferius exponendas comprehendit. Porro quae hic modo diximus pluribus hac de re quaestionibus proponendis simul satisfaciunt. 1.º, vindicatum est jus Dei legem hominibus imponendi. 2.º, eiusdem juris sive potestatis ve-

69. Opponunt 1.^o Etiam bruta animalia participant de ratione divinae sapientiae ordinantis; ergo et ipsa subjiuntur proprie dictae legi. Deinde, quia homo est maxime sui juris, seu liber, minus cunctis entibus legi subjiendus erat; praesertim quod per legem impositam, nimis donum libertatis coarctaretur.

Resp. ad 1.^{am} Bruta animalia irrationali dumtaxat modo participant rationem divinae sapientiae ordinantis; unde eorum ordinatio legis tantum physicae denominationem habere potest, non autem moralis, quae necessario postulat subjectum liberum ac proinde rationale.

Ad 2.^{am} Evidentissima ratio palam ostendit, voluntatem absolute liberam nulli legi subjectam et tamen recte ordinatam, illam tantum posse esse cui relictio est essentialis, quaeque proinde ipsa sibi lex est, qualis uni et soli Deo convenit: voluntati autem creatae et liberae, utpote defectibili, maxime conveniens est bonum quin et necessarium fuit subji, et dirigi a lege praesertim naturali et divina, quae absque periculo erroris rationalem creaturam in proprium finem ordinat. Haec porro subjectio humanae voluntatis eam apprime perficit, quin donum illius libertatis imminuat; cum et non experiri aut non habere necessitatem moralem dirigendi actiones suas ad assequendam propriam felicitatem, non est perfectio, sed imperfectio et, libertas voluntatis creatae nulli legi subjecta, non est libertas sed licentia.

Instat. Homo cum primum oritur non est compos rationis, ideoque incapax legis; oritur itaque *exlex*, dictata vero practica rationis sunt fructus sponte adolescentes ex ipsa nostra rationalitate. Praeterea, cisi quaedam voluntas Dei circa huiusmodi dictamina supponi possit; tamen quia lex non habetur nisi talis voluntas legislatoris intimetur, nihilque est quod necessitat Deum ad hanc intimationem, cum sit liber; nequit ex ratione constare legem hanc latam fuisse. Quid quod? Si hoc constaret, lex divina positiva seu revelata circa praecepta moralia, foret dicenda inutilis.

Respon. ad 1.^{am} Conformatio rationis in concreto, seu ri characteres falsis titulis exclusi assignati fuerunt. 3.^o, existentia legis naturalis adstructa. 4.^o, eiusdem legis vera et propria ratio constituta. 5.^o, universalitas absoluta indicata. 6.^o, promulgatio sufficiens vindicata: quamquam haec postrema melius adhuc innotescet ex dicendis capite sequenti de perspicuitate ejusdem legis naturalis.

dispositio animi rationalis ad practica dictata habenda, optime concipi potest in animo etiam dum actuali usu rationis destituitur vel impeditur, ut enim observavimus superius (1), lex naturalis spectata quatenus in subjecto non solum potest considerari in actu sed et in vi seu potentia habitualiter sive permanenter in rationali animo nostro existente; unde patet, falsum esse animum oriri, vel quandoque saltem esse simpliciter *exlegem*. Practica vero et actualia rationis nostrae dictata, sunt utique fructus spontanei ipsius rationalitatis, quatenus non sunt necessario concipienda instar idearum ingenitarum; non autem ita spontanei, quasi non penderent a participatione rationis divinae sapientiae ordinantis, vel possent non dicere respectum ad Deum ut legislatorem; aut quasi etiam quoad potentiam non pertinerent ad necessariam naturae nostrae constitutionem.

Ad 2.^{am} Sicut supposita prudenti providentia et gubernatione divina circa homines, non poterat Deus non velle ordinationem suae sapientiae eorundem rationi participare, ita consequenter vi ejusdem providentiae non poterat non velle ejusdem ordinationis manifestationem, quod tantum significare potest in casu praesenti *intimatio*; quam ipsum iudicium rectae rationis, insitum naturaliter hominibus sufficienter indicat, vel ex eo quod doceat talem divinam providentiam, quae Deum decet, estque moraliter necessaria ad plenum dominium ejus, et debitam subjectionem hominis ad ipsum, in qua providentia haec legislatio continetur.

Ad id quod postremo loco additur dicimus primo, nonne firmior est veritatis cognitio duplici potius quam uno cognitionis medio comparata, et motivo certitudinis suffulta? Deinde intimatio per legem divinam positivam moralium praeceptorum, etiam sola ratione cognitorum, prodest saltem ad arguendam humanae mentis et cordis perversitatem ut ait S. Augustinus (2): *Ne sibi homines aliquid defuisse quererentur, scriptum est in tabulis quod in cordibus non legebant. Non enim scriptum non habebant, sed legere nolebant.*

70. Opponunt II.^o, cum Christiano Thomasio et Fleischerro contententibus ordinationem divinae sapientiae non

(1) Initio hujus partis et capitis n. 58.

(2) *In psalm. 57. n. 4.*

praeceptis sed monitis et consiliis dumtaxat constare. 1^o, quia ratio sibi relicta nescit, quod Deum debeat concipere ut regem aut dominum. 2^o, quia sapientis est magis concipere Deum ut doctorem juris naturae, quam ut legislatorem, potius ut patrem, quam ut dominum; doctoris autem et patris jussa, potius sunt consilia quam imperia. 3^o, quia si concipiatur Deus ut dominus imperans, videretur suam utilitatem more *despotico* quaerere. 4^o, si consilium agendi modum et conscientiam, dum ex. gr. res necessarias ab vitam prosequimur, noxia declinamus; vel dum leges naturales aut honesti regulas sectamur, mox deprehendimus, nos non jussa quaedam alterius executioni mandare, sed necessarium naturae *instinctum* sequi; qui nos docet, haec ad nostri conservationem, vel ad felicitatem et tranquillitatem vitae pertinere.

Respond. *neg. Antec.* cujus probationes, sunt merae et gratuitae assertiones. Ad 1^m. et 2^m. dicimus id falsum esse, ut patet ex fundamento, et ex eo, quod secus ratio sibi relicta neque scire deberet, Deum esse hominis creatorem, conservatorem ac gubernatorem, cum quibus notionibus immediate nectitur conceptus supremi Domini ac regis; cujus quidem summa perfectio ac bonitas, praebet quoque rationem spectandi ejus regimen tamquam sapientissimi doctoris, vel magistri et amantissimi patris, at non excludit aequalem necessitatem agnoscendi in ipso veram rationem domini, legislatoris, ac judicis cui suae sapientiae ordinationes nequeunt esse indifferentes. Unde et quod ex secunda assertionem infertur, non valet nisi sermo esset de doctore et patre, qui non est simul princeps, vel qui non agit ut princeps et legislator; quamquam etiam patris ordinationes, filium ad finem honestum, vi paternae auctoritatis, dirigentis, non sunt communiter mera consilia sed jusa, veram obedientiam ex parte filii postulantia.

Ad 3^m, negari debet suppositam quasi non daretur medium inter dominum imperio arbitrario et *despotice* subditos gubernantem, omniaque etiam cum oppressionem subditorum in propriam utilitatem trahentem, et merum doctorem vel consiliarium monita aut consilia dumtaxat praebentem. Hoc utique sapientis et recta ratione utentis est, exhibere sibi, uti debet, Deum sapientissima sua dispositione et imperio etiam in ordinatione creaturarum ad gloriam suam; tamquam ad unicum finem operis se ipso dignum,

earum dignitati et utilitati potius quam suae, cum nullius rei sit indigus, consuluisse.

Ad 4^m *antecedentis* probationem quod asfertur, situm est in mera confusione eorum, quae apprime sunt distinguenda; aliud namque est, quod dum quis sola sensibilitate illectus cibum ex. gr. aut potum sumit, nihil in hoc intendat praeter satisfactionem exigentiae naturae et implicite ejusdem naturae conservationem; aliud vero quod reflexe et ex rationis praescripto operans nequeat vel non debeat in his aut similibus actibus agnoscere, se non esse vitae suae dominum, ideoque sibi incumbere onus sive debitum honestis mediis eam conservandi: contrarium qui statuit, eandem brutis ac hominibus conditionem assignat. Similiter aliud est, quod dum quis regulis honestatis obsecundans cohibet se ex. gr. a sumenda vindicta, vel subvenit necessitati alicujus egeni, possit id dirigere ad aliquam etiam hujus vitae felicitatem vel e. g. animi tranquillitatem assequendam; aliud vero, quod in nullo casu ac circumstantiis idipsum praestandi, necessitatem ac debitum, seclusa etiam praesentis vitae felicitate, agnoscere valeat: quod postremum falsum est. Tandem nimis perniciose impulsus necessarius ad ponendas quasdam actiones morales seu *sensus moralis*, simpliciter *instinctus* naturae appellatur, cum *instinctus sensitivus* tum ratione objecti tum frequentis oppositionis cum *sensu morali* toto genere ad invicem discriminentur (1).

(1) Vide dicta superius (part. 1. cap. 2. artic. 4. n. 52 et 53). ubi ostendimus *sensum moralem* in ipsa nostra rationali natura fundari, ideoque spectandum et vocandum esse *instinctum rationalem*, non vero *sensitivum*. Hoc insuper utriusque discrimen apprime notandum est. *Instinctus sensitivus* (qui tamen in hominibus propter eorum ordinationem ad vitam socialem et donum rationalitatis est exiguus in comparatione ad pleraque animalia bruta) respicit dumtaxat quasdam e. g. propensiones ad actus conservationi vitae animalis positive inservientes, vel horrorem ab aliquo lapsu, sensibile dolore etc. e contra *sensus moralis* porrigit se ad objecta mere intellectualia, qualia sunt, e. g. conformitas vel deformitas alicujus actionis a regula morum, quam sponte adprobamus vel reprobamus, prosequimur vel refugimus. Praeterea quod secundum *sensum moralem* est gratum, evadit frequenter molestum relate ad *instinctum sensitivum*, et vicissim, sic porrigere manum cadenti, opem ferre purulento aegroto rationi placet, displicet sensibilitati: contrarium accidit dum quis e. g. inordinatae concupiscentiae fraena relaxare contendit.

ARTICULUS III.

DE LEGIS NATURALIS SANCTIONE.

71. Ad *intrinsicam* legis naturalis constitutionem, praeter dicta de *eius fundamento*, ubi ratio essentialis ejusdem conceptus et obligationis principium; et de *existentia*, ubi ejusdem promulgatio ac universalitas haud difficile fuerunt determinata, *perlinet* quoque *sanctio* id est *determinatio praemii* et praesertim *poenae rependendae custodientibus aut violentibus legem*; sive tandem ipsum essentialem legis conceptum ingrediatur, sive tantum ad quamdam majorem ejusdem legis auctoritatem vel firmitatem et prudentem legislatoris agendi modum, sit necessaria. A qua re possumus etiam in praesenti quaestione praescindere. Quamvis autem exemplum humani superioris cujus legibus ipsius subditi revera obligarentur, etsi ipse ob aliquam causam praemii aut poenae, pro custodia vel violatione legis, retribuendae, protestate destitueretur, videatur minime repugnare; id tamen forte inde tantum oritur quod humano legitimo superiori teneamur obedire *vi* ipsius naturalis legis, quae habet adnexam sanctionem quam nemo, etsi humanam declinasset, effugere valet; quodque in hac suppositione non de impositione (quae solet spectari tamquam indicium sinceræ voluntantis obligandi) sed de executione sanctionis dumtaxat agatur, ipsiusque insuper executionis impedimentum a voluntate superioris statuatur independens. Si vero defectum sanctionis apprehendas manare ab imbecillitate superioris vel a non sincera voluntate obligandi, statim ratio detegere poterit motivum legem illam non considerandi *ut legem* aut cum *mero concilio* confundendi. Verum quidem est legislatorem sive superiorem habere posse aliud medium, praeter sanctionem, manifestandi sinceram suam voluntatem obligandi subditos, at hac etiam manifestatione supposita, si omnis approbatio custodiae et reprobatio violationis legis statuatur ex parte superioris deesse, jam subditi saltem *de consequenti* poterunt rectissime eam non considerare *ut legem*. Neque addas, quod si lex illa justa et cum exigentia ordinis naturalis conveniens supponatur, jam exclusa etiam sanctione adesset ratio eam habendi pro *vera lege*. Etenim exceptio ista nil valet, si ip-

sa exigentia ordinis naturalis rationem verae legis non contineat; si autem continere dicatur, quaestio reducitur ad id quod superius diximus de obligatione obediendi humano superiori *vi* ipsius legis naturalis.

Atque haec valent quoque relate ad necessitatem sanctionis in conceptu essentiali divinae legis; nisi quod relate ad Deum haec alia fieri posset exceptio, scilicet, videri nullam esse in hoc repugnantiam quod Deus aliquid juberet, hominesque tenerentur illud praestare, ideo unice *quia Deus vult et jubet*. Verum istud in primis saltem relinqueret intrinsicam sanctionem ex rei natura manantem. Deinde, quia si Deus circa illius jussi custodiam aut violationem indifferens esse supponatur, a fortiori illud hominibus tamquam quid indifferens debet videri; et praeterea tale praeceptum aut lex consentaneum non foret saltem praesenti constitutioni hominis, ordinati ad agendum ex motivo propriae felicitatis.

Porro sanctio potest spectari vel tamquam *intrinsicam* quae scilicet ex ipsa conformitate vel deformitate actus a lege, instar cujusdam praemii vel poenae in approbatione vel reprobatione consistentis, dimanant; vel *extrinsicam* in bono vel malo aliunde proveniente sita. Utraque similiter sanctio pro *praesenti* aut pro *futura* vita potest et debet considerari; et vel *sufficiens ac perfecta*, quae scilicet meritum vel demeritum adaequet, hominemque ut par est ad legis custodiam impellat et ab ejus violatione deterreat; vel e contra *insufficiens ac imperfecta*. Nos ut appareat ex hac etiam parte legis naturalis perfectioni nihil deesse, utque Auctoris *codicis naturae*, aliorumque recentiorum insaniam, arbitrantium poenarum impositionem cum idea Dei pugnare, vel caltem lumine naturali probari non posse, coerceamus, sequentem statuimus propositionem, supposita animi nostri naturali immortalitate [1].

(1) Si quis forte arbitraretur non posse hic a nobis supponi animarum immortalitatem, eo quod haec soleat a quibusdam metaphysicis ex ipsa necessitate praemii et poenae in altera vita retribuendae probari, is animadvertat oportet plura alia diversa ad eandem rem evincendam haberi argumenta, ideoque illud non esse necessario urgendum. Quod si in metaphysica inter ceteras alias tali etiam probatione quis usus fuisset, deberet ab eadem in praesenti quaestione praescindere sive eam non considerare. Praeterea hujusmodi probatio, cum meritum et demeritum humanarum actionum ratione sui sit quid finitum

PROPOSITIO.

Deus adjecit naturali legi sanctionem non modo imperfectam et pro praesenti vita, sed etiam perfectam quae futuram vitam respicit.

72. Probatur assertio quoad primam partem. Et 1^o, quidem, cum leges naturales illa practica rationis principia comprehendant, quae ordinem rationis tum ad se ipsam, cum relate ad Deum et ad alios homines sive seorsim sive in societate constitutos, respiciant; cumque hujus ordinis custodia omne genus virtutum inducens, majorem purioremque, quae in vita praesenti expectari potest, felicitatem secum ferat; et e contra ejusdem ordinis frequens violatio omnimodam vitae perturbationem ac infelicitatem inducat: patet legem naturalem, secundum divinam praedestinationem, secum ipsa ferre aliquod naturale suae observationis praemium et violationis poenam, sive intrinsecam sanctionem.

2^o. Quae lege naturali sunt prohibita rectae rationi et conscientiae adversantur; quae vero praecepta, eidem apprimè conveniunt: hinc autem moraliter fit, ut legi obsecundantes interius gaudium, suavem laetitiam ac tranquillitatem ex recte factorum approbatione, adversantes e contra, internam confusionem, amarum tristitiam ac suimet ipsorum horrorem ex facito iudicio conscientiam sceleris improbane, experiantur. Unde et Seneca [1] rectissime inquit: *Malitia ipsa maximam partem veneni sui bibit*; et S. Augustinus (2): *Jussisti Domine et sic est, ut omnis animus inordinatus poena sit sui ipsius*. Harum porro affectionum internum sensum cum non sit in hominis potestate prorsus extinguere aut immutare, consequens est, ut internae ac naturalis cujusdam earundem legum sanctionis ratio-

nec proinde postulet durationem praemii et poenae nisi finitam, per se sola animarum immortalitatem minime evineat; ex ea enim sequeretur dumtaxat animas nostras post praesentem vitam debere esse ad aliquod tempus superstites.

(1) *Epist.* 82.

(2) *Confession.* lib. 1.

nem talis sensus innuat, praesertim quod ad agnoscendam talis suae conformationis ac institutionis dependentiam ab alio, quemlibet naturalis ratio necessario impellat.

3^o. Ex ordinatione profecto divina et non aliunde factum videmus, ut malum *physicum* cum malo *moralis*, et bonum *physicum* cum bono *moralis* sint communiter et quasi naturaliter connexa; sic e. g. moderatio passionum et virtus temperantiae non modo perficiunt animi facultates, sed etiam vegetum firmitatem valetudinis statum, vitamque diuturniorem atque ad omnia domesticae et civilis vitae munia obeunda idoneam reddunt: secus ac ingluvies e. g. et libido, quae praeter oppositos effectus, aliis quoque hominibus si ab iis deprehendantur, nos invisos atque despectos efficiunt. Quin etiam peculiari pariter divinae providentiae dispositione fieri solet, ut frequenter media improporcionata sed ad normam justitiae et honestatis adhibita, optatum et felicem exitum sive finem habeant; iniquitatis vero ac injustitiae conatus ad regulas artis apprimè concinnati, effectu suo turpiter identidem frustrentur. Haec vero omnia earundem naturalium legum aliqualem praesentis etiam vitae extrinsecam sanctionem satis superque patefaciunt.

73. Parum autem proficies dicendo, etiam vitia legumque violationes suam voluptatem et gaudium habere, injustitiamque haud raro multum commodi et emolumenti afferre; deinde plurimis hujus mundi malis aequè bonos seu naturalis legis custodes, quam malos obnoxios esse.

Respond. ad 1^m. Haec et similia probant dumtaxat, hujusmodi sanctionem perfectam et sufficientem non esse quod libenter concedimus, ipsique mox probaturi sumus, minime vero vim nostrae demonstrationis elevant; siquidem praecipua argumenta allata pondus suum retinent, cum fundentur in illis bonis ac malis quae virtutem vel vitium pedissequa ac fideli ratione comitantur. Habent quidem vitia qualemcumque voluptatem est commodum, at cum amara recordatione et stimulis conscientiae conjuncta, et ita comparata, ut frequenter propter unius vehementioris cupiditatis impeditam satisfactionem moeror exortus, eorum etiam gratissimum sensum vel penitus extinguat vel in majoris angustiae causam convertat, gaudium vero, voluptas et emolumenta ex virtute progenita, puriora sunt magisque stabilia et sincera, utpote simili vicissitudini haud subjecta, atque bonae conscientiae testimonio et suavi recordationi, se esse

tales quales ex rationis praescripto esse debent, sociata.

Hinc ad 2.^m idem fere dicendum est. Etenim inter ipsa mala aerumnasque naturae humanae inhaerentes, vel ab accidentalibus eventis dependentes, quibus frequenter non secus prohi ac improbi afficiuntur, maxima est probitatis et virtutis utilitas: vir namque moderatae mentis plerumque eorum malorum vel praeverlit vel amovet, quae declinare non valet eorum vim retundit aequo animo tolerando. Unde sapienter inquit Isocrates (1): *Nihil magis rationi adversatur, quam eorum opinio, qui quamvis existiment justitiam in se pulchriorem Diisque acceptiorem esse quam injustitiam; nihilominus sibi fingunt ita comparatas esse humanas res, ut ex improbitate plus auriatur emolumentum quam ex honestate.*

74. Quamvis autem generatim loquendo, virtus vitio nativo suo splendore praecellat, bonaque illam subsequens, et mala ex vitio parva, felicitatis aut infelicitatis statum constituendo, sanctionem quandam legum divino-naturalium praeserant; attamen haec est tantum imperfecta et valde insufficientis. Etenim sanctio perfecta talis esse debet ut semper ac in quolibet casu creaturam rationalem valeat, quantum in se est, sufficienter determinare ad legis custodiam; quod fieri nequit nisi per representationem hujusmodi boni et mali, quod proprium et innatum perfectae felicitatis amorem respiciat, quodque instar praemii vel poenae custodiam aut violationem legum subsequens, utriusque intensio sit ex aequo proportionale; et quidem ita ut longe majus debeat esse praemium aut poena quae proponuntur, quam sit detrimentum subeundum, aut difficultates superandae in fideli ac integra legum observatione.

Porro supra dicta vitae praesentis sanctio talis non est, nec enim in praesenti vita gradui ac intensio virtutis aut malitiae, respondet semper gradus felicitatis aut miseriae praesertim proportionatus; impiorum namque animus mali patris consuetudine obdurescens minus aculeis conscientiae torquetur; pessimi effectus alienae malitiae, ac injustitiae, publicaeque aerumnae aequae bonos ac malos communiter vexant; imo non raro ipsa proborum justitia ac fidelitas, invidiorum odia, calumnias ac persecutiones

(1) *Orat. de permutatione.*

non modo sustinere cogitur, se armatam adversum se ipsam humani judicis manum illam formidat, a qua suam defensionem et praesidium praestolabatur (1). Quam denique utilitatem vel praemium bona hujus vitae possunt afferre illi, qui in custodiendis naturae legibus, famae, sanitatis, vel etiam ipsius vitae jacturam quandoque patitur (2)? Restat igitur ut saltem pro futura vita naturales leges perfecta sanctione non destituantur, quod in altera assertionis nostrae parte proposuimus quodque superest modo probandum.

75. Probatur itaque assertio quoad secundam partem. 1.^o Suadente ipso naturali lumine rationis ex probata nuper insufficientia sanctionis quae in praesenti vita habetur, sponte sua fluit eam perfecti debere in vita futura, ne ordo divinae sapientiae insipienter constitutus, et homines aptissimo ac unico, spectata eorum natura, medio quale est efficax praemii ac poenae representatio ad finem suum assequendum, destituti esse dicantur.

2.^o Certum est, legum naturalium observationem men-

(1) Ne ex his quae modo diximus, de frequenti proborum infelicitate variisque aerumnis atque oppressionibus quibus in vita praesenti subjiciuntur, adversus divinam providentiam quidquam inferatur, quasi nempe de probis curam non haberet, improbos autem in meliori aut saltem in aequali cum ipsis conditione constitueret, videndae sunt validissimae hujusmodi divinae permissionis aut dispositionis rationes, quas facile reperies in *Metaphysica* (vol. 1. *Theolog. natur.* cap. 2. artic. 5. prop. 2. nn. 71. 72. 74. 75. et cap. 3. art. 4. n. 91.)

(2) Haec quae diximus omnes tres sanctiones species praecedenti n. 72. expositas comprehendunt. Et sane, quamvis impii stimulos conscientiae nequeant prorsus extinguere, eos tamen retundunt, hinc talis sanctio nedum pro ratione majoris numeri scelerum non augetur sed imminuitur; sicut etiam in viris probis majoribus virtutum ac boni moralis gradibus non semper respondet major intrinseca approbatio gaudiumque conscientiae. Similiter malum physicum quod solet subsequi malum morale a vaferrimis impiis plerumque declinari potest; cum e contra etiam illi qui e. g. temperantiae virtutem apprime colunt cum infirma valetudine interdum luctari coguntur. Ut demum nihil dicamus de extraordinaria illa impiorum conatum repressione, quae vel ex hoc ipso quod admodum raro accidat per se insufficientem hujusmodi sanctionis satis superque declarat.

tis humanae facultates in dies perficere, earumque legum violationem easdem facultates deturpare, iisdemque legibus tamquam mediis hominem a Deo dirigi ad assecutionem perfectae felicitatis quae in praesenti vita minime obtinetur, cum itaque perfectio illa aut deturpationis facultatum, non nisi cum exitu vitae praesentis et observationis aut violationis naturalium legum, complementum accipiant, consequens est ut Deus, cuius et iustitia naturalium donorum usum et abusum nequit ex aequo pensare et sapientia haud indifferentem mediatorum cum finis assecutione proportionem determinavit, necessario debeat conservatores legum per certam perfectae felicitatis adeptionem, violatores per ejusdem amarissimam amissionem, tamquam vero praemio et poena afficere. Cum autem hoc creaturis rationalibus obveniat, non ex necessitate eorum essentiae et operationis, sed tantum ex naturali ordinatione et libera eorum electione, sicut meriti aut demeriti veram rationem supponit, ita naturalis ac verae sanctionis propriam conditionem continet.

3.^o Naturalium legum impositio, est evidentissimus recititudinis divinae voluntatis ac sapientiae effectus, earum proinde custodiam, ut superius probatum est (1), Deus sincera ac necessaria voluntate praecipit velatque violationem: jam vero si nullam earundem legum et praesertim perfectam sanctionem Deus constituisset, executionem sui decreti velut in beneplacito hominum reliquisset, sequere de eorum ac ordinis a se constituti bono parum sollicitum esse probaret; quod idem esset, ac legi suae saltem extrinsecam efficaciam adimere, et eam instar meri consilii spectare. Praeterea Deus hac ratione similem se exhiberet [quod nefas est supponere] illi humano principi ac legislatori, qui ex aequo pensaret subditum fidelem et obsequentem ac praeveritorem et contumacem.

4.^o In ordine rerum physico, omnes eventus inordinationem quamdam inducentes, videmus esse redactos seu subordinatos ad ejusdem ordinis stabilitatem magis magisque firmandam; si itaque moralis ordinis violatio per sanctionem et quidem perfectam, infallibiliter, exacte et complete non restitueretur, ordo moralis physico ordine imperfectior, nec humanae naturae sufficienter accomoda-

[1] Artic. praecedenti n. 67.

tus foret; quod est contra divinam sapientiam et bonitatem. Quod magis adhuc confirmabitur si animadvertas, in praesenti vita non modo virtutem passim sine adaequato praemio, vitium sine adaequato supplicio remanere, sed etiam illam in damnum sui cultoribus istud in emolumentum delinquentibus interdum cedere; hominemque liberum ac essentialiter naturali legi subjectum, teneri reddere rationem de actibus suis praesertim internis, qui in vita praesenti humanam judicium communiter effugere solent.

5.^o Tandem haud exiguum pondus hac in re habet, vetustissima atque universalis omnium gentium consensus, in admittendis praemiis et poenisi alterius vitae, juxta meritum nempe, vel demeritum actionum vitae praesentis, quae colligitur vel ex ipsis fabulosis ethnicorum narrationibus, atque poetarum figmentis, circa sedem, qualitatem aliabe adjuncta horum praemiorum et poenarum.

76. Allatae probationes evincunt simul futuram alterius vitae legis naturalis sanctionem debere esse perfectam, id est in *sufficienti* praemio ac poena constitutam: poena autem ista non satis exhiberetur per meram exclusionem a felicitate, nisi haec exclusio cum statu positivae infelicitatis supponatur sociata: qui enim naturales violant leges, praeter neglectum tendentiae in proprium finem, positivae inordinationis reos se constituunt. Porro *sufficientia* haec poenae constituentis sanctionem, vel respicit dumtaxat efficaciam motivi ad prudenter agendum requisiti, et a legum violatione ut par est abstrahentis, et sic spectata forte non postulat ejusdem poenae perennitatem; vel sumitur relate ad *praesentem* humanae naturae conditionem, per *oppositionem* ad statum perfectae felicitatis ac praemii, et *gravitatem* demeriti seu offensae, quae ex naturalium legum violatione in Deum legislatorem redundat, atque respectu ad *irreparabilem* ex sui natura ordinis *perversionem* inductam ab eadem gravi offensa, et tunc videtur necessario postulare aeternitatem poenae constituentis sanctionem perfectam; quod postremum si opus foret adstruere, et ab incredulorum oppositionibus vindicare, id facile praestaremus ope notionum in metaphysica (1) expositarum,

(1) Vide si vacat hujusmodi notiones (vol. 1. *Psycholog.* cap. 4. artic. 4. prop. 2. n. 28. in respons. ad 3^m, et in *notis* ibidem positis), ubi haec argumenta uberius enucleantur fitque satis quibusdam impiorum oppositionibus, quas urgent contra poenarum perennitatem. Porro facta haec animadversio circa sufficientiam

quaeque etiam facile ex nuper dictis sive indicatis erui possunt. Nunc itaque occurrendum est dumtaxat iis quae contra legis naturalis sanctionem, quaecumque tandem sit poenarum duratio, possent opponi.

Atque hic in primis locum habere possunt difficultates jam alias solutae (1), scilicet, nullum esse apud Deum meritum humanarum actionum, eo quod omnia nostra Deo debeamus, nihilque illi tribuimus unde retributionem possimus expectare, etc. eas itaque si proponerentur solves ex dictis ibidem. Si vero quis opponeret, virtutem esse sibi ipsi praemium ratione naturae suae pulchritudinis, intimi gaudii etc. vitium sibi ipsi poenam ratione suae turpitudinis, angoris animi etc. facilis est responsio ex fundamento; talem nempe sanctionem inadaequatam et insufficientem esse. Quis enim dempto omni praemio et poena vitae futurae, sentiet se ad virtutis cultum et fugam vitii sufficienter impelli, in arduis praesertim et cum praesentis vitae felicitate pugnantibus adjunctis? Nonne praemium et poena, etiam ad humanarum legum custodiam, est efficacissimum adjumentum?

77. Dici quoque potest 1.^o, nullam Deum habere rationem infligendi poenam, cum transgressione legum nullate-

et perfectionem sanctionis alterius vitae, suppeditat modum non declinandi sed solvendi [si quis proponeret] sequentem difficultatem: vel alterius vitae sanctio, quam vindicatis, supponitur perennis, vel dumtaxat ad tempus duratura, si primum, erit contra rationem, ex parte aeternitatis poenarum; si alterum, erit insufficientis, utpote facile contemnenda. Patet autem in hoc argumento negandam esse primam minoris illationem, alteram vero juxta id quod indicavimus distinguendam; etenim si sola ratio sufficientis motivi ad prudenter agendum seque a legis violatione cohibendum consideretur, sanctio cujusdam poenae gravis et satis diuturnae, licet non perennis, videtur sufficere; quis namque sanae mentis posset censere se prudenter agere leges violando proprioque appetitui satisfaciendo, si certo sciret sibi, pro hac legum violatione et brevissima praesentis vitae voluptate, luendam esse gravissimam poenam, etsi per plura e. g. annorum millia dumtaxat duraturam? Quod si alia modo indicata sanctionis adjuncta considerentur eam debere esse perennem manifeste inferitur; et tunc occurrendum est quoque impiorum sophismatibus quibus poenarum perennitatem, quasi esset contra rationem, solent impugnare.

(1) Part. 1. cap. 2. artic. 2. n. 39.

nus offendatur, neque haec ipsi displiceat cum non fiat *contra*, aut *praeter* ejus voluntatem; si enim vellet posset illam impedire. 2.^o Necessitatem hanc sanctionis et poenae inferre ex justitia et sapientia divina, idem est ac instar humanarum perfectionum Dei attributa considerare, quod est indignum Deo, praesertim cum ut auctor *codicis naturae* ait, *idea entis infinite perfecti, infiniteque boni excludat plane ideam entis vindictam amantis*; absurdumque sit supponere tale ens *crudeli* reos torquendi *exercitio oblectari*.

Respond. ad 1.^m *Neg.* assertum quod probationes non evincunt. Deus quidem peccatis seu violatione legum nullatenus offenditur, quatenus intrinsecam aliquam status sui mutationem non admittit nec aliquid de sua perfectione et beatitudine eidem detrahitur; minime vero *non offenditur*, quasi talis violatio pro ipso indifferens foret; etenim creatura sic agendo, *quantum in se* est positive inhonorat Deum, detrectans debitam subjectionem rectissimae ejusdem voluntati: quod pariter *vere* displicet Deo, non quidem per molestam quamdam ac intrinsecam displicentiae affectionem sed per displicentiam, quam vocant *signi*, cum fundamento in re; quatenus nempe ita se gerit et debet gerere ad extra sive erga creaturas, ac si revera earum praevaricationes ipsi molestiam afferrent. Falsum autem est transgressionem legum non fieri *contra* aut *praeter* divinam voluntatem, nisi hoc sensu, quod scilicet non fiat eo in se, vel propter extrinseca quaedam impedimenta ei necessitatem, coactionem aut violentiam inferentia, impedire non valente. Ex eo autem quod si Deus vellet, posset hanc transgressionem legum impedire sequitur tantum eam non fieri *contra absolutam ac efficacem* divinam voluntatem, cujus defectus propter suppositam permissionem consistit apprimè cum *vera, positiva ac sincera*, licet ex parte objecti hypothetica, divina voluntate talem legum violationem revera prohibente, sufficienterque manifestata per ipsam aeternae divinae rationis participationem humanae menti factam et per stimulos conscientiae eidem attributos; *contra* igitur et *praeter* hanc divinam voluntatem fit legum transgressio; ideoque et *vere* offendit Deum et displicet ei modo supradicto.

Hinc vero ad 2.^m plana fit responsio, cum attributa divina ex quibus inferitur necessitas sanctionis, instar humanarum perfectionum non apprehendimus, ad iis omnem imperfectionem, aut intrinsecam laesionem excludimus, relationem

eorum ad opera extrinseca, non a rebus ipsis, sed ab aeterno ordine sapientiae in ideis Dei existente, desumimus. Unde etiam cum ipsa sapientia divina postulet ut naturalis ordo per delicta ab iniquis violatus resarciatur per poenam, hoc non pugnat cum *idea entis infinite perfecti et boni*, sed potius ab ipsa dimanat; nam et ratio perfecta ordinis, sicut sapienter observat S. Thomas (1), necessario exigit, ut quicumque contra ordinem insurgit ab eo *ordine et principe ordinis* deprimatur, et non foret certe effectus dignus sapientiae ac bonitatis cuiusvis gubernatoris, adicere aequali sorti legum conservatores et violatores. Horum itaque poenas determinare ad resarciendam ordinis violationem; non est proprie esse amantem vindictae, aut ex aliqua passione ad eam impelli, oblectationemque in miserorum aerumnis atque cruciatibus inquirere; quod nec cum *idea honesti legislatoris ac iudicis humani* consistere valet.

78. Opponunt denique. 1^o, poenas huiusmodi naturales a Deo statutas, non esse *reverra poenas*, cum sint latentes et non arbitrariae. 2^o, eas esse *inutiles*, cum poena ordinetur ad emendationem rei, et in altera vita non sit amplius locus emendationis.

Respond. ad 1^m. Unde sciunt adversarii naturam poenarum requirere ut sint sensibiles, et ab arbitrio legislatoris necessario dependant? Num e. g. pudor, confusio et angor internus animi, quo quis afficitur dum ejus occultum delictum iis praesertim quibus displicet manifestatur veram poenae rationem non habet? An publicae quietis perturbatio, effectusque inde dimanantes, non sunt verum ac dignum supplicium, quo cives tumultuantes naturaliter plectuntur? Praeterea, major et verior certe est poena, quae majori bono nos privat, qualis profecto est positiva e. g. impiorum propter eorum delicta ab ultimo fine et perfecta felicitate exclusio, quae vel solo rationis lumine sufficienter infertur, atque in antecessum quodammodo manifestatur iis extraordinariis eventis, quibus divina providentia non numquam in hac vita impiorum conatus evidenter deprimat, majoribusque suppliciis eos manentibus in vita futura veluti praeludit.

Ad 2^m dicimus, finem ad quem ordinatur poena, non esse solum vel praecipuum emendationem rei; etenim poenarum comminatio refertur ad subditos retrahendos a violatione le-

(1) *Summae Theolog.* part. 1. 2. quaest. 87. artic. 1.

gum, et ad earundem custodiam promovendam; actualis vero quarundam poenarum inflictio, praeter emendationem rei vel aliorum ab ejus exemplo, respicit praecipue restitutionem justitiae et ordinis violati, quantum fieri potest, ad aequalitatem; secus poenae illae locum habere non possent, forentque injustae, quibus afficiuntur etiam ab humana justitia delinquentes seclusa eorum emendatione, vel etiam spe emendationis. Hanc ordinis violati restitutionem mediante poena aptissime exponit S. Thomas (1). Ad perfectam Dei bonitatem pertinet, quod nihil inordinatum in rebus relinquat... sub ordine autem justitiae, quae ad aequalitatem reducit, comprehenduntur ea, quae debitam quantitatem excedunt: excedit autem homo debitum suae quantitatis gradum, dum voluntatem suam divinae voluntati praefert satisfaciendo ei contra ordinem Dei, quae quidem inaequalitas tollitur, dum contra voluntatem suam homo aliquid pati cogitur secundum ordinationem... Ex his autem facile potest inferri, quod si perversio ordinis ex parte hominis fuerit ratione sui irreparabilis, vel opposita bono aeterno, reparatio quoque ad aequalitatem deberet fieri per poenam aeternam, nullo etiam habito respectu subsequentis emendationis; quod pariter pluribus ostendit S. Thomas (2), quodque confirmat doctrinam expositam paulo superius (3).

CAPUT II.

DE PROPRIETATIBUS LEGIS NATURALIS EJUSQUE PRINCIPIO COGNITIONIS

79. Explicatis capite praecedenti, quae ad legis naturalis existentiam et essentiam, vel naturam spectant, ut nihil hac in re desideretur, de ejus proprietatibus et cognitionis principio remanet investigandum. Et quia etiam *de universalitate legis naturalis* quantum satis fuit jam (4) indicavimus, nunc *perspicuitatem et certitudinem, ac aeternitatem et immutabilitatem*, quae sunt praecipuae ejus proprietates, breviter expen-

(1) *Contra Gent.* lib. 3. cap. 140.

(2) *Ibidem* cap. 144.

(3) N.º 76.

(4) Capit. praecedent. artic. 2. n. 68. cor. 2.

eorum ad opera extrinseca, non a rebus ipsis, sed ab aeterno ordine sapientiae in ideis Dei existente, desumimus. Unde etiam cum ipsa sapientia divina postulet ut naturalis ordo per delicta ab iniquis violatus resarciatur per poenam, hoc non pugnat cum *idea entis infinite perfecti et boni*, sed potius ab ipsa dimanat; nam et ratio perfecta ordinis, sicut sapienter observat S. Thomas (1), necessario exigit, ut quicumque contra ordinem insurgit ab eo *ordine et principe ordinis* deprimatur, et non foret certe effectus dignus sapientiae ac bonitatis cuiusvis gubernatoris, adicere aequali sorti legum conservatores et violatores. Horum itaque poenas determinare ad resarciendam ordinis violationem; non est proprie esse amantem vindictae, aut ex aliqua passione ad eam impelli, oblectationemque in miserorum aerumnis atque cruciatibus inquirere; quod nec cum *idea honesti legislatoris ac iudicis humani* consistere valet.

78. Opponunt denique. 1^o, poenas huiusmodi naturales a Deo statutas, non esse *reverra poenas*, cum sint latentes et non arbitrariae. 2^o, eas esse *inutiles*, cum poena ordinetur ad emendationem rei, et in altera vita non sit amplius locus emendationis.

Respond. ad 1^m. Unde sciunt adversarii naturam poenarum requirere ut sint sensibiles, et ab arbitrio legislatoris necessario dependant? Num e. g. pudor, confusio et angor internus animi, quo quis afficitur dum ejus occultum delictum iis praesertim quibus displicet manifestatur veram poenae rationem non habet? An publicae quietis perturbatio, effectusque inde dimanantes, non sunt verum ac dignum supplicium, quo cives tumultuantes naturaliter plectuntur? Praeterea, major et verior certe est poena, quae majori bono nos privat, qualis profecto est positiva e. g. impiorum propter eorum delicta ab ultimo fine et perfecta felicitate exclusio, quae vel solo rationis lumine sufficienter infertur, atque in antecessum quodammodo manifestatur iis extraordinariis eventis, quibus divina providentia non numquam in hac vita impiorum conatus evidenter deprimat, majoribusque suppliciis eos manentibus in vita futura veluti praeludit.

Ad 2^m dicimus, finem ad quem ordinatur poena, non esse solum vel praecipuum emendationem rei; etenim poenarum comminatio refertur ad subditos retrahendos a violatione le-

(1) *Summae Theolog.* part. 1. 2. quaest. 87. artic. 1.

gum, et ad earundem custodiam promovendam; actualis vero quarundam poenarum inflictio, praeter emendationem rei vel aliorum ab ejus exemplo, respicit praecipue restitutionem justitiae et ordinis violati, quantum fieri potest, ad aequalitatem; secus poenae illae locum habere non possent, forentque injustae, quibus afficiuntur etiam ab humana justitia delinquentes seclusa eorum emendatione, vel etiam spe emendationis. Hanc ordinis violati restitutionem mediante poena aptissime exponit S. Thomas (1). Ad perfectam Dei bonitatem pertinet, quod nihil inordinatum in rebus relinquat... sub *ordine autem* justitiae, quae ad aequalitatem reducit, comprehenduntur ea, quae debitam quantitatem excedunt: excedit autem homo debitum suae quantitatis gradum, dum voluntatem suam divinae voluntati praefert satisfaciendo ei contra ordinem Dei, quae quidem inaequalitas tollitur, dum contra voluntatem suam homo aliquid pati cogitur secundum ordinationem... Ex his autem facile potest inferri, quod si perversio ordinis ex parte hominis fuerit ratione sui irreparabilis, vel opposita bono aeterno, reparatio quoque ad aequalitatem deberet fieri per poenam *aeternam*, nullo etiam habito respectu subsequentis emendationis; quod pariter pluribus ostendit S. Thomas (2), quodque confirmat doctrinam expositam paulo superius (3).

CAPUT II.

DE PROPRIETATIBUS LEGIS NATURALIS EJUSQUE PRINCIPIO COGNITIONIS

79. Explicatis capite praecedenti, quae ad legis naturalis existentiam et essentiam, vel naturam spectant, ut nihil hac in re desideretur, de ejus proprietatibus et cognitionis principio remanet investigandum. Et quia etiam *de universalitate* legis naturalis quantum satis fuit jam (4) indicavimus, nunc *perspicuitatem et certitudinem, ac aeternitatem et immutabilitatem*, quae sunt praecipuae ejus proprietates, breviter expen-

(1) *Contra Gent.* lib. 3. cap. 140.

(2) *Ibidem* cap. 144.

(3) N.º 76.

(4) Capit. praecedent. artic. 2. n. 68. cor. 2.

demus: de ejusdem namque *unitate* nihil est in particulari determinandum, cum licet pluribus coalescat praeceptis vel principiis, omnia tamen et circa idem intrinsecum boni ac mali discrimen versantur, et ab eundem finem perfectae felicitatis hominem ordinant.

ARTICULUS I.

DE PERSPICUITATE ET CERTITUDINE LEGIS NATURALIS

80. Non de perspicuitate, ut ita dicam obiectiva, vel de quadam mentis claritate, sed de facili cognitione praeceptorum legis naturalis, in prima hujus articuli parte sermonem instituemus, ad complementum eorum, quae breviter, loco nuper indicato, dicta sunt de legis naturalis *promulgatione*, quae non censeretur sufficiens nisi saltem quoad generalia sua principia lex naturalis neminem latere poset. In altera vero parte, non jam impetimus errorem Hobbesii asserentis (1), citra revelationem divinam, neminem de naturali lege posse habere certitudinem, id enim jam praestitimus (2), sed eorum perniciosam sententiam refellemus, qui generatim autumant quaestiones morales non nisi probabiles esse, veraeque certitudinis ac demonstrationis expertes.

PROPOSITIO

Generaliora legis naturalis principia adeo per se manifesta et cognitu facilia sunt, ut a nemine invincibiliter ignorari possint: morales autem quaestiones his principis innixae, demonstrationi ac certitudinem proprie dictae subjiciuntur.

81. Ut melius intelligatur status quaestionis distinguunt communiter Doctores post S. Thomam, principia vel leges naturales in tres classes: quaedam enim sunt *universalissima*, et velut fundamentum aliorum e. g. *bonum est faciendum*, *ma-*

(1) *De cive* cap. 3. et *Leviathan* cap. 24.

(2) Cap. proxime praecedent. artic. 2. per totum.

lum fugiendum; alia magis *determinata*, quae ex primis immediata et facili deductione profluunt e. g. *egeno esse opem ferendam*; *neminem laedendum*; etc. postrema tandem quae ex utrisque praecedentibus *mediata et difficili* ratiocinatione deducuntur, qualia sunt quae e. g. respiciunt nonnullos contractus sive pactiones. De his postremis posse darii etiam invincibilem ignorantiam, fere omnes consentiunt; cum certissimum sit plerisque hominum subtilioris considerationis et difficilioris ratiocinationis non esse capaces, frequenterque non habere a quo instruantur; id quod sufficienter expressit S. Thomas (1): „Quaedam vero sunt (*praecepta legis naturalis*), ad quorum „judicium requiritur multa consideratio diversarum, circumstantiarum quas considerare diligenter non est cujuslibet „sed sapientum; sicut considerare particulares conclusiones scientiarum non pertinet ad omnes, sed ad solos philosophos... Quaedam vero sunt, quae subtiliori consideratione rationis a sapientibus judicantur esse observanda; „et ista sic sunt de lege naturae, ut tamen indigeant disciplina, qua minores a sapientibus instuantur sicut illud „*coramcano capite consurge* etc.,”

82 Probatur itaque prima pars nostrae assertionis, quoad generaliora scilicet legis naturalis principia, et ratio multiplex esse potest: 1^o, ex eo quod hujusmodi notiones sunt medium a divina providentia intentum, quo homines ad felicitatis assecutionem ordinantur; intererat igitur illam, eas notiones omnium captui accommodatas reddere. 2^o, quia contrarium adversaretur quoque divinae bonitati, cum non videretur *saltem aequae*, in rebus apprime necessariis (qualis est cognitio horum principiorum), omnium hominum felicitati prospexisse. 3^o, ex facto ipso, pro quo stat communis omnium sensus. Quis enim nisi prorsus ratione destituatur, vel non intelligit generalissima principia *ordinem naturalem esse servandum*, *Deum honorandum*, etc? Vel non valet cernere immediatas eorum consecutiones e. g. temperate, caste, honeste esse vivendum, a perjurio et injuriosis in Deum verbis esse abstinendum, etc.? 4^o, Quia hujusmodi principia sunt velut spontaneus nostrae rationalitatis fructus; ea igitur nativo rationis lumine quilibet facile detegere potest; praesertim cum ad id sufficiens esse videatur ipse naturalis ac moralis nostrae rationalitatis

(1) *Summae Theolog.* part. 1. 2. quaest. 100 artic. 1.

instinctus seu sensus, et ad id quod rectum est, nisi pravis affectibus obruti fuerimus, sponte feramur. Unde optime inquit Seneca (1). *Nnlla praeclusa est virtus; nec est quisquam gentis ullius, qui ducem naturam nactus, ad virtutem pervenire non possit.*

83. Potest quis sic arguere contra has probationes. Si res ita foret, undenam tot difficultates et contentiones inter ipsos doctores, in quibusdam moralibus quaestionibus determinandis? Nonne plerique etiam circa secundaria principia seu immediatas deductiones errarunt?

Respond. ad 1^{am}. Hujusmodi difficultates et contentiones communiter accidunt circa deductiones remotiores, non vero circa generaliora principia, et fundantur non in obscuritate rei, sed plerumque in singularitatis et novitatis amore, animoque a pravis affectionibus principis, consulto in enunciatione propositionis diximus, ea clara et cognita facilia esse *per se* spectata, quia sicut recte monet Billuartius (2), si considerentur, ut vestita quibusdam circumstantiis bonis et apparenter inhonestatem removentibus, e. g. *mentiri leviter* ad salvandam patriam, vel vitam innocentis; *furari* ad ferendam opem graviter indigenti, etc. tunc ratione talium adjunctorum hujusmodi principia evadunt obscura, transeuntque ad tertiam veluti classem; ideoque circa ista et rudiores homines ad breve praesertim tempus, poterunt in invincibili manere ignorantia; et Doctores de ipsis ad invicem contendere; sicut revera accidit relate ad casum ex. gr. in quo quaeritur, utrum iudex, propter allegata, ut dicitur, et probata, possit nec ne morti damnare reum, quem *privato* cognosceret *scientia* esse revera innocentem (3). Unde etiam facile colligitur distinctio facienda et responsio lauda ad id quod secundo loco opponitur.

(1) *De benefic.* libr. 3. cap. 18.

(2) Tractat. *De peccatis.* Oper. tom. 2. dissertat. 5. artic. 4.

(3) In quaestione circa casum propositum, utriusque sive affirmantis sive negantis sententiae patroni, ultro consentium *insontis* tamquam rei *necem* et *damnationem ad necem* esse quid intrinsece malum et *per se* a lege naturali vetitum; at primae sententiae adsertores, autumant dumtaxat contrarium posse colligi si considerentur casus propositi adjuncta, scilicet, *personae publicae* in iudici, *communis boni* in firma legum poenaliu et ordinis publici custodia, nec non *necessitatis* praeccludendi viam occultae

84. Altera pars assertionis vel ex praecedenti sufficienter potest inferri; etenim generaliora illa legis naturalis principia sive ex ipsa terminorum inspectione, sive per immediatam deductionem apprehensa, utpote *per se* magisque prae ceteris nota, habent quidquid opus est ad veram aliarum minus universalium quaestionum demonstrationem, quae legitime instituta proprie dictam quoque praebent certitudinem; praesertim quod et practica rationis principia demonstrationis

judicium fraudi etc. Negantem sententiam vindicantes putant hujusmodi rationes insufficientes esse, cum et conscientia iudicis tamquam *publicae personae* nunquam debeat esse in oppositione cum ejusdem conscientia tamquam *hominis rationalis*, et ratio *boni communis* quoad firmam legum et ordinis publici custodiam a liter possit integra servari, nempe, si iudex pro hac vice suum officium deponens patroni sive defensoris partes suscipiat, accusatorum vel testium, si valet, ignorantiam aut calumnias detegat, innocentiamque vindicet, vel si id praestare non potest, saltem a sententia ferenda se cohibeat, aliisque iudicibus [non enim est sermo de iudice supremo, hic namque aliud medium haberet innocentem a poena necis liberandi] eam relinquat, qui sine conscientiae lucta vim legum poterunt vindicare. Unde patet hac ratione legum poenaliu et ordinis publici firmitatem nullatenus violari, pugnam conscientiae iudicis excludi, insontisque incolumitati pro viribus provideri, ideoque inquit non valere paritatem quae solet desumi ab expugnatore e. g. vel defensore urbis, qui ratione boni communis possunt etiam insontes discrimini certae mortis objicere; hoc enim tantum obtinet, quando non est alius modus aequus bono communi providendi. Similiter quia poena mortis et sententia iudicium de ipsa soleat proferri communiter in adeo manifestis circumstantiis, ut nullus supponendae et fingendae privatae scientiae de innocentia accusati locus relinquatur, patet hujusmodi casum non nisi raro admodum posse evenire, ideoque non esse timendum ne via aperiatur occultae iudicium fraudi, reos tamquam si essent innocentes remittendi detrectando sententiae prolationem juxta allegata et probata. Tandem ajunt, iudicem si in casu privatae scientiae de innocentia accusati ita se gesserit, facturum esse ad mentem ipsarum legum sive potius supremae civilis potestatis, quae certe, quantum in ipsa est, sicut optat, reorum punitionem. ita non vult civium innocentium interitum, et aliunde esse simul consulturum gravi obligationi, praefereudi majus malum sive amissionem vitae proximi, minori malo proprio, quale est incommodum suscipiendi partes defensoris, vel se cohibendi pro illa vice a ferenda sententia, quamvis id forte per accidens et de consequenti depositionem ab officio ejusque amissionem posset interdum importare.

naturam non mutant, et eadem istis ac speculativis assentiendi necessitas a naturali comparatione nostrae rationalitatis, si eam, ut par est, consulamus, infertur (1). Deinde in theoreticis disciplinis vera ac proprie dicta demonstratio et certitudo, latentibus ipsis adversariis, haberi potest, si itaque in quaestionibus moralibus non haberetur, dicendum foret rationalem nostram naturam melius esse institutam quoad perfectionem ordinis physici, quam moralis; quod et divinae sapientiae ac bonitati nimis adversaretur, et humanam mentem passim fluctantem, ne dicam indifferentem (*per se enim et immediate nota non sunt multa*) constitueret in his, quibus cultus Dei, actionum rectitudo, tota humanae vitae ratio, et praesentis ac futuri saeculi felicitas continetur. Tandem discrimen hoc ab adversariis invectum inter disciplinas theoreticas, et moralem ac practicam, nullum habet fundamentum, ut consideranti facile patebit, vel in certitudinis ac principiorum natura vel in naturali nostrae rationalitatis constitutione (2).

85. Contrarium opinantes id sibi videntur suadere 1.^o, ex eo quod moralibus quaestionibus aegre admodum possit aptari methodus quam vocant *wolfianam* seu *mathematicam*, quamque unice *scientificam* appellant, cui sententiae ipse Aristoteles [3] suffragari videtur. 2.^o, quia materia disciplinae moralis est quid contingens et mutabile, demonstrationes vero proprie dictae non fiunt nisi in materia necessaria. 3.^o. Moralis disciplina utpote practica exemplis potius quam demonstratione docenda est; et si aliquid instar prudentiae in ea concluditur, id ex particulari principio ad singularem dumtaxat conclusionem infertur.

(1) Part. 1. capit. 2. artic. 3. n. 49 argum. 3.

(2) Praeter dicta (vol. 1. *Logicae* part. 2. artic. 1. §. 2. n. 36.) de certitudinis natura. et (*Theologiae* cap. 1. artic. 1. n. 4.) de distinctione principiorum rationis theoreticae et practicae, eorumque relatione ad constitutionem nostrae rationalitatis, quae pertinent ad melius intelligendam vim hujus postremae probationis, juvat quoque advertere argumentum istud aliter etiam posse urgeri; scilicet; si ex practicis universalibus principiis nihil certi deduci ac demonstrari posset, idem prorsus dicendum esset, de theoreticis principiis et de ipsa ratione theoretica, cum veritatem ac certitudinem illorum non nisi per eandem rationem theoreticam apprehendamus, istorumque absoluta veritas atque certitudo est origo et fundamentum veritatis et certitudinis illorum.

(g) *Ethicor.* libr. 1.

Respond. ad 1.^m. Etsi concedamus methodum wolfianam non satis apte posse accomodari quaestionibus moralibus, Wolfiumque ipsum haud satis feliciter processisse ubique in sua *practica philosophia*, dum scilicet omnia ex antecedentibus per longam propositionum seriem deducere conatur; attamen quia proprie dicta demonstratio ac certitudo, ex congenita ac necessaria connexione veritatum, quae sint priores et notiores, oritur, idque minime dependet a paucioribus vel pluribus propositionibus, synthetice vel analyticè conjunctis, patet etiam methodum mere analyticam vel mixtam quaestionibus moralis philosophiae apodictice et scientificè demonstrandis sufficientem esse (1). Unde nec auctoritate Aristotelis vehementer commoveremur, si ipse hac in re (videtur enim tantum *relative* minorem evidentiam practicae philosophiae quaestionibus tribuere) nobis adversaretur.

Nec quidquam prodest quod secundo loco ponitur, cum firmitas ac certitudo demonstrationis non a necessitate materiae seu objecti proximi, vel ejus existentiae, sed a necessitate immutabilium principiorum eorumque mutui nexu, seu ut vocant, a necessitate essentiae, desumatur; quod utrumque etiam in moralibus quaestionibus obtinet.

Tertium quod objicitur, confundit singularem applicationem moralium principiorum ad casum particularem, cum ipsa generali quaestionum moralium determinatione, prudentiamque in particulari, quae in apta mediorum ad finis assecutionem accommodatione sita est, cum generalibus ejusdem praeceptis experientia aut ratione cognitis. In istis igitur vera ac scientifica demonstratio locum habere potest, licet illa forte non nisi exemplis *propriis* aut *alienis* valeant declarari. Numquid negabis, posse quempiam leges aut praecepta alicujus practicae disciplinae accurate tradere, quamvis eam propriis ac practicis exemplis efficaciter suadere non valeat?

(1) Vide si vacat (vol. 1. *Logicae* part. 1. artic. 4. nn. 26. 27. et artic. 5. n. 2.^o) quae spectant ad demonstrationis naturam et methodum.

naturam non mutant, et eadem istis ac speculativis assentiendi necessitas a naturali comparatione nostrae rationalitatis, si eam, ut par est, consulamus, infertur (1). Deinde in theoreticis disciplinis vera ac proprie dicta demonstratio et certitudo, latentibus ipsis adversariis, haberi potest, si itaque in quaestionibus moralibus non haberetur, dicendum foret rationalem nostram naturam melius esse institutam quoad perfectionem ordinis physici, quam moralis; quod et divinae sapientiae ac bonitati nimis adversaretur, et humanam mentem passim fluctantem, ne dicam indifferentem (*per se enim et immediate nota non sunt multa*) constitueret in his, quibus cultus Dei, actionum rectitudo, tota humanae vitae ratio, et praesentis ac futuri saeculi felicitas continetur. Tandem discrimen hoc ab adversariis invectum inter disciplinas theoreticas, et moralem ac practicam, nullum habet fundamentum, ut consideranti facile patebit, vel in certitudinis ac principiorum natura vel in naturali nostrae rationalitatis constitutione (2).

85. Contrarium opinantes id sibi videntur suadere 1.^o, ex eo quod moralibus quaestionibus aegre admodum possit aptari methodus quam vocant *wolfianam* seu *mathematicam*, quamque unice *scientificam* appellant, cui sententiae ipse Aristoteles [3] suffragari videtur. 2.^o, quia materia disciplinae moralis est quid contingens et mutabile, demonstrationes vero proprie dictae non fiunt nisi in materia necessaria. 3.^o. Moralis disciplina utpote practica exemplis potius quam demonstratione docenda est; et si aliquid instar prudentiae in ea concluditur, id ex particulari principio ad singularem dumtaxat conclusionem infertur.

(1) Part. 1. capit. 2. artic. 3. n. 49 argum. 3.

(2) Praeter dicta (vol. 1. *Logicae* part. 2. artic. 1. §. 2. n. 36.) de certitudinis natura. et (*Theologiae* cap. 1. artic. 1. n. 4.) de distinctione principiorum rationis theoreticae et practicae, eorumque relatione ad constitutionem nostrae rationalitatis, quae pertinent ad melius intelligendam vim hujus postremae probationis, juvat quoque advertere argumentum istud aliter etiam posse urgeri; scilicet; si ex practicis universalibus principiis nihil certi deduci ac demonstrari posset, idem prorsus dicendum esset, de theoreticis principiis et de ipsa ratione theoretica, cum veritatem ac certitudinem illorum non nisi per eandem rationem theoreticam apprehendamus, istorumque absoluta veritas atque certitudo est origo et fundamentum veritatis et certitudinis illorum.

(g) *Ethicor.* libr. 1.

Respond. ad 1.^m. Etsi concedamus methodum wolfianam non satis apte posse accomodari quaestionibus moralibus, Wolfiumque ipsum haud satis feliciter processisse ubique in sua *practica philosophia*, dum scilicet omnia ex antecedentibus per longam propositionum seriem deducere conatur; attamen quia proprie dicta demonstratio ac certitudo, ex congenita ac necessaria connexione veritatum, quae sint priores et notiores, oritur, idque minime dependet a paucioribus vel pluribus propositionibus, synthetice vel analyticè conjunctis, patet etiam methodum mere analyticam vel mixtam quaestionibus moralis philosophiae apodictice et scientificè demonstrandis sufficientem esse (1). Unde nec auctoritate Aristotelis vehementer commoveremur, si ipse hac in re (videtur enim tantum *relative* minorem evidentiam practicae philosophiae quaestionibus tribuere) nobis adversaretur.

Nec quidquam prodest quod secundo loco ponitur, cum firmitas ac certitudo demonstrationis non a necessitate materiae seu objecti proximi, vel ejus existentiae, sed a necessitate immutabilium principiorum eorumque mutui nexu, seu ut vocant, a necessitate essentiae, desumatur; quod utrumque etiam in moralibus quaestionibus obtinet.

Tertium quod objicitur, confundit singularem applicationem moralium principiorum ad casum particularem, cum ipsa generali quaestionum moralium determinatione, prudentiamque in particulari, quae in apta mediorum ad finis assecutionem accommodatione sita est, cum generalibus ejusdem praeceptis experientia aut ratione cognitis. In istis igitur vera ac scientifica demonstratio locum habere potest, licet illa forte non nisi exemplis *propriis* aut *alienis* valeant declarari. Numquid negabis, posse quempiam leges aut praecepta alicujus practicae disciplinae accurate tradere, quamvis eam propriis ac practicis exemplis efficaciter suadere non valeat?

(1) Vide si vacat (vol. 1. *Logicae* part. 1. artic. 4. nn. 26. 27. et artic. 5. n. 2.^o) quae spectant ad demonstrationis naturam et methodum.

ARTICULUS II.

DE AETERNITATE ET IMMUTABILITATE LEGIS
NATURALIS.

86. Legem naturalem, prout est aliquid in ipsa ratione divinae sapientiae ordinantis, gaudere proprie dicta aeternitate per se evidens est, et ex dictis (1) facile colligitur, cum absolute non possit auferri non solum a conceptu divini intellectus, verum etiam nec a voluntate, quae necessario vult talia bona praecipere et talia mala vetare. Si vero spectetur prout instar habitus in rationali animo humano reperitur, vel prout instar veritatum quiarumdam seu principiorum a rationalitate nostra dimanantium accipi potest et solet, est quoque aeterna a parte post; quatenus scilicet, nec animus rationalis cui est impressa, utpote immortalis, quod per se manifestum est, nec ipsa lex sic in se considerata sit unquam defectura: atque haec ejus perennitas, pendet ab absoluta ejusdem immutabilitate, seu cum ipsa identificatur, unde etiam iisdem argumentis simul adstruenda.

Porro naturalem legem licet non sit mutanda, posse tamen mutari, tamquam consequens suae doctrinae (2), superius jam refutatae, infert Pufendorfius: plerique e veteribus scholasticis, eam posse mutari saltem in quibusdam, secundae et tertiae classis (3) praeceptis, docuerunt; quatenus videlicet, Deum posse in iis dispensare, seu legi ipsi derogare arbitrati sunt. Monemus autem non esse hic sermonem de *mutabilitate impropria*, quae fieret per *additionem*, quatenus per legem positivam aliqua determinatio naturali legi adderetur; vel per *impeditionem* subjecti, quatenus usu rationis vel libertatis animus humanus destitueretur, omnisque moralis operationis et obligationis incapax esset, sed de *mutabilitate propria*, quam, manente scilicet natura rationali cum usu rationis et libertatis, lex ipsa, vel per mutationem rei ab intrinseco deficientis, vel per extrin-

- (1) Hujus partis capit. 1. artic. 1. nn. 59. et 60.
 (2) Part. 1. capit. 2. artic. 3. nn. 49. et 51.
 (3) Articulo proxime praecedent. n. 81.

secus factam virtute habentis potestatem (1), subiret; idque vel absolute et universaliter seu per *abrogationem*, vel in particulari seu per *derogationem* aut *dispensationem*. Hypothesis vero nuper indicata de permanentia naturae rationalis etc. ut ait sapienter Suaresius (2) "Semper praecellitur, et supponitur: nam cum lex naturalis sit veluti proprietas hujus naturae, si illa de medio tolleretur, tolleretur etiam lex naturalis quoad existentiam suam, et maneret tantum secundum *esse* essentiae, seu *possibile obiective* in mente Dei, sicut et ipsa rationalis natura." His positus probandum remanet, naturalem legem esse indeficientem ac absolute immutabilem, etiam quoad saecundaria ejus praecepta, ideoque sit.

PROPOSITIO.

Lex naturalis etiam quoad saecundaria ejus praecepta est indeficiens et absolute immutabilis.

87. Ac primo quidem ab intrinseco immutabilem ac indeficientem esse legem naturalem, patet ex eo, quod cum sit vel proprietas quaedam rationalis naturae, quatenus ipsa talis est, vel ipsa natura in concreto, quatenus est ita conformata; jam absolute repugnat, manente tali rationali natura apta ad utendum ratione, auferri aut mutari legem naturalem. Praeterea, desineret aut mutaretur, vel quia

(1) Duplex haec ratio mutationis concipi debet instar eorum quae circa leges humanas solent revera accidere, scilicet, 1^o. quando mutatis circumstantiis objectum sub lege contentum mutatur evaditque bono communi noxium quod antea erat proficuum e. g. modus quidam aedificandi, quaedam tributa solvendi etc. tunc enim censetur lex per se ipsam desinere et mutari, utpote bono communi contraria 2^o. quando nihil quidem hujus generis ex parte objecti habetur, sed tantum legislator sive potestatem habens, ob aliqua rationabilia motiva, revocat legem ex integro, sive aliam eidem substituendo sive non, aut manente objecto legis auferit dumtaxat obligationem sive debitum eam servandi vel relate ad omnes subditos at non pro semper, vel relate ad quosdam tantum licet in perpetuum; tunc etiam ut patet lex talis ex toto vel saltem in parte fit mutationi obnoxia.

- (2) De lege aeterna et naturali libr. 2. capit. 13.

ad aliquod tantum tempus porrigebatur, vel ratione mutationis materiae, vi cuius facta est irrationabilis et injusta, cum antea esset justa et prudens, (ex parte enim legislatoris et subjecti, sicut nunc supponitur, non aufertur;) neutrum autem subsistit: nam generalia hujus legis principia sunt *per se* veritates necessariae, naturalisque justitiae ordinem determinantes; tales proinde sunt quoque eorum conclusiones sive proxime sive per plures illationes deductae; quod autem est necessario *per se* verum, est *per se* perpetuum, quodque ex ipsis terminis vel legitima illatione ut justum et rationabile cognoscitur, sicut nequit esse falsum, ita nec irrationabile vel injustum nisi ipsam rerum naturam velis mutare. Insuper cum praecepta legis naturalis *negative* prohibeant ea, quae *per se* ac *intrinsece* sunt mala, obligant *semper* et *pro semper*, quod enim intrinsece malum est, semper vitandum est, et proinde actus *per se* moraliter malus nequit desinere esse talis: praecepta vero *affirmativa*, quamvis *semper*, sed non *pro semper* obligent, tamen pro illis adjunctis vel conditionibus, pro quibus urgent ad ponendum actum, sunt quoque semper immutabilia; urgent enim ad id quod pro illis adjunctis est *per se* naturae rationali nedum conveniens sed necessarium, cuius proinde actus omisso foret intrinsece mala; ergo sicut haec nequit unquam deficere aut mutari; ita nec talis obligatio etiam praecepti affirmativi.

Deinde, neque *ab extrinseco* seu per auctoritatem divinam, [non est enim quod loquamur de auctoritate humana, quae et nullam potestatem habet immutandi rerum naturam, a qua pendet lex naturalis, et utpote in ipsa naturali lege fundata, quidquid eidem contrarium statuaret, hoc ipso foret istud intrinsece malum, non haberetque vim legis] lex naturalis ex toto vel in parte desinere aut immutari potest. Et sane jussum divinae rationis aut voluntatis ordinantis, quod formaliter legem naturalem tamquam veram et divinam legem constituit, vel est ipsa ratio ordinis immutabilis divinae sapientiae, vel necessarius divinae voluntatis actus consequens ejusdem ordinis apprehensionem fundatam in intrinseco boni ac mali discrimine; in utroque casu nequit supponi alicujus praecepti aut prohibitionis naturalis per dispensationem ex toto aut ex parte relaxatio, quin ordinem ipsum divinae sapientiae subvertamus, simulque talem esse et non esse dicamus; aut saltem in manifesta absurda superius indicata incidamus, si fingas jussum divinum ab hisce praeceptis

esse separabile, vel etiam per cogitationem actu separe; quae absurditates magis manifestae fient exemplo desumpto a lege vetante sive a prohibitione e. g. *odii Dei* et *mendacii*, in quibus supposita dispensatione, praeter alia, Deus deberet agnoscere et non agnoscere ordinationem (1). Atque huc spectat argumentum S. Thomae (2), circa ipsas leges secundae classis, desumptum ex intrinseco ordine debiti, justitiae, et virtutis; qui ordo cum oriatur ex intrinseca relatione agentis cum objecto, manente objecto formali, aequae est inseparabilis in iis praeceptis, quae respiciunt Deum, quam quae respiciunt homines ad invicem; praesertim si addas, quod *lex naturalis* generaliter versetur circa ea, quae sunt prohibita quia intrinsece mala vel praecepta quia intrinsece bona et necessaria, non autem viceversa; quodque, ex hypothesi creationis hominis sit necessaria participatio rationis divinae sapientiae ordinantis, quam Deus necessario hominibus imposuit et necessario conservat; manente itaque rationali natura, est ita immutabilis sicut ratio divinae sapientiae, Deusque justissimus et sanctissimus, sicut non potuit nec potest vel non prohibere quae sunt ex se rationi dissona et turpia vel non praecipere eidem consona et necessaria, ita manente eodem naturae debito, nequit in iis dispensare, cum

(1) In penultima *nota* indicavimus quomodo in legibus humanis manente etiam legis objecto possit ab eo auferri jussum voluntatis superioris, id si cogitatione transferamus ad legem naturalem et jussum sapientiae ac voluntatis divinae quis non videt, quot inde absurditates dimanant? Nonne deberet supponi talis confirmatio naturae rationalis eidem simpliciter necessaria, et simul indifferens? Nonne ordo ipse naturalis non amplius ut in rerum natura fundatus et ab ipsa dimanans, spectari deberet? Nonne hac ratione tolletur discrimen legis naturalis à positiva in qua hujusmodi obrogationi aut derogationi locus adesse solet? Praeterea cum dispensatio in lege, non sit nisi ejusdem legis relaxatio propter aliqua rationabilia motiva, Deus qui non nisi sapientissime operatur, pro illo casu suppositae dispensationis aut immutationis legis deberet eam apprehendere ut non convenientem, aut etiam ut oppositam ordini suae divinae sapientiae; cum vero lex naturalis sive illius objectum ex sui natura est necessario conveniens ordini divinae sapientiae, jam Deus deberet in tali lege hypothesi simul agnoscere et non agnoscere ordinationem vel inordinationem.

(2) *Summae Theologiae*, part. 1. 2. quaest. 100. artic. 8.

hic debitum ex lege necessario jungatur debito ex natura. Tandem, cum natura legitima conclusionis sequatur naturam principiorum, illiusque falsitas aut mutabilitas arguat istorum mutabilitatem et falsitatem; necesse est ut leges naturales etiam per plures illationes ex principiis naturalibus per se notis necessario deductae, sint pariter etiam per dispensationem immutabiles; eo vel maxime quod, si tales illationes sive affirmativae, sive negativae supponerentur destitutae necessitate intrinseca atque ex vi solius rationis dimanante, hoc ipso non forent mere naturalia praecepta, et ex se ad morum honestatem necessaria et requisita.

88. Opponi potest 1.^o Certiora videntur esse principia naturalia physica et speculativa quam moralia, et tamen conclusiones ex illis deductae non sunt simpliciter necessariae et immutabiles; ergo a fortiori idem dicendum est de conclusionibus moralibus, praesertim quod sicut res physicae sunt mutabiles, ita et res humanae, quae sunt materia legis naturalis; unde et lex ipsa mutabilis erit, utpote participans de conditione objecti sive materiae. 2.^o Saltem praecepta illa secundaria quae versantur circa res creatas, possunt a Deo per dispensationem relaxari, quia secus res contingentes imposerent divinae voluntati necessitatem amandi eos actus quos praecipit, et aversandi prohibitos; quod est absurdum. 3.^o Solus amor Dei est per se sufficiens et necessarius ad hominem beatificandum; ergo nullus actus circa creaturam absoluta necessitate praecipitur aut prohibetur, ideoque in tali actu dispensatio fieri potest. 4.^o Legislator humanus potest dispensare in suis legibus; ergo et Deus in sua lege naturali.

Respond. ad 1.^{am}, omittendo *antecedens*, quia loquendo de principiis aequae universalibus ex utraque parte, negari etiam posset, ut per se patet. Illatio et paritas non valet; etenim conclusiones ex principiis physicis deductae deficere possunt, nec sunt simpliciter necessariae, non quatenus sunt *scientificae* (sic enim conditionem, scilicet, quod physicae leges naturae constantes permaneant, involvunt, qua subsistente nequeunt non esse necessariae), sed *materialiter* spectatae, quod ad rem non pertinet, et defectum paritatis ostendit (1). Et sane conclusiones morales, de quibus sermo, res-

(1) Enunciatio e. g. ista, *hic ignis comburet*, utpote de re contingente, si se ac *materialiter* consideretur potest non esse vera,

piciunt ipsum naturalem ordinem justitiae et honestatis, qui nunquam deficit, eumque pro objecto seu *proxima* materia habent, non autem actus vel operationes humanas modumque determinatum eas ordini justitiae conformandi, quae utique sunt mutabilia.

Ad 2.^{am} *Neg. Antec. et prob.* Non enim res contingentes, sed ipsa ratio divinae sapientiae, juxta quam naturae ordinem determinavit, et ex hypothesi tantum creationis rationalis naturae, infert Deo necessitatem amandi actus a se praecipitos et aversandi vetitos; in quo nullum est absurdum: et praeterea argumentum retorqueri posset relate ad naturalia praecepta, quae Deum ipsum pro objecto habent, et respiciunt actus creaturarum contingentes, iisdem praeceptis conformes aut difformes, quos pariter Deus nequit non amare vel non aversari.

Ad 3.^{am} *Neg. Consequens et sequela.* Bonitas aut malitia intrinseca ejusque immutabilitas, non est saltem praecipue pensanda ex habitudine ad ultimum finem, qui est velut quid extrinsecum ipsi actui, sed ex formali praesertim objecto et naturali ordine, cui actus congruit vel adversatur, posita autem humana natura talem relationem et naturalem ordinem ad caeteras creaturas habente, ejus actus ex se tantum spectati, quatenus scilicet huic ordini congruunt vel adversantur, aequae absoluta necessitate, in hypothesi creationis, erant a Deo praecipienda tamquam boni vel prohibenda tamquam mali. Id etiam confirmatur vel maxime ex eo quod licet substantialis humana beatitudo sita sit in solo Deo et actibus circa illum, actus tamen quidam circa creaturas possunt esse et sunt pro praesenti vita media seu conditiones necessariae ad beatitudinis assecutionem vel amissionem, quatenus ex se vel obedientiam Deo debitam praec continent, vel e contra in illius offensionem redundant: ergo hujusmodi actus vel ex hoc tantum, in hypothesi creationis et ordinationis hominis ad felicitatem, necessario a Deo praecipienda vel prohibenda erant.

Ad 4.^{am} *Neg. Consequens et paritas*; quia humanae leges, possunt namque diversae causae effectum impedire; at si inferatur e. g. *omnis ignis res applicatas comburit*; atqui iste est ignis; ergo *comburit*: conclusio vi *scientificae* illationis nequit non esse vera, supponit namque in *majori* subintellectam conditionem de constantia legum physicarum, sive de eo quod nihil accidat iisdem legibus contrarium.

communiter non versantur circa actus intrinsece bonos vel malos, pendentque álibera legislatoris voluntate, secus ac lex divino-naturalis. Porro ex objectis indifferentibus, quoniam plura possent esse aequae convenientia aut necessaria ad bonum commune, et ea quae in his aut illis adjunctis sunt convenientia aut necessaria, iis mutatis possunt non esse amplius huiusmodi aut etiam evadere noxia; hinc fit ut humanus legislator interdum etiam ordinate agendo (non loquimur enim de arbitraria et inordinata humanarum legum mutatione, quae in casu praesenti nihil prorsus ad rem pertinet) suam legem mutare possit vel quandoque debeat. Similiter in iis etiam humanis legibus quae dumtaxat feruntur ad majorem legis naturalis firmitatem, quales sunt quaedam leges poenales, quia diversae circumstantiae locorum et personarum diversum huiusmodi firmitatis gradum postulare soleant, adest quoque mutationis faciendae plerumque convenientia aut necessitas. Quod si lex humana solam juris naturalis applicationem ad casus particulares respiciat, tunc ne humanus quidem legislator poterit unquam eam, utpote habentem pro objecto aliquid intrinsece boni vel mali, pro lubito et prudenter agendo mutare: unde patet idem et quidem a fortiori dicendum esse de Deo relate ad legem naturalem quae ex sui natura et semper versatur circa intrinsecum bonum aut malum. Deus insuper, inquit S. Thomas (1): «Negare se ipsum non potest. Negaret autem seipsum si ordinem suae justitiae auferret, cum ipse sit sua justitia. Et ideo in hoc Deus dispensare non potest, ut homini liceat non ordinate se habere ad Deum, vel non subdi ordini justitiae ejus etiam in his, secundum quae homines ad invicem ordinantur.»

89. Denique ut quibusdam saltem factis, quae videntur suadere in lege naturali quandoque dispensatum vel eidem derogatum fuisse, si opponerentur, respondendi modus perspeclus habeatur, advertendum est 1^o: mutationem vel dispensationem legis tunc tantum proprie haberi, quando manente immutato *objecto formali* seu materia legis, ejus dumtaxat obligatio ob intrinsecam rationem, vel ob potestatem legislatoris aufertur: non autem quando formale *objectum* vel materia legis mutatur (2); hac enim mutatione

(1) In proxime indicata quaest. et artic. ad 2.^m

(2) Distinctio haec *objecti formalis* ab eodem *materialiter*

supposita, res vel actus ipse a lege subtrahitur, non vero lex mutatur, quae potius nunquam data fuit circa ita mutatum *objectum* seu materiam. 2^o, mutationem hanc vel subtractionem *objecti* seu materiae legis a lege, locum non habere in illis legibus quae adeo contractis exprimuntur terminis, ut a re per eos significata absolute impossibile sit turpitudinem abesse ex. gr. *non mentiri, non blasphemare, etc.* in caeteris ubi *objectum* sive materia in se spectata supremae Dei vel etiam humanae subjacet potestati, facta translatione ex. gr. *dominii* in rem, vel communicata potestate aliquid faciendi, talem casum seu factum nunquam ad legem pertinuisse dicendum est, non autem legem mutatam fuisse (1). 3^o, in legibus seu praeceptis quae pendent ex actu humano quem supponunt, vel a consensu humanae voluntatis quae potest naturaliter ab alio velut a conditione pendere, facta cessione debiti vel obligationis ex parte illiusquem respicit, vel supposita oppositione talis ex. gr.

considerato, videri potest in his aut similibus exemplis. Sic occisio hominis relate ad legem *non occides*, acceptio rei alienae, relate ad legem *non furaberis*, sunt *objecta* dumtaxat *materialia*; non enim his legibus prohibetur *occisio hominis* aut *acceptio rei alienae* spectata *simpliciter*, sed occisio hominis facta auctoritate privata alterius hominis; acceptio rei alienae facta rationabiliter invito illius domino; secus occisiones hominum quae fiunt in bello justo, vel quae fierent Deo jubente etc. forent totidem homicidia et acceptiones rei alienae quae fiunt domino vidente et non repugnante, vel dum res aliena ex uno in alterum locum transferatur, forent totidem furta jure naturali vetita. *Objectum* itaque *formale* primae legis, est occisio hominis *quatenus* fit auctoritate privata alterius hominis posterioris vero legis, acceptio rei alienae *quatenus* fit rationabiliter invito illius rei domino.

(1) Hoc quod dicimus intelligendum est de *objectis materialiter* considerato juxta sensum in praecedenti nota expositum, etenim *objectum formale* etiam in talibus legibus nunquam potest subtrahi a lege, tum quia formaliter considerato supponit jam esse actu sub lege contentum, cum etiam quia sic spectatum ipsam naturalem inordinationem involvit, quae stantibus adjunctis ac ipsa rei natura. Unde sicut absolute repugnat et nec Deus apprehendere aut efficere potest ut homo quatenus homo non sit homo, ita nequit apprehendere aut efficere ut non sit inordinatum quod homo quatenus est caeteris hominibus in natura prorsus aequalis et privata tantum praeditus auctoritate alteri homini vitam pro lubito eripiat.

promissionis cum debita dependentia; hoc ipse talis casus ponitur extra legem, quin lex immutetur vel dispensatur. 4^o, similiter in illis quae dicuntur esse de lege naturali *negative*, quatenus circa ea praecipiendo, aut vetando lex naturalis nihil *positive* disponit, si per politicam vel civilem legem mutamque hominum conventionem aliquid determinetur, privabitur quidem homo ex. gr. civili sua libertate, vel usu quodam communi rerum; sed non mutabitur aut desinet lex naturalis. 5^o, tandem ex naturali praecellentia seu ordine majoris dignitatis, quem etiam naturales leges ad invicem habent, nunquam potest dici earum unam aliquid praecipere aut prohibere in illis adjunctis ubi nobilioris observatio redderetur impossibilis; unde in talibus adjunctis cum non sit, nec urgeat nisi una, ex. gr. fidei Deo datam esse servandam, caeterae, ex. gr. vitae, vel hona propria aut aliena esse servanda, non mutantur.

Ex his haud difficile colliges, non esse veram mutationem aut dispensationem in lege naturali, dum auctoritate divina vel legitima humana, fit hominis occisio, aut accipiuntur vel non restituuntur res alienae; dum *naturale* non servatur secretum, vel non redditur depositum, petenti illud in propriam aut reipublicae perniciem, dum promissionis alicujus aut voti, mutatis circumstantiis, aut extrinseca potestate, debitum relaxatur, etc, quae omnia et his similia dici ad summum poterunt, naturalis legis quaedam mutationes vel dispensationes *impropriae* ne videlicet quorundam gravissimorum Doctorum loquendi modum reprehendere videamur (1).

(1) Praeterrmittenda non erat hujusmodi animadversio eo vel maxime, quod ipsimet doctores qui hac voce *dispensationis* utuntur in quaestione de casibus memoratis, e. g. de casu in quo quis per auctoritatem humanam solveretur a debito promissionis implendae, aut juramenti servandi, interdum eas hujus potestatis tuendae adferunt rationes, quae non aliud innuunt quam necessitatem declarandi, in quibusdam adjunctis legem quamdam naturalem locum non habere, seu potius objectum in hujusmodi adjunctis sub lege non contineri. Quid enim est e. g. ratio boni communis vel majoris, quae interdum dicitur postulate ut quis solvatur a debito cujusdam pactionis adimplendae, vel fidem juramentos adstrictam non servet? Nonne hoc videtur dumtaxat indicare talem pactionem et juramentum, propter concursum alterius legis majoris dignitatis, nulla et irrita ex rei natura fuis-

ARTICULUS III.

DE PRINCIPIO COGNITIONIS LEGIS NATURALIS.

90. Sicut inter speculativas humanas cognitiones inquiri solet, quatenam sit earum maxime universalis, quae pro caeterarum primo principio possit statui, ita inter practica moralis philosophiae principia, quaerunt philosophi tale effectum, quod instar principii omnium universalissimi et primi haberi queat. Ratio hujus similitudinis ista est, quod et eadem videtur esse relatio, inter principia speculativa et theoreticam rationem, ac inter practicum rationem et principia legis naturalis; et in iis quae cadunt sub humanam rationem, naturalis quidam ordo postulans tendentiam ad aliquid simpliciter primum, deprehenditur. Principium istud *cognoscitivum* totius juris naturae si determinari poterit, instar legis cujusdam *universalissimae* et velut *fundamentalis* spectandum erit. Porro sicut inter omnes constare debet principium *perfectae obligationis* naturalis, non posse esse nisi Dei imperium sive divinae sapientiae ordinationem, hoc namque videtur evidenter esse probatum [2]; ita haud aequae constat aut potest constare ex quanam humana cognitione quantum jus sive lex naturae pateat prospici possit. Quia autem omnium philosophorum sententias hac super re in medium proferre infiniti et haud utilis foret laboris (ni-

se? Potestne existimari, ut quae Deus tamquam auctor ordinis naturalis rata habuit, utpote eidem ordini consentanea, stante etiam eodem ordine, posse desinere esse hujusmodi?

(2) Colligi potest ex dictis superius, artic. 1. cap. 1. hujus 2. partis. Hic animadvertas oportet discrimen inter quaestionem de principio *obligationis* et de principio *cognitionis* juris naturalis quod tamen a quibusdam neglectum pluribus erroribus occasionem praebuit. Ab hac utraque quaestione differt quoque quaestio de *principio essendi*, seu de *causa efficiente* ejusdem juris naturalis, quae non est aliud quam ipse Deus seu ordinatio divinae sapientiae considerata dumtaxat ut causa efficiens talis conformationis nostrae rationalitatis, non autem ut causa ordinem praescribens ejusque custodiam imperans, quo postremo sensu accepta indicat principium obligationis. Quaestionem de principio essendi complexi sumus in iis quae diximus artic. 2. cap. 1. hujus 2. partis.

promissionis cum debita dependentia; hoc ipse talis casus ponitur extra legem, quin lex immutetur vel dispensatur. 4^o, similiter in illis quae dicuntur esse de lege naturali *negative*, quatenus circa ea praecipiendo, aut vetando lex naturalis nihil *positive* disponit, si per politicam vel civilem legem mutamque hominum conventionem aliquid determinetur, privabitur quidem homo ex. gr. civili sua libertate, vel usu quodam communi rerum; sed non mutabitur aut desinet lex naturalis. 5^o, tandem ex naturali praecellentia seu ordine majoris dignitatis, quem etiam naturales leges ad invicem habent, nunquam potest dici earum unam aliquid praecipere aut prohibere in illis adjunctis ubi nobilioris observatio redderetur impossibilis; unde in talibus adjunctis cum non sit, nec urgeat nisi una, ex. gr. fidei Deo datam esse servandam, caeterae, ex. gr. vitae, vel hona propria aut aliena esse servanda, non mutantur.

Ex his haud difficile colliges, non esse veram mutationem aut dispensationem in lege naturali, dum auctoritate divina vel legitima humana, fit hominis occisio, aut accipiuntur vel non restituuntur res alienae; dum *naturale* non servatur secretum, vel non redditur depositum, petenti illud in propriam aut reipublicae perniciem, dum promissionis alicujus aut voti, mutatis circumstantiis, aut extrinseca potestate, debitum relaxatur, etc, quae omnia et his similia dici ad summum poterunt, naturalis legis quaedam mutationes vel dispensationes *impropriae* ne videlicet quorundam gravissimorum Doctorum loquendi modum reprehendere videamur (1).

(1) Praeterrmittenda non erat hujusmodi animadversio eo vel maxime, quod ipsimet doctores qui hac voce *dispensationis* utuntur in quaestione de casibus memoratis, e. g. de casu in quo quis per auctoritatem humanam solveretur a debito promissionis implendae, aut juramenti servandi, interdum eas hujus potestatis tuendae adferunt rationes, quae non aliud innuunt quam necessitatem declarandi, in quibusdam adjunctis legem quamdam naturalem locum non habere, seu potius objectum in hujusmodi adjunctis sub lege non contineri. Quid enim est e. g. ratio boni communis vel majoris, quae interdum dicitur postulate ut quis solvatur a debito cujusdam pactionis adimplendae, vel fidem juramentos adstrictam non servet? Nonne hoc videtur dumtaxat indicare talem pactionem et juramentum, propter concursum alterius legis majoris dignitatis, nulla et irrita ex rei natura fuis-

ARTICULUS III.

DE PRINCIPIO COGNITIONIS LEGIS NATURALIS.

90. Sicut inter speculativas humanas cognitiones inquiri solet, quatenam sit earum maxime universalis, quae pro caeterarum primo principio possit statui, ita inter practica moralis philosophiae principia, quaerunt philosophi tale effectum, quod instar principii omnium universalissimi et primi haberi queat. Ratio hujus similitudinis ista est, quod et eadem videtur esse relatio, inter principia speculativa et theoreticam rationem, ac inter practicum rationem et principia legis naturalis; et in iis quae cadunt sub humanam rationem, naturalis quidam ordo postulans tendentiam ad aliquid simpliciter primum, deprehenditur. Principium istud *cognoscitivum* totius juris naturae si determinari poterit, instar legis cujusdam *universalissimae* et velut *fundamentalis* spectandum erit. Porro sicut inter omnes constare debet principium *perfectae obligationis* naturalis, non posse esse nisi Dei imperium sive divinae sapientiae ordinationem, hoc namque videtur evidenter esse probatum [2]; ita haud aequae constat aut potest constare ex quanam humana cognitione quantum jus sive lex naturae pateat prospici possit. Quia autem omnium philosophorum sententias hac super re in medium proferre infiniti et haud utilis foret laboris (ni-

se? Potestne existimari, ut quae Deus tamquam auctor ordinis naturalis rata habuit, utpote eidem ordini consentanea, stante etiam eodem ordine, posse desinere esse hujusmodi?

(2) Colligi potest ex dictis superius, artic. 1. cap. 1. hujus 2. partis. Hic animadvertas oportet discrimen inter quaestionem de principio *obligationis* et de principio *cognitionis* juris naturalis quod tamen a quibusdam neglectum pluribus erroribus occasionem praebuit. Ab hac utraque quaestione differt quoque quaestio de *principio essendi*, seu de *causa efficiente* ejusdem juris naturalis, quae non est aliud quam ipse Deus seu ordinatio divinae sapientiae considerata dumtaxat ut causa efficiens talis conformationis nostrae rationalitatis, non autem ut causa ordinem praescribens ejusque custodiam imperans, quo postremo sensu accepta indicat principium obligationis. Quaestionem de principio essendi complexi sumus in iis quae diximus artic. 2. cap. 1. hujus 2. partis.

mia namque opinandi licentia factum esse videtur, ut plerique praesertim recentiorum philosophorum pro suo unusquisque lubito nova hujusmodi excogitentur prima juris naturalis principia non ad firmandum certe aut ornandum sed potius everteendum et deturpandum ipsum jus naturale, nos praecipuas dumtaxat magisque perniciosas eorum sententias in primis breviter refellemus, deinde quid sit probabilius in praesenti quaestione tenendum indicabimus.

Ut autem quantum in nobis est brevitati consulamus, praestat in antecessum illas determinare condiciones, quae ad naturam talis primi principii constituendam requiruntur, quaeque ex ipso quaestioni statu et fine, propter quem istud principium solet investigari deductae, erunt nobis instar lydi lapidis ad veritatem hac in re detegendam. Primum itaque juris naturae principium debet esse, 1^o, *universalissimum*, aliud ex quo deducatur non habens; 2^o, *adaequatum*, ut caetera omnia, etiam quae futuram hominis vitam ac felicitatem respiciunt, ejusdem juris naturalis principia seu leges haud aegre valeat quis derivare ex ipso, vel ad ipsum ope analysis referre; 3^o, *clarum*, seu per se *cognitu facillimum* etiam solo rationis lumine, ut nempe caeteris minus cognitis ex eo deducendis faciem praeferat; ideo enim nuncupatur primum *cognitionis* principium; 4^o, *proxime connexum* cum fundamento legis naturae, unde istius essentia ac natura dimanat, ut communem relationem nexus ad minus universalia principia seu officia habeat.

91. Ne vero nonnullas hac de re opiniones velut ex semetipsis ruinosas videamur prorsus praetermississe, eas in primis paucis innuimus. Valentinus Alberti primum principium cognitionis juris naturae in *statu* humanae integritatis reposuit, quasi nempe *imago Dei*, quam homo in illo statu habuit reliquias quasdam et fundamentum juris naturae in se praecointineret, instar cujus praesens natura corrupta informanda foret. Unde principium istud sic enunciat (1): *quidquid ad statum integritatis orthodoxe expositum hodie in moralibus ex aliqua parte recuperandum pertinet, id jure naturae praeceptum est; adeoque a nobis faciendum.* Ve-

(1) *Compend. jur. natur. orthodox. Theolog. conform. part. 1. cap.* Plerique autumant doctrinam hanc ab isto auctore excogitam et propositam fuisse non animo veritatem tuendi, sed contendendi dumtaxat atque disputandi. Vide I. F. Finetti *De princip. jur. natur. et gentium* tom. 2. libr. 7. cap. 1.

rum huic principio tertia conditio prorsus deest, cum de illo *statu integritatis* solo rationis lumine nihil innotescit, nec exinde naturalis obligationes seu officia inferri possunt. Falsum praeterea supponit, naturalem videlicet in homine Dei imaginem, in praesenti naturae statu non haberi.

Minori adhuc attentione dignum est commentum Hobbesii statuentis ut primum juris naturae principium, *vitar membrorumque conservationem, quantum fieri potest diuturnam, primamque inde manantem legem, quaerendam esse pacem, aut paranda auxilia belli.* Quid enim magis absolum quam legem naturae ad tale principium reducere, sive in eo constituere quod est etiam brutis animantibus commune; quod ab officiis nobilioribus, scilicet, erga Deum, caeteros homines, et se ipsum praescindit, vel haec etiam propriae conservationi postponenda docet; quod denique omne iniquum, turpe et criminisum cohonestare potest?

Veterum sententia *jus suum cuique tribuendum*, ab utroque Coccejo exornata, quamvis in jurisprudentia universali sit maximi usus, pro primo tamen principio naturalis legis inepte statueretur; non enim ex ipso facile colligitur, quod nam sit jus istud incolume a nobis servandum, quae nobiscum jura nascantur, unde haec necessitas dimanat. Similiter qui principium istud in *divinis perfectionibus* aut *voluntate* constituunt quasi nempe ita enunciandum esset, *facienda sunt quae conveniunt cum divinis perfectionibus, aut quae postulat divina voluntas*, non videntur audiendi; excedit namque vires maximae hominum partis, talem divinarum perfectionem et voluntatis conceptum habere, qualem singulorum naturalium officiorum particularis determinatio postuleret. Praeterea multa bona moralia conveniunt quidem cum divinis perfectionibus et tamen non sunt de jure et lege naturae, sed tantum de consilio; et in super quisque facile dabit *facienda esse ea quae divina postulat voluntas*, at quatenus sunt haec, per se tantum spectata voluntas nullatenus manifestat.

92. Majorem attentionem merentur opinionis Grotii, Pufendorffii, Thomasii, Wolfii, Rousseau et Cumberlandi. A Grotio (1) praeformatum, Pufendorffius suum effecit et exor-

(1) *De jure belli et pacis. proleg. §. 8.*

navit [1] principium *socialitatis*, scilicet *cuiilibet homini quantum in se est colendam esse et servandam socialitatem*, idque eruere conatur uterque ex eo quod appetitu ingenito, qui certe a voluntate Dei procedit, ad societatem tranquillam et pacatam rapiamur; vult ergo Deus ut societatem hanc sancte custodiamus et foveamus, vetat ne subvertamus; quod autem ille vult, velle et nos debemus. Haec itaque *socialitas* humano ingenio concertanea *universi juris fons est*. Verum ista sequela minime fuit, jus namque naturale universum sive lex naturalis comprehendit quoque officia erga Deum et nosmetipsos, quae utpote praestantiora non secundarie dumtaxat et indirecte, sed principaliter ex primo principio derivanda sunt. Principium insuper *socialitatis* non est omnium primum, quia ex ordinato sui amore, sequae conservandi praecepto dimanat, internosque actus vel laesionem proximi, quae societatem non perturbant, minime vetat; hominemque qui unus tantum crearetur, aut a societate segregaretur, omni lege solvit; denique principium istud ad futuram vitam et felicitatem nullum respectum dicens *utilitatem* dumtaxat praesentem, ad mentem Epicureorum et Hobbesii, portendere videtur; minisque indeterminate expressum, ipsi *socialitate* servandae est minus accommodatum, quam sunt ista vulgi captui proportionata principia e. g. *neminem laedito, suum unicuique tribuito*.

Iisdem fere rationibus refellitur, sive Thomasius (2) pro primo principio statuens; *esse faciendam, quae vitam humanam reddunt et maxime diuturnam, et felicissimam; vitanda pariter vis opposita*; sive Wolfius (3) ponens istud: *committenda sunt actiones quae ad perfectionem hominis, atque status ejusdem tendunt; cae omittendae, quae his opponuntur*; sive Rousseau (4): *amorem sui et naturalem commiserationis sensum erga alios, venditans*; sive tandem Cumberlandus (5) proponens: *mutuum benevolentiam hominum, velut membrorum magnae civitatis entium intellectualium, tamquam primum principium juris naturae et medium assequendae felicitatis, aut immunitatis a dolore corporis et animi aegritudine*. Monemus insuper, quod admissio Tho-

[1] *De jure natur. et gent. et De offic. hom. et civ. lib. 2.*

[2] *Fundament. juris natur. et gent. libr. 1. cap. 6.*

[3] *Instit. iuris natur. et gent. §. 43.*

[4] *Praefat. Oper.*

[5] *De lege natur. cap. 1.*

massi principio, violatae legis naturae reus ille censebitur qui pro honestate, amore patriae, etc. vitam periculo ac certae morti objiceret. Wolfius vero, cum *perfectionem* humani status, de qua loquitur, a naturalibus determinationibus per rationes finales sicut in ordine physico repetat; vel nimium onus omnimodae perfectionis quaerendae, humanae imbecillitati imponit (1), vel solam *utilitatem* [uti gravissimis viris visum fuit] respicit, dum commodam, jucundam omnisque molestiae expertem vitam, et usum humanarum facultatum inquirat. Rousseau etiam ex hoc ineptit, quod principium suum a sola sensibilitate, seu animalitate humana desumat, rationemque *antevertens* esse doceat. Cumberlandus denique si *in mutua benevolentia* amorem quoque nostri et Dei includit, confundit ea, quae apprime sunt distinguenda, si vero ab utroque praescindit aut utrumque excludit; prorsus inanem aut etiam inordinatam benevolentiam adstruit (2).

(1) Rationes finales quibus in ordine rerum physico solet determinari quid ad cuiusque entis naturalem perfectionem pertineat, considerando videlicet finem ad quem unumquodque eorum fuit ordinatum, si ad moralem ordinem et perfectionem hominis transferantur, nequeunt alio sensu accipi nisi vel relate ad perfectibilitatem humanarum facultatum cujus hae ex sui natura sunt aptae, vel relate ad quemdam finem determinatum cuiilibet homini proprium. Si itaque primo sensu accipi supponantur jam quia perfectibilitas humanarum facultatum est revera illimitata seu indefinita, quaeque in praesenti vita nequit ad terminum perducitur statueretur pro principio juris perfectio acquirenda, quae saltem praesenti humanae naturae imbecillitati est prorsus improporcionata. Quod si alter sensus locum habere dicatur, tunc vel finis cuiilibet homini proprius supponitur quoque esse communis omnibus eandem naturam habentibus (qui nequit esse aliud quam felicitas alterius vitae), et iam non indeterminata perfectio, sed mensura actionum cum fine perfectae felicitatis constitueret primum principium cognitionis legis naturalis; vel finis cuiilibet proprius sumitur juxta peculiarem conditionem et statum uniuscujusque, et jam sicut perfectio ad tales fines requisita est quid indeterminatum et multiplex, ne dicam vagum, ita et principium hujusmodi esset eiusdem conditionis; ideoque ineptum ad id propter quod quaeri et statui solet.

(2) Sunc et alia plura naturalis juris prima principia a philosophis praesertim Germaniae excogitata. Et ut praeteream sententias Bouterweck et Abicht plus minusve a doctrina Kant recedentes et ad illam Krause appropinquantes, quarum prima con-

93 Istud Cumberlandi principium *mutuae benevolentiae* per tria diversa minus universalia exponere conati sunt Bar-

ditionalitatem juris extrinsecam ut Krause admittit, at jus a moralitate, sicut vellet Kant, non sepe; altera vera praeter intentionem Kant, a forma coëxistentiae libertatis omnium cum libertate singulorum jus naturae liberat, et ad conditionis spectantes finem generalem humanae naturae juxta mentem Krause, illud reducit, doctrina Kant praecipue innuenda est. Kant itaque, quem pluribus evolvit et exornat Fichte, pro primo juris naturalis principio, statuit, *aggregatum illarum conditionum, sub quibus libertas extrinseca* (actus enim interni juxta ipsum pertinent dumtaxat ad conscientiam et moralitatem) *singulorum potest coëxistere cum libertate omnium; unde et simile ratione jus naturae definit, et illam censet tantum actionem esse justam, quae a quovis posita nullius laedit libertatem.* At quaeso, quodnam sit istud jus naturale illiusque primum principium, quod a coëxistentia mere extrinseca libertatis desumitur, cum hoc ipsum quaeri potest, quandonam extrinseca libertas juste vel injuste limitetur. Num hoc ipso, quod dum reus ad carceres ducitur vel in iisdem detinetur ejus extrinseca libertas limitatur, talis actio erit injusta? An e contra, e. g. irreligiositas blasphemiae, odia et internae ac occultae turpitudines, etc. quia aliorum libertatem non laedunt, juri naturae contraria non erunt? Verum haec satis sunt, cum vel ipse Ahrens in opere superius memorato (*Cours de Droit naturel*, etc. pag. 69 70. 71.) istud Kantii principium velut mancum et imperfectum rejiciat.

Ahrens vero doctrinam Krause adprobans non minus in se erroneum naturalis juris principium obtrudere conatur, exhibens illud (pag. 74. 75.) *instar aggregati conditionem externarum et internarum dependentium a libertate, et necessariarum pro evolutione et assecutione ordinationis (de la destination) rationalis, individualis et socialis hominis et humanitatis, atque ibidem in-quiens; Cette définition du principe du Droit est la plus complète et la plus satisfaisante de toutes qui ont été données.* Etenim nemo est qui non videt eum hic similiter ac in juris naturalis notione tradenda, sicut jam monuimus (hujus partis cap. 1. art. 1. n. 62. in nota), a vero recedere. Et quia parum refert determinare utrum istud ejus principium relative ad illa a Kant, Bouterweck, Abicht, etc. statuta sit perfectius, quomodo, quaeso, ex eo in se considerato, possint omnia quae ad jus naturae pertinent inferri? Quomodo, vel ipsam veram juris notionem praecontineat? Quenam sunt illae conditiones a libertate dependentes, quae e. g. jus naturale Deum colendi constituunt? Num conceptus juris in genere, aut juris naturae est tantum conditionalis? Num e. g. jus omne patris in filius desineret, si isti debitam illi

beyrac et Burlemaqui, scilicet per *religionem*, unde ea quae Deo, per *amorem sui*, quae nobismetipsis, per *socialitatem* quae proximo debentur, resultant: Heineccius autem per *triplicem amorem*, nempe *Dei, sui, et proximi*, et quidem haud incongrue et diversitali ac naturali moralium legum ordine minus accommodate. Fatendum namque est, diversitatem legum sive praeceptorum naturalium, praesertim ratione objecti, tantam esse, ut aegre admodum, nec sine quadam obscuritate, ad unum primum principium revocari ad eoque dimanare valeant. Unde qui plura hujusmodi prima principia statuunt, defectu quidem scientificae unitatis, minime vero claritatis aut utilitatis, laborant. Porro Heineccii doctrina de triplici amore, praesertim, sicut ipse vellet, sub respectu *universalis benevolentiae* seu *amoris* considerata, inde quoque argui potest, quod cum istud inferat ex necessitate assequendi propriam felicitatem seu fruitionem boni, vel loquitur de indeterminato ac generali, vel de particulari propriae felicitatis amore; si primum, involvit quoque amorem turpem et inordinatum; si aliud, amor Dei et proximi ex intuitu propriae dumtaxat alicujus felicitatis derivans nobiliori motivo destitueretur foretque plerumque valde imperfectus. Insuper amor ut *naturalis propensio* animi in bonum, nequit sub lege quoad existentiam et substantiam cadere, est enim *affectio necessaria*; quoad prosequendi *modum* vero et *objectum* particulare spectatus, est amor particularis, qui respectu nostri et proximi, quibus non possumus frui, felicitatem nostram non constituet; nec proinde ratione sui erit praeceptus: quatenus pariter meram innuit benevolentiam, nequit esse fundamentum eorum officiorum, quae etiam ab invitis sunt praestanda, quaeque humanae societatis conditio exoptulat.

Si autem unicum, ut optima monet Finetti (1), sit statuendum juris naturalis primum principium, hoc ceteris videtur praeserendum *naturalis ordo servandus est*, aut (addimus nos) *eidemaequale, bonum est faciendum, et malum vitandum*, haec namque duo principia sese mutuo excipere, et

subjectionem libere detrectarent? Aut si societas non suppediret extrinseca media, jus illud in filios exercendi? Verum omnia haec, ex insana voluptate nova systemata cudendi, cuncta innovandi, majorumque doctrinas et dicta spernandi necessario proficiuntur.

[1] *De jure natur. et gent.* libr. 7. cap. 6.

velut in unum coalescere evidens est. Et primo quidem animadvertas oportet neutrum eorum principiorum a suis assertoribus sumi *indeterminate*, scilicet pro quovis ordine et bono; secus ad ordinem quoque et bonum *physicum*, ad ordinem *convenientiae* et bona quaeque dumtaxat *utilia* et non necessaria sese extenderent, quod dici non potest; sensus itaque illorum est, *ordo naturalis moralis et debitus servandus est et bonum morale cum naturali vel ultimo hominis sine necessario conexum est prosequendum*, sicut et ejus oppositum *vitandum*: quod si hoc, jam quamvis ordo et bonum in genere sumpta sub omni respectu non convertantur, tamen *ordo moralis debitus*, et *bonum morale necessario conexum cum naturali et ultimo fine hominis*, sunt prorsus unum et idem, solaque diversa concipiendi ratione distinguuntur. Deinde considerandum est, quod sicut *ordo* in directione actionis ad finem, ita *bonum* in apprehensione practicae rationis, quae dirigitur ad opus et assecutionem finis, est *primum*; unde ambo hujusmodi principia veram quandam prioritatem habent relate ad moderandas liberas hominum actiones. Et sane, licet apprehensio debili ordinis in agendo sit prior bono quod inde dimanat, non est tamen prior apprehensione ejusdem ordinis tamquam boni; nam fons non movet ad agendum nisi apprehensus ut bonum, et est quidem ultimus in executione, sed primus (et in casu nostro simultaneus cum apprehensione ordinis moralis debiti) in intentione. Hinc vero colligitur quid esset respondendum; si quis ad vindicandam majorem praestantiam principii, *ordo naturalis servandus*, prae altero, ita argueret: sicut in humanis operationibus actus rationis vel intellectus est prior actu voluntatis, ita et apprehensio debili ordinis est prior apprehensione prosecutionis boni et fugae mali; ergo et principium *ordo naturalis servandus*, est prius altero.

Haec porro duo seu potius *realiter* unum principium, conditionibus insuper primi principii superius expositis apprime gaudet; nam 1^o, cum fundamento legis naturalis seu ratione divinae sapientiae proxime connectitur, veramque proinde et communem obligationis rationem indigitat; 2^o, nullum aliud ante se habet, ex quo tamquam principio legis deducatur; 3^o, unicuique etiam rudi, dummodo sit praeditus ratione, etsi careat abstracta et generali notione ordinis et boni moralis, nequit *practice* esse cognitu difficile, se teneri

ad ea bona praestanda, quae cum ordine naturae, et sine ultimo *necessario* nectuntur; 4^o, tandem, est adaequatum, cum ad ipsum absque ullo negotio, ut per se patet, tria generalia et naturalia hominum officia, erga *Deum seipsum, et proximum*, juxta triplicem generalem naturalis ac necessariae relationis ordinem, reducantur (1). Vide hanc reduc-

(1) Huic triplici distinctioni naturalium officiorum videtur contraria esse doctrina quorundam ex recentioribus sane singularis, quae jus quoddam statuit intercedere inter homines et bruta animalia, illudque deducit ex eo, quod et jus in genere considerat situm *in quadam relatione conformitatis inter actus voluntarios entis rationalis et naturam illius entis ad quod actus isti diriguntur*, et exinde infert hominem debere tractare (traiter) entia animata sicut eorum convenit naturae. In hac sententia est memoratus Ahrens, sic enim loquitur (loco in penult. nota indicato pag. 47). *Un sentiment intime* (contradictorius nostrae conscientiae, ait enim ibidem, *notre conscience attribue des droits seulement à des êtres donés d'intelligence et de liberté*) nous porte à reconnaître quelque droits, même à des êtres qui ne sont donés que de sensibilité, et qui ne possèdent pas la faculté de la raison. On demande qu'on soit juste envers les animaux, qu'on ne leurs fasse pas subir des traitements contraires à leur nature sensible . . . Il faudrait donc prétendre que tous les êtres qui sont donés de raison ou du moins de sensibilité, qui ressentent des plaisirs ou des peines du traitement qu'ils reçoivent de la part d'autres êtres, peuvent posséder des droits. Porro doctrina haec generatim vera non est, non enim in rebus quae sunt homine inferiores earum natura potest esse homine norma quomodo se cum illis gerere debeat, sed potius ipsa omissa natura, siquidem finis est regula mediorum non autem media finis. Numquid jus quoddam naturae violatur, dum in hominum utilitatem quaedam animantia destruuntur, aut etiam gravissimos coguntur subire labores? Hoc certe eorum naturae *per se* minime est congruum. Verum quidem est, quod cum homo simul cum ceteris rebus sit ordinatus ad Deum tamquam ad finem, si illas res tractaret iisque uteretur diversa ratione ac sit conveniens et necessarium ad illius finis prosecutionem et assecutionem, jus naturae violare censendus esset, at hoc non ideo quod egerit contraria ratione naturae eorum entium, sed ordinationi divinae mediorum ad finem. Similiter abusum mediorum ad finem indicat, dum absque ulla nostra necessitate et utilitate quosdam cruciatus aut molestiam brutis animantibus inferimus, arguiturque homo ita operans de defectu mansuetudinis aut de animi crudelitate, non vero de injustitia, nisi quodam improprio sensu: ergo et hic

tionem apud S. Thomam (1).

94. Ex amica utriusque principii associatione, ut est perspicuum, corruunt per se difficultates quae ex alterutra parte poterant proponi. Adhuc tamen potest obijci 1°. Absolute primum principium assignari est impossibile, secus circa hoc tanta doctorum dissensio non haberetur, nec eruditissimi quique hallucinarentur. 2°. Eo etiam constituto, periculum errandi in praxi, et difficultas determinandi veritates intermedias non vitatur; dum interim utrumque commodius obtinetur per plura minus universalia principia.

Respond. ad 1^m. *Neg. Antec.* doctorum namque dissensio et eruditissimorum hallucinatio, non probant quaestionem esse impossibilem, sed ad summum satis arduam, nisi etiam rationem hujus dissensionis et hallucinationis velis ut plurimum repetere a voluptate aliquid novi in re non satis manifesta tradendi.

Ad 2^m. dicimus non vitari quidem utrumque, idque ob imbecillitatem humanae mentis, sed tamen sufficienter imminui si tale ut par est primum principium constituatur; ab eoque, servata unitate scientifica disciplinae, ipsa major facilitas cetera principia ad praxim applicandi plurimum juvatur; quamvis semper relate ad remotiores juris naturae conclusiones plerique rudiores praesertim homines extrinseca egeant institutione.

Dices iterum praeceptum amoris Dei et proximi videtur potius pro primo principio statuendum, cum de hoc dicat ipse Salvator (2): *In his duobus mandatis universa lex pendet*; et Apostolus (3): *Plenitudo legis est dilectio*; (4): *Finis praecepti est charitas*.

Respond. *Disting. Antec.* Amor Dei et proximi dici quidem potest, primum legis etiam naturalis praeceptum quoad dignitatem, non autem primum principium quoad cognitionem; nec aliud verba Salvatoris et Apostoli videntur postulare, quamvis ipsi de praecepto amoris supernaturalis praeceptue loquantur. Dici potest etiam praeceptum primum

ratio inordinationis in actione, et debiti contrarium agendi, desumitur ex relatione ad naturam hominis non autem brutorum.

[1] *Sammae Theolog.* par. 4. 2. quaest. 94. artic. 2.

[2] *Matth.* cap. 22. vers. 40.

[3] *Epist. ad Rom.* cap. 13. vers. 11.

[4] *I. ad Tim.* cap. 1. vers. 5.

omnium quatenus et cetera quaecvis praecepta ordinantur quodammodo ad nostram subjectionem et amorem Deo manifestandum, et *verus ac perfectus* Dei amor subsistere non potest, cum voluntate violandi, vel cum violatione cujuscumque divini, praesertim gravioris, mandati.

PARS TERTIA

DE DIVERSO HUMANI GENERIS STATU, ET PRINCIPIIS JURIS PUBLICI.

95. Quoniam quae de officiis a naturali lege manantibus forent dicenda, magnam relationem habet cum naturali et civili humani generis statu, respectumque aliquem dicunt cum ipsa politica potestate et principiis juris publici, de his omnibus breviter prius disserere constituimus, ut suppositionum, quantum potest fieri numerus decreseat.

CAPUT I.

DE NATURALI ET CIVILI HOMINUM STATU.

96. Cum status hominum in generi sit *certa quaedam et constans conditio* seu *ratio vivendi* status eorum *naturalis* non aliud, ut patet, significare potest, quam *conditionem illam vivendi*, quae ex congenitis humanae naturae constitutivis *simpliciter* dimanant, estque ab ipsa natura *absolute intenta*. Status hic sumitur *proprie* (non enim loquimur de statu naturali quatenus distinguitur a supernaturali cognito ex fide) per oppositionem ad *statum civilem*, qui quamvis et ipse a necessitate quadam humanae naturae profluat, vel saltem eidem apprime conveniat, addit tamen statui naturali conditionem seu modum vivendi dependentem a liberis hominum institutionibus et statutis. Statum hominum naturalem aliter apprehendendo plerique philosophi graviter errarunt vel in ipsa ejus definitione; nos errores eorum refellendo et veram doctrinam vindicando, definitionis quoque datae rectitudinem ostendemus, nisi forte vel ex eo jam sufficienter innotescit, quod si quis statui naturali ea tribue-

tionem apud S. Thomam (1).

94. Ex amica utriusque principii associatione, ut est perspicuum, corruunt per se difficultates quae ex alterutra parte poterant proponi. Adhuc tamen potest objici 1°. Absolute primum principium assignari est impossibile, secus circa hoc tanta doctorum dissensio non haberetur, nec eruditissimi quique hallucinarentur. 2°. Eo etiam constituto, periculum errandi in praxi, et difficultas determinandi veritates intermedias non vitatur; dum interim utrumque commodius obtinetur per plura minus universalia principia.

Respond. ad 1^m. *Neg. Antec.* doctorum namque dissensio et eruditissimorum hallucinatio, non probant quaestionem esse impossibilem, sed ad summum satis arduam, nisi etiam rationem hujus dissensionis et hallucinationis velis ut plurimum repetere a voluptate aliquid novi in re non satis manifesta tradendi.

Ad 2^m. dicimus non vitari quidem utrumque, idque ob imbecillitatem humanae mentis, sed tamen sufficienter imminui si tale ut par est primum principium constituatur; ab eoque, servata unitate scientifica disciplinae, ipsa major facilitas cetera principia ad praxim applicandi plurimum juvatur; quamvis semper relate ad remotiores juris naturae conclusiones plerique rudiores praesertim homines extrinseca egeant institutione.

Dices iterum praeceptum amoris Dei et proximi videtur potius pro primo principio statuendum, cum de hoc dicat ipse Salvator (2): *In his duobus mandatis universa lex pendet*; et Apostolus (3): *Plenitudo legis est dilectio*; (4): *Finis praecepti est caritas*.

Respond. *Disting. Antec.* Amor Dei et proximi dici quidem potest, primum legis etiam naturalis praeceptum quoad dignitatem, non autem primum principium quoad cognitionem; nec aliud verba Salvatoris et Apostoli videntur postulare, quamvis ipsi de praecepto amoris supernaturalis praeceptue loquantur. Dici potest etiam praeceptum primum

ratio inordinationis in actione, et debiti contrarium agendi, desumitur ex relatione ad naturam hominis non autem brutorum.

[1] *Sammae Theolog.* par. 4. 2. quaest. 94. artic. 2.

[2] *Matth.* cap. 22. vers. 40.

[3] *Epist. ad Rom.* cap. 13. vers. 11.

[4] *I. ad Tim.* cap. 1. vers. 5.

omnium quatenus et cetera quaevis praecepta ordinantur quodammodo ad nostram subjectionem et amorem Deo manifestandum, et *verus ac perfectus* Dei amor subsistere non potest, cum voluntate violandi, vel cum violatione cujuscumque divini, praesertim gravioris, mandati.

PARS TERTIA

DE DIVERSO HUMANI GENERIS STATU, ET PRINCIPIIS JURIS PUBLICI.

95. Quoniam quae de officiis a naturali lege manantibus forent dicenda, magnam relationem habet cum naturali et civili humani generis statu, respectumque aliquem dicunt cum ipsa politica potestate et principiis juris publici, de his omnibus breviter prius disserere constituimus, ut suppositionum, quantum potest fieri numerus decrescat.

CAPUT I.

DE NATURALI ET CIVILI HOMINUM STATU.

96. Cum status hominum in generi sit *certa quaedam et constans conditio* seu *ratio vivendi* status eorum *naturalis* non aliud, ut patet, significare potest, quam *conditionem illam vivendi*, quae ex congenitis humanae naturae constitutivis *simpliciter* dimanant, estque ab ipsa natura *absolute intenta*. Status hic sumitur *proprie* (non enim loquimur de statu naturali quatenus distinguitur a supernaturali cognito ex fide) per oppositionem ad *statum civilem*, qui quamvis et ipse a necessitate quadam humanae naturae profluat, vel saltem eidem apprime conveniat, addit tamen statui naturali conditionem seu modum vivendi dependentem a liberis hominum institutionibus et statutis. Statum hominum naturalem aliter apprehendendo plerique philosophi graviter errarunt vel in ipsa ejus definitione; nos errores eorum refellendo et veram doctrinam vindicando, definitionis quoque datae rectitudinem ostendemus, nisi forte vel ex eo jam sufficienter innotescit, quod si quis statui naturali ea tribue-

re vellet, quae a congenitis naturae proprietatibus per se non dimanant, aut etiam eisdem adversantur; vel ea subtrahere, quae necessario sunt cum illis connexa, hoc ipso statum quemdam fictum vel accidentalem, non autem homini naturalem exhiberet.

ARTICULUS I.

DE FALSIS SENTENTIIS CIRCA STATUM HOMINIS NATURALEM.

97. Quod olim ethnicorum poetae vel philosophi somniarunt de statu naturali generis humani, quasi nempe in sui primordiis homines vagam et ferinam, ac ad invicem hostilem vitam longo tempore traduxissent, fusique per sylvas et agros vagarentur, ad pascua exirent, atque arcendae aëris inclementiae causa antra et speluncas peterent, tantumque haberent quantum vi per caedem ac vulnera eripere, aut retinere potuissent, sicut ex Horatio, Lucretio, Platone, et Tullio colligimus, id nostri aevi nonnulli philosophi non solum pro hypothese assumpserunt, sed tamquam thesim tradere non dubitarunt.

Sic Rousseau (1) quamvis, ut scite animadvertit Finetti (2), statum hominum *originarium et primitivum*, scilicet *sylvestrem ac solitarium* exponens, declaret se hypothese et conjecturas proponere, dum ait: "Si ego hominem considero, prout e manu naturae prodire debuit, non aliud video quam animal, quod cibum capit sub quercu, potum ad primum aquae rivum, quietem nocturnam sub ipsa arbore quae victum ipsi suppeditavit" attamen ea postmodum subdit, quae palam faciunt sibi persuasum esse, veram se historiam narrare; inquit siquidem: "O homo cujuscumque regionis sis, et qualescumque sint opinationes tuae, audi: en historiam tuam qualem me legisse pu- to non in libris tuorum similium, qui mendaces sunt, sed in natura, quae numquam mentitur" et rursus "tempora, de quibus verba facere aggredior valde remota sunt: quantum mutatus ab eo es, qui olim eras." Similiter in-

(1) *Discours sur l'origine et les fondements de l'inégalité parmi les hommes.*

(2) In opere superius laudato.

"sanit Hobbesius dum (1) passim asserit, vel *hypothetice*: "Ut redeamus iterum in statum naturalem, consideremus que homines tamquam si essent jamjam subito e terra *fungorum more* (dicere poterat ranarum) exorti et adulti" vel *absolute*: "status naturae status belli est; ac hostis est quisquis cuique cui neque paret, neque imperat... status civitatum inter se naturalis, id est hostilis est." Hujus truculentae sententiae praeformatorem natus est Hobbesius Clivium quemdam Cretensem apud Platonem (2), sectatorem vero saltem ex parte Christianum Thomasium, qui contendit (3) statum hominis naturalem plus participare *de statu belli*, quam *de statu pacis*. Contra hos omnes sit.

PROPOSITIO.

Naturalis status hominum neque est sylvestris, solitarius, belluinoque similis, sicut vellet Rousseau; neque hostilis, seu bellum omnium in omnes, sicut placuit Hobbesio.

98. Ac primo quidem commentum Rousseau nullo negotio refellitur; etenim 1.º Status iste conditionem hominum aequat conditionem brutorum, quia etiam eidem inferiorem statuit, sive facultatum superiorum aliquem expeditum usum hominibus concedat, sive tanto tempore prorsus impeditum supponat; non cognoscere namque suae conditionis dignitatem, brutorum est; cognoscere et tamen brutorum vivere more, est aliquid ipsis brutis deterius. 2.º Commentum hoc falsis innititur suppositionibus; vel dum tribuit hisce hominibus libertatis usum, qui nullus est absque expedita ratione, vel dum a caeca quadam *natura* homines in mundum projici, eorum superiores facultates ab accidentalibus dumtaxat causis evolvi adstruit: quorum primum redolet ethnicorum fabulam de qua disserunt Horatius (4),

(1) *Leviathan, et De cive.*

(2) *De legibus, dialog. 1.*

(3) *Fundam. juris natur. lib. 10. cap. 3.*

(4) *Libr. 1. satyr. 3.*

«Cum prorepererunt primis animalia terris
«Mutum et turpe pecus, glandem atque cubilia propter

Lucretius (1) etc. estque rationali homine idignum; alterum vero etiam naturali caeturarum rerum (2) constitutioni est contrarium. 3.^o Status huiusmodi est oppositus naturalibus exigentiis humanae naturae, cum haec, ipso adversario fatente et experientia teste, capax est ulterioris *perfectibilitatis* tam quoad vitam animalem quam rationalem. Porro homines quantum ad hoc ab intima cum aliis sui similibus communicatione, ut vel ipsa loquendi facultas et plurima exempla seu facta sufficienter indicant (3), dependent, seque ipsos in mille diversis adjunctis ab imminentibus et tali statui necessario adnexis periculis atque certo interitu, in puerili praesertim aetate, servare absque aliorum consortio et expedito rationis usu, non possunt. 4.^o Propter omnes praecedentes rationes, status hic sylvestris et solitarius est indignus quoque sapientia ac bonitate rerum omnium conditoris Dei, eo vel maxime quod in tali statu, ipsa propa-

«Unguibus et pugnibus, dein fustibus atque ita porro
 «Pugnabant armis, quae post fabricaverat usus:
 «Donec verba, quibus voces, sensusque notarent,
 «Nominaque invenero, dehinc absistere bello,
 «Oppida coeperunt munire, et condere leges; etc.

(1) Libr. 5. vers. 923.

«Glandiferas inter curabant corpora quercus,
 «Nemora atque cavos montes sylvasque colebant.

Qua in re animadvertendum est philosophos et poetas ethnicos huiusmodi fabulas de primordiis hominum tradentes, diis accepta referebant, quod tandem ab hac ferina vivendi conditione homines extraxerint; dum interim nostrorum temporum impii ad eadem fabulas recurrunt, ut exinde humanae rationis, quae tantam valuit vitae morumque mutationem efficere, dumtaxat praestantiam summis laudibus exornent.

(2) Si plantarum e. g. et animalium irrationalium naturam investigemus, evidenter constabit, evolutionem proprietatum ipsis naturalium ab accidentalibus causis minime pendere, sed sponte ac *per se* efflorescere; sic arbores germina et fructus generant et ad maturitatem constanter perducunt: sic equi et boves duris laboribus subeundis idonei passim reperiuntur quin imo si haec non accidant, id potius accidentalibus causis sive impedimentis tribuere solemus.

(3) Vide huiusmodi exempla seu facta in *Metaphysica* (Vol. 1. *Psycholog.* cap. 3. artic. 2. prop. 1. n. 63. respond. ad 3. in nota) ex quibus colligitur, pueros extra societatem aliorum hominum sui rationis et loquela praedictorum sive consultos enutritos sive casu quodam derelictos nedum loquela, verum etiam saltem expedita superiorum mentis facultatum evolutione destitutos fuisse.

gatio humani generis vel nulla esse posset, vel tantum accidentalitatis et fortuita, ex defectu permanentis consortii inter virum et mulierem; quodque homo instinctu brutorum destitutos, ab ipsis deberet discere quosdam actus ad conservationem vitae necessarios; atque aut nunquam, aut casu quodam dumtaxat, sicut evolutionem suarum superiorum facultatum ita et essentialem sui finem, cognoscendi et amandi Deum, assequeretur.

99. In commendationem vero suae doctrinae oggerit in primis Rousseau inquiring, statum hunc dici haud posse miserum, alioquin reprehendenda foret natura quae hominem in eo constituisset; nullamque posse supponi infelicitatem in homine illo, *cujus cor tranquillum est, et corpus sanum*; homo enim est naturaliter bonus cum tranquillitas passionum, et ignorantia vitiorum eum a multis inordinatis operationibus removeret; vividusque commiserationis sensus, in eo vices legibus, consuetudinis virtutumque omnium obiret, atque ab omni inferenda injuria suaviter avocaret, venerandamque ac coelestem illius simplicitatem constitueret.

Respond. primo, haec aliaeque ejusdem generis rationes dumtaxat hominibus ipsi Rousseau similibus cupiditatem quatuor pedibus gradiendi ingerere poterunt. Deinde, quis non videt naturane potius, quam ille qui talem fingit naturam reprehendendus sit? Potestne major dari infelicitas, quam naturam rationalem rationis usu carere, aut major esse dementia, quam cordis tranquillitatem, immunitatem, a passionibus etc. a belluina stupiditate dimanantes, inter dotes praestantissimas naturae rationalis recensere, illiusque perfectibilitatem et facultatum superiorum evolutionem, tamquam fontem omnium malorum habere? Sensus commiserationis (si tamen revera haberetur, aut a simplici cujusdam sensibilis mali horrore distingueretur) utcumque vividus, rationis usum non supponens, quid poterit addere homini supra conditionem brutorum? Aut quomodo arceret ab inferenda injuria, quae in tali statu non cognosceretur?

At urget Rousseau. In statu naturali expoliandus est homo omnibus facultatibus artificialibus, quas non nisi multiplici profectu sibi comparare potest; hoc posito, remanebit animal sylvestre solis instructum sensationibus, etc.

Respond. Neg. Antec. generaliter sumptum. Etenim, quare ex. gr. expedita facultas cognoscendi et ratiocinandi dici debeat artificialis, et a naturali statu excludi, si rectam na-

turae conformationem naturaliter consequitur? Num etiam physicarum virium augmentum, membrorumque corporis agilitas ac firmitas major, decursu temporis vitae acquisita dicitur artificialis? Natura igitur hominis erit *absoluta* seu, *mera* potentia; quod ipsis adversarii principiis, relate ad animalitatem adversatur. Aliud namque est, quod in statu mere naturali non debeant supponi in homine eae conditiones et perfectiones quae limites verae necessitatis sive exigentiae naturalis excedunt, sicut superius monuimus (1); aliud vero est contendere, excludendam esse a tali statu omnem naturalis perfectibilitatis reductionem ad actum, etiam quae fieri solet ab arbitrariis hominum inventionibus et statutis independenter. Quod si exempla hominum fortuito in sylvis vel extra societatem enutritorum ostendunt, eos vel ipso rationis usu fuisse destitutos, id adversarii doctrinam nōdum firmat, sed potius evertit. Statim enim atque huiusmodi homines ex congressu et intima societate cum aliis signa arbitraria vel voces addiscunt, citissime expeditum superiorum facultatum usu manifestant; quod evidentissime evincit hominem ex sui natura, ad vitam socialem non vero ad sylvestrem et solitariam ordinatum esse; eodemque modo ipsi, ut vivat tamquam animal rationale, debere esse congenitam et non acquisitam socialitatem, quam expeditum saltem aliquem rationalitatis usum.

Hinc parum prodesset addere, absque loquelae subsidio homines non posse societatem inire, nullamque loquelam esse *naturalem*, sed arbitrariis coalescere vocibus, quarum determinatio saltem ideas universales ad ratiocinationem necessario requisitas antecedere debet; homines itaque in statu mere naturali erant elingues sine usu rationis, et instar brutorum in sylvis errantes. Etenim respondetur: voces quidem determinatae non sunt hominibus naturales, at facultas loquendi ejusdemque aliquis usus prorsus naturalis dici debet; fatendum namque est, hominum elinguum et rationis usu destitutorum congressus potuisset dumtaxat fieri fortuito, humanaeque societatis speciem nullatenus habituros; unde si vita socialis a subsidio loquelae, et efformatio loquelae ac expeditus usus rationis a se mutuo dependeant, dicendum est potius homines in suo originario statu omnia haec in aliquo perfectionis gradu habuisse, quam meris facultatibus nul-

(1) Initio hujus capituli, in definitione status naturalis.

quam forte ad actum reducendis ac proinde frustrancis, praeditos vagam ac sylvestrem duxisse vitam.

100. Veniamus nunc ad commentum Hobbesii, in quo illud primo loco vehementer reprehendendum est, quod naturalem hominum conditionem ipsis truculentissimis feris, quae in individua propriae speciei minime saeviunt, statuatur pejorem; quodque hoc ex naturali hominum constitutione deducere satagens, gravissimam injuriam divinae bonitati ac sapientiae irroget. Deinde ut vera foret opinio Hobbesii oporteret hominem natura sua esse animal *ferox*, *nocendi cupidum*, propriae vitae *prodigum*, ad quaevis pericula subeunda *paratum*; cum tamen experientia ostendit, plerisque hominum esse *mītes*, indolis *pacificae*, ab inferendis injuriis *alienos*, propriae conservationis *amantes*, maximeque *timidos*, atque ab ipsa natura inermes, nudos et imbecilles, aliorumque sibi similium amica ope agentes, in hanc lucem editos. Praeterea, status violentus et rationi contrarius nequit esse homini naturalis, qualis profecto foret status perpetui belli nullam rationabilem causam et finem habentis; cum homines, sicut et cetera omnia entia praesertim animata, ut probat S. Thomas (1), naturaliter appetant *pacem* tamquam *ordinis tranquillitatem*, quam vel ipsi bellum gerentes inquirunt, seque ea privatos conquerunt. Insuper bellum omnium in omnes adversatur mutuo amori et benevolentiae, ad quam homines sunt naturaliter comparati, dum vel ipsi pueruli etiam ignoti sibi occurrentes blande ad invicem accedunt, ludorum suorum aliis participatione facta oblectantur, graviterque ferunt ab aliorum consortio avelli; et ceteri homines ratione utentes amant vel ignotis, saltem in gravi necessitate subenire; ab errore ex gr. viae revocare, a casu erigere, etc. idque fundatur in *naturali speciei similitudine*, ex qua, ut loquitur S. Thomas (2), *affectus unius tendit in alterum, sicut unum sibi, et vult ei bonum sicut et sibi*; nam propter eam homo in altero homine

(1) *Summae Theolog.* part. 2. 2. quaest. 29. artic. 2. Pacem, sicut eam definit s. Augustinus, consistere in *ordinis tranquillitate*, facile colliges a posteriori, si animadvertas omnium perturbationum causas e. g. in homine, inde unice dimanare, quod non servetur quidam ordo in aliqua ex tribus necessariis relationibus naturalibus, quas homo habet, scilicet, ad *semetipsum*, ad alios *homines* vel *creaturas*, et ad *Deum*.

(2) *Ibidem* part. 1. 2. Quaest. 27. artic. 3.

videt sui imaginem, sui autem imagine quis est qui non deletur illamque non diligit, et quidem pro majori sive verae sive etiam fictae similitudinis ratione detecta? Hinc et Tullius (1) inquit: *Naturae propensi sumus ad diligendos homines*; et Ecclesiastes ait (2): *Omne animal diligit simile sibi, sic et omnis homo proximum sibi.*

Tandem falsis atque absurdis principiis sententia Hobbesii nititur; nam ex eo quod in statu naturali unusquisque hominum *jus* haberet ad sui conservationem, quodque de mediis ad id necessariis quisque pro se ipso esset *judex* cum *aequalis naturae* sint omnes, infert, quemque *judicaturum*, ad sui conservationem necessarium esse omnia possidere, et omnia facere contra omnes; unde in tali statu bellum omnium in omnes, dum alter jure invadit, et alter jure resistit. Verum dato etiam antecedente, consequens non descendit; nam conservationi vitae humanae ejusque *naturalibus* exigentiis admodum pauca sufficiunt, nec recta ratio aliter judicare potest; erroneum autem *judicium* nec potest in omnibus supponi, nec ullum *jus* omnibus ad omnia tribueret, cum praeterea tale *jus* se ipsum destruat atque ad invicem elidat, nec a natura rationali vel ejus auctore manare queat. Dici quidem solet, in *primigenio statu*, et ante hominum consensum circa divisionem sive occupationem rerum, *omnia bona fuisse communia*, sed istud intelligitur vel *negative* tantum, quatenus natura per se nihil in particulari circa hujusmodi divisionem determinat; vel *positive* etiam, at quatenus ex omnibus dumtaxat distributive acceptis, aliquid cuique pro lubito in proprietatem cedere potuerit, quod profecto *jus omnium in omnia* ad mentem Hobbesii non constituit. Antecedens insuper falsum est, nam *jus* se ipsum conservandi etiam in statu naturae, nequit esse adeo illimitatum, ut nullum respectum habeat ad majus bonum, et rationales obligationes erga Deum et caeteros saltem proximos parentes; quorum pariter *judicium* circa media ad conservationem filiorum necessaria a naturali statu nequaquam excluditur.

101. Oppones autem ex Hobbesio [3] 1°, *Virium inter*

[1] *De legibus* lib. 1. cap. 16. similique utitur in eadem rem argumento, cap. 10. et 41. Idem quoque praestat. *De Offic.* lib. 1. cap. 16.

[2] Cap. 43.

[3] *De Cive* Cap. 4.

homines *aequalitatem*, cum facile sit *infirmissimo* cuique (ratione majori sagacitatis) *robustiorum* occidere; et *mutuam voluntatem laedendi*, qua fit ut superbi et ingenii ferocis, ob *inanem gloriam et falsam virium aestimationem*, modestiores vero propter *necessitatem* se suasque res *defendendi* assidue ad mutuam certamen seu bellum concitentur.

Respond. *Neg. omnia.* Supposita virium *aequalitas*, etiam per adjectum sagacitatis et industriae supplementum, non subsistit; cum certum sit, plerosque hominum vi naturalis eorum conformationis, tum corporis robore tum praesentia et sagacitate ingenii passim destitui, sicut e contra quosdam alios simul quoad utrumque eminentes esse. Similiter *mutua haec laedendi voluntas* est figmentum imaginationis, et praconceptae ferocitatis in hominum natura. Num enim utcumque superbus, etiam occurrente dubio de virium aequalitate, ob solam inanem gloriam vel falsam apprehensionem, vitam discrimini objiciet? Num qui modestioris est animi, *permittitque ceteris eadem omnia quae sibi, ob naturalem aequalitatem*, tam suspiciosus erit, ut continuo ad propulsandas injurias se pareat? Quid quod, ipsa aequalitas vel inaequalitas virium homines ad pacem potius quam ad bellum propensos efficeret: *aequalitas*, utpote spem victoriae et praecminentiae adimens, vel valde dubiam relinquens; *inaequalitas* utpote fortiores de se suisque rebus *securos*, debiliores *timidos* reddens. Insuper supposita virium aequalitas inepte prorsus infertur ex hisce praemissis: *aequales sunt, qui aequalia contra se invicem possunt: at qui possunt maxima, nimirum occidere, aequalia contra se invicem possunt: ergo, etc.* quandoquidem et *aequalitas* virium, non solum ex objecto actionis, sed ex modo et facilitate agendi colligitur, et *occidere* aliquem, est quidem maximum nocumentum, at forte, spectatis adjunctis, exiguum dumtaxat operum eorum, ad quae vires humanae valent se porrigere.

Non sunt majoris ponderis, quae deinceps Hobbesius in subsidium sui comenti eruit *ex discordiarum causis et tumultu passionum*. Etenim 1°, inter doctos dumtaxat locum habere solet *certamen ingeniorum*, quod ultra verborum contentionem communiter non se extendit, odiumque ex *dissensione aut non consensione* profectum, sicut facile in quibusdam interdum concitatur, ita haud aegre deponitur. 2°, *voluptas* quoque et *animi alacritas* in magnifica sui ipsius aesti-

timatione, indeque dimanans *verbis aut gestu* aliorum contemptus, cum non nisi in hominibus abjecti et vilis animi communiter deprehendantur, vel saltem animum talem supponant, ad risum potius ceteros prudentiores provocant, et commiserationis sensum ingerunt, quam *libidinem* ulciscendi et laedendi excitant. 3^o, simultanea pariter plurium appetitio ejusdem rei, quam nec *dividere*, nec eadem in communi frui possent, in naturali statu locum frequenter non haberet, cum et tot bona naturalia hujus mundi, naturalibus cujusque exigentis abunde satis facerent, et in eo statu magni habitatorum congressus non haberentur. Tandem omnes istae perturbationum causae, ut per se patet, sunt particulares, et non a praescripto rationis sed a corruptione morum aliisque accidentalibus eventis dimanantes; unde nec universalem nec naturalem statum belli omnium in omnes inducerent. Hinc etiam contra Thomasia colligitur, nullam esse rationem, cur hominum status naturalis deberet saltem *magis esse bellicus*, quam *pacificus*; cum bellum non nisi per accidens dumtaxat in eo haberetur, vel deberet haberi.

102. Ad experientiam denique provocat Hobbesius, ex qua, inquit, constat quemvis privatum dum *iter ingreditur comites* quaerere, *arma* gestare noctu *fores* claudere, etc. reges vero et summa potestate praeditos ad invicem semper *suspectos esse*, *more gladiatorio stantes armis stipati*, *praesidiis ad regnorum confinia collocatis* etc. quae omnia conditionem belli, et *hostilem* cujusque erga alterum animum demonstrant.

Respond. Haec omnia non nisi homini prorsus ignaro difficultatem facessere possunt: aliud namque est omnes loco hostium habere, quod indolis ac animi maligni foret; aliud prudenti anticipatione damni periculum, quantum in nobis est, cavere. Quid enim, nonne certum est, aliquos ubique inter homines dari propter corruptionem morum ad nocendum paratos, eorumque animos nemini perspectos esse? Similiter principes eum ignorent quid aliorum principum in corde lateat, et quid in posterum foveri poterit, prudentissime ac justissime exploratoribus utuntur, praesidia collocant, etc. quin propterea animum hostilem contra omnes foveant. Insuper, istud Hobbesii argumentum nimis probat, sequeretur enim nedum statum *naturalem* sed et *civilem* esse bellum omnium in omnes.

ARTICULUS II

DE VERA DOCTRINA CIRCA NATURALEM ET CIVILEM
HOMINUM STATUM

103. Articulo praecedente quid non est naturalis hominum status ostendentes, indeterminate pariter ac quasi negative illum definivimus, scilicet per oppositionem ad statum civilem, nunc veram illius constitutionem inquirendo, respicimus quoque hypothese[m], ejusque necessitatem, fictam a Pufendorffio ad statum naturalem explicandum, cum ait (1): *Fingendus nobis est homo undecumque in huncce mundum projectus, ac sibi soli plane relictus citra omne subsidium humanum post natiuitate ipsi accedens.....neque eundem peculiari Numinis cura foveri.* Etenim homo, ut recte animadvertit noster P. Ignatius Schwarz [2], sicut in *statu naturali*, per se loquendo, concipi debet, vel sponit *curam Numinis* tamquam creatoris in statu physice perfecto eum constituentis, proindeque cum ipsa informatione legis naturalis ceterisque dotibus necessariis ad vitam rationalem recte instituendam; vel includit, praecindendo a sola creatione, educationem naturalem parentum, usque dum infans *rationis* compos satis sibi sufficiat ad vitam tam animalem quam rationalem, si minus commode, saltem sicut hominem decet, ducendam. Etsane, haec ex ipsa constitutione humanae naturae dimanantia, naturalem statum non mutat, et fictio hominis a naturali cura Numinis soluti, soloque sensuum impetu; ac caeca effraenique passionum libidine rapti, non solum est indigna rationali natura, et Hobbesii vel Rousseau impietatem redolet, verum etiam facile inde posset inferri, *Deum non potuisse ab initio talem creare hominem, qualis nunc nascitur*, quod est falsum, et communi doctorum sententiae contrarium [3]. Similiter naturalis status hominis

(1) *De jure natur et gent.* libr. 2. cap. 2. §. 2.

(2) *Institut. juris publ. univers. naturae et gent.* part. 1. tit. 2. instr. 1.

(3) Quia homo in hujusmodi statu naturali a Pufendorffio excogitato foret conditionis miserimae ipsisque brutis inferioris, sicut ipse Pufendorffius fatetur plurimumque exaggerat, ut in ed

timatione, indeque dimanans *verbis aut gestu* aliorum contemptus, cum non nisi in hominibus abjecti et vilis animi communiter deprehendantur, vel saltem animum talem supponant, ad risum potius ceteros prudentiores provocant, et commiserationis sensum ingerunt, quam *libidinem* ulciscendi et laedendi excitant. 3^o, simultanea pariter plurium appetitio ejusdem rei, quam nec *dividere*, nec eadem in communi frui possent, in naturali statu locum frequenter non haberet, cum et tot bona naturalia hujus mundi, naturalibus cujusque exigentis abunde satis facerent, et in eo statu magni habitatorum congressus non haberentur. Tandem omnes istae perturbationum causae, ut per se patet, sunt particulares, et non a praescripto rationis sed a corruptione morum aliisque accidentalibus eventis dimanantes; unde nec universalem nec naturalem statum belli omnium in omnes inducerent. Hinc etiam contra Thomassium colligitur, nullam esse rationem, cur hominum status naturalis deberet saltem *magis esse bellicus*, quam *pacificus*; cum bellum non nisi per accidens dumtaxat in eo haberetur, vel deberet haberi.

102. Ad experientiam denique provocat Hobbesius, ex qua, inquit, constat quemvis privatum dum *iter ingreditur comites* quaerere, *arma* gestare noctu *fores* claudere, etc. reges vero et summa potestate praeditos ad invicem semper *suspectos esse*, *more gladiatorio stantes armis stipati*, *praesidiis ad regnorum confinia collocatis* etc. quae omnia conditionem belli, et *hostilem* cujusque erga alterum animum demonstrant.

Respond. Haec omnia non nisi homini prorsus ignaro difficultatem facessere possunt: aliud namque est omnes loco hostium habere, quod indolis ac animi maligni foret; aliud prudenti anticipatione damni periculum, quantum in nobis est, cavere. Quid enim, nonne certum est, aliquos ubique inter homines dari propter corruptionem morum ad nocendum paratos, eorumque animos nemini perspectos esse? Similiter principes eum ignorent quid aliorum principum in corde lateat, et quid in posterum foveri poterit, prudentissime ac justissime exploratoribus utuntur, praesidia collocant, etc. quin propterea animum hostilem contra omnes foveant. Insuper, istud Hobbesii argumentum nimis probat, sequeretur enim nedum statum *naturalem* sed et *civilem* esse bellum omnium in omnes.

ARTICULUS II

DE VERA DOCTRINA CIRCA NATURALEM ET CIVILEM
HOMINUM STATUM

103. Articulo praecedente quid non est naturalis hominum status ostendentes, indeterminate pariter ac quasi negative illum definivimus, scilicet per oppositionem ad statum civilem, nunc veram illius constitutionem inquirendo, respicimus quoque hypothesim, ejusque necessitatem, fictam a Pufendorffio ad statum naturalem explicandum, cum ait (1): *Fingendus nobis est homo undecumque in huncce mundum projectus, ac sibi soli plane relictus citra omne subsidium humanum post natiuitate ipsi accedens.....neque eundem peculiari Numinis cura foveri.* Etenim homo, ut recte animadvertit noster P. Ignatius Schwarz [2], sicut in *statu naturali*, per se loquendo, concipi debet, vel sponit *curam* Numinis tamquam creatoris in statu physice perfecto eum constituentis, proindeque cum ipsa informatione legis naturalis ceterisque dotibus necessariis ad vitam rationalem recte instituendam; vel includit, praecindendo a sola creatione, educationem naturalem parentum, usque dum infans *rationis* compos satis sibi sufficiat ad vitam tam animalem quam rationalem, si minus commode, saltem sicut hominem decet, ducendam. Etsane, haec ex ipsa constitutione humanae naturae dimanantia, naturalem statum non mutat, et fictio hominis a naturali cura Numinis soluti, soloque sensuum impetu; ac caeca effraenique passionum libidine rapti, non solum est indigna rationali natura, et Hobbesii vel Rousseau impietatem redolet, verum etiam facile inde posset inferri, *Deum non potuisse ab initio talem creare hominem, qualis nunc nascitur*, quod est falsum, et communi doctorum sententiae contrarium [3]. Similiter naturalis status hominis

(1) *De jure natur et gent.* libr. 2. cap. 2. §. 2.

(2) *Institut. juris publ. univers. naturae et gent.* part. 1. tit. 2. instr. 1.

(3) Quia homo in hujusmodi statu naturali a Pufendorffio excogitato foret conditionis miserimae ipsisque brutis inferioris, sicut ipse Pufendorffius fatetur plurimumque exaggerat, ut in ed

cum non solum statui civili, sed et conditioni brutorum debeat esse oppositus, nedum excludit sed supponit aliquam culturam sive alienam per parentum, quibus filii naturaliter subjiuntur, educationem, sive propriam, per successivam facultatum evolutionem et inventa ac adminicula rationis, ab ejus naturali perfectibilitate profectam: atque hinc ista etiam status naturalis definitio, *conditio hominum inter se aequalium, neque alterius, quam creatoris arbitrio, legibusque subjectorum*, est aliquatenus deficiens, vel ex eo quod et omnem prorsus dependentiam unius hominis ab altero excludat et ab omni sociali nexu praescindat. His praejectis statuitur.

PROPOSITIO

Naturalis hominum status est socialis ac domesticus, ab eoque naturaliter dimanat ipse status civilis.

104. Assertio quoad primam partem patet ex eo 1^o, quod cum homo, suadente ipsa naturali ratione, sive vir fuerit, sive mulier, tam quoad animam quam quoad corpus, nequeat esse nisi opus Dei (1), cumque ordo naturalis

principium socialitatis summopere commendat ejusque praestantiam et utilitatem evincat, patet, quod si status ille hominis fuisset revera a natura ipsa praefinitus, homo cum suis dumtaxat naturalibus dotibus consideratus, foret opus Deo indignum, ideoque talis qualis nunc est et nascitur (excepta etiam depravatione quatenus ex peccato procedit), non potuisset e manu Dei prodire, sive creari.

(1) Vide quae in *Metaphysica* dicuntur [*Psycholog.* cap. 2. artic. 2. nn. 37. 38. 39.] de creatione animae humanae, et [*Cosmolog.* artic. 1. nn. 2. 3. 4.] de creatione materiae; quibus si addas mirabilem prorsus modum quo natura sive compositum humanum ex duplici toto genere diversa substantia coalescit, nec non ipsam corporis humani ejusque singularum organorum conformationem sive structuram, excedentem limites creatae intelligentiae, habentemque relationem atque nexum cum omnibus lege physicis naturae legibus, e. g. cum lucis reflexionibus et refractionibus, aëris undulationibus, reflexionibus, pondere, etc. cum effluviis corporum odoriferorum, saporum, etc. proindeque

propagationis humani generis virum et faeminam postulet, et homo infans sibi derelictus necessario interiturus esset, sequitur Deum in prima hominis origine, creasse hominem saltem in juvenili aetate, ratione expedita praeditum; eidemque propter propagationem humani generis sociam mulierem addidisse; unde homo a sui origine in domestica, ut ita dicam inchoata, societate constitutus fuerat; id porro requirebat futurae propagnis conditio; infantes namque oriuntur usu rationis destituti, seque conservandi ac perficiendi a semetipsis prorsus insufficientes, longaque cura parentum, donec ad perfectum hominis statum, tam in vita animali quam rationali, perveniant, egentes; atque haec parentum inter se et cum filiis permanens societas, sive unio, (vaga enim procreatio prolis utpote convenientem ejus educationem impediens, est contra jus naturae, (1) S. Thomam) vitaeque communis, quam naturalis amor et gratitudo confirmat, atque naturali viri seu patris superioritate ac directioni subicit (2), constituit naturalem societatis domesticae statum ex conjugali, et paterna societate coalescentem.

2^o Faculas naturalis loquendi, quae ad intimas animi affectiones aliis patefaciendas naturaliter ordinatur (nemo enim sibi ipsi loquitur verbis oris), eundem naturalis societatis statum arguit, cum de lege ordinaria non aliter discunt loqui infantes nisi alios loquentes audiendo. Si vero etiam possibilitatem efformandi loquelam, nulla supposita

supponentem horum omnium perfectissimam cognitionem in illius auctore, manifestum erit id quod nunc asserimus.

(1) *Contra gent.* libr. 3. cap. 122.

(2) Huic naturali superioritati viri seu patris, quae vel ex ipsa majori prudentia, corporis et animi firmitate, atque extrinseca quadam auctoritate satis colligitur, minime adversatur, quod interdum mulieres inveniantur viris prudentiores animumque revera virilem gerentes; ordo namque naturalis respicit id quod in rerum constitutione communiter accidere solet, non autem illud quod tantum per accidens. Hinc vero frustra prorsus quidam recentiores philosophi adlaborant, ut hanc praecminentiam naturalem sane quamvis non essentialem, viris prae mulieribus adimant, et ab humana societate exulandam esse doceant; hoc namque praeter dicta communi et universali omnium nationum et populorum consensui adversatur, videturque etiam contrarium esse divino eloquio (*Geneseos* cap. 3. vers. 16.) dicenti de muliere; *sub viri potestate eris, et ipse dominabitur tui*.

auditione vocis articulatae, velles inficiari (1), metaphysice certam haberes probationem, nedum primos homines expedita loquendi facultate praeditos e manu Dei prodiisse (quod apprime congruit cum ipsis sacris litteris, vide Genesios. cap. 2. vers. 19. 20. 23.), sed etiam absoluta necessitate, ne posterius *mutum et stupidum forent pecus*, in societate fuisse constitutos.

3°. Eandem naturalem status socialis exigentiam evincit ipsa totius vultus humani conformatio, vocisque modulatio aptissima ad internos animi motus aliis manifestandos, similesque affectus in illis ciendos; quorum motuum seu affectionum talis est naturalis constitutio, ut e. g. gaudium nostrum non judicemus plenum, nisi alios nobis congaudentes videamus, doloremque aut tristitiam nostram, nihil melius aliorum commiseratione imminuat; amicorum praeterea congressiones et colloquutiones speciem cujusdam societatis praeserentes, mira quadam suavitate animum perfundere solent.

4°. Tandem id ipsum eruitur, cum S. Thoma (2), ex identitate finis et objecti omnibus hominibus communis. Sic autem arguit S. Doctor ex primo: "Oportet enim unionem esse affectus inter eos quibus est unus finis communis; communicant autem homines in uno ultimo fine beatitudinis ad quem divinitus ordinantur: oportet igitur quod uniantur homines ad invicem mutua dilectione" et per consequens mutua societate: ex altero autem: "Finis divinae Legis est ut homo Deo adhaereat; juvatur autem unus homo in hoc ab alio, tam quantum ad cognitionem, quam etiam quantum ad affectionem: juvant enim se homines mutuo in cognitione veritatis, et unus alium provocat ad bonum et retrahit a malo ... oportuit igitur lege divina ordinari societatem hominum ad invicem".

105. Si multiplicatis hominibus, singulae familiae huc et illuc dispersae in domestica dumtaxat societate, et sub patrifamilias regimine viverent, absque mutua relatione distincta ab officiis legis naturalis (haec enim officia, e. g. non

[1] Id praestari potest sub quibusdam tamen conditionibus necessario servandis, quas vide si vacat cum tota simul hac de re doctrina breviter expositas in *Metaphysica* [vol. 1, *Psycholog.* cap. 3. art. 2. prop. 1. n. 63. respond. ad 3 in nota].

[2] *Contra gent.* lib. 3. cap. 117 et 128.

laedendi, in extrema saltem necessitate juvandi, etc. tunc etiam, nedum ab individuis singularum familiarum, sed et ab una familia relate ad aliam, sive ab individuis unius familiae relate ad individua alterius, servanda essent), forent in statu mere naturali; quia hic est tantum hujus status, sicut nunc consideratur, verus conceptus. Ita vero quandoque homines vixisse [excepta prima familia in initio mundi, et superstite familia post universale diluvium] non est existimandum; nam ejusdem rationalis naturae ductu ad societatem quoque domestica nedum utcumque ampliosem sed et quibusdam peculiaribus familiarum ad invicem relationibus seu nexibus constitutam, id est *civilem* ordinamur. Etenim ex affectu naturali erga propinquos, et ex desiderio mutui in opportunitate auxilii, nepotes et pronepotes, alias familias a paterna distinctas et separatas efformantes, societatemque domesticam instituentes, omnem certe relationem nexus, ac vicinitatem cohabitationis non solum non respuisse, sed etiam quaesivisse censendi sunt, supposita praesertim majori dexteritate et capacitate in provectoribus aetate rei domesticae curandae, pluribusque probabiliter aut etiam certo cognitilis casibus, valetudinis ex. gr. infirmae, etc: in quibus una familia alterius ope egeret. Ex hac vicinia cohabitationis dimanavit vicus, deinde pagus, urbs, ac demum *civitas*, quae juxta Aristotelem est, *civium multitudo ipsa per se sibi satis, ac sufficiens ad bene beateque vivendum*, seu magis explicite et forte melius, *communitas satis magna hominum, unitate finis communis, eadem suprema auctoritate, iisdemque legibus devincta*; differtque ab *urbe*, quam faciunt eadem moenia et tecta: hinc una civitas multas urbes et oppida comprehendere potest.

Exposita ratio naturalis processus et augmenti in humana societate, ostendit quoque quam valide rem eandem probet S. Thomas (1) ex assumpta naturali societate domestica, inquit: «Vicinia domorum, quae est vicus maxime videtur esse secundum naturam. Nihil enim est magis naturale quam propagatio multorum ex uno in animalibus, et hoc facit vicinia domorum. Hos enim qui habent domos vicinas, quidam vocant collactaneos puerosque..... quod filii et nepotes multiplicati instituerunt diversas domos justa se habitantes. Unde cum multiplicatio prolis sit

(1) *Politic.* libr. 1. lect. 4.

«naturalis sequitur quod communitas vici sit naturalis». De civitate vero quae ex vicis coalescit sic inquit: «Finis rerum naturalium ex natura ipsarum (*principia enim quae ad naturam entis constituendam concurrunt respiciunt eam ut finem*). Sed civitas est finis praedictarum communitatum, ad quibus ostensum est quod sunt naturales, ergo civitas est «naturalis.»

106. Id ipsum ulterius inde eruitur, quod natura *per se* inclinatur ad id quod est perfectius; status autem et societas civilis perfectior est aliis, cum sit communitas principalior, et intendat bonum commune quod est praestantius bono unius vel particulari: quodque cum omnis communitio hominum ordinatur ad aliquid necessarium vitae illa erit perfectior communitas quae ordinatur ad hoc ut homo habeat sufficienter non solum ad vivendum, sed ad bene vivendum; talis autem est civitas, in qua propter ordinatam multitudinem hominum artes saltem magis necessariae excernuntur, vitaeque hominum ad virtutem per leges civitatis ordinatur. Confirmatur quoque ex eo, quod licet inter omnes homines sit perfecta naturae specificae aequalitas et similitudo, non in omnibus tamen invenitur (hoc argumento nonnulli adstruunt statum herilem) idem gradus intensionis et extensionis naturalium perfectionum, alii enim plus possunt viribus mentis, alii corporis; unde ille qui propter sapientiam potest plura praevidere et excogitare necessaria ad vitam bene et commode ducendam vel a periculis arcendam, non posset plerumque finem assequi deficientibus corporis viribus, nec ille qui fere solis abundat corporis viribus posset idipsum habere, nisi alterius prudentia regatur, ab ipsoque dependeat (1). Porro ista capacitas et necessitas quaedam

(1) Antiquioris philosophi usi sunt argumento isto ad probandum, statum servitutis esse inter homines naturalem, ideoque etiam statum domesticae societatis, ex conjugali, paterna et herili societate coalescentem spectabant; quasi nempe natura *positive* exigente quidam homines aliorum servituti [diversas servitutis species ejusque originem inferius indicabimus] deberent subijci, quod propter dignitatem et specificam rationalis naturae in omnibus aequalitatem locum non habet nec potest *per se* habere. Atque hic gratulamur H. Ahrens quod in opere superius memorato (pag. 133). merito animadvertat in ratiocinationem Aristotelis (*Politic.* lib. 1. cap. 2.) contententis servitutem quorundam hominum esse de necessitate humanae naturae; non possumus

mutuae dependentiae hominum, orta ex ipsa naturalium donorum differentia, quae est fundamentum diversae hominum conditionis in vita sociali ac civili, manifeste ostendit

tamen eidem subscribere circa ea, quae habet (pag. 126.) de naturalium proprietatum inaequalitate supposita etiam specifica humanae naturae aequalitate, videtur enim hujusmodi inaequalitatem unice repetere a causis mere *extrinsecis*, scilicet ab inaequalitate facultatum evolutione per propriam cujusque liberam activitatem, istiusque applicationem ad diversa objecta, etc. quod certe non est universaliter verum, tum propter rationes in *Metaphysica* expositas (vol 1. *Psychol.* cap. 3. artic. 5. n. 83.), cum etiam quia sicut frequens docet experientia, quidam hominum licet maximo conatu eorum liberam activitatem exerceant applicentque ad studium e. g. matheseos, musices, picturae, etc. nihilominus nullatenus in eo proficiunt, dum interim alii quidam absque ullo fere negotio ad magnam vel summam perfectionem pertingunt. Aliqui igitur *intrinseci* quamvis accidentales, inaequalitatis gradus inter naturales hominum dotes sunt admittendi, qui simul diversae hominum conditionis, diversaeque eorum ad officia societatis obeunda aptitudinis fundamentum constituunt. Porro absque hac conditionum differentia socialis et praesertim civilis status, qui est corpus quoddam morale subsistere nequit, ut per se patet, illiusque ortus ab ipsa naturalium aptitudinum inaequalitate satis ostendit, et hominem esse propter statum socialem et civilem, et hunc utrumque propter hominem; quatenus nec naturalibus hominis exigentis ac aptitudinibus posset convenienter satisfieri nisi in tali humana societate, et haec nullatenus existeret, nisi coalesceret ex hominibus, qui diversis muniis e. g. culturae agrorum, artium, scientiarum, etc. addicti, se mutuo juvarent in communis omnium et singularis individuorum felicitatis prosecutione.

Qui hanc *intrinsecam* naturalium proprietatum *differentiam* non agnoscit, sed omnibus indiscriminatim hominibus quemvis perfectionis et dignitatis gradum in societate assequendum spondit, is nec bono communi societatis, nec individuorum tranquillitati satis prospicit; semel namque omnibus injecta spe ad quemlibet perfectionis gradum et quodlibet conspicuum officium suis conatibus perveniendi, nemo civium sorte sua contentus esset, pacateque coleret socialitatem. Atque hoc quoque, portendere videtur Ahrens, dum loco nuper indicato de omnium indiscriminatim hominum facultatibus ait: *Elles peuvent se développer toutes dans leurs idées religieuses, dans les sciences, les arts, l'industrie, et la vie politique, et atteindre tous les buts rationnels de l'homme.*

naturalem hominis aptitudinem ad statum civilem; naturalis autem aptitudo sine naturali propensione frustanea foret.

Homo itaque est *naturaliter* animal civile, quatenus *saltem* status civilis est *secundum inclinationem et appetitum naturalem ad id omne quod rationi est consentaneum*, quod non obstat, quin consensus etiam primorum hominum, ad constituendam vel ineundam civilem societatem, fuerit necessarius, aliaque extrinsecae causae potuerint impellere ad foedera quaedam vel pacta mutuae civilis consociationis ineunda. Hinc reprehendendi sunt, qui pro causa remota seu origine status civilis assignant, vel cum Pufendorffo solum *metum proborum* ob mala sibi extra civitatem a reprobis impendentia; vel cum Kemmerichio solam *cupiditatem* alios opprimendi *pravorum*; hae enim sententiae Hobbesianum redolent commentum, vel ab accidentalibus repetunt causas illum statum, qui apprimè convenit exigentis rationalis naturae; atque alienae sunt a mente ipsorum ethicorum recte sententium philosophorum, scilicet, Platonis, Aristotelis, Tullii, etc. quorum ultimus (1) sic praeclare civilis societatis originem assignat: «Prima societas in ipso conjugio est; proxima in liberis; deinde una domus, communia omnia. (Id autem est principium urbis, et quasi seminarium Reipublicae). Sequuntur fratrum conjunctiones; post consobrinorum sobrinorumque: qui cum una domo jam capi non possint, in alias domos, tamquam in colonias, exeunt. Sequuntur connubia et affinitates: ex quibus etiam plures propinqui. [Quae propagatio et soboles «origo est rerumpublicarum.»] (2).

(1) De offic. libr. 1. cap. 17.

(2) Ex his diversis humanae societatis statibus facile colligebatur eos esse permanentes atque a quadam majori vel minori rationalis naturae necessitate dimanantes, dirigique per quosdam ejusdem rationalis naturae instinctus et generales divinae providentiae leges, respicientes totius humani generis bonum independenter etiam a singulorum hominum libertate illiusque bono vel malo usu; cum enim evolutio rationalium facultatum hominis, debitaque ac conveniens ejusdem procreatio, educatio et perfectio nequeat naturali modo obtineri, nisi homo nascatur, crescat et degat in aliorum hominum societate, sicut vidimus; si totius humani generis institutio modusque mutuae communicationis et vitae socialis, non subderetur nec regeretur generalibus et stabili-

107. Opponunt generatim contra statum socialem: 1º, cum Hobbesio, hominem non esse natum aptum ad socie-

bus divinae providentiae legibus, posset Deus circa finem praesantissimi sui operis, quale est absque dubio humanum genus, frustrari, quod manifeste repugnat. Quamvis itaque singuli hominum seorsim considerati liberi sint potius cum his quam illis individuis socialem communicationem habere aut non habere, statum conjugalem inire vel non inire, in hoc potius pago aut urbe, in hac potius civili societate quam in illa degere, etc. nunquam tamen morali necessitate, relate ad totum humanum genus, futurum est, ut omnes simul homines, aut omni prorsus socialitati nuncium remittant et segregem vitam instituant, aut conjugalem statum non ineant, propagationem generis humani abrumpan, vel ineundo nullam sobolis curam gerant; eamque prorsus interire vel sine superiorum facultatum evolutione manere sinant, aut etiam segregem per familias dumtaxat vitam instituant, omnemque ampliorem socialitatem refugiant, et perfectiorem vivendi rationem, quae in tali statu bene ordinato habetur, respuant. Haec omnia vi divinae dispositionis ita necessario relate ad totum humanum genus eveniunt, et in posterum eventura esse certum est, sicut certum est nunquam totum simul humanum genus a moralibus legibus e. g. veracitatis, honestatis, etc. defecisse, vel esse in posterum defecturum, licet singula individua seorsim considerata sint in oc liberrima.

Hic iterum cogimur animadvertere in doctrinam H. Ahrens superius memorati, scilicet 1º, cum non recte definiisse (pag. 263.) humanam societatem in genere sub respectu liberi consensus; quamvis enim moneat se non loqui de formatione humanae societatis in genere, *Nous ne nous occuperons pas ici des lois qui président à la formation de la société humaine en général*, eam tamen generatim definit. *La société est donc l'union d'un nombre plus ou moins grand de personnes qui se sont engagées librement à poursuivre par leurs efforts réunis un but commun.* Quidquid autem sit de particularibus societatibus quas homines relate ad fines quosdam eorum arbitrio subjectos libere prorsus ineunt, definitio haec nequit competere statibus societatis in genere spectatis *domestico* scilicet, *sociali* et *civili*, in quibus homines ex naturali modo eorum nativitatis, et necessario quodam, sicut vidimus, naturae rationalis impulsu constituuntur.

2º. Ex supposito hujusmodi imperfecto conceptu humanae societatis in genere, factum videtur ut auctor [pag. 319, et seqq.] de humanae societatis natura, sive ut ipse ait, de ejus origine et legibus quibus dirigitur, disserens, nimis acriter invehatur contra theoriam, quam vocat *theologicam* docentem: *En s'appuyant sur les documents de la religion chrétienne, la révélation et*

tatem; nam si homo amaret naturaliter hominem *ut hominem*, omnes *aeque* amaret, nec eos frequentaret potius, a qui-

les traditions, que la société ne doit pas être considérée comme une institution de l'homme, mais comme une oeuvre divine, établie par Dieu, d'après des lois immuables et dans un but religieux. Par conséquent la société existe et se développe d'après des lois au-dessus des formes et des facultés humaines etc. eique objicit, quod trium postremorum saeculorum advesetur eventis, jam veluti in mores et consuetudinem plurimorum populorum mutatis, quodque nequeat intelligere vias divinae providentiae, quam insuper deberet arguere de impotentia custodiendi aeternas et immutabiles leges pro humana societate constitutas, neglectasque praecipue a nationibus vel maxime cultis. Verum doctrina hujus scholae est non principaliter, sicut auctor opinatur, Josephi de Maistre, de Bonald, Adami Muller, et von Haller, sed fere omnium catholicorum doctorum; quae cum supponat et leges divinae providentiae in genere immutabiles, communicatas nihilominus humanae naturae in particularibus casibus frequenter deficienti, et necessitatem legum humanarum positivarum quae determinent particularia civium officia, bonamque civilis status gubernationem constituent, nullatenus eidem adversantur, nedum trium postremorum saeculorum sed omnium retro aetatum eventa sive mutationes particularium institutionum et formarum, legumque humanarum apud diversas nationes, id est civiles societates. Neque schola haec debet arguere dibinam providentiam de imbecillitate, ex eo quod aliquae nationes etsi [sensu auctoris] cultae in suis socialibus formis et institutionibus ab aeternis divinae sapientiae legibus declinent, praescindendo videlicet, e. g. a fine essentiali hominum sive Deo et perfecta alterius vitae felicitate, a cultu veri Dei et religione, etc. iisque substituendo, e. g. temporariam felicitatem, atheas leges, aliaque humanae rationis inventa haec namque omnia dumtaxat inveniunt majorem minoremque talium civilium institutionum et ordinationum imperfectionem, atque defectum stabilitatis earum in particulari, quae omnes cum successivis generationibus transierunt, transibuntque deinceps sicut aqua decurrens, et sicut quaevis alia hominum commenta, quin tamen unquam ab iis potuerint, vel possint in futurum essentialia vitae socialis vel etiam civilis constitutiva in omnibus populis funditus subruere.

Ahrens demique nihil certe melius huius doctrinae ab ipso rejectae substituit, dum (pag. 327. et seqq.) tradit hanc in rem: LA THEORIE RATIONALISTE et vraiment philosophique, quae coalesceret tribus aliis, nempe THEOLOGICA nuper dicta, HISTORICA repetente humanae societatis originem ab *instinctu naturali*, et evolutionem ab *instinctu intellectuali* (quasi haec duo in casu praesenti

bus illi prae aliis defertur honor, ac utilitas. Omnis societas *commodi* causa vel *gloriae*, id est, *sui* non *sociorum* amore contrahitur; si enim congregiantur causa *commerci*, non *socium* sed *rem suam* quaerunt; si *officii* causa, oritur *forensis* amicitia plus de metu quam de amore participans; si *animi relaxandi* et *hilaritatis* causa, quaerit quisque in iis, quae risum excitant, *commendatior* evadere *comparatione turpitudinis* vel *infirmittatis alienae*. Accedit ratio; *quum enim societas voluntarie contrahatur, in omni societate quaeritur voluntatis objectum* hoc est, *bonum sibi*. Deinde, *pactorum ab infantibus quidem et indoctis vis, ab iis autem qui damnorum ex defectu societatis inexperti sunt, utilitas ignoratur; unde fit, ut illi, quia quid sit societas non intelligunt, eam vivere non possint: isti, quia nesciunt quid prodest, non curant*. 2^o, cum Rousseau: hominem non esse a natura ad societatem praeparatum, cum natura neque possit *nexum*, id est, mutuam indigentiam, *in statu namque primitivo homo non magis alio indigeret homine, quam bellua sui similibus: neque medium, id est, loquelam tribuit, eum nulla sit loquela naturalis*.

essent quid distinctum, et a schola theologica excluderentur), et PHILOSOPHICA ABSTRACTA considerante humanam societatem, *comme l'effet d'une convention* (contractus socialis) *de la volonté libre et collective*. Hinc juxta nostrum auctorem, *d'après cette théorie, la société est l'oeuvre de plusieurs puissances réunies; dirigetur vero sive evolvitur duobus principiis seu elementis, le sentiment devient l'élément CONSERVATEUR de toute vie humaine, tandis que l'intelligence en est l'élément INNOVATEUR et PROGRESSIF*. In horum elementorum sive principiorum lucta socialis status ulterius progreditur, posteriorisque principii de priori perfecta victoria, adducet tandem sociali statui debitam perfectionem: *L'élément rationnel progressif a gagné continuellement du terrain dans le domaine des institutions sociales; et quoique le principe de conservation soit encore aujourd'hui le plus fort, la société se dégage cependant de plus en plus des anciennes entraves qui s'opposaient à sa marche naturelle etc.* Quae sane doctrina praeter alia inconvenientia supponit quoque socialem statum essentialiter debitam sibi perfectionem nunquam habuisse, eamque nunc etiam inquirere, quod evidenter divinae sapientiae hujusmodi rerum ordinem instituenti, in quo homo nunquam adhuc potuit rationalem finem suum perfectamque assequi felicitatem, adversatur; estque insuper aptissima ad continuas in sociali et civili hominum statu mutationes sive innovationes quaerendas.

Respond. ad 1^m. *Neg. antec.* Omnes ejus probationes laborant falso supposito, deumta prima, quae insuper confundit *generalem amorem* benevolentiae erga omnes ortum ex similitudine naturae specificae ejusdem, cum amore particulari, quo eos prosequimur magis, quos novimus vel supponimus esse nobis peculiari ratione beneficos, vel saltem a quibus speramus aequalem singularis amoris affectum; qui certe illum generalem non excludit. Atque in hac suppositione sunt aliae probationes, quasi nempe motiva gloriae et commodi, commercii, officii, et hilaritatis animi per se excluderent appetitum societatis etiam *ratione sui* optabilis, quem probat vel ipsum laedum, quo solent communiter affici qui praeter consuetudinem solitudine detinentur, laetitiaque subsequens istius exclusionem. Similiter motiva illa, inordinata ratione ad sui commodum vel damnum aliorum ex societate eruendum adhibita, rectum ejusdem usum ac utilitatem non nisi per accidens excludunt, ab ipsaque sana ratione talis abusus reprobatur. Aditae rationes pariter falsum supponunt; etenim homines in ipsa *naturali societate* primam lucem aspiciunt et adlescunt, talisque societas a pactis et foederibus filiorum cum parentibus non pendet; quin etiam homines per eorum civitatem et educationem rationali naturae convenientem in societate quadam domestica ampliori et civili *per se* constituuntur; cum nec unus quidem magnus populus possit assignari, cujus familiae segregem vitam ducerent, nullamque mutuam communicationem haberent; unde et talis societas necessitate quadam naturae, non autem voluntarie contrahitur; quamvis in exordio mundi aut in casu ejusdem novae coloniae instituendae consensum quemdam primitivarum familiarum supponat. In ipsis vero particularibus modis societatis ineundae, licet voluntas semper ex principio propriae felicitatis operetur, non est necesse ut in singulis actibus pro *motivo actionis formali* animus intendat *bonum sibi*: unde etiam parum refert, quod infantes et indocti pactorum vim non valeant intelligere, quodque quidam alii non sint experti damnorum ex defectu societatis, non ideo enim aut extra sociale statum oriri et degere coguntur, aut ejusdem naturalem capacitatem amittunt, et emolumenta percipere nequeunt.

Ad 2^m. *Neg. pariter Antec.* dicimus, non solam mutuam indigentiam esse nexum socialitatis, sed etiam natu-

ralem amorem; et similitudo indigentiae a belluis petita, digna est tantum illo, qui omnem suae rationis conatum eo direxit, ut hominem efficeret belluam. Defectus actualis et expeditae loquela in pueris confirmat potius naturalem necessitatem societatis, quae jam ante usum loquelae naturaliter contrahitur ab infantibus, sicut nuper monuimus.

108. Opponunt contra statum vitae civilis, 1^o. Si natura dedisset appetitum civilis societatis, haec ejusdem foret necessitatis ac societas paterna, eademque ratione jus naturae violare censendus erit qui segrex a civili societate vivere vellet, ac qui a paterna et domestica societate se subduceret. 2^o. Natura necessario non impellit nisi ad id quod est simpliciter necessarium ad vitam recte instituendam, et huic rectae institutioni satis consulitur per domesticam societatem. 3^o. Natura potius inclinatur ad statum *nativae* libertatis et utilitatis *privatae*, quam ad statum civilis subjectionis, coactionis et publici emolumenti procurandi *per leges et tributa*.

Respond. ad 1^m. Societas domestica ac paterna est homini necessaria ad *simpliciter* vivendum ut homo, et ad convenientem humani generis propagationem, unde pro praesenti humanae naturae conformatione est absolute necessaria, provenitque a natura *positive praecipiente*; e contra societas quaedam amplior domestica et civilis, ad majorem dumtaxat internam et externam vitae perfectionem pertinens, pendet tantum a naturali propensione, seu natura suadente, ut vocant, *negative* seu potius velut *permittente* unde patet quod non eodem modo ac necessitate uterque status a natura dimanet, nec proinde utriusque defectus eadem ratione juri naturae adversetur.

Hinc facile eruitur responsio ad 2^m, scilicet *distinguendo*; Natura necessario non impellit etc. *positive* et *praecipiendo*, *conc. negative* et velut *suadendo*, *nego*. Porro istud discrimen dimanationis a natura utriusque status non impedit quominus status quoque civilis rectissime dici possit et debeat *naturalis*, ab ipsoque Deo auctore inclinationis naturalis proveniens. Tandem quaecumque sit hujusmodi *necessitas* a naturali inclinatione ad statum sociale[m] et civile[m], sicut et ad conjugalem ac domesticum, ea non constituit tale jus seu legem naturae, quae obliget singula [postquam perfecte adoleverint] individua speciei humanae in quibuslibet circumstantiis; afficit enim potius ipsam speciem quam individua, eique satisfit per generalem divinae

providentiae ordinem, ex quo moraliter constat nunquam futurum esse ut omnes prorsus homines aut etiam major eorum pars propagationis et debitae conservationis et perfectionis humani generis curam non suscipiant vel non habeant, et vitae sociali aut etiam civili nuncium remittant. Atque hinc licet prorsus nonnullis hominibus rationis usum adeptis, et ad vitam recte instituendam per se sufficientibus, intuitu majoris boni, puta ut pietati majori studio incumbant, a conjugio se cohibere, vel etiam vitam segregem instituere. Praeterea aliud est, ita ab omni prorsus aliorum consortio longe recedere, ut in apertum discrimen vitae miserime amittendae sese quis conjiciat, quod forte sine peculiari divino impulsu nemini licet; aliud vero, etiam in segregata vita, cogente summa senectutis vel infirmitatis imbecillitate, aliorum opem non respuere, et ad eam habendam viam non praecludere. Unde turpiter erravit Pufendorfius (cui tamen plerique animales revera homines etiam latiori sensu (1) libenter subscribunt) cum (2) ait; vitam solitariam, nisi ob commodum humanae societatis susceptam legi naturali repugnare.

Ad 3^{am}. *Neg.* assertum; quod si verum esset, etiam status naturalis seu domestica societas non penderet a natura, nam et haec requirit subjectionem debitam potestati paterna, et procurationem emolumenti potius totius familiae quam privati. Praeterea falsum est naturam inclinare simpliciter ad statum *nativae libertatis*, cum status hic relate ad immunitatem ab ipsa lege naturae nunquam extitit; relate vero ad

(1) Eos hic ex impiis nostri aevi volumus redarguere, qui castum et a conjugio liberum vitae institutum, quod plerique hominum coetus amplectuntur, quodque catholica Ecclesia approbat, atque in suis ministris instar conditionis simpliciter necessariae praerequirunt, velut juri naturali, propagationi humani generis, communique bono societatis contrarium traducunt; dum interim tamquam quid omnino innoxium considerant et proprio exemplo approbant, illum conjugalis status neglectum, quem, ad declinandam molestias huic vitae rationi curisque domesticis adnexas, vel quod pejus est, et tamen haud infrequens, ad liberius propriis cupiditatibus revera brutalibus satisfaciendum, plerique animales homines sponte quaerunt aut eligunt, milleque diversis modis ne dum publicam honestatem deturpant, verum etiam propriae sanitatis et vitae jacturam saepissime faciunt.

(2) *De origine juris*, cap. 5. §. 23.

subjectionem voluntati vel legi aliorum hominum, dempto primo humani generis patre, forte nunquam extitit; nec est *requisitus* aut *conveniens* rationali naturae. Non est *requisitus* quia homo etiam per subjectionem potestati paterna vel legibus civilibus remanet perfectissime sui juris seu liber, nec evadit servus, sicut gratis supponit Rousseau, cum ab imperante non pendeat tamquam a Domino eum referente ad propriam utilitatem sui, sed potius ad proprium ejus nempe subditi bonum, quod resultat ex bono communi: porro in hoc situm est discrimen subjectionis *tyrannicae* seu *servilis*, a subjectione *politica*, seu *libera*; vide S. Thomam (1). Non est *conveniens*, quia spectata conditione humanae naturae, ejusque ordinatione ad vitam sociale, sola lex naturalis, aucto scilicet numero familiarum et ex vico in pagum, urbem, etc. transeunte, non sufficit, uti videbimus inferius, ad immoderatos praesertim humanae mentis impetus coercendos, et in oppositum tendentia multorum studia ad concordiam difformiter uniformem revocanda. Adde insuper rationalem naturam per se inclinare ad faciendam minoris boni jacturam, quando sine hac censenda est jactura boni, orta a coarctatione moralis libertatis per leges civiles, et amissione alicujus fructus propriae industriae per solutionem tributorum, relate ad bona excellentiora e. g. praestantiam artium, securitatem viarum, nitorem urbium, etc. quae a civili societate bene ordinata, etiam in particularia ejusdem membra abunde dimanant: praesertim quod subjectio haec legibus civilibus non tam libertatem adimere vel minuire, quam ad ejusdem rectum usum adstringere dicenda sit (2).

(1) *Summae Theolog.* part. 1. quaest. 96. artic. 4.

(2) Ex dictis superius (Part. 2. cap. 4. artic. 2. n. 69. resp. ad 2^{am}) si cum his quae nuper inimus conferantur, facile colliges multiplicem contineri errorem in vaga illa, illusoria, ac indeterminata *libertatis* commendatione, quam quidam humanae societatis regenerationem sibi vindicantes, non desistunt populorum et praesertim juventutis auribus continue ingeminare *libertate*, *libertate*.... plurimosque incautos, sub blanda hujus vocis specie, ad veram morum dissolutionem sive omnimodam licentia pertrahere. In his porro expressionibus; 1.^o, non est sermo de vindicanda hominibus *libertate* sumpta pro arbitrio seu dominio ac-

ARTICULUS III.

DE DIFFERENTIA STATUS NATURALIS A CIVILI.

109. Non discrimen conceptuum utriusque status, nec differentiam status naturalis ficti a statu civili, quae omnia ex modo dictis abunde constant, exponenda aggredimur; sed differentiam praestantiae status civilis prae naturali, etiam recto sensu apprehenso, ut scilicet facilius elucescat absurditas commenti Rousseau de summa felicitate, quam ex amore vitae belluinae, statui suo sylvestri ac solitario attribuit; nec non de summa infelicitate ac malis, quae a statu civili in humanum genus dimanare, imprudenter affir-

tum; sic namque spectata nedum a legibus et subjectione politica, sed nec ab ipsa subjectione servili cuiquam admittitur vel potest adimi, 2.^o, si per *libertatem* intelligatur exclusio servitutis, neque de hoc potest esse sermo, cum hac nostra aetate servitus stricto sensu accepta ab omnibus cultis nationibus exulet. 3.^o, *libertas* accepta pro non impedita facultate jus suum coram legibus adversus quemlibet prosequendi et vindicandi, artibus et scientiis pro cuiusque conditione et aptitudine operam navandi, etc. quod personalem civium libertatem constituit, nequit hic pariter locum habere, cum nulla sit culta humana societas quae vi suae institutionis membris suis seu civibus talem libertatem non tribuat vel non tueatur. Verum homines, de quibus loquimur, in venditanda eorum *libertate* immunitatem ab omni morali subjectione legibus et humanae praesertim auctoritati debita, nec non exclusionem omnis distinctionis inter diversos hominum coetus et conditiones tacite saltem portendere videntur; quod manifestam redolet impietatem hominemque ipsi Deo praefert, si illum a divinis etiam legibus solvere, impunitatemque in earum violatione quaerere ac desiderare suadeat; si autem ad humanarum legum, humanaeque auctoritatis etsi legitime institutae morale excutiendum jugum dumtaxat coaretetur, apertissime ordini naturali, a Deo ipso humanae societatis auctore, constituto adversatur, patentemque ac certam cuiuslibet, nedum sociali ac civili institutioni, verum etiam domesticae societati, quae filiorum erga parentes debitam subjectionem necessario expostulat, perniciem minuitur, omniaque licet sanctissima et ordinatissima humanarum societatum instituta instabili humanae rationis arbitrio subicit, atque cuncta innovandi apertissimam viam pandit. Utinam hoc nostra saltem juvenus probe saperet et intelligeret.

mavit. Dicimus itaque statum civilem *simpliciter* praestare statui naturali etiam recte apprehenso; absurdum namque foret, vel comparisonem institere inter sylvestrem e. g. et belluimum hominis rationis usu destituti statum, et civilem ad rationalitatis perfectionem ordinatum; nec moramur iis, quae Pufendorffius congerit ad status naturalis, qualem ipse fingit, misserrimam conditionem evincendam; cum re quidem vera, vix aliquid discriminis, nisi forte in pejus, inveniri posset inter brutorum et hominis, undecumque in mundum projecti, omni humana ope et peculiari Numinis cura destituti, statum. Non moramur pariter quaestionibus utrum summi Imperantes vel Civitates independentes, ad se invicem comparatae sint nec ne in statu mere naturali; et utrum dentur vel possint dari populi, aut aliquae familiae, etiam nunc in mere naturali statu dependentes; haec enim meram dumtaxat eruditionem spectare videntur. His itaque praetermissis sit.

PROPOSITIO.

Si omnia rite pensentur, status civilis statui naturali simpliciter praestat.

110. Porro assertio nostra generalibus rationibus manifesta fiet, non enim contendimus nihil prorsus in mere naturali statu inveniri posse, quo solum in particulari spectato, naturalis status civili praeferi non valeat, sed velimus dumtaxat civilem statum, si omnia generalim ac rite pensentur libenturque, esse naturali *simpliciter* praefendum. Harum autem generalium rationum sit 1.^a superioris (1) jam indicata, scilicet, ex perfectiori ratione communitatis, majorique ultimorum a mediis et horum a primis dependentia, quae in civili statu elucet, ejusdemque status fine qui est bonum commune: quod utrumque et ratione sui ipsius est quid praestantius, et, utpote universalioris realitatis speciem undequaque exhibens, majorem imitationem et participationem divinae bonitatis in se praeconti-

(1) Artc. praecedente, n. 106 in initio.

net, majoremque proinde *ratione sui ac per se* humanae naturae naturalem praecminentiam ostendit (1).

(1) Quoniam hac voce sive expressione *boni communis* velut finis humanae societatis, saepius jam usi sumus et in posterum uti debemus, juvat hic eam pressius determinare, ut constet, quomodo finis iste et conveniat et differat a fine et bono individuum, doctores namque passim utrumque affirmant, nosque ipsi in *notis* praecedentibus observavimus, et hominem esse propter societatem et hanc propter illum. Itaque in primis cum humana societas sit moralis hominum sive entium rationalium unio, ejus finis absolute ultimus idem est et esse debet ac hominum singulorum, nempe asecutio perfectae felicitatis in altera vita, quem finem acque societas instar personae moralis considerata, in omnibus suis socialibus institutionibus, quam singula ejus membra sive individua in suis particularibus actionibus prae oculis habere debent. Humana societas ab hoc fine prorsus praescindens vel ipsum excludens, non est digna homine rationali, estque monstrum in ordine morali.

Deinde, quia homines naturaliter appetunt etiam extrinsecam vitae praesentis felicitatem, eamque rationabiliter inquierere possunt et debent quotiescumque bona haec extrinseca non impediunt finem absolute ultimum, et aliunde eam convenienter ad suam naturam assequi non valent, nisi in sociali statu se mutuo juvent ipsaque societas sit bene ac ordinate constituta; hinc et iste secundarius finis sive extrinseca vitae praesentis felicitas, aequae ad singulos homines ac ad integram humanam societatem pertinet, diversa tamen ratione. Et sane, societas tamquam persona vel corpus morale respicit *commune bonum*, situm praecipue in sufficientia rerum sive mediorum, quae ad animalis vitae conservationem et rationalitatis evolutionem ac ulteriorem perfectionem sunt necessaria, nec non in extrinseca atque intrinseca pacis sive tranquillitatis conservatione relinquens interim singulis individuis curam propria uniuscujusque vel familiarum felicitatis quaerendae, juxta cujuslibet naturalem aptitudinem et liberum arbitrium, quo velit de communi felicitate participare, seque perficiendo aliqualem vitae praesentis felicitatem sibi met comparare.

Hinc autem manifeste patet, bonum istud ac felicitatem toti humanae societati communem, esse quid distinctum ab individuum felicitate, cum evidens sit, posse societatem hunc suum finem obtinere per supradictorum meliorum sufficientiam, in constanti ac generali prosecutione *industriae*, circa culturam agrorum, commercii, artium, scientiarum, et pacis ac tranquillitatis custodiam, licet interim quaedam individua aut familiae *non valeant vel nolint* de hoc communi bono participare, et pro capa-

2.^o Perfectior est naturaliter status ille, in quo pluribus naturalibus propensionibus potest satisfieri: talis profecto est relate ad hominem civilis societas; cum in ea bene ordinata propter diversitatem statuum ac conditionum (quod in statu naturali seu domestico non haberetur), quivis facile, si velit, instituire potest eam vivendi rationem, iisque scientiis aut artibus operam navare, officiisque fuogi, quae magis ejus naturali propensioni ac indoli, viribusque mentis et corporis sunt accommodata. Adverte insuper, plerosque hominum naturaliter ineptos esse rei familiari ac domesticae recte curandae, aut venationi agrorumque culturae exercendis; quae occupa-

itate naturali ac conditione sui status proprium finem individualis aut domesticae felicitatis consequi. Atque hoc est, quod in civili societate etsi bene ordinata necessario importat distinctionem ac diversitatem statuum inter homines, ostenditque insanam esse commentum *aequalitatis*, (*uguaglianza, egalité*) in distributione bonorum et dignitatum, quam quidam adeo depraedican, quaeque praesertim relate ad aequalitatem bonorum, ne brevissimo quidem tempore subsistere posset. Quia porro asecutio finis communis totius societatis ex amica dumtaxat ac generali ejus membrorum in illum conspiratione atque tendentia consurgit, et quia quaedam individua, utpote libera, nedum non conspire, sed etiam ceterorum unioni contraria et noxia esse possunt; consequens est ut singula individua seorsim, sicut sunt totius societatis membra ita habeant rationem medii ad hoc commune ejus bonum sive felicitatem assequendam, vel perturbandam ac impediendam: quamvis relate ad cuique propriam ac individuale felicitatem possint forte spectari ut finis.

Hanc boni communis a bono particulari, diversorumque finium distinctionem non considerans H. Ahrens, in opere superius memorato (pag. 336), in primis prorsus confundit finem societatis cum fine individuum: *Le but social ne peut donc pas être différent de celui de l'homme, parce que la société n'est que l'expression de la nature humaine librement manifestée..... La société, c'est l'homme complet*, etc. Deinde (pag. seq.) immerito quoque reprehendit sententiam juxta quam *finis societatis constituitur in bono seu felicitate universali, in utilitate communi, in eo quod omnes interest* dicens: *Ces définitions sont trop vagues pour faire comprendre le but social*, etc. Ipse vero ibidem statuens: *Le vrai bien, le véritable bonheur reside pour tous dans le développement de leur nature humaine etc.* nihil sane, quod sit minus indeterminatum et vagum, minusque arbitraris obnoxium interpretationibus, ponit.

tiones forte unice in statu naturali seu familiarum segregum, haberentur.

3.^a Certum est, quod ad majorem humanae naturae perfectionem pertineat, major sicut humano modo fieri potest naturalis *perfectibilitatis* evolutio, in iis praesertim, ad quae sua sponte natura inclinatur, qualis est inquisitio effectuum atque causarum naturalium, combinatio virium vel proprietatum rerum nobis inferiorum, ad aliquod emolumentum comparandum; certum pariter est, mentem humanam exemplo atque aemulatione aliorum vehementer incendi, scientiasque semper, artes communiter non nisi summo labore atque plurimum studio in unum collato, habitoque respectu boni communis; inventas atque comparatas fuisse; haec autem omnia, tantum in civili statu locum habere potuisse, saltem in ea perfectione in qua sunt, *per se* manifestum est; cum status naturalis seu domesticus, neque hominem a curis vacuum et ad tantum suscipiendum laborem expeditum, nec mutuam et frequentem communicationem, conspirationemque studii multorum in unum, possibilem relinqueret.

4.^a Denique ratio sit ista quod in statu quoque hominum per familias dispersas viventium, spectata praesenti humanae naturae conditione, aliqui certe futuri essent, qui laboris peritiae, damno aliorum et rapinis suum quaerent emolumentum, vel saltem querelae aut gravis discordiae interdum occasionem praerberent; filii quoque adulti patris auctoritatem interdum detrectantes ipsam familiarum perniciem aut ruinam nonnunquam inducerent: hinc et privatae ultioni, quae facile limites debitae justitiae his in casibus potuisset excedere, coersendae, et compescendae filiorum audaciae, aut etiam (quod tamen rarius accideret) patrum saevitiae (1), non est

(1) Consulto fecimus praecedentem exceptionem; ut scilicet locus esset animadvertendi longe facilius posse accidere ut filii evadant ingrati ac rebelles contra parentes, quam ut parentes sint inhumani ac crudeles erga filios. Cum enim parentes necessario spectent filios tamquam portionem propriae substantiae, sintque probe conscii tot laborum quos in cura de filiis gerenda tolerare debuerunt, nequeunt eosdem non considerare tamquam semetipsos, vel tamquam rem suam sibi vel maxime intimam et propriam contra quam non facile quis solet fieri crudelis aut inhumanus. Contrarium accidit in filiis, qui talem conscientiam non habentes, matura reflexione egent, ut simili perspicuitate relationem cum parentibus et beneficiis ab ipsis acceptis deprehendant, et ad si-

opportunius remedium prae extrinseca coercitiva et politica status civilis potestate.

111. Ut autem, quae solent in contrarium opponi facilius solvantur, notanda sunt haec duo: metiri nos debere alicujus status naturalem praestantiam, non ex actuali absentia miseriae aerumnarumque vel peculiaribus virtutis actibus, neque ex iis, quae per accidens in eo contingunt; sed ex ejus fine et scopo portendente *per se* majorem naturae perfectionem, mediisque, atque eorum apta ordinatione ad id ipsum assequendum. Deinde hac in re habenda est ratio non quorundam dumtaxat individuorum sed moraliter totius humani generis; quae enim sunt secundum naturam, *per se* et non *per accidens*, ut in pluribus et non ut in paucioribus actu insint, aut possint inesse, necesse est.

Hinc vero statim colliges nullius ponderis esse quae in contrarium obtruduntur, vel ex naturalis status *innocentia* et *simplicitate*, vitaeque *tranquillitate* quae supponuntur in eo adfuturæ ob defectum subtilitatis malitiae, irritamenti passionum, et bellorum, usque ad excidium fere integrarum urbium, tumultus; vel ex oppositis malis status civilis.

Respondebis autem more scholae *distinguendo*; et haec omnia in utroque statu evenirent vel eveniunt, *per accidens conc.* *per se neg.* Sicut atrocitates quorundam bellorum, et magna interdum in plerisque civibus morum corruptio propter exempla prava et passionum irritamenta, non ex ipsa institutione et fine status civilis, qui potius haec compescere nititur, sequuntur; ita et major illa naturalis status *innocentia*, *simplicitas* etc. (si tamen passim et relate ad quaevis vitia haberetur, sunt namque quaedam eorum quae intra domesticos parietes facile oriuntur et foventur), non ex efficacia institutionis et mediorum (quae ad solam paternam instructionem et correptionem reducerentur) talis status; ut *per se* patet, proficiscerentur: dum interim et eadem morum *innocentia* ac *simplicitas* in statu quoque civili servari potest, et major est tranquillitas quam communiter cives remanentes in urbibus experiuntur tempore belli, prae illa, qua gauderent familiae segregae tempore pacis, propter inopiam de-

mitem affectum amoris promoveantur, debito insuper subjectionis ipsis praestandae velut in oppositum retrahente, propter molestiam eidem communiter adnexam.

fensionis, et jure periculum aggressionis, quod utrumque ex ipsa natura talis status dimanaret.

112. Simili modo respondebis, si quis argueret, quod in civili statu multitudo ac nefanditas vitiorum, virtutum multitudinem ac praestantiam (quod tamen de civitate bene ordinata debet negari) excedat, quodque in eo plurimi inveniantur miseri qui existentiam suam deplorant, vel etiam illi qui vitam sibi adimunt. Id namque fieri manifestum est praeter civitatis bene ordinatae institutionem et sufficientiam meliorum ad haec mala impedienda, tam per leges et poenas contra manifestas improbitates [1], quam per subsidium vere indigentibus exhibitum. Praeterea plures istarum inordinationum forte facilius (propter defectum unionis inter familias, et extrinseci custodis domesticae subjectionis ac dependentiae) in naturali statu locum haberent.

Deinde, ex eo quod incivili statu possit esse imperans impius aut crudelis; quod proceres et potentiores quandoque legum vim pessumdent, poenasque eludant; quod artes, et scientiae, vanitati, superbiae, vitis, et luxui fovendis inserviant, nihil sequitur. Siquidem per haec essentialis perfectio civili statui adnexa minime elevatur; eique bene ordinato non deest medium ipsam impietatem aut crudelitatem imperantium saltem mulecendi, proceres vero et potentiores ad instar plebis in officio continendi; quae insuper incommoda, sicut et vanitas, superbia et luxus quorundam civium ex cultu scientiarum et artium occasionem sumentes per accidens dumtaxat ab hoc statu dimanant, universalemque scientiarum et artium utilitatem, ad ipsos pagos et rura (quorum barbariem nimis adversarii exaggerant) sese protendentem, minime adimunt.

Tandem quod civilis status quorundam Asiae et Africae regnorum, cum magna barbarie seu asperitate et inhumanitate morum usque in praesens tempus permaneat, id unice vel praecipue a falsis, ipsique naturali rationi contrariis Islamiticae sectae ibidem generatim dominantis principis seu legibus originem ducit; ideoque nil mirum homines ipsam naturalem rationis lucem spernentes, tenebris ignorantiae involvi. Ad ea denique quae proponerentur ex imminutione vel amissione nativae libertatis, per debitam subjectionem

(1) Confer si vacat quae inferius dicimus (part. 4. cap. 2. artic. 2). de scelere suicidii ejusque causis.

nem, et fructuum industriae, per tributorum solutionem, vide responsiones datas sepeius [1].

CAPUT II.

DE POTESTATE POLITICA ET PRINCIPIS JURIS PUBLICI

113 Suprema civilis potestas, regimen, imperium, seu moralis facultas independens civium actus dirigendi ad commune bonum, id est civilem beatitudinem assequendam, aequae ac ipsa civilis societas, est factum quoddam, cujus non existentia, sed dumtaxat origo indubium solet vocari de hac igitur supremae potestatis origine, pauca quaedam nunc exponemus suppositis nuper dictis de origine ac natura status socialis et civilis. Jus publicum positivum prout sumitur ad discrimen juris naturalis, involvit tam legem positivam mere humanam seu civilem, quam jus gentium (non est enim nobis quaestio sive in specie sive in genere de jure publico ecclesiastico); prioris principia seu actiones, inter praerogativas civilis potestatis recensentur, posterioris vero seorsim exponendae erunt.

ARTICULUS I.

DE ORIGINE POLITICAE POTESTATIS EJUSQUE DIVERSIS FORMIS

114. Supremam potestatem seu imperium civile sicut et ipsum civilem statum a Deo tamquam auctore et institutore humane naturae dimanare non vero a quodam contractu seu pacto sociali quemadmodum vellet Genevensis sophista (2), mox probaturi, monemus 1º, aliud esse potestatem aliquam profluere a Deo tamquam a causa prima res omnes immediate creante conservante et ad earum actus concurrente; aliud a Deo ejusque voluntate, taquam a causa proxima talis potestatis, necessario et naturaliter connexae cum tali natura a Deo condita et ita ordinata quod postremum constituit hanc potestatem tamquam donum naturale convenitque dumtaxat supremae po-

(1) Artic. proxime praecedente n. 108. in respond. ad 3.º

(2) De contractu sociali, libr. 1 et 2.

fensionis, et jure periculum aggressionis, quod utrumque ex ipsa natura talis status dimanaret.

112. Simili modo respondebis, si quis argueret, quod in civili statu multitudo ac nefanditas vitiorum, virtutum multitudinem ac praestantiam (quod tamen de civitate bene ordinata debet negari) excedat, quodque in eo plurimi inveniantur miseri qui existentiam suam deplorant, vel etiam illi qui vitam sibi adimunt. Id namque fieri manifestum est praeter civitatis bene ordinatae institutionem et sufficientiam meliorum ad haec mala impedienda, tam per leges et poenas contra manifestas improbitates [1], quam per subsidium vere indigentibus exhibitum. Praeterea plures istarum inordinationum forte facilius (propter defectum unionis inter familias, et extrinseci custodis domesticae subjectionis ac dependentiae) in naturali statu locum haberent.

Deinde, ex eo quod incivili statu possit esse imperans impius aut crudelis; quod proceres et potentiores quandoque legum vim pessumdent, poenasque eludant; quod artes, et scientiae, vanitati, superbiae, vitis, et luxui fovendis inserviant, nihil sequitur. Siquidem per haec essentialis perfectio civili statui adnexa minime elevatur; eique bene ordinato non deest medium ipsam impietatem aut crudelitatem imperantium saltem mulcendi, proceres vero et potentiores ad instar plebis in officio continendi; quae insuper incommoda, sicut et vanitas, superbia et luxus quorundam civium ex cultu scientiarum et artium occasionem sumentes per accidens dumtaxat ab hoc statu dimanant, universalemque scientiarum et artium utilitatem, ad ipsos pagos et rura (quorum barbariem nimis adversarii exaggerant) sese protendentem, minime adimunt.

Tandem quod civilis status quorundam Asiae et Africae regnorum, cum magna barbarie seu asperitate et inhumanitate morum usque in praesens tempus permaneat, id unice vel praecipue a falsis, ipsique naturali rationi contrariis Islamiticae sectae ibidem generatim dominantis principis seu legibus originem ducit; ideoque nil mirum homines ipsam naturalem rationis lucem spernentes, tenebris ignorantiae involvi. Ad ea denique quae proponerentur ex imminutione vel amissione nativae libertatis, per debitam subjectionem

(1) Confer si vacat quae inferius dicimus (part. 4. cap. 2. artic. 2). de scelere suicidii ejusque causis.

nem, et fructuum industriae, per tributorum solutionem, vide responsiones datas sepeius [1].

CAPUT II.

DE POTESTATE POLITICA ET PRINCIPIS JURIS PUBLICI

113 Suprema civilis potestas, regimen, imperium, seu moralis facultas independens civium actus dirigendi ad commune bonum, id est civilem beatitudinem assequendam, aequae ac ipsa civilis societas, est factum quoddam, cujus non existentia, sed dumtaxat origo indubium solet vocari de hac igitur supremae potestatis origine, pauca quaedam nunc exponemus suppositis nuper dictis de origine ac natura status socialis et civilis. Jus publicum positivum prout sumitur ad discrimen juris naturalis, involvit tam legem positivam mere humanam seu civilem, quam jus gentium (non est enim nobis quaestio sive in specie sive in genere de jure publico ecclesiastico); prioris principia seu actiones, inter praerogativas civilis potestatis recensentur, posterioris vero seorsim exponendae erunt.

ARTICULUS I.

DE ORIGINE POLITICAE POTESTATIS EJUSQUE DIVERSIS FORMIS

114. Supremam potestatem seu imperium civile sicut et ipsum civilem statum a Deo tamquam auctore et institutore humane naturae dimanare non vero a quodam contractu seu pacto sociali quemadmodum vellet Genevensis sophista (2), mox probaturi, monemus 1^o, aliud esse potestatem aliquam profluere a Deo tamquam a causa prima res omnes immediate creante conservante et ad earum actus concurrente; aliud a Deo ejusque voluntate, taquam a causa proxima talis potestatis, necessario et naturaliter connexae cum tali natura a Deo condita et ita ordinata quod postremum constituit hanc potestatem tamquam donum naturale convenitque dumtaxat supremae po-

(1) Artic. proxime praecedente n. 108. in respond. ad 3.^m

(2) De contractu sociali, libr. 1 et 2.

testati, ab actu divinae voluntatis necessario, non autem libero aliquid ultra exigentiam naturae tribuente dependenti: et fundatur in eo quod pleraque in ordine hujus mundi revera dependant a Deo *etiam* ut causa proxima, Deusque potens sit ad volendum et constituendum ut aliqua referantur ad ipsum mediantibus dumtaxat causis secundis, seu modo naturali aut ordinario, alia vero immediate et proxime (1), seu modo velut praeter-naturali aut potius extraordinario.

2^o. Distinguendam esse dicimus hanc supremam potestatem *in se spectatam*, ab ejus *subjecto* et a consideratione relativa ad ipsum subjectum, sive quatenus in ipsum dimanat et invenitur in ipso, quod in diversis politicis communitatibus potest esse diversum, determinatque diversam summi imperii seu regiminis *formam*; sit erit *monarchicum* regimen, ubi summum imperium penes physice singularem residet personam; *aristocraticum*, si penes optimates, aut concilium ex quibusdam eorum coactum; *democraticum*, si penes totam civium communitatem. Tres istae regiminis formae vocantur *simplices* et ex earum simul omnium vel duarum alternata combinatione, oriuntur quatuor *mixtae*, quae propriis appellationibus carent, diversisque subjacent modificationibus, prout singula elementa componentia, diversa ratione participant supremam potestatem; quod etiam constituit *divisionem jurium*, seu ut vocant, *la divisione dei poteri*, quae divisio dicitur perfectius ac melius prae ceteris haberi in forma regiminis coalescente ex tribus simplicibus simul sumptis. Has formas civilis potestatis ac regiminis determinare, modum quemdam ejus acquisi-

(1) Rem hanc morales doctores quibusdam exemplis solent declarare naturalium effectuum qui ab accidentalibus quibusdam causarum aut virtutis earum combinationibus, vel a non necessariis ad naturalis ordinis constitutionem determinationibus profluunt, e. g. dum nascuntur monstra, dum vires physicae corporum a causis liberis augentur aut destruuntur, etc. Deus est tantum *causa prima*, utpote talem efficaciam virtutis causis secundis tribuens; at in aliis effectibus est insuper *causa proxima*, e. g. ordinis statuti circa anni tempestates, propagationem plantarum, animalium, etc. similiter in causis moralibus, *pactionum* e. g. sive *contractuum* illorum, quos homines cujusdam dumtaxat utilitatis gratia ineunt. Deus est tantum *causa prima*; relate vero ad *contractum* sive *pactum* matrimoniale, cujus exigentia, finis et substantiales, ut vocant, conditiones, sunt ab ipso naturali ordine determinata. Deus est insuper immediatus institutor et *causa proxima*.

tionis vel propagationis et exercitii figere in ipsa primaeva regnorum institutione, vel in casibus necessitatis, e. g. si data quedam forma desineret, ab arbitrio mutuoque civium consensu de lege ordinaria dependet, cum naturalis ratio, *per se et communiter*, magis unum quam aliud eorum necessario non postulet. Unde patet modum acquirendi vel exercendi hanc potestatem posse esse quandoque iniquum contrariumque divinae voluntati; dum interim ipso potestas quatenus ad rectam et naturalem civilis communitatis constitutionem praerequiritur, est revera et dimanata voluntate divina. His praejectis statuitur.

PROPOSITIO

Suprema politica potestas in se spectata et rationali modo introducta est immediate a Deo, nulla-que est necessitas concipiendi eam prius derivari in communitatem civium et ab ipsis in aliquam regiminis formam.

115. Supremam hanc politicam potestatem debito seu rationali modo introductam, (abstrahendo nunc a determinata simplici vel mixta regiminis forma) et *in se spectatam* esse immediate a Deo, nedum rationibus sufficienter probari, sed et ad fidem pertinere, inquit Suaresius (1), cum manifeste id doceant sacrae litterae: sic et Apostolus (2) generatim asserit: *Non est enim potestas nisi a Deo: quae autem sunt, a Deo ordinatae sunt. Itaque qui resistit potestati, Dei ordinationi resistit:* et infra (3) ter repetit, *principes ministros Dei esse*; et de iisdem dicitur (4): *Audite... quoniam data est a Domino potestas vobis, et virtus ab Altissimo.* Verum hoc innuisse sufficere, veniamus ad rationes, quae proprie nostra referunt. Ac primo quidem, cum jam probatum sit (5), civilem societatem esse homini naturalem, et cum haec sine suprema potestate, quae praecipiendo et coercendo, justitiam et pacem custodiat, multitudinisque studia ac voluntates adeo discrepantes ad com-

(1) *Defensio fidei catholicae* libr. 3. cap. 1 et 2.

(2) *Epist. ad Roman.* cap. 13. vers. 1. et 2.

(3) *Ibidem.* vers. 4. et 6.

(4) *Sapientiae* cap. 6. vers. 2 et 4.

(5) Cap. proxime praecedente, artic. 2.

munem felicitatem aptissime ordinet, vix ad modicum tempus subsistere posset dicendum est ipsam hanc politicam potestatem a Deo *auctore naturae* simpliciter intentam esse et in *hypothesi* civilis coadunationis *necessario* volitam atque mediante ratione intimatam et praeceptam, velut medium naturaliter necessarium ad finem: unde parum refert, statum civilem non esse proprie de jure naturae *positive* praeceptivo (1). Deinde, quia in hypothese nuper dicta, politica potestas juxta ordinem naturalis rationis est simpliciter necessaria, et ad naturalem perfectae humanae societates felicitatem tamquam ejusdem societatis quae est corpus quoddam morale, constitutum essentiale, absolute requisita; jam quae ejusmodi sunt, a Deo ipso auctore et immediato provisor talis naturae praecordinantur. Praeterea cum eo ipso quod homines in corpus politicum congregentur, tanta hujus potestatis necessitas oriatur, ut non possit per voluntatem humanam impedi, signum est, eam esse imediate a Deo, intercedente tantum illa naturali consecutione seu exigentia, ac necessario naturalis rationis dictamine, ostendente potiusquam ejusmodi potestatem constituyente.

Ex his vero per se corrumpitur contractus seu pactum sociale liberum Rousseau, quod insuper et in falsa hypothese status hominis naturalis silvestris et solitarii, ab omninaturali subjectione liberi, fundatur, et contradictionibus undique scatet; nam evidenter repugnat *talis socialis unio*, cujus quodlibet membrum non *obediat nisi sibi in seipso*; omnia membra partem suae *libertatis* in *commune* conferat, et tamen; ut *antea*, libera remaneant; unumquemque associatum *dando se omnibus*, *nemini se dare etc.* quae omnia potius ad quamvis potestatem evertendam, quam ad aliquam stabiliendam videntur ordinata. Ad haec si animadvertas, quod consensus perfecte aequalium individuorum nullum naturale dominium in se invicem habentium, nullaque rationalis naturae necessitate ad illud agnoscendum adactorum, nequeat talem politicum principatum constituere, qui tamquam Dei minister habeatur (2), polleatque insuper jure gladii (ad bonum societatis, uti

(1) Animadversio haec respicit exceptionem illam quae posset fieri ex eo, quod liberum erat hominibus manere in statu mere naturali; ideoque sicut non fuerat simpliciter necessarius status civilis, ita nec politica potestas: at facile solvitur distinguendo inter necessitatem *antecedentem* et *consequentem*.

(2) Vestigia Rousseau videntur quoque premere H. Ahrens

videbimus simpliciter necessario) cum solus Deus sit dominus humanae vitae; validissimum quoque habebis motivum commentum istud rationabiliter respuendi.

116. Videamus nunc quae ad secundam nostrae assertionis partem pertinent. Porro nulla videtur esse necessitas, emanationem supremam potestatis *relative* spectatae apprehendere per prius derivatam in communitatem civilem, et ab hac in aliquam determinatam regiminis formam sive subjectum; etenim potestas haec cum sit *ens morale*, proprie non transfunditur, neque ab uno in aliud subjectum instar phan-

dum (operis memorati pag. 369. et seqq.) asserit: *C'est donc une convention ou un contrat social qui est le mode rationnel de l'institution du pouvoir... La source, l'origine du pouvoir est donc dans la nation; c'est en elle que reside, comme nous avons vu, la puissance politique générale.* Et quamvis paulo inferius dicant, se loqui de suprema potestate *formali*, ejus tamen firmitatem et complementum non repetit, nisi a quodam principio justitiae dimanante a ratione. *La souveraineté qui se fonde donc sur le concours de toutes les volontés, n'est que formelle, et doit recevoir sa sanction et son complément nécessaire du principe de la justice, laquelle, comme émanation de la raison, a seule le droit de régner d'une manière absolue, et constitue par conséquent le fondement rationnel de la souveraineté.* Verum, istud principium justitiae et ratio, si supponantur velut quid *abstractum*, nequeunt esse fundamentum et origo supremam potestatis *realis*, si autem in *concreto* sumantur non sunt quid distinctum a ratione vel rationali ac libera hominum voluntate; congruunt igitur cum origine potestatis *formalis*; aut si secus, talis origo dicenda foret irrationalis: quod forte infertur etiam ex sequentibus: *La destinée de la souveraineté de la volonté est de se rationaliser, en se soumettant à l'autorité de la raison; mais cette soumission doit être libre.* Praeterea, sicut constat ex nostro postremo argumento, voluntatis humanae etsi rationalis, sive individualiter sive collective consideretur, consensus, cum haec non sit sui ipsius superior, nequit constituere supremam potestatem; hic namque habet locum illud certissimum effatum, *nemo dat quod non habet.* Insuper hujusmodi doctrina tollit omnem stabilitatem, et notam divinitatis a supremo regimine sive potestate, adversaturque vel ipsi laxiori sententiae (forte parum tutae, de qua loquimur paragrapho proxime sequenti) quae considerat societatem sive civium communitatem vel depositariam supremam potestatis, in illam a Deo imediate derivantis, et ab illa ad aliquam determinatam regiminis formam per communicationem transeuntis, in qua scilicet saltem sensu quodam mediato stat veritas divini eloquii: *Epist. ad Roman cap. 3. Non est enim potestas nisi a Deo.*

tasticae cujusdam personae, modo hic modo illic insidentis, migrat; ideoque propter exigentiam ordinis naturalis seu ex immediata divina ordinatione, facta determinatione alicujus regiminis formae, cuivis earum aequè naturaliter et immediate inhaeret, in eaque, donec naturaliter non desinat vel immutetur constanter perdurat. Deinde communitas seu potius multitudo hominum ante determinationem alicujus formae regiminis, non constituit proprie corpus morale et politicum [cui tantum est necessaria suprema potestas], et utpote tunc principio unitatis destituta, nequit ullum supremæ potestatis exercere actum; tale namque exercitium supponit quod antecederet jam constet cuiam sit obtemperandum (1); ergo talis potestas esset eidem communitati inutilis ac proinde non poterat a Deo tribui; vel saltem dicendum foret, formam regiminis *democraticam* dumtaxat esse naturalem, et a Deo immediate præordinatam; quod est contra evidentem rationem, et doctorum sententiam, non magis unam quam alias, vi ordinis naturalis, expostulantem. Præterea, hæc ratio alia regiminis formae constituerentur si non illicitæ saltem precariæ, atque pro arbitrio ipsius communitatis, cum maxima publici boni jactura, quovis tempore mutabiles. Populus tandem sive communitas numquam se tali potestate licite privare, formamque aliquam tamquam Dei ministram instituere posset.

117. Contra primam nostræ propositionis partem nequeunt opponi nisi quaedam gratuitaæ assertiones ex falsa suppositione status naturalis silvestris et solitarii; contra alteram vero arguunt. 1^o Suprema politica potestas est proprietas naturaliter consequens perfectæ communitatis institutionem, et in ejus utilitatem ordinata; ideoque, dicendum est eam tribui ipsi communitati tamquam *immediato subjecto*.

Respond. *Neg. sequel.* tum quia antecederet ad aliquam regiminis formam, potestas hæc ut vidimus, nec tribuitur nec poterat tribui communitati; cum etiam quia si rationes adjectæ valerent, potestas quoque parentum, vel quævis alia, statim ac ex quadam naturali consecutione re-

(1) Animadvertendum est discrimen inter determinationem formæ regiminis, et exercitium supremæ potestatis; hoc necessario supponit aliquam formam regiminis esse determinatam, illa vero fieri potest tacito etiam civium consensu, aut per modum, ut ajunt, facti.

quiritur et in utilitatem filiorum vel subditorum ordinatur, deberet per prius iisdem communicari quod est absurdum.

Urgent. Potestas politica a communitatibus civilibus saltem unanimi consensu populi, solet frequenter ex uno in alium principem, aut formam regiminis transferri; desinente aliqua forma, dicitur ad communitatem reverti ipsa potestas ipsius limites solent pro lubito coarctari vel extendi in diversis mixtis seu temperatis regiminis formis etc. ideoque eidem communitati immediate collata esse videtur hujusmodi potestas.

Respond. *Disting.* Et hæc omnia, si supponantur *legitime* fieri sufficienter explicantur per illud, quod ad communitatem seu civium consensum vel pactum pertinet interdum regiminis formam determinare *conc.* quasi etiam ipsa potestas *in se* spectata arbitrio civium subjici deberet *neg.* Sic revera summa potestas, ex rei natura, nequit esse nisi tantum in una *physice* aut *moraliter* persona; ejus jura, saltem essentialia, nequeunt ab hac unitate separari, et ex integro singulis temperati regiminis partibus competere; nequit pariter, durante naturaliter, et cum eadem essentiali utilitate communitatis, aliqua forma regiminis, potestas in aliud *subjectum* transferri, aut eo non consentiente, regimen temperatum in simplex, vel hoc in illud magis minusve in sui partibus relative coarctatum, mutari. Quæ omnia ostendunt, supremam potestatem quatenus etiam in aliqua ex possibilibus formis existere debet, *in sui natura* non pendere ad arbitrio civium; quin potius dici debet, quod constituta jam aliqua regiminis forma, ab ejusque subjecto admissa potestate, *jus imperandi* in tali politico regimine, et in civibus seu populo *obligationem* eidem *parendi* nihilque contra ejus constitutionem aut jussa meditandi, esse *immediata* a Deo, de lege naturali et divina. Atque in hoc distinctione facta inter *collationem* supremæ potestatis, et ejus *usum*; quasi nempe collatio fieret a populo, usus autem et exercitium immediata a Deo penderet, conveniunt nobiscum [licet forte haud consequenter] qui pro *mediata* dumtaxat derivatione hujus potestatis a Deo pugnant (1).

(1) Neminem latet quosdam gravissimos magnique nominis doctores pro hac sententia stetisse, verum quia in speculativis quaestionibus philosophicis, non auctoritate, sed rationibus decertatur, et quia illi eorum doctorum, quorum eminentissima præ-

Quod si quis adderet, in hac sententia aliquid a nobis principatui politico tribui, quod aut conditione aequalitatis et libertatis humanae naturae, aut etiam divinae dignitati derogat; respondetur negando: siquidem non ex *differentia* naturae, aut *juri fortioris*, praecminentiam, majestatem, et dominatum hujus potestatis eruiamus, sed ex necessitate sive exigentia ordinis naturalis a Deo statuti rectae rationi apprime consentanei; unde nihil est, quod aequalitatem specificam humanae naturae tollat, aut libertatem imminuat. Cum vero potestas haec principatui politico dumtaxat per participationem et secundarie, Deo autem per essentiam et principaliter conveniat, dignitas divina nequaquam laeditur: remanetque illius dependentia a Deo, ac naturalis subordinatio potestati et juribus ordinis superioris seu supernaturalis; etenim etsi Deus statuatur cuilibet legitime determinatae regiminis formae immediate conferre supremam potestatem non est certe dicendus eam conferre ad destructionem, sed ut ajunt, ad aedificationem, non ut per eam cives in prosecutione ipsorum temporanae et praesertim aeternae felicitatis, in cultu verae religionis istiusque sanctissimis legibus custodiendis, etc. impediatur, sed potius ut in his omnibus ab ea modo suo juventur. Hinc manifestum est, formam illam seu subjectum, quod potestate licet immediate ei attributa

tantia forte quemquam movere posset, in eam sententiam videntur concessisse dumtaxat propter extrinseca motiva, scilicet compescendi inanem ostentationem cujusdam imperantis dictitantis se a Deo immediate supremam tenere potestatem, ideoque hanc nunquam amittere posse etc. ideo nihil hinc licet inferre contra communioem sententiam quam tuemur. Praeterea, nostrum postremum argumentum est ad hominem; isti enim doctores, utpote summi ingenii viri, cum perspexerint consequens fore, supposita eorum sententia, ut, si communitas civium non tantum subjectum seu formam determinare, sed etiam supremam potestatem eidem conferre dicatur, hujusmodi formae etsi legitime institutae reniti, et quodvis contra eam moliri, non esset idem ac jus divinum, sed solum humanam institutionem violare, quod securitati regnorum et bono communi videtur vehementissime adversari, usi sunt distinctione inter *collationem* et *exercitium* supremae potestatis istudque non vero illam in qualibet regiminis forma esse juris divini dixerunt; forte non satis considerantes, quod spectato dumtaxat naturali ordine, usus atque exercitium alicujus potestatis videatur esse, et debere esse ejusdem originis et juris, cum *proxima* illius causa, scilicet *collatione*.

abuteretur agendo contra finem ab ipso Deo constitutum, hoc ipso eadem potestate semetipsum destituere, saltem in eo, quod nemo jussa ejusdem ita imperantis exequi teneretur.

118. Quamvis porro sub qualibet justa ac ordinata regiminis rationi, humana societas civilem beatitudinem assequi valeat, cum haec, ut recte advertit cl. De Haller (1) dependeat praecipue a fideli custodia legum justitiae et benevolentiae; tamen quia plerique pseudo-politici et haeretici vel ex odio catholicae religionis monarchicum regimen summopere deprimunt, juvat paucis innuere, simplicem monarchicam, *absolute et simpliciter* spectatam, quatenus ab ordinariis et cuivis speciei regiminis communibus incommodis (2), abstrahitur inter caeteras species excellere.

Assertionem istam pro thesi assumimus, et sic in primis positive probamus. Quoniam a priori et ex facto constat, eo perfectiorem esse statum civilis societatis, quo perfectius

(1) *Restauration de la science politique*, tom. 1. cap. 21.

(2) Cum in humanis rebus nihil sit quod spectatis omnibus adjunctis tanquam optimum haberi queat, quaestio haec non nisi eam enunciata limitatione agitari solet. Fatendum namque est, in qualibet politici regiminis forma, sua posse interdum et quidem gravissima haberi incommoda. Monarchia in *tyrannidem* transit, si neglecto bono communi legibusque justitiae et aequitatis, respublica dirigitur juxta libidinem imperantis, vel unius alteriusve illius ministri. Aristocratia induit speciem *oligarchiae*, in qua pauci ex optimatibus summum ad se imperium trahentes, eo in propriam potius utilitatem, quam in civium ac patriae commodum utuntur: quod olim Romae fiebat sub triumviris. Democratia in *ochlocratiam* migrat, quando pars populi imperium polita, omnia trahit in proprium emolumentum cum gravi reipublicae jactura: aut etiam quando degenerat in *anarchiam* (quod pejus est), ubi spreta legum et magistratum auctoritate, omnia miscet plebis sive civium effraenata libido. In qualibet mixta regiminis forma, ex praeponderantia elementorum componentium aut ex inordinata eorum aemulatione et studio partium, propriae quaedam et multiplices possunt et solent accidere *irregularitates*, quae ideo forte determinatis carent nominibus: generales tamen illae populi sive civium commotiones, tendentes ad mutandam vel modificandam cujusdam regiminis formam, quae olim dictae fuerunt *rebelliones*; nunc nomine *politicarum revolutionis* (quando scilicet vi armata comprimi non poterant) cohonestantur; supponiturque in ipsis velut totius nationis consensus expressus.

civium voluntates conspirant ad quaerendum bonum commune, talisque perfectior consensio in regimine monarchico, ubi nemo est qui eidem directioni non subjiatur, praecipue elucet (alia regimina namque eo melius duntaxat eundem effectum obtinent, quo magis eorum membra in moralem unitatem directionis ad invicem conveniunt et speciem regiminis monarchici exhibent), assertio nostra evidens est. Ex eadem perfectiori voluntatum unione sub regimine monarchico, sponte sua fluit perfectior ratio ordinis, pacis et tranquillitatis, major potentia et robur, stabilitas ac diuturnitas Reipublicae, quae omnia et ad essentialem civitatis beatitudinem spectant, et exinde confirmantur, quod dum in allis regiminum formis bona haec civitatis in discrimen vocantur, non aliud remedium efficacius solet communiter adhiberi, quam ad unum extraordinariam et totam imperii vim conferendo. Praeterea monarchicum regimen apprime imitatur perfectionem ordinis naturalis, juxta quem sicut unus Deus in mundo, ita unus pater in familia, anima et cor unum in homine, unus rex inter apes, dux in gregibus et in armentis rector, grues quoque unum sequuntur ordine literato. Insuper prima et antiquissima regna tali regimine usa sunt et nunc maxima pars mundi eodem utitur, romanumque imperium duntaxat sub Monarchis per integra fere quindecim saecula non interrupta duravit [1]. Tandem talis forma regiminis congruit cum origine supremae potestatis, quae a paterna potestate, sicut civilis societas a domestica societate dimanare dicenda est; unde etiam populorum rectores *patris patriae* olim appellati fuerunt (2).

[1] Scite hanc rem declarat P. Ignatius Schwarz (*Instit. juris public. etc. part. 2. titul. 4. instruct. 3. §. 2.*) inquit: *Respublica Romanorum potentissima, vix annos quadringentos et amplius potuit immo neque his annis, quibus floruit in Imperio Romana Respublica. eodem modo regebatur. At eadem sub Monarchis in oriente a Julio usque ad Constantinum ultimum sine interruptione durabit annis circiter 1493. In Occidente autem ab eodem Julio usque ad Augustulum supra quingentos, et a Carolo M. usque ad Imperatorem Augustissimum Carolum VI. ultra nongentos annos floruit.*

[2] Quaeri etiam a doctoribus solet, utrum regimen monarchicum electivum successivo, vel hoc illi sit praestantius, et an mixti sive temperati regiminis formae simplicibus formis sint praefereandae. Nos hujus generis quaestiones agitandas libenter relinquimus politicis, eo vel maxime quod, ut cum cl. de Ha-

119. Ex his quae in contrarium opponuntur assertio nostra magis confirmatur seu negative evincitur; etenim dum di-

ller superius monuimus, non tam a diversitate formae, quam ab ejus recta ordinatione legumque custodia felicitas civilis dependeat; idque jam suo tempore expressit philosophus inquit optimam rempublicam illam esse *ubi boni magistratus et boni cives, et boni viri*. Atque hac in re fere consentientem habemus saepius memoratum H. Ahrens (pag. 383, et seq.): *La meilleure forme est toujours celle qui à une époque donnée, satisfait le mieux les intérêts généraux en plaçant le pouvoir dans les mains de ceux que peuvent faire triompher, avec le plus d'indépendance d'intelligence, le principe de justice sur l'ignorance et l'intérêt particulier.*

Quia porro recentiores politici formam regiminis ex tribus simplicibus mixtam, caeteris formis mixtis praestantiorum esse censent, nos etiam relate ad hoc contenti esse possumus generali illa cl. de Haller animadversione; theoretice enim rem considerando, vix aliquid de ea certi affirmari potest. Quod si quaestio practice consideretur, sententiam hujusmodi politicorum verissimam fore dicimus, dummodo talis mixta regiminis forma, aliarum simplicium et mixtarum incommoda excludat, nec aliis aequalibus aut etiam gravioribus sit obnoxia. Hoc vero ut locum habere possit, spectanda sunt quoque statutorum sive legum, ut vocant, organicarum recta ac justa institutio, peculiaris civium sive populi indoles, aliaque adjuncta temporum et locorum, et praesertim debita morum conformatio, potens duntaxat dimanare a vero amore et cultu catholicae religionis, quae non ad aures tantum et extrinsecus (instar humanarum institutionum) sed ad mentem et praecipue ad cor ipsum loquitur; legibusque justitiae sinceram subjectionem imperat, atque humanis cupiditatibus et inordinatis affectibus efficacissima injicit fraena. Tandem, quia bonus ordo et firmitas mixti regiminis a conspiratione ejus partium in unitatem moralem maxime dependet, et quia haec conspiratio eo difficilius obtinetur quo plures sunt regiminis partes eandem potestatem simultanee participant; patet 1º, quod illud tantum regimen caeteris omnibus praefendum esset in quo imperans et omninodam haberet potestatem ad promovendum quodvis communitatis sive subditorum bonum, et propter efficacissimum quoddam medium sive impedimentum esset impotens ad procreandum malum sive ad nocendum; de qua regiminis forma fertur dixisse postremis hisce temporibus imperans quidam simulque summus politicus: *date mihi eandem, et totum mundum potero optime administrare*. 2º, parum consulere videntur bono hujusmodi mixti regiminis formae, qui *divisionem*, ut

cunt, majorem esse prudentiam *in multis* quam *in uno*, plusque videre [sicut fert commune effatum] *oculos* quam *oculum* et neminem audere veritatem dicere principi absoluto, aut eum delinquentem monere; supponunt in primis facilius esse plures prudentes, probos et sapientes invenire quam unum vel paucos, quod est falsum: deinde absolutum principem non posse aut non habere fidelissimos, probos et prudentes consiliarios, pluresque ministros; istorum itaque *oculis* videbit *auribus* audiet, quae per se videre audireque non potest, et si fuerit prudens eorum conspirantia praesertim consilia sequetur, et modestam admonitionem, aut latentis veritatis, undecumque veniat, manifestationem haud gravate admittet; cum interim excessus prudentiae multorum, si quis esset, habet sibi quasi semper oppositas, aemulationem, ambitionem, contentionem, et propter fines privatos boni communis non ut sui considerationem; quod de principe absoluto dici nequit. (1).

Quod addunt, facilius nempe esse unum principem, quam multos cives aut optimates muneribus corrumpere; citiusque unius quam plurium imperium in tyrannidem convertitur; et regum, inquit Rousseau, maxime interest, ut subditi sint imbecilles et egeni, ideoque et de eorum vita ac bonis pro arbitrio disponunt, ad rem non facit. Primum falsum est evidenter, cum rex communiter bonis abundans, minus quam optimates vel cives muneribus alliciat, minorque in subditis soleat esse audacia ejus fidelitatem etiam dumtaxat tendandi. Praeterea in pari casu, facilius certe unius quam multorum habendi cupiditas tandem aliquando expletur, desineretque nocere. Quod postremum valet etiam pro responsione ad id quod secundo loco asseritur; etenim cum longe facilius sit unius quam plurium offensionem vitare, tyrann-

vocant, *jurium* magis augere student, sicut facit H. Ahrens (pag. 374. et seqq.) praeunte Fichte, optatque ut praeter potestatem *legislativam*, *judiciariam* et *executivam* statuatur alia, scilicet *inspectiva*, cujus munus esset, *de veiller à ce que tout les autres pouvoirs restent dans les limites de leurs attributions n'empiètent pas les uns sur les autres.*

(1) Quae hic diximus confirmari possent exemplis desumptis ab hujusmodi mixtis regiminis formis, sed sufficere animadvertente, quod qui solus imperat non habet in quem possit rejicere causas inordinationum, praesertim earum quae constanter in ejus gubernatione cernuntur.

nis unius nunquam potest esse adeo universalis, ut tollat communem pacem, praecipuum socialis communitatis bonum, quod tamen semper tollitur ab impetu et furore populi, vel a dissidiis optimatum coecum vulgus in contrarias partes trahentium; saevissimaque Neronis, Caligulae, Domitiani, et aliorum libido, aut tyrannis plurimorum annorum forte minorem respective produxit vitae et fortunarum direptionem, legumque contemptum, quam unius diei tumultuantis plebis et civium effraenata licentia producere solet. Prima assertio Rousseau est mera calumnia; nam conveniens magnanimitas et affluentia divitiarum in civibus ac subditis, ipsorum regum potentiam, ac robur et decus constituit. Quod subdit, locum habere non potest nisi in regibus qui omni lege et aequitate naturali se esse solutos existimarent; idemque in pari casu incommodum vel etiam gravius sub quavis alia regiminis forma accideret. Vide S. Thomam (1).

ARTICULUS II.

DE PRAEROGATIVIS SUPREMAE POLITICAE POTESTATIS

120. Inter prerogativas supremae civilis potestatis ea omnia comprehenduntur, quae ad internam externamve Reipublicae tranquillitatem et felicitatem comparandam sunt necessaria, ut jus leges ferendi, poenas determinandi, lites dirimendi, magistratus constituendi, tributa exigendi etc. pacta cum aliis civitatibus firmandi, bellum indicendi, vel pacem componendi etc. quae omnia cum a fine publicae utilitatis deriventur non constituunt, sicut vellent plerique pseudo-politici, potestatem principum *despoticam et exlegem*, quasi *id omne possent in territorio* (sunt verba Hornii) *quod deus in universo*, sed eidem dumtaxat fini commensuratum, qua uti debent tantum ut ministri supremi regis Dei, eidem in tremendo judicio sui officii rationem reddituri. Duae primae ex praedictis prerogativis praecipue in controversiam vocantur, ideoque de his tantum pauca quaedam dicemus; et quia qui supremo politico principatui potestatem legislativam vel coercitivam, praesertim quoad poenam mortis, denegant, fundantur in falsa, jam refutata (2) origine supremae potes-

(1) *Opuscul.* 20. lib. 4.

(2) Articulo praecedente nn. 115. 116. 117.

cunt, majorem esse prudentiam *in multis* quam *in uno*, plusque videre [sicut fert commune effatum] *oculos* quam *oculum* et neminem audere veritatem dicere principi absoluto, aut eum delinquentem monere; supponunt in primis facilius esse plures prudentes, probos et sapientes invenire quam unum vel paucos, quod est falsum: deinde absolutum principem non posse aut non habere fidelissimos, probos et prudentes consiliarios, pluresque ministros; istorum itaque *oculis* videbit *auribus* audiet, quae per se videre audireque non potest, et si fuerit prudens eorum conspirantia praesertim consilia sequetur, et modestam admonitionem, aut latentis veritatis, undecumque veniat, manifestationem haud gravate admittet; cum interim excessus prudentiae multorum, si quis esset, habet sibi quasi semper oppositas, aemulationem, ambitionem, contentionem, et propter fines privatos boni communis non ut sui considerationem; quod de principe absoluto dici nequit. (1).

Quod addunt, facilius nempe esse unum principem, quam multos cives aut optimates muneribus corrumpere; citiusque unius quam plurium imperium in tyrannidem convertitur; et regum, inquit Rousseau, maxime interest, ut subditi sint imbecilles et egeni, ideoque et de eorum vita ac bonis pro arbitrio disponunt, ad rem non facit. Primum falsum est evidenter, cum rex communiter bonis abundans, minus quam optimates vel cives muneribus alliciat, minorque in subditis soleat esse audacia ejus fidelitatem etiam dumtaxat tendandi. Praeterea in pari casu, facilius certe unius quam multorum habendi cupiditas tandem aliquando expletur, desineretque nocere. Quod postremum valet etiam pro responsione ad id quod secundo loco asseritur; etenim cum longe facilius sit unius quam plurium offensionem vitare, tyrann-

vocant, *jurium* magis augere student, sicut facit H. Ahrens (pag. 374. et seqq.) praeunte Fichte, optatque ut praeter potestatem *legislativam*, *judiciariam* et *executivam* statuatur alia, scilicet *inspectiva*, cujus munus esset, *de veiller à ce que tout les autres pouvoirs restent dans les limites de leurs attributions n'empiètent pas les uns sur les autres.*

(1) Quae hic diximus confirmari possent exemplis desumptis ab hujusmodi mixtis regiminis formis, sed sufficere animadvertente, quod qui solus imperat non habet in quem possit rejicere causas inordinationum, praesertim earum quae constanter in ejus gubernatione cernuntur.

nis unius nunquam potest esse adeo universalis, ut tollat communem pacem, praecipuum socialis communitatis bonum, quod tamen semper tollitur ab impetu et furore populi, vel a dissidiis optimatum coecum vulgus in contrarias partes trahentium; saevissimaque Neronis, Caligulae, Domitiani, et aliorum libido, aut tyrannis plurimorum annorum forte minorem respective produxit vitae et fortunarum direptionem, legumque contemptum, quam unius diei tumultuantis plebis et civium effraenata licentia producere solet. Prima assertio Rousseau est mera calumnia; nam conveniens magnanimitas et affluentia divitiarum in civibus ac subditis, ipsorum regum potentiam, ac robur et decus constituit. Quod subdit, locum habere non potest nisi in regibus qui omni lege et aequitate naturali se esse solutos existimarent; idemque in pari casu incommodum vel etiam gravius sub quavis alia regiminis forma accideret. Vide S. Thomam (1).

ARTICULUS II.

DE PRAEROGATIVIS SUPREMAE POLITICAE POTESTATIS

120. Inter prerogativas supremae civilis potestatis ea omnia comprehenduntur, quae ad internam externamve Reipublicae tranquillitatem et felicitatem comparandam sunt necessaria, ut jus leges ferendi, poenas determinandi, lites dirimendi, magistratus constituendi, tributa exigendi etc. pacta cum aliis civitatibus firmandi, bellum indicendi, vel pacem componendi etc. quae omnia cum a fine publicae utilitatis deriventur non constituunt, sicut vellent plerique pseudo-politici, potestatem principum *despoticam et exlegem*, quasi *id omne possent in territorio* (sunt verba Hornii) *quod deus in universo*, sed eidem dumtaxat fini commensuratum, qua uti debent tantum ut ministri supremi regis Dei, eidem in tremendo judicio sui officii rationem reddituri. Duae primae ex praedictis prerogativis praecipue in controversiam vocantur, ideoque de his tantum pauca quaedam dicemus; et quia qui supremo politico principatui potestatem legislativam vel coercitivam, praesertim quoad poenam mortis, denegant, fundantur in falsa, jam refutata (2) origine supremae potes-

(1) *Opuscul.* 20. lib. 4.

(2) Articulo praecedente nn. 115. 116. 117.

latis, causam velut victam habemus, si ad munus supremi principatus utrumque spectare probaverimus.

PROPOSITIO

Ad supremum politicum principatum pertinet potestas leges etiam poenales ferendi, et jus gladii seu poena mortis quibusdam delictis infligenda.

121. Quod itaque potestas leges ferendi pertineat ad supremum politicum principatum manifestum est; nam ad ipsum spectat voluntatem civium ad bonum commune ordinare, pacemque inter eos servare; quod fieri nequit nisi per generales leges officia communia, et mutuae civum obligationes determinentur, ipsorumque magistratum in gubernando, iudicium in litibus dirimendis, modus procedendi ad uniformitatem reducat; cum et in magna hominum multitudine impossibile sit singulis et circa singulas actiones peculiaria jussa intimare (sicut fit in communitate seu societate domestica), et in tanta diversitate particularium iudiciorum et appetitum, unde infinita controversiarum seges oriri potest, pacis publicae apprime intersit generaliter definire quid cuique suum, quid alienum censi debeat, aut quomodo quique iurium suorum usus ad tranquillitatem civitatis obtinendam sit temperandus. Deinde cum principatus politicus, ut vidimus, ab ipso autore naturae immediate originem trahat, et cum natura primo et per se non instituerit civilem societatem sed tantum ordinatam ejus institutionis rationem praescripserit; generalissimae namque sunt dumtaxat naturales leges quae eidem societati aptantur; jam si principatus politicus leges condendi potestatem non haberet, et si cives iisdem obtemperare non obiligarentur, et quidem quando justae sunt et legi naturali convenientes, ex vi ipsius legis naturalis, et in conscientia (1); potestas politica inutilis, et civitatis sub-

(1) In conscientia legibus obtemperare tenetur, qui non solum poenae, sed etiam culpae obnoxius eas violando constituitur id est contrahit verum reatum in voluntate, justamque superioris offensionem inducit, etsi forte poenam luendam declinaret. E contra, si tantum teneretur aut ad servandam legem aut ad subeundam

sistentia impossibilis redderetur: praesertim quod nec privati homines possint competenter praevidere boni publici rationem, nec ad illud quaerendum per semetipsos, sicut oportet, ordinari.

Ex iisdem rationibus, et spectata humanae naturae conditione, unde plerique hominum ad ordinate operandum, sola honestate et rectitudine naturali, ac verbis de facili moveri non possunt, infertur necessitas potestatis coercitivae sive legum poenaliu in principe politico, ut per comminationem et inflictionem quarundam poenaru, legum violatores cohibeantur a malo, aliisque tranquillam vitam relinquunt; ipsarumque legum vis ac robus firmum permaneat.

122. Contra primam hanc thesis partem hoc tantum obicitur, scilicet: ex adstructa necessitate legum civilium ar-

aliquam poenam, nulla esset *per se* loquendo obligatio in conscientia. In hac distinctione obligationis fundatur quaestio a doctoribus agitata, utrum dentur necne quaedam humanae leges dumtaxat poenales. Quidquid sit de hac quaestione, certissimum est in genere civiles leges inferre eas servandi obligationem in conscientia. Etenim si suprema civilis potestas habet jus ratione boni communis praecipendi, legesque condendi, necesse est ut cives habeant debitum iisdem legibus obtemperandi in conscientia et coram Deo, cum solus timor extrinsecae humanae poenae, quae et facile potest declinari et occultas praevaricationes non afficit, non sit sufficiens ad continendos in officio cives. Praeterea, sicut potestas politica ita et jus ejus imperandi est immediate a Deo; ideoque, quamvis homo quatenus homo non posset alterum (saltem ipso nolente) intrinsecus ac in conscientia obligare, tamen quia dum lex humana est justa legique naturali conformis, Deus ipse eam ratam habet obligationemque, tamquam politicae potestatis institutor, inducere censetur, nihil est quod impediat quominus homines civilibus etiam legibus obligari in conscientia dicantur. Debitum ita obtemperandi potestati civili manifeste quoque expressum habemus in sacris litteris, ubi S. Paulus (*Epist. ad Roman.* cap. 13. vers. 1. et seqq.) postquam dixerat: *Omnis anima potestatibus sublimioribus subdita sit. Non est enim potestas nisi a Deo: quae autem sunt, a Deo ordinatae sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem aquirunt:* subdit (vers. 5. et 6.): *Ideo necessitate subditi estote: non solum propter iram, sed et propter conscientiam.* Hinc inferes eos, qui tale debitum politicae potestati obtemperandi inficiantur, nedum rationi sed et divinae auctoritati adversari.

gui insufficientiam legis naturalis; quod videtur adversari naturalis ordinis perfectioni.

Respond. *Neg. Antec.* Lex naturalis, relate ad officia vitae civilis quam *per se* non praecipit, sicut vidimus, multa in communi dumtaxat praescribit, modum, tempus et locum ad sui observationem necessaria non determinat; poenas determinatas et in praesenti saltem vita sufficientes, non statuit; unde si violentiae, raptus, homicidia, furta, adulteria etc. legibus ac poenis civilibus et sensibilibus non cohiberentur, improbi omni metu proxime imminentis mali soluti, et impune huiusmodi scelera perpetrantes, totalem Reipublicae perniciem et eversionem tandem inferrent: ideoque custodiae ipsius naturalis legis interest leges et praesertim poenas civiles in humana societate existere. Nec obstat quod, hisce etiam suppositis poenis, aliquos interdum insana temeritas, aut enormis animi commotio eo propellat, ut facinoris perpetrationem metui poenarum anteponant; hoc enim inter minus frequentia habetur, quae evitasse humana conditio non patitur.

123. Nunc in particulari pauca sunt addenda, circa alteram propositionis partem, scilicet relate ad jus gladii seu poenam mortis, quam Caesar Beccaria [1] et cum ipso plerique pseudopolitici falso quodam sensu humanitatis seu potius amore promovendae licentiae ducti, a publica potestate subtrahere vellent. Juxta convenientem naturae et rationis naturalis ordinem, qui est ipse ordo divinae sapientiae a Deo necessario volitus, debet civilis societas esse sibi sufficiens ad sui conservationem et defensionem, ideoque ad ejus supremum principatum talis jurisdictio pertineat necesse est, quae ad hunc finem simpliciter requiritur. Jam vero sunt nonnulla scelera, quae essentiali societatis fini adversantur, et ad totalem ejus perniciem vergunt, nisi eorum auctores ab ipsa societate excludantur pro semper, ponanturque in absoluta eidem nocendi impossibilitate; quod et in se, et relate ad sufficientem aliorum cohibitionem a similibus delictis, opportunius fieri nequit, quam per poenam mortis; etenim homines vel maxime vitam amant, ipsique honori cujus recuperandi, caeterisque etsi durissimis et diutinis poenis, quas tandem alicuando declinandi, semper aliquam spem fovent, communiter praeferant. Praeterea, qui insonti e. g.

(1) *De Delictis et poenis.*

vitam adimit, vel integrae societati perniciem parat, etsi plures vitas haberet, eas amittendo adhuc ad aequalitatem damnum non compensaret. Deinde, quilibet privatus habet rationem partis relate ad totam civitatem, ordo autem naturalis rationis requirit, ut pars intereat, et noxia praescindatur, quando bonum et conservatio totius id postulat; secus nec princeps propter bonum civitatis posset licite ad impetum hostium retundendum, certo discrimini vitae milites objicere: quod insuper universali omnium propter naturae similitudinem amor (qui non est ordinatus nisi pars diligatur in ordine ad totum nec plus diligatur quam totum) ut per se patet, minime adversatur (1). Accedit consensus universalis omnium gentium et praxis piissimorum princi-

(1) Argumenti expositi vim non intelliget vel potius eludere conatur saepe jam memoratus Ahrens dum (pag. 86. et 123) asserit: *Aucun n'a droit sur la personne de ses semblables. L'homme ne doit jamais être traité comme chose, ou comme un pur moyen, et per cette raison le système pénal qui applique à un homme la peine de mort afin d'inspirer aux autres la terreur, repose sur une violation du principe fondamental du droit naturel, parce qu'il ne fait de la personne qu'un moyen de terrifier les autres.* Verum huiusmodi rationes sive assertiones fundantur in omnimoda confusione finis hominis cum fine totius humanae societatis, et in eo quod homo non possit spectari velut medium relate ad finem totius humanae societatis, quae omnia falsa esse jam ostendimus superius (in 2. nota adjecta n. 110.); ideoque traditae doctrinae certitudinem nullatenus elevat. Insuper, quomodo homo amittit hominis dignitatem, eo quod pro bono et utilitate patriae mortem subire cogatur? An per hoc ab ultimo fine et perfecta felicitate revera excluditur? Num milites etsi innocentes dum pro patriae defensione vitam amittunt, publicaeque tranquillitatis acquirendae medium constituuntur, jus naturae violare censendi sunt? Cui hominum haec aut similia poterit unquam persuadere Ahrens? Non est igitur semper verum, quod *par cette raison, tuer un homme de quelque manière que ce soit, est un attentat à un droit que l'homme tient de sa nature.* Unde nec plus proficit iniquis (pag. 157.): *Un homme ne perd par aucun acte le droit de personnalité, qui est la droit de vie, parce que la personnalité et la vie ne sont pas un fait de volonté et ne peuvent être perdues par aucun acte d'une mauvaise volonté. L'homme tient ce droit de la nature, qui peut et doit seule aussi y metre fin.*

pum ac civitatum, qui in re non tantum de jure sed et de honestate ipsius actionis, magnum robor habet; unde non nisi per summam arrogantiam contendum adversarii, omnes nationes poenam mortis constituentes, hac in re a veritate turpiter aberrasse.

124. Quia vero, ut nuper vidimus, potestas haec poena mortis scelestos afficiendi, in politicum principatum ab ipso ordine rationis naturalis ejusque auctore Deo descendit, statim corrumpit hoc fundamentale ratiocinium Beccariae: *Ius in principe oritur ex aggregato particularium libertatum uniuscujusque; nemo autem habet jus occidendi seipsum; nemo ergo censendus est illud alteri dedisse; ejus enim major propositio falsissima, a sociali contractu Rousseau non differt; et praeterea cum auctor ad quosdam dumtaxat rarissimos casus poenam mortis coarctet in apertissimam labitur contradictionem.*

Similiter parum proficit dum suadere nititur alias poenas e. g. exilii, perpetui carceris etc. utpote diuturniores, validius praebere medium coercendi scelestos; nam et nullam esse poenam acerbitate et horrore majorem, ostendunt vel ipsi delinquentes, dum poenae mortis commutationem deprecantur, et voti compotes facti laetantur; et experientia docet ibi scelera abundare et in dies augeri, ubi poena mortis nunquam vel fere nunquam, et cum magna difficultate infligitur. Insuper per alias poenas plerumque quin et communiter non sufficienter consulitur securitati Reipublicae, cum carceribus detenti, vel in exilium missi, occultis fautorum consiliis et artibus, uti possint in perniciem civitatis, atque quavis tumultus occasione arrepta, cum maxima publici boni jactura, ad pristinum libertatis et scelerum statum redire, et velut insontes lares paternos repetere.

ARTICULUS III.

DE JURE GENTIUM.

125. Jus gentium prout per oppositionem ad jus naturale et civile, seu legem naturalem et civilem sumitur, et est quaedam species legis, diversimode a diversis solet definiri. Antiquiores jurisperiti et nonnulli doctores post Ulpianum jus naturale improprie seu latissimo sensu spectantes, id est

pro eo quod natura omnia animalia docuit, jus gentium cum propria ratione juris naturalis confunderunt, definiendo scilicet illud, quasi esset hoc, quod naturalis ratio inter omnes homines constituit, seu quo omnes gentes humanae utuntur; nam in primis bruta animalia nulli morali legi subjiciuntur, nec possunt subjici, solaque identitas objecti quarundam actionum e. g. circa conservationem propriam, procreationem proles, etc. identitatem legis non constituit; ergo definitio illa juris naturalis est saltem latior re definita. Deinde, ea quae naturalis ratio absoluta necessitate inter omnes homines constituit, sive haec fuerint immediate nota, sive per plures et difficiles illationes deducta, sive absolute, sive ex aliqua dumtaxat suppositione manantia, sunt per se, utpote intrinsece bona vel mala, proprium et immediatum objectum juris naturalis; ergo posterior definitio est tantum propria juri naturali. Hinc propter easdem rationes et duae aliae sententiae non subsistunt, quarum prima pro objecto juris gentium assignat illationes longa et difficili ratiocinatione ex primis moralitatis principiis deductas; altera, illas quae ex suppositione aliqua ab iisdem principiis dimanant.

Nec eorum opinio satis congrua videtur, qui jus gentium a naturali per hoc distingunt, quod non sit praecipitum, sed mere concessivum vel permissivum, etenim et jus naturale est in pluribus mere permissivum, cum dictet etiam ea quae tantum licita sunt, seu circa multa negative se habet; et omne jus (si tamen hoc nomine donandum) permissivum fert secum praecipitum, seu prohibitionem ne quis in eo quod permittitur ab aliis impediatur. Hobbesius eandem legem naturalem quatenus civitatibus, nationibus, sive gentibus applicatur, jus gentium vocavit: huic tantum denominativae utriusque juris distinctioni protestantium moralistae, Pufendorfius, Thomasius, Hertius, Heineccius, alique fere unanimiter subscripserunt, verum parum recte; hac enim ratione communissimae doctorum et jurisperitorum sententiae adversantur, quorum aliqui licet interdum ea juri gentium attribuant quae sunt propria juris naturalis, realem tamen utriusque distinctionem passim agnoscere videntur.

126. Porro ad vindicandam veram ac realem utriusque juris distinctionem, praehabendam censemus hanc definitionem juris gentium, quod sit: *Ordinatio rationis, longo usu et consuetudine vel tacito quodam consensu gentium, quae talium, ad communem earum utilitatem et felicitatem in*

pum ac civitatum, qui in re non tantum de jure sed et de honestate ipsius actionis, magnum robur habet; unde non nisi per summam arrogantiam contendum adversarii, omnes nationes poenam mortis constituentes, hac in re a veritate turpiter aberrasse.

124. Quia vero, ut nuper vidimus, potestas haec poena mortis scelestos afficiendi, in politicum principatum ab ipso ordine rationis naturalis ejusque auctore Deo descendit, statim corrumpit hoc fundamentale ratiocinium Beccariae: *Ius in principe oritur ex aggregato particularium libertatum uniuscujusque; nemo autem habet jus occidendi seipsum; nemo ergo censendus est illud alteri dedisse; ejus enim major propositio falsissima, a sociali contractu Rousseau non differt; et praeterea cum auctor ad quosdam dumtaxat rarissimos casus poenam mortis coarctet in apertissimam labitur contradictionem.*

Similiter parum proficit dum suadere nititur alias poenas e. g. exilii, perpetui carceris etc. utpote diuturniores, validius praebere medium coercendi scelestos; nam et nullam esse poenam acerbitate et horrore majorem, ostendunt vel ipsi delinquentes, dum poenae mortis commutationem deprecantur, et voti compotes facti laetantur; et experientia docet ibi scelera abundare et in dies augeri, ubi poena mortis nunquam vel fere nunquam, et cum magna difficultate infligitur. Insuper per alias poenas plerumque quin et communiter non sufficienter consulitur securitati Reipublicae, cum carceribus detenti, vel in exilium missi, occultis fautorum consiliis et artibus, uti possint in perniciem civitatis, atque quavis tumultus occasione arrepta, cum maxima publici boni jactura, ad pristinum libertatis et scelerum statum redire, et velut insontes lares paternos repetere.

ARTICULUS III.

DE JURE GENTIUM.

125. Jus gentium prout per oppositionem ad jus naturale et civile, seu legem naturalem et civilem sumitur, et est quaedam species legis, diversimode a diversis solet definiri. Antiquiores jurisperiti et nonnulli doctores post Ulpianum jus naturale improprie seu latissimo sensu spectantes, id est

pro eo quod natura omnia animalia docuit, jus gentium cum propria ratione juris naturalis confunderunt, definiendo scilicet illud, quasi esset hoc, quod naturalis ratio inter omnes homines constituit, seu quo omnes gentes humanae utuntur; nam in primis bruta animalia nulli morali legi subjiciuntur, nec possunt subjici, solaque identitas objecti quarundam actionum e. g. circa conservationem propriam, procreationem proles, etc. identitatem legis non constituit; ergo definitio illa juris naturalis est saltem latior re definita. Deinde, ea quae naturalis ratio absoluta necessitate inter omnes homines constituit, sive haec fuerint immediate nota, sive per plures et difficiles illationes deducta, sive absolute, sive ex aliqua dumtaxat suppositione manantia, sunt per se, utpote intrinsece bona vel mala, proprium et immediatum objectum juris naturalis; ergo posterior definitio est tantum propria juri naturali. Hinc propter easdem rationes et duae aliae sententiae non subsistunt, quarum prima pro objecto juris gentium assignat illationes longa et difficili ratiocinatione ex primis moralitatis principiis deductas; altera, illas quae ex suppositione aliqua ab iisdem principiis dimanant.

Nec eorum opinio satis congrua videtur, qui jus gentium a naturali per hoc distingunt, quod non sit praecipitum, sed mere concessivum vel permissivum, etenim et jus naturale est in pluribus mere permissivum, cum dicet etiam ea quae tantum licita sunt, seu circa multa negative se habet; et omne jus (si tamen hoc nomine donandum) permissivum fert secum praecipitum, seu prohibitionem ne quis in eo quod permittitur ab aliis impediatur. Hobbesius eandem legem naturalem quatenus civitatibus, nationibus, sive gentibus applicatur, jus gentium vocavit: huic tantum denominativae utriusque juris distinctioni protestantium moralistae, Pufendorfius, Thomasius, Hertius, Heineccius, alique fere unanimiter subscripserunt, verum parum recte; hac enim ratione communissimae doctorum et jurisperitorum sententiae adversantur, quorum aliqui licet interdum ea juri gentium attribuant quae sunt propria juris naturalis, realem tamen utriusque distinctionem passim agnoscere videntur.

126. Porro ad vindicandam veram ac realem utriusque juris distinctionem, praehabendam censemus hanc definitionem juris gentium, quod sit: *Ordinatio rationis, longo usu et consuetudine vel tacito quodam consensu gentium, quae talium, ad communem earum utilitatem et felicitatem in*

ducta, ab ipsoque Deo immediato universae humanae societatis gubernatore adprobata; in qua si singula verba perpendantur facile eruitur quidquid ad rationem verae legis, et ad distinctionem juris gentium a jure naturae et civili, est necessarium. Praescindit autem data definitio ab eo, utrum debeant necne sub conceptu juris gentium comprehendi etiam ea ad quae singulae perfectae civitates seu nationes respectu aliarum, jam ex jure naturali praestanda tenentur. Etenim singulae perfectae civitates induunt naturam corporis et personae moralis; ideoque relate ad se mutuo e. g. non laedendas, pacta, si quae fuerint innita, servanda vel non violanda, etc. instar cujusvis humani individui, vel alterius corporis seu personae moralis in civili societate, jure naturali tenentur; ad quae praestanda vel vitanda, forte poterunt insuper etiam ex consuetudine vel tacito consensu, gentes ad invicem obligari (sicut praecepta legis naturae solent quoque interdum civili simul lege firmari); verum quia haec vel similia versantur semper circa aliquid intrinsece bonum vel malum saltem ex suppositione, suntque absolute necessaria ad ordinem et conservationem naturalem gentium vel civitatum, proprie ad objectum juris naturalis pertinent, illudque constituunt. Unde ista vel sub conceptu juris gentium non sunt comprehendenda, vel saltem, ut gravissimorum doctorum loquendi modus benigne explicetur, jus gentium in necessarium et arbitrarium seu positive humanum, quod respicit ea dumtaxat quae utilitatem vel majorem quamdam felicitatem gentium spectant, distinguendum est; quae postrema acceptio determinat significationem juris gentium stricto sensu accepti. Ex quo etiam facile colligitur non esse sequendam singularem opinionem Finetti (1), statuentis non ex objecto, sed ex forma seu origine discrimen juris gentium a jure naturae desumendum esse; cum haec nec a similitudine juris civilis confirmari possit, nec apte ab eodem proponatur, dum loco nuper indicato (2) tandem distinguere cogatur, sicut nos modo fecimus, jus gentium necessarium, ab arbitrario seu voluntario, per mutuum gentium consensum aut consuetudinem inducto.

(1) De principiis jur. natur. et gent. libr. 42.

(2) Ibidem cap. 5.

PROPOSITIO.

Datur jus gentium a jure naturae revera distinctum, sive stricto sensu acceptum.

127. Contra moralistas protestanticos satis manifeste probari potest, dari revera jus gentium stricto sensu acceptum: 1°. ex eo quod totum genus humanum licet in diversas nationis seu gentes divisum, relineat semper ob similitudinem naturae vinculum quoddam amoris et unitatis quasi politicae et moralis, cujus manifestandi et servandi determinatum modum ratio naturalis, ut patet, non praescribit, lex vero civilis alicujus nationis particularis praescribere nequit. 2°. Ex eodem principio, quamvis quaelibet natio sit in se communitas perfecta sibi ad sui conservationem, absolute loquendo, sufficiens; nihilominus cum quaevis earum sit quoque membrum aliquod totius universi, et cum non omnis ferat omnia tellus, egent frequenter mutuo juvamine ac communicatione, interdum ad melius esse, interdum vero etiam ob moralem necessitatem et indigentiam, puta perfectae tranquillitatis internae aut externae; cujus communicationis et juvaminis modum, consuetudo aut tacitus consensus ipsarum gentium solet determinare, jusque gentium constituere, supposita consequente obligatione ex justitia, quam inducit ipsum jus naturae, servandi pacta seu conventiones, vel legali proveniente ab adprobatione supremi et unice universarum gentium gubernatoris Dei, qui nequit non habere rata, suaque fulcire auctoritate illa statuta; quae et cum naturalis rationis ordine conveniunt, et ad utilitatem felicitatemque gentium promovendam diriguntur. 3°. A similitudine juris civilis, quod et sola consuetudine solet quandoque constitui, et cujus moralis necessitas nedum utilitas, ut vidimus [1], subsistit; quamvis pleraque sed indeterminato modo, ad bonum civitatis spectantia a naturali lege sint in antecessum jam praescripta; et aliunde diversae gentes ad se mutuo possunt in multis considerari instar diversarum provinciarum, ejusdem nationis seu gentis.

[1] Articulo proxime praecedent. n. 122.

128. Ex his colliges 1°, generale discrimen juris gentium, a jure naturae et civili; illud enim respicit homines tamquam in gentes congregatos, nec est necessario absolute universale; cum aliqua natio omnem cum aliis communicationem praeccludens nullo proprie dicto jure gentium teneretur; e contra jus naturae afficit omnia prorsus individua humana sed quatenus simpliciter rationalia, et dumtaxat ad socialem vitam ordinata: illud non nisi supposita consuetudine vel consensu gentium a Deo dimanare dicendum est, hoc ab immediata et absoluta divina legislatione dimanat, hominumve consensum quemlibet antevertit; hoc pariter, cum circa intrinsecum boni et mali discrimen, et actus ab ordine naturali necessario requisitos versetur, est absolute immutabile; illud vero utpote voluntarium, contraria consuetudine vel mutuo consensu abrogari potest, aut nullo damno alterius interveniente, etiam ex una tantum parte relaxari; sic apud christianas gentes ob pietatis motivum abrogatum est jus gentium redigendi in servitutem justo bello devictos (1). Tandem jus civile particularem

[1] Supponimus hic sententiam eorum qui aliquam servitutis speciem a jure gentium manasse sive vi ejusdem institutum fuisse arbitrantur, quasi nempe ex nationum tacito consensu factum fuerit, ut, qui in justo bello capti, vel loco justae interfectionis servati fuerunt, in servitutem victorum cederent: unde et *servus* a servando *mancipium* a manu capiendo, etymologiam traxisse fertur. Sententia haec videtur congruere cum multis civilibus legibus, quae quamdam servitutem velut legitimam agnoverunt. Neque tale jus gentium juri naturae *per se* contrarium esse videtur: jus quidem naturae nullatenus exigit, sicut vidimus [hujus part. cap. 1. artic. 2. n. 106. in nota 2], coactae servitutis statum, at neque eidem *positive* adversatur, nisi in casu, quo quis fraude, dolo, aut irresistibili physica vi quempiam in propriam redigeret servitutem, sibi quaevis personae privatae jus in vitam servorum arrogaret, eosdemque ex una in aliam regionem instar mercium vendendos transferret, etc. Praeterea, servitus etiam stricto sensu accepta *per se* relinquebat servis liberum voluntatis et rationis tamquam facultatis moralis usum, qua possent honeste operari [perfectamque alterius vitae assequi felicitatem, neque heris eos ad contrarium cogendi, sicut nec vitam eis pro lubito adimere jus unquam competere poterat; sed sociali dumtaxat sivi civili libertate, naturalibusque eorum industriae ac laboris fructibus, qui omnes in heri emolumentum cedebant, plus minusve eos destituebat. De tali igitur quorundam hominum statu videtur potuisse (quod a fortiori intelligatur de *servitute* tan-

civitatem communiter respicit, ab immediata politicae potestatis legislatione nullo etiam praesupposito civium consensu profluit, et independenter ab implicita saltem ejusdem politicae potestatis voluntate abrogari aut introduci nequit, quae omnia in jus gentium minime cadunt.

Colliges 2°, frustra prorsus Pufendorfium (1), aliosque protestantes conari ad jus naturale revocare omnia quae feruntur esse juris gentium; dum ajunt, primaevam rerum

tum *ad glebem*, qualis in quibusdam septentrionalibus regionibus nunc etiam obtinet, et in qua inter herum et hujusmodi servos proprietatem etiam honorum habentes vera quoque justitiae ratio intercedit) jus gentium disponere; eo vel maxime quod spectatis locorum et personarum adjunctis, poterat hujusmodi conditio vitae, ipsorum qui in servitutem redigebantur aut eidem sponte subiciebantur incolumitati atque conservationi, vel communi bono proficua aut etiam necessaria esse.

Poterant quoque aliae causae etiam iniquae ac injustae statui servitutis originem dari, eas Ahrens in opere pluries memorato (pag. 132 et seqq.) ad tres reducere videtur: 1, juxta ipsum sita est in *L'institution des castes* habente ortum dans *l'association de plusieurs races differentes*, idque confirmat exemplo Indorum, Aegyptiorum, et antiquorum Romanorum: 2, *L'esclavage directe* oritur de *l'assujettissement d'un peuple à un autre d'une race differente*: 3. *Le servage féodal*, in quo les *maîtres ou les seigneurs se considéraient comme appartenant à une race differente*. Illud vero quod Ahrens dicit de *pauperismo* (le *pauperisme*), nequit esse primitivae hominum inaequalitatis transformatio; paupertas enim quorundam videtur tantum dedisse occasionem *famulatu*, seu locandi operam et laborem suum alteri pro mercede. Miramur autem vehementer quomodo auctor iste, qui, sicut monuimus loco nuper indicato, non nisi extrinsecam naturalium proprietatum differentiam in hominibus agnoscit, possit, nunc disserens de *inaequalitate*, haec habere: *Quant à la question qui vient d'être soulevée... La première cause de l'inégalité sociale des hommes provient de l'inégalité plus ou moins grande des différentes races humaines. On peut à cet égard établir la loi suivante: que partout où des races différentes se sont réunies, soit paisiblement, soit forcement après une guerre, la race qui avait quelque supériorité par son organisation, physique et intellectuelle, a soumis physiquement et moralement l'autre qui lui a été alors asservie. C'est ainsi que la race blanche, qui est incontestablement la plus parfaite, s'est soumise partout les autres* (pag. 131).

(1) *De jur. natur. et gent. libr. 2. cap. 3. De lege natur. in gener. § 23.*

divisionem, jus belli, legatorum non violandorum religionem, foederum sanctionem, jus induciarum in bello ad sepeliendos mortuos, etc. ad felicitatem status socialis qui est de jure naturae, vel ad officia humanitatis referri, ideoque ad ipsum jus naturae. Etenim quamvis aegre admodum, multiplicato humano genere, bono sociali consultum foret per communem rerum seu honorum usum, ratio tamen naturalis ad evitanda incommoda inde manantia, non postulavit necessario *hoc determinatum* prae ceteris medium. Similiter, licet forte jus belli tamquam medii ad justam propulsionem injuriae, et religio non violandi legatos ac servandi foedera, a jure quoque naturali profluat, ipsa tamen belli indictio, et determinatus usus armorum, admissio legatorum eisque data fides, foederum pactiones, etc. ab ordine rationis naturalis hoc potius quam illud non postulante, suadenteque singulas nationes ad sui conservationem sibi *simpliciter* sufficientes esse, necessario non requiritur, ideoque ad jus naturale non pertinet. Idem esto iudicium de jure sepulturae, commercii, transitus liberi per alia regna, etc.

PARS QUARTA

DE OFFICIIS HOMINUM A NATURALI LEGE MANANTIBUS

128. Officium *pressiori* sensu acceptum, non est quavis actio hominis directa ad finem, sed actio ex *praescripto legis* seu ex *debito*, saltem consequente, ponenda, seu eidem legi conformanda; unde et Tullius inquit (1): *Unum* (officiorum) *genus est, quod pertinet ad finem bonorum: alterum quod positum est in praecipis, quibus in omnes partes usus vitae confirmari potest.* Quia vero leges ac praecepta tum in se, tum relate ad diversos status ac conditiones hominum sunt in multiplici differentia, multiplex quoque officiorum species exurgit, quae, tamen pro triplici naturali, generali et necessaria hominis relatione, scilicet, ad *Deum*, ad *semetipsum* et ad *proximum*, ad tres generales revocantur classes, e quibus praecipua et omnibus scitu necessaria nunc ex ordine perpendenda sunt.

(1) *De offic*, libr. 1. cap. 3.

CAPUT I.

DE OFFICIIS HOMINUM ERGA DEUM

129. Omnia hominis officia erga Deum sub nomine religionis vel cultus divini comprehenduntur; quia vero religio seu cultus potest spectari *subjective* vel *objective*, primo modo acceptus non est aliud quam *virtus, qua Deo debitum obsequium et honorem reddimus*; altero autem modo sumitur pro *complexu omnium eorum actuum quibus ex praescriptio rationis* (non loquimur enim de cultu vel religione, quam Deus per revelationem manifestavit) *debitum Deo obsequium, et honorem praestare tenemur.* Porro, hujusmodi actus vel procedunt et sistunt tantum in solo animo, ut admiratio, contemplatio, amor, gratiarum actio etc. et constituunt cultum *internum*; vel junguntur cum quibusdam sensibilibus signis nostri corporis, aut cum oblatione cujusdam rei sensibilis, et constituunt cultum *externum*.

Nonnulli Germaniae philosophi *internum* cultum disperunt, haud sine aliquo fundamento, in officia *theoretica*, unde recte de Deo sentiamus, et *practica* unde actus nostros liberos ad nutum ipsius voluntatis componamus; licet enim actus intellectus, utpote potentiae necessariae, non nisi mediante dependentia ab imperio voluntatis legi naturali subjiciantur sive fuerint illi, qui petinent ad *cognitionem praesuppositam* ante legem, ut de existentia Dei creatoris, provisoris, justi etc. sive illi qui eam consequuntur, constituuntque *ampliores* attributorum Dei, ut unitatis, summae perfectionis, bonitatis etc. *cognitionem, nihilominus vulgarem*, quae obviis et facilioribus mediis a quovis rationis compote acquiri potest; semper tamen, et quatenus velut fundamentum totius juris naturae, aut velut conditio absolute necessaria ad practica cultus officia recte et rationabiliter exhibenda praerequiruntur, et quatenus in primo casu *negative*, in altero *positive* vere nihilominus ab ipsa lege naturali praecipiantur (1), sunt-

[1] Dicitur aliquid esse *negative* praecipitum aut vetitum a lege, quatenus lex antequam etiam a subdito cognoscatur, postulat ex sui natura, ut subditus nihil faciat unde se apposite reddat

divisionem, jus belli, legatorum non violandorum religionem, foederum sanctionem, jus induciarum in bello ad sepeliendos mortuos, etc. ad felicitatem status socialis qui est de jure naturae, vel ad officia humanitatis referri, ideoque ad ipsum jus naturae. Etenim quamvis aegre admodum, multiplicato humano genere, bono sociali consultum foret per communem rerum seu honorum usum, ratio tamen naturalis ad evitanda incommoda inde manantia, non postulavit necessario *hoc determinatum* prae ceteris medium. Similiter, licet forte jus belli tamquam medii ad justam propulsionem injuriae, et religio non violandi legatos ac servandi foedera, a jure quoque naturali profluat, ipsa tamen belli indictio, et determinatus usus armorum, admissio legatorum eisque data fides, foederum pactiones, etc. ab ordine rationis naturalis hoc potius quam illud non postulante, suadenteque singulas nationes ad sui conservationem sibi *simpliciter* sufficientes esse, necessario non requiritur, ideoque ad jus naturale non pertinet. Idem esto iudicium de jure sepulturae, commercii, transitus liberi per alia regna, etc.

PARS QUARTA

DE OFFICIIS HOMINUM A NATURALI LEGE MANANTIBUS

128. Officium *pressiori* sensu acceptum, non est quavis actio hominis directa ad finem, sed actio ex *praescripto legis* seu ex *debito*, saltem consequente, ponenda, seu eidem legi conformanda; unde et Tullius inquit (1): *Unum* (officiorum) *genus est, quod pertinet ad finem bonorum: alterum quod positum est in praecipis, quibus in omnes partes usus vitae confirmari potest.* Quia vero leges ac praecepta tum in se, tum relate ad diversos status ac conditiones hominum sunt in multiplici differentia, multiplex quoque officiorum species exurgit, quae, tamen pro triplici naturali, generali et necessaria hominis relatione, scilicet, ad *Deum*, ad *semetipsum* et ad *proximum*, ad tres generales revocantur classes, e quibus praecipua et omnibus scitu necessaria nunc ex ordine perpendenda sunt.

(1) *De offic*, libr. 1. cap. 3.

CAPUT I.

DE OFFICIIS HOMINUM ERGA DEUM

129. Omnia hominis officia erga Deum sub nomine religionis vel cultus divini comprehenduntur; quia vero religio seu cultus potest spectari *subjective* vel *objective*, primo modo acceptus non est aliud quam *virtus, qua Deo debitum obsequium et honorem reddimus*; altero autem modo sumitur pro *complexu omnium eorum actuum quibus ex praescriptio rationis* (non loquimur enim de cultu vel religione, quam Deus per revelationem manifestavit) *debitum Deo obsequium, et honorem praestare tenemur.* Porro, hujusmodi actus vel procedunt et sistunt tantum in solo animo, ut admiratio, contemplatio, amor, gratiarum actio etc. et constituunt cultum *internum*; vel junguntur cum quibusdam sensibilibus signis nostri corporis, aut cum oblatione cujusdam rei sensibilis, et constituunt cultum *externum*.

Nonnulli Germaniae philosophi *internum* cultum disperunt, haud sine aliquo fundamento, in officia *theoretica*, unde recte de Deo sentiamus, et *practica* unde actus nostros liberos ad nutum ipsius voluntatis componamus; licet enim actus intellectus, utpote potentiae necessariae, non nisi mediante dependentia ab imperio voluntatis legi naturali subjiciantur sive fuerint illi, qui petinent ad *cognitionem praesuppositam* ante legem, ut de existentia Dei creatoris, provisoris, justi etc. sive illi qui eam consequuntur, constituuntque *ampliolem* attributorum Dei, ut unitatis, summae perfectionis, bonitatis etc. *cognitionem, nihilominus vulgarem*, quae obviis et facilioribus mediis a quovis rationis compote acquiri potest; semper tamen, et quatenus velut fundamentum totius juris naturae, aut velut conditio absolute necessaria ad practica cultus officia recte et rationabiliter exhibenda praerequiruntur, et quatenus in primo casu *negative*, in altero *positive* vere nihilominus ab ipsa lege naturali praecipiantur (1), sunt-

[1] Dicitur aliquid esse *negative* praecipitum aut vetitum a lege, quatenus lex antequam etiam a subdito cognoscatur, postulat ex sui natura, ut subditus nihil faciat unde se apposite reddat

que aliunde *in se* spectati quid speculativum, veram quamdam officii theoretici speciem praeseferut: unde facilius summae impudentiae ac impietatis argui potest Hobbesius atheos (hoc ipso quod et lex nequeat agnosci absque legislatore, et ipsi Deum legislatorem inficiantur) ab injustitiae nota, ac juris naturae violatione excusans, atque subtrahens a divino imperio.

Cultus *internus et externus* solet quoque dividi in *privatum*, quatenus nempe singulis hominibus etiam seorsim spectatis inest debitum actibus supradictis pro viribus Deum colendi; et in *publicum*, quatenus idem debitum respicit totam humanam societatem, ab ejusque publica etiam utilitate dimanant. De hoc itaque cultu utroque modo spectato loquimur, addendo insuper id quod pertinet ad coercendam audaciam illorum deistarum et incredulorum; qui deficientes *per excessum*, nimis hac in re humanae rationi tribuerunt.

ARTICULUS I.

DE CULTU INTERNO ET EXTERNO DEO DEBITO
A SINGULIS HOMINIBUS

130. Ante omnia animadvertendum est, neminem rationis usu praeditum, et etiam modicissime ad semetipsum reflectentem, posse non apprehendere essentialem nostrae naturae a Deo tamquam creatore, et ultimo nostro fine *dependentiam*, unde sponte sua dimanat creationis, conservationis et gubernationis beneficium; sicut etiam posse non deprehendere quamdam singularem divinarum perfectionum *praëminentiam*, quantum eas humana ratio assequi potest, praecipue ex inspectione naturalis rerum ordinis, et evidentissimis divinae sapientissimae providentiae signis; his duobus tamquam fundamentis omnis nostri cultus Deo debili suppositis, statuimus nostram thesim.

impotentem ad legis ipsius agnitionem vel impletionem. Sic in praesenti casu, quia ignorantia e. g. existentiae, providentiae, gubernationis, etc. divinae nequit esse invincibilis, qui hujusmodi notiones acquirere nollet aut negligeret, ipsam naturalem legem cujus cognitio explicita illas notiones necessario praesupponit, *negative* violaret, ponens videlicet impedimentum ejusdem agnoscendae. Hinc patet discrimen hujusmodi praecepti negativi ab illis, quae explicitae et positive in ipsa lege continentur.

PROPOSITIO

Tenentur singuli homines tam internum quam externum cultum Deo exhibere.

131. Ac primo quidem quoad cultum internum assertio nostra manifesta est. Gratitude relate ad affectum animi grati, ex debito ordine naturalis justitiae, necessario pro acceptis beneficiis rependenda est, et quidem propter tendentiam ad aequalitatem pro majoribus major; jam vero, quodnam beneficium possit esse creatione, conservatione et gubernatione majus, magisque nobis necessarium? Accedit ex parte Dei ratio amantissimi patris omnia ad nostram perfectam felicitatem benignissime dirigentis, et potentissimi Domini omnia virtute sua continentis, hinc praeter affectum gratitudinis necessitas filialis amoris, et venerationis cum reverentia timore conjunctae, profluit. Praestantissima divina attributa, eorumque infinita majestas, cum nostra tenuitate comparata, illinc actus admirationis, eorumque magnitudinis ac excelentiae contemplationem; hinc nostrae demissionis, abjectionis et indigentiae protestationem postulando, inducunt necessitatem internae adorationis cum contestatione nostrae debitaе servitutis.

Tandem ab ordine necessario rationis recedere justissime censentur nedum ii hominum qui in suos benefactores positive fiunt ingrati, verum etiam qui beneficium acceptum non recognoscunt vel ejusdem immemores grati animi sensum minime fovent; ergo a fortiori idem valere debet relate ad beneficia a Deo accepta. His adde, aequitati naturali apprime saltem consentaneum esse, superiores hominis facultates circa nobilissimum earum objectum, quale est ipse Deus, identidem versari; ordinatumque nostrae felicitatis, etiam praesentis vitae ut vidimus (1), amorem, id ipsum absoluta necessitate postulare, cum haec felicitas non nisi in unione (diversa pro diversitate conditionis vitae praesentis et futurae) ad Deum per cognitionem et amorem consistere valeat. Atque de hoc, utpote per se satis manifesto, dicta sufficient.

132. Quod pertinet ad cultum externum, ejus praestandi

(1) Part. 4. cap. 4. artic. 3.

debitum eruitur 1^o, ex aequae essentiali dependentia a Deo facultatum corporis nostri, bonorumque nostrorum sensibilium, quibus proinde aequae ac facultatibus animi eandem dependentiam manifestare, Deumque ut creatorem, conservatorem, provisorem etc. colere tenemur. 2^o. Beneficium unionis animae cum corpore, est quid realiter distinctum ab utriusque partis componentis creatione, conservatione etc, postulat itaque gratitudinis et amoris debitum, ut ejus dependentiam testemur per actus vitales participantibus quoque de altera partium componentium. Hinc fluit 3^o ratio, scilicet cultum internum si ab externo sejungatur, esse insufficientem et imperfectum. *Insufficientem*, quia totalem hominis dependentiam a Deo non manifestaret, cum illi tantum sunt actus compositi humani, qui ab ipso *ehiuntur* tamquam a principio communi operationum, seu tamquam a natura, quae dicitur principium quo, et ad quos ponendos utraque pars componens concurrat; ceteri enim actus qui ab alterutra dumtaxat parte componente ponuntur, non nisi *denominative*, seu ratione unius personae, id est principii quod (1), eidem composito tribuuntur. *Imperfectum*, constat namque internos animi actus, propter ejus cum corpore unionem, dum cum externis junguntur vehementer intendi ac veluti pluries multiplicari; quandoquidem et majori conatu et iterum iterumque repetito, debet prius mente concipi, quod accurate signis visibilibus effingere volumus vel tenemur. Adde praeterea, quod pro praesenti statu unionis animae cum corpore, ut experientia probat, sit admodum difficile cunctis hominibus, multis vero etiam moraliter saltem impossibile, animum ad mere intelligibilia absque subsidio sensibilium convertere, in iisque diutius defixum tenere; quodque haec sit regula generalis, humanam mentem facilius et efficacius per sensibilia ad intelligibilia duci ac rapi. Accedit 4^o ratio, ex communi ac universali hominum consensu in admittendo aliquo cultu externo desumpta, qui consensus colligi potest vel ex iisdem testimoniis aut factis quae pro evincenda Dei existentia in argumento morali solent proferri (2); probat

(1) Vide doctrinam de distinctione inter principium quo sive naturam; et principium quod sive personam, pluries in *Metaphysica* explicatam (vol. 1. *Psycholog.* cap. 2. artic. 4. n. 46 in nota, et cap. 3. artic. 2. prop. 1. n. 63. respond. ad 1^m.).

(2) Hujusmodi testimonia facile reperies in eadem *Metaphysica Theolog.* natur. cap. 1. artic. 3. n. 19 et 23.).

autem consensus iste non solum *factum* admissi ab omnibus cultus, sed extrinsece ac mediate etiam *jus sive debitum* ejusdem praestandi, utpote fundatus in dictamine rationalis naturae, quae necessario non impellit nisi ad ea quae sunt secundum exigentiam ejusdem [1].

(1) Ex his rationibus simul sumptis eruitur verum debitum, et non sola quaedam cultus externi utilitas ad promovendum dumtaxat cultum internum. Hinc et definitio religionis saltem objective spectatae non debet praescindere a cultu externo, multoque minus eundem excludere, sicut facit saepius memoratus Ahrens; sic (pag. 108) ait: *Religione exprime le lien, l'union de l'homme, comme être fini, avec l'Être infini, dans la pensée, le sentiment et la volonté; et iterum (pag. 396): La religion peut être définie la liaison de l'homme, dans l'esprit et dans le coeur, avec l'Être suprême, qui, comme Providence intelligente, gouverne le monde, et toute vie particulière: Cultum vero externum, cantu et musica exceptis, velut quid superstitiosum respuit [pag. 406.]: *Cependant le culte est avant tout une oeuvre intellectuelle et spirituelle, et ce serait méconnaître la source première de toute édification, que de le transformer en un ensemble de rites tout extérieurs, objets de la mémoire plutôt que de l'esprit (quasi memoria non esset spiritualis animae facultas), qui doit tout vérifier. Le culte peut appeler à son aide les arts dans lesquels expriment le mieux les sentiments intimes et les idées de l'infini, tels que le chant et la musique, mais il doit s'abstenir de vouloir représenter l'infini, Dieu et ses attributs dans des formes ou des signes plus ou moins matériels, (quasi cantus et musica non essent etiam quid materiale) aberration qui, en conduisant à l'ant anthropomorphisme et à l'idolatrie, a été une des causes principales de la profonde ignorance dans la quelle se trouve la grande majorité des hommes sur les vrais idées religieuses. Haec autem postrema, protestanticae adversus catholicae Ecclesiae ritus declamationes, et iconoclastarum errorem, manifeste sapiunt.**

Verum quid melius potuit haberi et inveniri apud purissimum rationalistam qui positivam divinam revelationem a religione excludit? (pag. 397.): *La révélation peut bien être considérée comme un élément essentiel de la religion quand, en élargissant le sens de ce mot, on regarde le monde tout entier comme une manifestation de l'être divin, et l'esprit en particulier, comme l'être à qui Dieu se révèle continuellement par les grandes idées de bien et de vérité qui se font jour et se répandent parmi les hommes; etc. Nonne ipse omnis doctrinae religiosae sufficientiam denegat, religionemque Indorum praefert judaicae et christianae religioni? (pag. 399. et seq) Il n'y a aujourd'hui aucune doctrine religieuse qui remplisse complètement cette condition, parce que toutes se*

133. Quae contra generatim opponunt deistae parvi ponderis sunt. Etenim noster cultus Dei neque est impossibilis,

renfermet dans des expressions, des affirmations plus ou moins vagues... Il n'y a que quelques religions anciennes, primitives par exemple celle de l'Inde antique, qui, bien qu'elles contiennent beaucoup d'erreurs, se rapprochent cependant le plus, de ce caractère d'universalité, parce qu'elles expliquent l'origine et la nature de toutes les choses..... et développent souvent à cet égard des idées d'une profonde portée... Les religions au contraire... telles que la religion juive et la religion chrétienne, sont, quant à leur étendue, plus défectueuses parce que leur dogme, tel qu'on l'a conçu, fait abstraction de toute une moitié de l'univers (de la nature), et va même jusqu'à professer pour cette oeuvre divine un dédain... etc. Nonne, in sola humanae rationis activitate et reflexione ad exclusionem cujusvis auctoritatis, religionis fundamentum statuit? (pag. 108): De même que les convolutions scientifiques ne peuvent être que le résultat des efforts de l'intelligence propre de l'homme, de même, les convictions religieuses qui doivent être acquises par l'instruction et la propre raison de l'homme, et non pas imposées au nom d'une autorité quelconque. Et rursus (pag. 404.): aussi longtemps que la religion restera basée sur l'autorité, la tradition ou la seule foi, elle n'existera dans l'esprit que comme une espèce de fruit exotique; etc.

Quid plura, falso divinae infinitatis conceptu supposito, negat ipsam mysterii incarnationis possibilitatem (pag. 398 et seq.): c'est commettre la même erreur dans un ordre d'idées encore plus élevée que de croire que Dieu, dont l'infinité s'étend par tout le monde physique et spirituel, dont l'esprit est partout dans l'univers, ait pu se revêtir pour sa totalité divine, de la forme finie d'un être humain. Ce n'est pas par la toute-puissance de Dieu qu'on peut justifier une telle doctrine, etc. Aut haec infinitas H. Ahrens est pantheistica (vide dicta in *Metaphys.* vol. 1. *Psycholog.* cap. 3. artic. 2. n. 58. et in *notis*), aut conceptus unionis infinitatis divinae cum humana natura, quem sibi fingit, est absurdus; superius enim hanc unionem vocavit: *l'identification de Dieu même avec la forme d'un être humain.* Habes itaque socinianum.

Ne autem infiniti simus, auctor iste insuper Ecclesiae et cultus institutionem (pag. 407) ad arbitrium populi placitum refert; fidei exclusioni (pag. 405.) rationem substituit; religio juxta ipsum nullam proprie dictam utilitatem habet (pag. 52.); ejus dogmata scientiarum profectui adversantur (pag. 411); ipsa est insufficientis ad instituentos recte hominum mores (pag. 489); ministri religionis sunt omnes inepti quin et noxii ad instituentos homines in scientiis (pag. 418 et seq.) etc. quae omnia, licet indirecte

neque indignus ipso; eo quod nulla sit inter nos et Deum proportio, et omnes actus nostri sint finiti; nam nisi falso supponatur naturam cultus debere adaequare naturam objecti colendi, jam sicut sine absurditate negari non potest nostra a Deo dependentia et ordinatio ad ipsum tamquam ad finem, ita nec inadaequata proportio nostris facultatibus et actibus eundem inadaequata per cognitionem, amorem etc. attingendi: qui actus, si quantum pro viribus fas est fuerint perfecti, nequeunt non esse digni Deo, eique accepti, tamquam bonum a participatione ejus bonitati nobis obeniens.

Similiter quod dicunt; Deum sibi sufficientem non indigere culto nostro, neque nos eo illius gloriam promovere, illumque nobis obligatum reddere; unde etiam inquirunt, licet demonstratur hujusmodi cultum *ex parte hominis* esse simpliciter debitum, non tamen *ex parte Dei* in cujus natura ratio sibi relicta nihil reperit, ex quo *evidenter* fluat Deum coli velle: facile dissolvitur. Deus quidem sibi sufficientissimus non eget cultu nostro, quasi inde aliquid ejus felicitati accederet, aut *intrinsicam* ejusdem gloriae augeretur; neque nos eandem gloriam cultu nostro promovemus, sed inde minime sequitur aut nos per ordinatam ad finem nostrum tendentiam, nostraeque dependentiae a Deo debitam manifestationem, non promovere gloriam *extrinsecam* Dei, quam entia quoque insensibilia ac bruta animalia pro modulo suo indesinenter annunciant, aut Deum posse non exigere vel non adprobare talem nostram agendi rationem, qualem essentialis ordo ejusdem sapientiae necessario postulat, siquidem facta hypothese creationis rerum impossibile erat Deo, nisi imprudenter ageret, alium finem praeter manifestationem ejus extrinsecae gloriae hominibus

tantum ad nos spectantia, hic breviter indicare optimum duximus, in obsequium studiosae juventutis illarum praesertim regionum ubi Ahrens tam falsam, absurdam ac perniciosam tradit et persuadere conatur doctrinam, ut scilicet ab ea caveat, si veritatis et verae religionis amore duci velit, timeatque *Danaos et dona ferentes*; auctor namque iste est caeteroquin socialis et civilis libertatis acerrimus adsertor; quam tamen utrum ab ipsa libera facultate distinguat, et ubique ad mentem majoris partis, etiam eorum quibus illa summopere cordi est, quique simul cupiunt esse liberi ea *libertate qua Christus nos liberavit*, defendat, aliis definiendum libenter relinquimus.

constituere (1), sicut similiter impossibile erat, facere rationalem creaturam essentialiter servam et a se dependentem, et simul independentem, utpote ab omni naturali obligatione cultus immunem. Unde falsum est ex parte Dei evidenter non probari cultus necessitatem; cujus exhibitione et divinae gloriae ad extra manifestatione reddimus sane Deum nobis propitium, at sibi potius quam nobis, et non ex debito justitiae, sed ex praeordinatione suae divinae sapientiae obligatum.

Ex dictis facile deprehendes poterisque arguere vesanam impudentiam Fleischeri [2], gloriam Dei intrinsicam ab extrinseca et accidentali non distinguentis, atque inde de *vainissima persuasione*, ac ingenio *supersticioso*, omnes eos qui actiones suas ad *promovendam gloriam Dei* referunt accusantis, quasi id naturalis ordo rationis non postularet, nec Apostolus praeciperet [3]; sed ideo fieret, ut confugiendo ad rem sublimem, sub velamine divinae gloriae lateant defectus verae honestatis, justitiae et utilitatis nostrarum actionum.

134. Thomasius ejusque asseclae Dunzius et Kemmerichius cultus externi necessitatem ac debitum elevare satagunt dicentes 1^o, quia etsi in se justissimum sit Deum coli, ratio tamen sibi relicta nil deprehendit respectu Dei unde inferat Deum coli velle; eo quod *Deo opus haud sit cultu exteriori*, qui insuper non nisi per revelationem innoscit, distinctioque cultus aut religionis naturalis a revelata vel supernaturali vana est 2^o, quia ratio pariter nil deprehendit respectu hominis, eo quod cultus externi signa hominibus exhibentur, cum homines internos animi actus non introspiciant, Deus autem *scrutator cordium* est. Addunt alii 3^o, Deum spiritum esse, eosque tantum sui cultores adprobare qui eum in spiritu et veritate adorant; praesertim quod videatur absurdum aequare Deum hominibus, qui extrinsecis signis honoris alliciuntur.

Respond. ad 1^m. *Neg. Antec.* cujus prima probatio si quid valeret, etiam cultus nostri interni necessitatem eleva-

(1) De fine Dei in mundi creatione, vide dicta in *Metaphysica* (*Cosmolog.* art. 5. nn. 30. 32. 33.) et de fine hominis, hic superius [part. 1. cap. 1. artic. 2.].

(2) *Institut. jur. natur. et gent.* libr. 2.

(3) *Epist. I. ad Corint.* cap. 10. vers. 31.

ret quod tamen, ut vidimus falsum est; et eadem prorsus ratio nostrae a Deo dependentiae, ac ordinis divinae sapientiae valet quoque pro culto externo. Verum quidem est, quod *specificam* hujus cultus externi per certos quosdam ritus, *determinationem* humana ratio *per se* non manifestat, estque hoc sub praesenti divina providentia *quoad substantiam* objectum divinae revelationis; at inde non sequitur quod homo solo etiam lumine rationis nequeat generalem ejusdem cultus necessitatem delegere, et aliquos ejusdem actus; rationi consentaneos, et dignitati divinae *positive* non oppositos, exercere. Atque pro hac hypothesisi seu consideratione solius rationis naturalis, distinctio cultus naturalis a revelato et supernaturali vana non est, sicut postrema contendit probatio, licet forte in praesenti divina providentia cultus naturalis sine revelato nunquam extitit (1).

Ad 2^m. et posteriorem partem 3^o difficultatis pulcherrime jam in antecessum respondet S. Thomas (2) inquit: „Exercetur etiam ab hominibus quaedam sensibilia opera, non quibus Deum *excitent*, sed quibus se ipsos provocent in divina: sicut prostrationes, genuflexiones, vocales clamores et cantus: quae non fiunt quasi Deus his *indigeat*, qui *omnia novit*; et ejus voluntas est immutabilis; et affectum mentis et etiam motum corporis non propter se acceptat; sed propter nos facimus, ut per haec sensibilia opera intentione nostra dirigatur in Deum, et affectio accendatur.... Quia vero Deus non solum est nostri esse causa et principium, sed totum nostrum esse in potestate ipsius est: et totum quod in nobis est ipsi debemus: ac per hoc quod ve-

(1) Contendunt nonnulli sacrificia brutorum animalium libamina, aliaeque rerum creaturarum oblationes, quae etiam ab ethnicis fiebant, originem traxisse a divina revelatione primis parentibus a Deo facta et per successivam traditionem ad omnes nationes derivata, quamvis deinceps ethnici pluribus diversisque superstitionibus eam deturparunt. Cum vero in hujusmodi sacrificiis, destructio quarundam rerum, quas Deus in usus et commodum hominum condidit, referebatur ad manifestandum dominum Dei in res omnes, illumque esse auctorem vitae et mortis, patet hujusmodi sacrificia, praescindendo ab omni ritu et affectu supersticioso, nullatenus fuisse indigna Deo ejusque perfectionibus contraria, sicut quidam protestantium moralistae autumant.

(2) *Contra gent.* libr. 3. cap. 119.

“re Dominus noster est, id quod in honorem Dei exhibemus, servitium dicitur. Est autem Deus dominus non per accidens, sicut omnis homo, sed per naturam, ideo aliter debetur servitium Deo, et aliter homini cui per accidens subdimur..... Unde servitium quod debetur Deo, specialiter apud graecos *latría* vocatur,,. Ex his etiam patet, secundam difficultatem in falsa fundari suppositione, quasi *adaequata* ratio cultus *externi*, foret sola manifestatio *interni*.

Ex prima parte 3^a difficultatis fuit dumtaxat, cultum externum si cum interno non jungatur non fore Deo acceptum, cum Deus praecipue intueatur sinceris mentis affectus; minime vero illum excludendum esse; etenim et Deus licet spiritus aequae est dominus spiritualium ac corporalium et cultus externus potest ac debet *in spiritu et veritate* exhiberi.

ARTICULUS II.

DE CULTU INTERNO ET EXTERNO DEO DEBITO
AB HUMANA SOCIETATE.

135. Pufendorfius et omnes passim ejusdem pedissequi, qui se jus naturae a scholastico pulvere repurgatum tradere inani plausu proclamant, illud non tam repurgatum quam foedissime mutilatum eruditiliter obtrudere non dubitarunt, dum nobilissimam illius ac *substantialem* et *primariam* partem, nempe officia hominum erga Deum a jurisprudentia naturali excludunt, vel eam *fini secundario*, scilicet socialitati seu felicitati humanae societatis, et quidem *temporariae* inordinatissime subordinant. At quantum errent vel in ipsa suppositione *dumtaxat* *temporariae felicitatis* humanae societatis manifestissimum est; etenim ut ratio evidentissima ostendit, et pluribus probat S. Thomas (1), finis *adaequatus* civilis societatis non est quaelibet felicitas sed *humana*; siquidem sola sufficientia vitae in affluentia temporalium honorum, securitate et tranquillitate sita, et *in se spec-*

[1] *De regim principum* libr. 1. Vide quoque quae ostendimus superius (part. 3. cap. 1. artic. 3. n. 110. in nota 2.) circa finem humanae societatis.

tata, est finis communis etiam brutis, qui absque ordinatione ad felicitatem internam, *veram* ac *solidam* beatitatem nequaquam constituit; hominum namque finis non est simpliciter vivere, sed vivere secundum virtutem, ideoque neque congregantur homines propter solum vivere, sed ob bene et recte vivere. Bona itaque vita secundum rationem et virtutem, est finis humanae congregationis; sed quia vita secundum virtutem ad ulteriorem finem, etiam in hypothesi solius status mere naturalis (1), scilicet ad unionem cum Deo in altera vita assequendam ordinatur, et homines per statum congregationis naturam non mutant; oportet eundem esse finem multitudinis humanae, qui est hominis: non est igitur *temporaria* dumtaxat felicitas finis humanae societatis. His instar fundamenti suppositis statuitur.

PROPOSITIO.

Jure naturae et quidem immediato humana societas tenetur ad internum et externum cultum Deo exhibendum.

136. Ac primo quidem, cum sicut nuper monuimus, humana societas propter conditionem naturae rationalis, ad assequendam alterius vitae perfectam felicitatem, tanquam ad finem caeteris omnibus praehabendum ordinatur, et cum exhibitio cultus interni atque externi sit medium *per se* ac *simpliciter* requisitum ad hunc finem; assertio nostra evidens est. Deinde, humana societas instar unius corporis et personae moralis considerata, peculiariter sibi propria indiesinenter a Deo recipit beneficia, et frequenter nova postulare debet, propter naturales relationes quas habet ad Deum tanquam ejus status institutorem, supremum gubernatorem et provisorem; unde per se ac immediate dimanat debitum propriam dependentiam, gratique vel supplicis animi sensus, nedum internis sed et externis atque in communi actibus manifestandi. Praeterea, societas humana sub eodem respectu considerata, immediate ex jure naturae tenetur quantum in se est, commune inter sives animorum

(1) Sicut probavimus (part. 1. cap. 1. artic. 2. nn. 12. 13. 14. et artic. 3. nn. 19. 20. 21.)

“re Dominus noster est, id quod in honorem Dei exhibemus, servitium dicitur. Est autem Deus dominus non per accidens, sicut omnis homo, sed per naturam, ideo aliter debetur servitium Deo, et aliter homini cui per accidens subdimur..... Unde servitium quod debetur Deo, specialiter apud graecos *latría* vocatur,,. Ex his etiam patet, secundam difficultatem in falsa fundari suppositione, quasi *adaequata* ratio cultus *externi*, foret sola manifestatio *interni*.

Ex prima parte 3^a difficultatis fuit dumtaxat, cultum externum si cum interno non conjungatur non fore Deo acceptum, cum Deus praecipue intueatur sinceris mentis affectus; minime vero illum excludendum esse; etenim et Deus licet spiritus aequae est dominus spiritualium ac corporalium et cultus externus potest ac debet *in spiritu et veritate* exhiberi.

ARTICULUS II.

DE CULTU INTERNO ET EXTERNO DEO DEBITO
AB HUMANA SOCIETATE.

135. Pufendorfius et omnes passim ejusdem pedissequi, qui se jus naturae a scholastico pulvere repurgatum tradere inani plausu proclamant, illud non tam repurgatum quam foedissime mutilatum eruditiliter obtrudere non dubitarunt, dum nobilissimam illius ac *substantialem* et *primariam* partem, nempe officia hominum erga Deum a jurisprudentia naturali excludunt, vel eam *fini secundario*, scilicet socialitati seu felicitati humanae societatis, et quidem *temporariae* inordinatissime subordinant. At quantum errent vel in ipsa suppositione *dumtaxat* *temporariae felicitatis* humanae societatis manifestissimum est; etenim ut ratio evidentissima ostendit, et pluribus probat S. Thomas (1), finis *adaequatus* civilis societatis non est quaelibet felicitas sed *humana*; siquidem sola sufficientia vitae in affluentia temporalium honorum, securitate et tranquillitate sita, et *in se spec-*

[1] *De regim principum* libr. 1. Vide quoque quae ostendimus superius (part. 3. cap. 1. artic. 3. n. 110. in nota 2.) circa finem humanae societatis.

tata, est finis communis etiam brutis, qui absque ordinatione ad felicitatem internam, *veram ac solidam* beatitatem nequaquam constituit; hominum namque finis non est simpliciter vivere, sed vivere secundum virtutem, ideoque neque congregantur homines propter solum vivere, sed ob bene et recte vivere. Bona itaque vita secundum rationem et virtutem, est finis humanae congregationis; sed quia vita secundum virtutem ad ulteriorem finem, etiam in hypothesi solius status mere naturalis (1), scilicet ad unionem cum Deo in altera vita assequendam ordinatur, et homines per statum congregationis naturam non mutant; oportet eundem esse finem multitudinis humanae, qui est hominis: non est igitur *temporaria* dumtaxat felicitas finis humanae societatis. His instar fundamenti suppositis statuitur.

PROPOSITIO.

Jure naturae et quidem immediato humana societas tenetur ad internum et externum cultum Deo exhibendum.

136. Ac primo quidem, cum sicut nuper monuimus, humana societas propter conditionem naturae rationalis, ad assequendam alterius vitae perfectam felicitatem, tanquam ad finem caeteris omnibus praehabendum ordinetur, et cum exhibitio cultus interni atque externi sit medium *per se ac simpliciter* requisitum ad hunc finem; assertio nostra evidens est. Deinde, humana societas instar unius corporis et personae moralis considerata, peculiariter sibi propria indiesinenter a Deo recipit beneficia, et frequenter nova postulare debet, propter naturales relationes quas habet ad Deum tanquam ejus status institutorem, supremum gubernatorem et provisorem; unde per se ac immediate dimanat debitum propriam dependentiam, gratique vel supplicis animi sensus, nedum internis sed et externis atque in communi actibus manifestandi. Praeterea, societas humana sub eodem respectu considerata, immediate ex jure naturae tenetur quantum in se est, commune inter sives animorum

(1) Sicut probavimus (part. 1. cap. 1. artic. 2. nn. 12. 13. 14. et artic. 3. nn. 19. 20. 21.)

vinculum procurare, quale profecto est cultus divinitatis extrinsecis praesertim signis manifestatus: quod propter nexum indissolubilem boni communis cum bono cujusque particulari; aptissime et efficacissime discordantes multitudinis voluntates in unum colligit.

Insuper licet cultus Dei etiam externus quoad exercitium, non exigit hominum societatem praesertim civilem, et licet non sit propter civitatem, est tamen civitas propter beatitudinem revera humanam, quae etiam in praesenti vita sine professione alicujus cultus subsistere nequit. Nonne, ut vidimus in superioribus (1), fundamentum obligationis omnium legum, et subjectionis politicae potestati, in supremo humani generis legislatore et societatum moderatore Deo est agnoscendum? Nonne, persuasio et timor Numinis a necessitate cultus inseparabilia, sunt pariter fundamentum mutuae fiduciae civium et fidelitatis subditorum a probitate praesertim actionum internarum ut plurimum dependentis? Sicut igitur *immediate et principaliter* ex jure naturae, non autem *secundario* dumtaxat et *impertinenter*, tenetur societas curare ut documentum suae *intrinsecae firmitatis* sibi apprime manifestum fiat, ita etiam ut manifestus cultus divinitatis habeatur. Quod denique suadetur more communi politicorum principatum repetentium maximam firmitatem fidelitatis subditorum, et praecipue militum et magistratum, a *fide juramenti seu invocationis divini testimonii*, quam ab ipsis postulant, et evidentissima ratione ostendente, cives illos qui propter perversitatem morum passim et sine timore debitum Deo cultum subtraherent, vix ac ne vix quidem sollicitos futuros de mutuis obligationibus adimplendis, nemine laedendo, et publico bono quaerendo. Licet autem et tales declarationes, quandoque fallere possint, id fit *per accidens*, juriq; naturae non derogat.

137. Opponunt 1.^o Finis cultus divini est *beatitudo aeterna*, non autem *felicitas* humanae societatis. 2.^o Proprius et immediatus humanae societatis finis est ejusdem felicitas et quidem temporalis, cum propter hanc homines congregentur. 3.^o Tranquillitas et stabilitas humanae societatis *necessario et per se* non laeditur omissio divinitatis cultu; quando quidem multae Civitatis seu Respublicae sunt optime consti-

(1) Part. 2. cap. 4. artic. 1. et 2. part. 3. cap. 2. artic. 1. et 2.

tutae in ordine ad propriam felicitatem temporariam, et tamen legibus, ut vocant, atheis utuntur, ac ne vix quidem *accidentalem curam* alicujus divini cultus habent.

Respond. ad 1.^{am} Parum refert finem divini cultus *per se* spectati esse beatitudinem aeternam assequendam per debiti Deo obsequii exhibitionem, dummodo a fine adaequato humanae societatis; non excludatur ejusdem beatitudinis assecutio; tunc enim, uti vidimus, sequitur statim immediatum debitum vi juris naturae, cultus divini in societate et a societate fovendi.

Hinc fuit responsio ad 2.^{am}, scilicet talem finem humanae societatis esse *inadaequatum* tantum, et propter hunc quidem homines congregari, sed tamquam propter *inadaequatum*, et non ad exclusionem alterius nobilioris humanaeque naturae magis propii et simpliciter necessarii.

Ad 3.^{am}. *Neg. antec.* quod probatio ex facto desumpta non evincit, nisi simul ostendatur hujusmodi Civitates vel Respublicas coaluisse aut coalescere e civibus vel saltem majori eorum parte, omnem divinitatis cultum respuente; parum namque interest quod societas politicis suis legibus nullum determinatum cultum *positive* foveat, vel relate ad omnem, indifferentem se esse in abstracto seu *speculative* profiteatur (1), dum interim cives *practice* aliquo cultu Deum venerantes, saltem *substantiali* motivo, vitae ex praescripto rationis sicut oportet instituendae, non destituntur; neque de hoc revera in praesens est quaestio, sed utrum, civibus passim vel pro majori parte omnem cultum Numinis *speculative et practice* respuentibus, et societate humana nullum prorsus in commune foveante, adhuc saltem

(1) Positive nullum cultum fovere dicuntur illae civiles societates quae in legibus earum ab omni respectu ad religionem praescindunt, nullius tamen exercitium impediunt (quod solet appellari *libertà di coscienza*), aut etiam omnes cultus *negative* protegent, quatenus instar cujuslibet civilis institutionis, delicta contra eorum exercitium, templa et res admissa legibus et poenis cohibent, velut actus publicam tranquillitatem perturbantes. Quod profecto differt ab omnimoda religionis, seu cultus divinitatis exclusionem quam semel dumtaxat cujusdam civilis societatis reformatores inducere tentantes, in manifestum interitum eandem conjecerunt, nec nisi citissime ab aliis substituta notione *entis (dell' essere)* impeditum utcumque fuit ne omne vinculum societatis penitus dissolveretur.

temporaria ejusdem societatis felicitas subsisteret, quod falsum esse nostrae probationes sufficienter ostendunt. Tandem increduli optimam constitutionem objectarum Rerumpublicarum etiam in ordine ad temporalem felicitatem, plus aequa videntur extollere, neque unius earum tranquillam et satis longam durationem assignare valent; et aliunde semper verum remanet societatem quae essentialem ac proprium hominum finem, pro termino suae institutionis non sibi proponit aut negligit, esse monstrum quoddam morale, vel ethnicis ipsis nationibus incognitum, et obscurissimo seculi nostri lumini ad inveniendum relictum.

ARTICULUS III.

DE HUMANA RATIONIS INSUFFICIENTIA CIRCA DETERMINATIONEM DEBITI DEO CULTUS.

138. Plerique deistae seu theistae, quos etiam naturalistas et incredulos vocant toti sunt in commendanda nimis religione seu cultu Dei naturali, viribusque humanae rationis ultra praefinitum eidem limitem summopere extollendis; eorum numerus atque audacia post Genevensis sophistae commenta in dies crevit, naturali quadam humanae mentis elatione, atque passionibus, subsidium ferentibus. Hos itaque in praesenti quaestione aggredimur, sed ne ad alienam messem seu provinciam videamur divertere, indirecte dumtaxat cum ipsis pugnabimus, ex insufficientia scilicet nostrae rationis ad perfectam cognitionem cultus Dei debiti, inferendo *debitum* seu *obligationem* naturalem, orlo *saltem* circa hanc rem dubio, inquirendi utrum Deus manifestaverit, nec ne aliquod medium seu viam ipsum colendi, distinctam a medio et via rationis naturalis; unde integras relinquemus generales quaestiones circa insufficientiam legis et religionis naturalis, indeque manantem necessitatem divinae revelationis, circa ejusdem possibilitatem et existentiam, etiam de veritatibus supernaturalibus etc.

Porro ut quaestio nostra sic limitata melius intelligatur, advertimus 1^o, rationis humanae *insufficientiam* de qua sermo, esse *moralem* non autem *physicam*, scilicet, quae arguit magnam difficultatem, seu impossibilitatem atque *impotentiam* *moralem*, latiori sensu acceptam, non vero defectum

virium physicarum, seu *physicam* ac omnimodam *impotentiam* 2^o; eandem impotentiam nos colligere ex consideratione conditionis humanae rationis respectu habito potius ad totum humanum genus moraliter spectatum, quam ad unum alterumve hominem. 3^o, nos non inquirere undenam haec impotentia humanae rationis proveniat, an scilicet ex intrinseca et nativa ejusdem imbecillitate, an vero ex accidentali quadam ejusdem corruptione, quod ex sola ratione forte haud determinari valet, nec est necessarium; cum aequè in alterutra hypothesi detur sufficiens motivum rationabiliter dubitandi seu suspicandi, utrum Deus voluerit nec ne extrinseca atque extraordinaria ratione huic imbecillitati subsidium ferre, quod quidem dubium in doctioribus velut sponte sua, in aliis vero saltem in quibusdam adjunctis deberet locum habere sola rationalitate officium cultus Dei determinante.

PROPOSITIO

Sola humana ratione cultum Deo debitum determinante, facile potest et debet agnosci debitum inquirendi utrum Deus positive manifestaverit nec ne aliquem modum se colendi ab humanae ratione distinctum.

139. Eadem ratione qua singuli homines ex debito ordine naturalis rationis tenentur Deo cultum praebere, tenentur quoque eundem accomodate ad divinam naturam et propriae felicitatis assecutionem, ut per se patet, praestare; si igitur solo rationis naturalis ductu, ad id praestandum minime sufficient, istamque insufficientiam eadem praelucente ratione detegant; jam vi tendentiae ac ordinationis necessariae in proprium ultimum finem, tenentur inquirere num revera benignissimus Deus aliquem sui cultum *positive* determinaverit; cum evidentissima ratio suadeat, Deum et sincere velle hominum felicitatem, et qui creaturis dedit facultatem proprium animi sensum aliis manifestandi, non posse carere innumeris mediis voluntatem suam hominibus absque erroris periculo (signis scilicet indubiis eam comprobando) patefaciendi; praesertim si addas, com-

temporaria ejusdem societatis felicitas subsisteret, quod falsum esse nostrae probationes sufficienter ostendunt. Tandem increduli optimam constitutionem objectarum Rerumpublicarum etiam in ordine ad temporalem felicitatem, plus aequa videntur extollere, neque unius earum tranquillam et satis longam durationem assignare valent; et aliunde semper verum remanet societatem quae essentialem ac proprium hominum finem, pro termino suae institutionis non sibi proponit aut negligit, esse monstrum quoddam morale, vel ethnicis ipsis nationibus incognitum, et obscurissimo seculi nostri lumini ad inveniendum relictum.

ARTICULUS III.

DE HUMANA RATIONIS INSUFFICIENTIA CIRCA DETERMINATIONEM DEBITI DEO CULTUS.

138. Plerique deistae seu theistae, quos etiam naturalistas et incredulos vocant toti sunt in commendanda nimis religione seu cultu Dei naturali, viribusque humanae rationis ultra praefinitum eidem limitem summopere extollendis; eorum numerus atque audacia post Genevensis sophistae commenta in dies crevit, naturali quadam humanae mentis elatione, atque passionibus, subsidium ferentibus. Hos itaque in praesenti quaestione aggredimur, sed ne ad alienam messem seu provinciam videamur divertere, indirecte dumtaxat cum ipsis pugnabimus, ex insufficientia scilicet nostrae rationis ad perfectam cognitionem cultus Deo debiti, inferendo *debitum* seu *obligationem* naturalem, orlo *saltem* circa hanc rem dubio, inquirendi utrum Deus manifestaverit, nec ne aliquod medium seu viam ipsum colendi, distinctam a medio et via rationis naturalis; unde integras relinquemus generales quaestiones circa insufficientiam legis et religionis naturalis, indeque manantem necessitatem divinae revelationis, circa ejusdem possibilitatem et existentiam, etiam de veritatibus supernaturalibus etc.

Porro ut quaestio nostra sic limitata melius intelligatur, advertimus 1^o, rationis humanae *insufficientiam* de qua sermo, esse *moralem* non autem *physicam*, scilicet, quae arguit magnam difficultatem, seu impossibilitatem atque *impotentiam* *moralem*, latiori sensu acceptam, non vero defectum

virium physicarum, seu *physicam* ac omnimodam *impotentiam* 2^o; eandem impotentiam nos colligere ex consideratione conditionis humanae rationis respectu habito potius ad totum humanum genus moraliter spectatum, quam ad unum alterumve hominem. 3^o, nos non inquirere undenam haec impotentia humanae rationis proveniat, an scilicet ex intrinseca et nativa ejusdem imbecillitate, an vero ex accidentali quadam ejusdem corruptione, quod ex sola ratione forte haud determinari valet, nec est necessarium; cum aequè in alterutra hypothesi detur sufficiens motivum rationabiliter dubitandi seu suspicandi, utrum Deus voluerit nec ne extrinseca atque extraordinaria ratione huic imbecillitati subsidium ferre, quod quidem dubium in doctioribus velut sponte sua, in aliis vero saltem in quibusdam adjunctis deberet locum habere sola rationalitate officium cultus Dei determinante.

PROPOSITIO

Sola humana ratione cultum Deo debitum determinante, facile potest et debet agnosci debitum inquirendi utrum Deus positive manifestaverit nec ne aliquem modum se colendi ab humanae ratione distinctum.

139. Eadem ratione qua singuli homines ex debito ordine naturalis rationis tenentur Deo cultum praebere, tenentur quoque eundem accomodate ad divinam naturam et propriae felicitatis assecutionem, ut per se patet, praestare; si igitur solo rationis naturalis ductu, ad id praestandum minime sufficient, istamque insufficientiam eadem praelucente ratione detegant; jam vi tendentiae ac ordinationis necessariae in proprium ultimum finem, tenentur inquirere num revera benignissimus Deus aliquem sui cultum *positive* determinaverit; cum evidentissima ratio suadeat, Deum et sincere velle hominum felicitatem, et qui creaturis dedit facultatem proprium animi sensum aliis manifestandi, non posse carere innumeris mediis voluntatem suam hominibus absque erroris periculo (signis scilicet indubiis eam comprobando) patefaciendi; praesertim si addas, com-

munem fere gentium consensum in admittendo aliquo revelato Dei cultu, sponte sua motivum rationabile hujus inquisitionis instituendae fore suppeditaturum. Assumptum quoad utramque partem evidenter probatur: et in primis non est penitus praetermittendum generale argumentum de promptum ex insufficientia humanae rationis ad complexum moralium legum detegendum (1); nam et hae ratione ultimis, propter quem sunt custodiendae, ad cultum Dei indirecte pertinent, et non solum ab ethnicis populis, turpissimis erroribus admixta et enormiter mutilatae erant, verum ab ipsis eorum sapientibus, doctoribus et legislatoribus, ut Socrate; Platone, Aristotele, Tullio, etc. approbantibus mendacium, perjurium, infanticidium, fornicationem, ebrietatem, superstitionem, etc. ut nihil dicam de Epicteti, Stoicorum et aliorum philosophorum obscenitatibus a quibus maxime natura abhorret. Haec autem probatio, licet *ex facto* desumpta moralem nihilominus insufficientiam rationis satis evincit (2); cum talis complexio cognitionum, ut validissime

(1) Ne quae hic dicimus pugnare videantur cum doctrina superius tradita (part. 2. cap. 2. artic. 1. n. 81. 82. 83.) de perspicuitate legis naturalis, animadvertas oportet, ibi sermonem fuisse dumtaxat de generalioribus et seorsim consideratis legis naturalis principiis, hic vero loquimur de eorum *complexu*. Confer quoque responsa ad primam difficultatem inferius posita.

(2) Quidam existimant argumentum *ex facto* non exhibiti debiti Deo cultus ab hominibus *per se* non probare *moralem* humanae rationis insufficientiam sive impotentiam, ideoque nos illi facto adnectimus rationes S. Thomae, ut constet factum non exhibiti cultus Deo debiti ex imbecillitate ipsa naturalis rationis manasse. Si enim quis contenderet causam illius facti potuisse esse vel eam fuisse tantum hominum negligentiam, sive quod non fecerint quantum in ipsis erat, ut debitum Deo cultum ope rectae rationis redderent; non videtur aliud posse responderi nisi assignando rationes illius moralis impotentiae; ergo argumentum istud *ex facto* non est ab his aliis rationibus separandum. Unde consequens est, huiusmodi argumentum esse forte dumtaxat insufficientis si ponatur velut probatio ab aliis probationibus prorsus distincta et diversa. Praeterea, cum factum istud solet probari per enumerationem turpissimorum errorum et scelerum, in quae populi solius rationis luminescenti prolapsi sunt, quaeque si ab imbecillitate dumtaxat naturalis rationis dimanarent, forte non solum *moralem* sed etiam *physicam* ejusdem impotentiam, ad legis

demonstrat S. Thomas (1), solius rationis duce non nisi *pau- cis hominibus*, non nisi *cum magno labore studii*, et post *mag- nam temporis longitudinem*, nec non cum admixtione *falsi- tatis et dubitatione* poterat obvenire.

Veniamus nunc ad argumenta immediate cultum Dei respicientia. Ad perfectionem cultus Dei interni vel maxime spectat ut Deum teneamus supra omne id quod de ipso cogitari ab homine possibile sit, nam tunc tantum vere cognoscimus Deum; et ut ipsum tamquam primum nostrum principium et ultimum finem, ad quem etiam actus interni referendi sunt agnoscamus: at maxima pars hominum, propter magnam difficultatem avocandi mentem a sensibus, vitaeque praesentis multiplicem necessitatem, non nisi difficillime tales cognitiones acquirere potest: ita ut si etiam nunc humanum genus divina revelatione destitutum foret, videremus adhuc *saltem* insanum vulgus suis Diis ethnicorum instar passiones et voluptates humanas tribuere, eosque patronos singulis vitiorum generibus deputare; atque dona quidem externa iis accepta referre vel ab ipsis postulare, non autem interna; sicut Cotta apud Tullium (2) fidenter de ethnicis pronunciat: „Judicium hoc omnium mortalium est, fortu- „nam a Deo petendam, a se ipso sumendam esse sapientiam» et parum antea jam dixerat: „Virtutem autem nemo un- „quam acceptam Deo retulit..... Num quis quod bonus vir „esset gratias diis egit unquam? At quod dives, quod ho- „noratus quod incolumis.„

140. Major autem est insufficientia humanae rationis re- late ad determinationem cultus externi; cum enim et ratio per se nihil determinatum hac in re praecipiat, et aliunde ne ter-reno quidem regi, habenti potestatem determinandi quibus externis actibus honorari velit, placere possint quilibet actus

naturalis ejusque officiorum cognitionem arguerent, nam aberrationes illa universaliora etiam legis praecepta magisque obvia naturalia officia interdum respiciebant, consequens fore videretur, ut solius illius argumenti *ex facto* vim promovendo, nimis concederetur erroneae doctrinae Fr. De la Mennais contententis (*Essai sur l'indifference en matiere de religion* etc.) exiisdem aberrationibus humanae rationis, inferre istius omnimodam insufficientiam ad veritatis assecutionem.

(1) *Contra gent.* libr. 4 cap. 4.

(2) *De natura Deorum* libr. 3. cap. 36.

pro lubito exhibiti, ipsaque conformitas hominum in his extrinsecis divini cultus signis sit potissimum vinculum socialitatis; jam nisi velimus denegare vel Deo potestatem aliquid circa hoc discernendi, vel homini facultatem nuper dicta cognoscendi, dicendum est neminem si ex rationis dumtaxat suae libera electione extrinsecum cultum determinaret et exhiberet, posse aut potuisse esse certum illum cultum Deo acceptum fore, non supposita inquisitione et certa cognitione quod Deus nihil circa hoc *positive* determinaverit. Adde insuper, quod pro majoribus beneficiis majus quid magisque Deo placens eidem offerre teneremur, et tamen quodnam sit istud sola ratio non determinaret.

Dicunt quidem naturalistae, in hypotesi solius status naturae, quivis cultus rectae rationi non oppositus foret Deo gratus, conformitas vero ejusdem inter cives per leges civiles posset determinari: at non est hoc quod quaeritur; sed an homo sola etiam ratione duce non teneatur inquirere, utrum Deus aliquem modum se colendi manifestaverit; id enim praeterquam quod potuit, saltem conveniens fuit ut faceret; secus sapientissimus gubernator, qui omnia vel minutissima aptissime ad sui gloriam ordinavit, hominem solum circa hunc ejus essentialem finem, modumque ad illum tendendi, velut in proprio volubili, ac in politicarum legum insuper a recta ratione frequenter recedenti arbitrio reliquisset: ergo hoc cognito, et non facta inquisitione num revera Deus aliquid manifestaverit, non posset esse quivis naturalista certus, cultum suum etiam rationi non oppositum Deo placere.

141. Tandem cum homines frequenter vel contra ipsum jus naturae graviter delinquant, nisi cultui quem Deo exhibent, fuerit conjunctum medium divinae justitiae placandae culpaque expiandae, cultus hic non foret sufficiens et proportionatus ad perfectae felicitatis assecutionem. At humana ratio sine divina manifestatione nihil certi de hoc medio pronunciat: nonne evidentissimum est, nullam esse proportionem inter quoscumque naturales hominis actus in Dei honorem exhibitos, et objective infinitam gravitatem divinae etiam unius offensae? Nullum necessarium nexum inter illos, et certam veniae assecutionem?

Dicent sane naturalistae; Deum summe misericordem et pium interno animi poenitentis dolore facile posse placari, veniamque concedere, cum nec pater et dominus bonus, quin et hostis non prorsus inhumanus solent vere poenitenti-

bus veniam denegare. Verum, quemam potest esse paritas inter offensam hominum et Dei? Nonne Deus summe misericors, est quoque justissimus, nullaque necessitate adigitur misericordiam prae justitia manifestandi? Esto etiam aliquid in misericordia Dei sperare naturalistas posse at quomodo sine *positiva* divinae voluntatis *manifestatione* scire poterunt, quod divina misericordia aequae se porrigat ad scelera vel maxime enormia, et saepius iterata? Quod nullo culparum numero limitem definitum? Quod praeter internos etiam quosdam externos actus poenitentiae non requirat? Quae omnia et eorum opposita, utpote a libera divina voluntate dependentia, sola ratione, ut per se patet, sciri nequeunt. Haec porro quamvis pauca si attente considerentur, abunde sufficiunt ad evincendam moralem insufficientiam humanae rationis circa determinationem cultus Deo debiti, indeque manantem naturalem obligationem inquirendi, utrum Deus modum aliquem sui cultus manifestaverit, nec ne.

142. Opponit passim naturalistae. Lex naturalis utpote omnium cordibus insculpta, et paucas ac perspicuas veritates complectens, nequit esse humanae rationi impervia ab eaque ignorari; confirmatur deinde ex eo, quod ratio est data a Deo tamquam medium ad officia legis etiam erga Deum exhibenda; secus et Deus dedisset medium insufficientem, et homines, posita medii insufficientia non tenerentur ad custodiendam legem et officia implenda.

Respond. *Disting.* Legem naturalem quoad sua generaliora principia seorsim considerata, ac *per se* a nemine posse ignorari, *Conc.* quoad totum ejus complexum, et in applicatione quoad particularia officia et particulares casus, *subdisting.* potentia *physica*, *Conc. morali*, *Neg.* Porro lex naturalis sic spectata non paucis, perspicuis, ac veluti naturae insculptis veritatibus coalescit, sed etiam hujusmodi, quae rectam ratiocinationem licet haud multum difficilem, et mentis a sensibilibus avocationem, nec non immunitatem a praesudiciis, cupiditatibus etc. requirunt; ad quod, ut vidimus, praestandum, maximae saltem partis hominum ratio est *moraliter* insufficientem, accedentibus praesertim peculiari-bus motivis relate ad officia erga Deum; sive tandem haec insufficientia ex nativa quadam humanae mentis imbecillitate, sive ex quadam depravatione; aut difficultate objectiva, et conditione diversa statuum proveniat.

Simili modo distinguatur adjecta confirmatio. Et sane,

eum insufficientia seu *impotentia moralis* humanae rationis relinquat *potentiam* seu vires *physicas* sufficientes, et respiciat praecipue humanum genus universum moraliter, parum refert rationem esse medium a Deo datum ad legem cognoscendam et officia implenda, nosque ad id teneri; etenim habentes vires *physice* sufficientes tenebimur praestare quidquid *simpliciter* possumus, et quantum in nobis est superare *moralem impotentiam* seu magnam difficultatem in iis, quae non nisi cum relativa imperfectione attingere possumus; quae ipsa imbecillitatis nostrae cognitio, ostendit quidem debitum nostrum inquirendi utrum Deus modum aliquem faciliorem et expeditiorem se colendi manifestaverit, at minime jus tribuit inferendi medium a Deo datum ad finis assecutionem esse simpliciter ineptum. Hic enim valet etiam illa regula, quod providentissimus et sapientissimus Deus impossibilia non jubet, sed jubendo admonet, et facere quod potes et petere, vel quaerere quae non potes, praesertim vero, quia ex hac morali imbecillitate humanae rationis nihil contra divinam ordinationem inferri potest, etiamsi foret homini naturalis, et non *per accidens* adveniens, quod tamen adversarii probare nequeunt [1].

Instant. Legem et officia *naturalia* ideo ita vocari, quia viribus *naturalis rationis* sunt accomodata; et si secus esset, Deus debuisset omnibus et omni tempore modum se colendi *positive* manifestare, unde talis revelatio non foret donum gratuitum.

Respond. ad 1^m. *Disting.* Ideo ita vocari quia sunt accomodata etc. *ex se et ratione sui, Conc.* etiam *relative* ad diversas circumstantias, et ad exclusionem moralis impoten-

(1) Impotentia moralis sive magna difficultas ope solius rationis cognoscendi officia legis naturalis, spectato tantum naturali ordine argueret dumtaxat physicum quendam humanae naturae defectum, qui nullatenus adversatur divinae sapientiae et bonitati liberrimae in tribuendis cuilibet creaturae accidentalibus perfectionis gradibus. Atque hoc etiam innuit possibilitatem status *naturae purae*, de qua disputant theologi dogmatici. Vide a nobis indicata in *Metaphisica* (vol. 1. *Theolog. natur.* capit. 2. art. 5. n. 75). Nequit autem pariter, spectato dumtaxat naturali ordine probari, Deum ab initio primos homines condidisse cum hujusmodi physico defectu, neque addidisse quamvis ex mera benignitate, humanae rationi facilitatem cognoscendi omnia legis naturails praecepta atque officia.

tiae ex parte subjecti, in quocumque casu *Neg.* et distinctio est per se manifesta.

Ad 2^m. *Neg. Antec.* Magna difficultas cognoscendi vel implendi officia naturalia ex parte hominum, non debitum sed convenientiam dumtaxat innuit ex parte Dei, huic humanae imbecillitati ex benignitate subveniendi; ideoque hanc benignitatem suam Deus nec semper nec omnibus hominibus necessario exhibere tenebatur: quin proterea fieret *personarum acceptor*. Praeterea unde sciunt adversarii Deum usque ab initio mundi primis hominum parentibus modum se colendi *positive* non manifestasse aut revelationem postremis temporibus factam, non esse sufficientem, qua omnes si vellent oculos mentis sponte non claudere, vel morum brutalitate iter ad eam sibi non praeccludere, satis superque etiam circa legem et officia naturalia possint illuminari?

CAPUT II.

DE OFFICIIS HOMINUM ERGA SEMETIPSOS.

143. Complexus earum actionum quas homines erga semetipsos ex debito ordine naturalis rationis praestare tenentur, summam officiorum, de quibus sermo, constituit. Eorum principium fundamentale est *amor ordinatus sui ipsius*, quo et *esse et bene esse* volumus, ratio autem discriminis est differentia rationalitatis ab animalitate, mutuaque utriusque relatio; unde alia sunt officia quae ad animum, alia quae ad corpus vel humanum compositum referuntur. Porro homines ad omissionem vel positionem quorundam actum non solum ex *honestate ac decore* (1) que-

(1) Quos hic reprehendere volumus, Thomasius scilicet et Fleischerus nomine *honesti* intelligunt ea quae continentur sub praeceptis moralibus spectantia ad internas hominum actiones internamque felicitatem; nomine autem *decori*, quod pertinet ad actiones externas, quibus benevolentiam et amicitiam aliorum nobis paramus. Verum talis etiam conceptus honesti et decori non est accuratus, eumque perfectius explicat Tullius [*De offic.* libr. 1. cap. 27.] Porro *justum* sive *positive*, scilicet, *quidquid fit juxta jus alterius*, sive *negative*, quo *nullius jus laeditur aut violatur*, quia simul talis actio fit *convenienter legi naturae et rationi* hominemque vel maxime *debet*, est quoque *honestum et de-*

eum insufficientia seu *impotentia moralis* humanae rationis relinquat *potentiam* seu vires *physicas* sufficientes, et respiciat praecipue humanum genus universum moraliter, parum refert rationem esse medium a Deo datum ad legem cognoscendam et officia implenda, nosque ad id teneri; etenim habentes vires *physice* sufficientes tenebimur praestare quidquid *simpliciter* possumus, et quantum in nobis est superare *moralement impotentiam* seu magnam difficultatem in iis, quae non nisi cum relativa imperfectione attingere possumus; quae ipsa imbecillitatis nostrae cognitio, ostendit quidem debitum nostrum inquirendi utrum Deus modum aliquem faciliorem et expeditiorem se colendi manifestaverit, at minime jus tribuit inferendi medium a Deo datum ad finis assecutionem esse simpliciter ineptum. Hic enim valet etiam illa regula, quod providentissimus et sapientissimus Deus impossibilia non jubet, sed jubendo admonet, et facere quod potes et petere, vel quaerere quae non potes, praesertim vero, quia ex hac morali imbecillitate humanae rationis nihil contra divinam ordinationem inferri potest, etiamsi foret homini naturalis, et non *per accidens* adveniens, quod tamen adversarii probare nequeunt [1].

Instant. Legem et officia *naturalia* ideo ita vocari, quia viribus *naturalis rationis* sunt accomodata; et si secus esset, Deus debuisset omnibus et omni tempore modum se colendi *positive* manifestare, unde talis revelatio non foret donum gratuitum.

Respond. ad 1^m. *Disting.* Ideo ita vocari quia sunt accomodata etc. *ex se et ratione sui, Conc.* etiam *relative* ad diversas circumstantias, et ad exclusionem moralis impoten-

(1) Impotentia moralis sive magna difficultas ope solius rationis cognoscendi officia legis naturalis, spectato tantum naturali ordine argueret dumtaxat physicum quendam humanae naturae defectum, qui nullatenus adversatur divinae sapientiae et bonitati liberrimae in tribuendis cuilibet creaturae accidentalibus perfectionis gradibus. Atque hoc etiam innuit possibilitatem status *naturae purae*, de qua disputant theologi dogmatici. Vide a nobis indicata in *Metaphisica* (vol. 1. *Theolog. natur.* capit. 2. art. 3. n. 75). Nequit autem pariter, spectato dumtaxat naturali ordine probari, Deum ab initio primos homines condidisse cum hujusmodi physico defectu, neque addidisse quamvis ex mera benignitate, humanae rationi facilitatem cognoscendi omnia legis naturails praecepta atque officia.

tiae ex parte subjecti, in quocumque casu *Neg.* et distinctio est per se manifesta.

Ad 2^m. *Neg. Antec.* Magna difficultas cognoscendi vel implendi officia naturalia ex parte hominum, non debitum sed convenientiam dumtaxat innuit ex parte Dei, huic humanae imbecillitati ex benignitate subveniendi; ideoque hanc benignitatem suam Deus nec semper nec omnibus hominibus necessario exhibere tenebatur: quin proterea fieret *personarum acceptor*. Praeterea unde sciunt adversarii Deum usque ab initio mundi primis hominum parentibus modum se colendi *positive* non manifestasse aut revelationem postremis temporibus factam, non esse sufficientem, qua omnes si vellent oculos mentis sponte non claudere, vel morum brutalitate iter ad eam sibi non praeccludere, satis superque etiam circa legem et officia naturalia possint illuminari?

CAPUT II.

DE OFFICIIS HOMINUM ERGA SEMETIPSOS.

143. Complexus earum actionum quas homines erga semetipsos ex debito ordine naturalis rationis praestare tenentur, summam officiorum, de quibus sermo, constituit. Eorum principium fundamentale est *amor ordinatus sui ipsius*, quo et *esse et bene esse* volumus, ratio autem discriminis est differentia rationalitatis ab animalitate, mutuaque utriusque relatio; unde alia sunt officia quae ad animum, alia quae ad corpus vel humanum compositum referuntur. Porro homines ad omissionem vel positionem quorundam actum non solum ex *honestate ac decore* (1) que-

(1) Quos hic reprehendere volumus, Thomasius scilicet et Fleischerus nomine *honesti* intelligunt ea quae continentur sub praeceptis moralibus spectantia ad internas hominum actiones internamque felicitatem; nomine autem *decori*, quod pertinet ad actiones externas, quibus benevolentiam et amicitiam aliorum nobis paramus. Verum talis etiam conceptus honesti et decori non est accuratus, eumque perfectius explicat Tullius [*De offic.* libr. 1. cap. 27.] Porro *justum* sive *positive*, scilicet, *quidquid fit juxta jus alterius*, sive *negative*, quo *nullius jus laeditur aut violatur*, quia simul talis actio fit *convenienter legi naturae et rationi* hominemque vel maxime *debet*, est quoque *honestum et de-*

dam civili teneri, sed posse obligari revera erga semetipsum, patet ex eo quod non sunt absoluti domini suimetipsum, merumque *usum*, non vero *possessionem* suarum facultatum et naturalium donorum habent. Confirmatur ulterius ex insufficientia rationum quas Tomasius et Fleischerus oggerunt; scilicet, amorem sui in quo fundantur huiusmodi officia esse necessarium et innatum ideoque non cadere sub legem, obligationemque ex debito, sicut et iustitiam debere esse *ad alterum*, ideoque in se ipso terminari non posse. Etenim amor sui in homine, non est necessarius ac innatus *quoad modum*, sicut in brutis, quae physice necessario instinctu etiam in particulari suae conservationi provident, potest itaque quin et debet subijci legibus; iustitia et obligatio *legalis* (1) non dicit necessario relationem *ad alterum* physice et realiter distinctum, et ratio humana tanquam subjectum obligationis formaliter distinguitur a caeteris facultatibus; nisi malis etiam dicere hominem obligari ad semetipsum tanquam ad *alterum*, alieno, id est, divino dominio subjectum (2). Ex ordine autem naturali rationis homines praecipue tenentur ad animi culturam, et conservationem humani compositi, et quia haec aequae postulant cohibitionem sui a quibusdam actibus quam non-

corum, similiter quia omnis actus virtutis, licet nullum jus positive respiciat, est rationi consentaneus ac proinde honestus, hominemque decet, unde omne honestum est simul decorum. Atque haec est acceptio decori in genere: decorum autem in specie iusta Tullium est, id quod ita naturae consentaneum sit ut in eo moderatio et temperantia appareat cum specie quadam liberali, sive forte melius, quod elucet in vita, ordine et constantia et moderatione dictorum omnium atque factorum movetque approbationem eorum quibuscum vivimus. Quis enim non videt e. g. indecorum esse viro gravi quibusdam vestibus indui aut puerilibus ludis detineri, quamvis nulla hic iniusti aut inhonesti species appareat? Vide Finetti (De princ. jur. nat. et gent. libr. 2. cap. 4.)

(1) Iustitia *legalis* quae respicit ad aequationem actus cum lege, dicitur ad discrimen iustitiae commutativae et distributivae de quibus alias loquemur.

(2) Vel haec tantum postrema ratio satis manifestat, quaestionem hanc esse diversam ab illa in qua disputatur de principio obligationis; aliud namque est, quod homo nequeat a se ipso vere ac proprie obligari, aliud vero quod nequeat ad se ipsum tanquam ad terminum ad aliquid praestandum teneri.

nullorum aliorum positionem, constituent duplicem *negativam*, scilicet, et *positivam* quaestionem.

ARTICULUS I.

DE CULTURA ANIMI, EJUSQUE AD VIRTUTIS ASSECUTIONEM COMPARATIONE.

144. Cum animi cultura naturalis consistat immediate in perficiendis ratione et voluntate, utpote superioribus facultatibus, quarum directioni caeterae omnes subijciuntur; cumque ratio et voluntas non nisi per ordinatam in propria objecta, verum nempe *et bonum*, tendentiam perficiatur; acquirendi sunt itaque istarum facultatum ordinati tendendi in propria objecta habitus qui constituunt virtutes morales, absolvuntque, ut ita dicam, naturalem animi culturam in genere. In specie vero, praeter habitum voluntatis ordinati tendendi in bonum necessario conexum cum ordinato sui amore et perfecta felicitate, imbuendus est ex debito apprimae animus veris licet *vulgaribus* cognitionibus ad vitam rationalem recte instituendam cuicumque homini necessariis; cui debito *absoluto* et generali accedit onus plerisque hominibus proprium, comparandi sibi excellentiores et particulares quasdam cognitiones, juxta diversam statum et munerum conditionem, quam in societate obtinent. Verum quia de qualitate et gradu perfectionis in cognitionibus univertim in particulari necessariis, uniuscujusque statu conditio sufficienter monet, et moralium virtutum acquisitio practice potius quam theoretice, seu concionibus potius quam theoriis debet doceri, nos hisce dumtaxat indicatis, et expositione notationis virtutum moralium earumque partitionis, ad finem nostri tractatus sive in appendicem amandata, loquemur nunc de eo quod animum ad virtutis assecutionem apprimae disponit, et maxime juvat, scilicet, in quo proprie sita est virtutis pulchritudo.

Porro plerique moralium philosophorum qui post Grotium velut reformatores juris naturae haberi voluerunt, ut sunt Pufendorfius, Tomasius etc. et praesertim Martinius Hubnerus (1), praestantiam atque intrinsecum decus vir-

(1) *Essai sur l'histoire du droit naturel*. part. 2.

tuti adimere videntur, dum eam non nisi tanquam medium felicitatis [et utinam saltem perfectae atque alterius vitae] considerant; quibus accedit quoque Wollius in sua practica philosophia pro fundamento et norma juris naturae ponens utilitatem ac voluptatem ex perfectione animae et corporis bonisque fortunae manantem, hominumque felicitatem constituentem (1). Contra hos omnes itaque defendemus, intrinsecam etiam esse virtuti pulchritudinem, ideoque eam *etiam* in se et propter seipsam amandam expectandamque esse, praeciso quolibet emolumento quod profluat et sit ab illa distinctum. Id vero ethnici quoque nobiliores philosophi summopere commendarunt; sic Plato ait de virtute, *quod si videri oculis posset, omnium in se amorem converteret*; et Stoici solam virtutem ratione sui amabilem esse tanquam fundamentum eorum philosophiae posuerunt; quin tandem eam tanquam medium ad perfectae felicitatis, quae nequit reponi nisi in Deo, assecutionem referrent, quod postremum utique erroneum est, sicut jam alibi ostendimus (2).

PROPOSITIO

Virtus est etiam ratione sui amabilis.

145. Assertio nostra manifesta erit, si animadvertamus omnem virtutem moralem, sive in actu sive in habitu consideretur ex natura sui in ordinata tendentia facultatum a nimi superiorum in propria objecta sitam esse, per hoc enim a vitio discriminatur; jam vero ordo quivis *per se ac ratione sui* apprime convenit naturae rationali, ab eaque adprobatur, sicut e contra inordinatio ac vitium quod vitium eidem adversatur; ergo cum voluntas bene disposita sequatur dictamen intellectus, nequit non inclinari ad virtutem tanquam per se amabilem, quemadmodum intellectus nequit eam non approbare tanquam per se rationi consentaneam, eadem est enim relatio veri ad intellectum ac relatio boni ad voluntatem. Praeterea, conceptus ordinis virtuti necessario adnexi, utpote *simplicem realitatem* dicens,

(1) Vide dicta superius [Part. 2. cap. 2. artic. 3. n. 92].

(2) Part. 1. cap. 1. artic. 2. n. 10.

complectitur quoque ideam *bonitatis simplicis* seu absque omni defectu; atqui talis bonitas est ratione sui amabilis: ergo etc. Atque huc quoque locum habet argumentum S. Thomae (1) desumptum ex eo quod virtus tanquam habitus addat potentiis seu facultatibus rationalibus actum, id est, simplicem perfectionem.

Insuper ordo qui in actibus virtutum deprehenditur, alius est omnino necessarius et a lege naturali absolute praecipuus, cujus nempe perversio in perniciem cedit ipsius naturae rerum; alius vero qui auget dumtaxat privatam vel communem hominis perfectionem; in primo casu cum agatur de intrinseca actionum bonitate cui *ratio formalis* legis velut quid extrinsecum nihil fere addit aut detrahit, virtus talibus actionibus sociata nequit non esse *per se*, excluso etiam omni extrinseco emolumento, naturae rationali conveniens et amabilis; in altero vero casu, vel ipsa exclusio necessitatis a lege manantis reddit actus virtutis *per se ac ratione sui* amabiles. Nonne mirantes suspicimus, naturali quodam amore prosequimur, et veluti cogente ipsa ratione laude dignos existimamus eos, qui nulla necessitate adacti sponte sua vitam e. g. pro incolumitate patriae periculo obiciunt, quamvis inde nullum ipsis emolumentum obveniat? Tandem omnium iudicio, virtutis est reddere hominem eo magis probum, habereque rationem meriti eo majorem quo in ejus exercitio magis excluditur relatio ad emolumentum operantis ab ipsa virtute distinctum; sic nemo est qui non plures aestimet illis probitatem et temperantiae aut misericordiae meritum, qui primam earum virtutum exercet ob praescriptum rationis ordinem absque respectu firmioris valetudinis corporae servandae, alteram vero occulte et potissimum erga eos, qui nec grati animi sensum rependere solent; at si tota virtutis praestantia ab emolumentis ipsi extrinsecis repetenda foret, contrarium deberet accidere. Id ipsum eruitur quoque ex opposita vitii ratione.

146. Prima in contrarium ratio communis Hubnero et Wolfio haec est, si a virtutis cultu removeatur emolumentum, jam nomen virtutis erit vacuum et inane, nullaque idea de ipsius praestantia poterit efformari, sicut nec de

(1) *Summae theolog.* part. 1. 2. quaest. 55. artic. 1.

turpitudine vitii; vel ad summum reducetur ad quidpiam ignotum, seu *unum nescio quid*: praesertim quod, praecisione facta ab assecutione felicitatis ad quam virtus naturaliter ordinatur tamquam ad finem, excludatur desiderium felicitatis, quod est firmissimum motivum inferens obligationem virtutis exercendae, seu conformandi actiones nostras immutabilibus regulis rationis.

Respond. ad 1^m. *Neg.* Prima pars difficultatis, ut patet ex fundamento, falsa est, eamque jam suo tempore Tullius (1) reprehenderat in Epicureis; cum emin non nisi emolumentum ab ipsa virtute distinctum removeatur, *ordo, realitas, perfectio*, seu intrinseca *bonitas* eidem indeficienter connexa semper remanent, quaeque sit ejus nomini subjicienda sententia, luculenter manifestant.

Ad 2^m. *Neg.* pariter assertum. Etenim assecutionem felicitatis seu imperfectae in praesenti, seu perfectae in altera vita, quae sua sponte ac naturaliter virtutis exercitium consequuntur, non removemus *simpliciter*, sed sub respectu motivi et emolumentum praestantiam et amabilitatem virtutis unice constituentis; unde parum refert, quod naturaliter virtus ordinetur ad felicitatem tamquam ad *ultimum* finem, hoc enim non negamus, nec nunc inquirimus; sed tantum asserimus virtutem etiam in solo suo formali conceptu spectatam non destitui amabilitate intrinseca, posseque ab animo etiam ratione hujus solius, tamquam motivi vel finis *proximi* naturaliter appeti: Hinc ulterius patet, neque desiderium naturale felicitatis tamquam principium intrinsecum actionum animi a nobis excludi, illud namque est de quo vere dicitur, *amor meus pondus meum, illo feror quocumque feror*, et sine quo animus relate saltem ad bonum iners ac inactivus seu potius indifferens remaneret; sed aliud est animum agere ex principio seu intrinseca inclinatione ad felicitatem; aliud, eandem semper pro motivo vel fine etiam proximo in suis actionibus habere. Nonne ex desiderio felicitatis agimus, etiam dum divitias e. g. honores etc. quae nec cum vera felicitate vitae praesentis necessario necluntur, prosequimur? Nulla igitur est ratio quare idem desiderium non possit vel non debeat inclinare animum ad prosecutionem quoque virtutis propter se ipsam amabilis; eo vel maxime, quod in

(1) *De Finib.* libr. 2. cap. 15.

haec sententia adversariorum neque Deum ipsum possemus amare ex solo motivo intrinsecae ejus bonitatis.

Atque dicta nuper facile aptantur illis, quae ulterius in contrarium congerit Hubnerus, dum ait, debere esse cur virtus sit amabilis sufficientem rationem, quae *in ipsa* virtute, per mentem sejuncta a quacumque relatione, esse nequit, nisi velimus confugere ad quasdam occultas qualitates, vimque arcanam fascinandi homines; quod si ratio sufficiens fuerit *extra ipsam*, consistet in relatione quam habet ad naturam hominis, ejusque finem, ideoque in emolumento; praesertim quia secus virtus esset tantum quaedam idea abstracta, non valens producere obligationem eam exercendi, nec foret consentanea humanae naturae, cujus voluntas non sese determinat nisi propter bonum seu emolumentum, quo excluso admittitur omne incitamentum et impulsus ad agendum et voluntas ad indifferentiam reducitur. Et sane omnia haec statim evanescent, facta distinctione inter rationem sufficientem *intrinsecam et extrinsecam*, emolumentum et incitamentum *intrinsecum et extrinsecum*, nec non animadversione, quod neque cogitatione possit se jungi relatio intrinseca quam virtus dicit ac ordinem, seu convenientiam cum rationali hominis natura, per quam relationem ejus praestantia atque pulchritudo intrinseca constituitur. Haec autem cum in se sit quid positivum et reale *in concreto*, sicut ipsa perfectio ac realitas determinata per rationem *simplicis bonitatis* quam prae se fert etiam in singulis actibus, congruit vel maxime naturae rationali, ejusque voluntati; nec proinde eidem motivum seu incitamentum *intrinsecum* agendi admittitur, nec indifferentia activitatis, per exclusionem desiderii propriae felicitatis, inducitur.

ARTICULUS II.

DE NEGATIVA SUIPSUS CONSERVATIONE.

147. Debitum conservationis humani compositi, infert in primis obligationem abstinendi se (excepta manifesta divinae voluntatis significatione, quae tamen facile supponi non debet) ab illis omnibus actibus, qui *directe* ipsius compositi disolutionem inducunt, vel *notabiliter* accelerant, e-

turpitudine vitii; vel ad summum reducetur ad quidpiam ignotum, seu *unum nescio quid*: praesertim quod, praecisione facta ab assecutione felicitatis ad quam virtus naturaliter ordinatur tamquam ad finem, excludatur desiderium felicitatis, quod est firmissimum motivum inferens obligationem virtutis exercendae, seu conformandi actiones nostras immutabilibus regulis rationis.

Respond. ad 1^m. *Neg.* Prima pars difficultatis, ut patet ex fundamento, falsa est, eamque jam suo tempore Tullius (1) reprehenderat in Epicureis; cum emin non nisi emolumentum ab ipsa virtute distinctum removeatur, *ordo, realitas, perfectio*, seu intrinseca *bonitas* eidem indeficienter connexa semper remanent, quaeque sit ejus nomini subjicienda sententia, luculenter manifestant.

Ad 2^m. *Neg.* pariter assertum. Etenim assecutionem felicitatis seu imperfectae in praesenti, seu perfectae in altera vita, quae sua sponte ac naturaliter virtutis exercitium consequuntur, non removemus *simpliciter*, sed sub respectu motivi et emolumentum praestantiam et amabilitatem virtutis unice constituentis; unde parum refert, quod naturaliter virtus ordinetur ad felicitatem tamquam ad *ultimum* finem, hoc enim non negamus, nec nunc inquirimus; sed tantum asserimus virtutem etiam in solo suo formali conceptu spectatam non destitui amabilitate intrinseca, posseque ab animo etiam ratione hujus solius, tamquam motivi vel finis *proximi* naturaliter appeti: Hinc ulterius patet, neque desiderium naturale felicitatis tamquam principium intrinsecum actionum animi a nobis excludi, illud namque est de quo vere dicitur, *amor meus pondus meum, illo feror quocumque feror*, et sine quo animus relate saltem ad bonum iners ac inactivus seu potius indifferens remaneret; sed aliud est animum agere ex principio seu intrinseca inclinatione ad felicitatem; aliud, eandem semper pro motivo vel fine etiam proximo in suis actionibus habere. Nonne ex desiderio felicitatis agimus, etiam dum divitias e. g. honores etc. quae nec cum vera felicitate vitae praesentis necessario necluntur, prosequimur? Nulla igitur est ratio quare idem desiderium non possit vel non debeat inclinare animum ad prosecutionem quoque virtutis propter se ipsam amabilis; eo vel maxime, quod in

(1) *De Finib.* libr. 2. cap. 15.

haec sententia adversariorum neque Deum ipsum possemus amare ex solo motivo intrinsecae ejus bonitatis.

Atque dicta nuper facile aptantur illis, quae ulterius in contrarium congerit Hubnerus, dum ait, debere esse cur virtus sit amabilis sufficientem rationem, quae *in ipsa* virtute, per mentem sejuncta a quacumque relatione, esse nequit, nisi velimus confugere ad quasdam occultas qualitates, vimque arcanam fascinandi homines; quod si ratio sufficiens fuerit *extra ipsam*, consistet in relatione quam habet ad naturam hominis, ejusque finem, ideoque in emolumento; praesertim quia secus virtus esset tantum quaedam idea abstracta, non valens producere obligationem eam exercendi, nec foret consentanea humanae naturae, cujus voluntas non sese determinat nisi propter bonum seu emolumentum, quo excluso admittitur omne incitamentum et impulsus ad agendum et voluntas ad indifferentiam reducitur. Et sane omnia haec statim evanescunt, facta distinctione inter rationem sufficientem *intrinsecam et extrinsecam*, emolumentum et incitamentum *intrinsecum et extrinsecum*, nec non animadversione, quod neque cogitatione possit se jungi relatio intrinseca quam virtus dicit ac ordinem, seu convenientiam cum rationali hominis natura, per quam relationem ejus praestantia atque pulchritudo intrinseca constituitur. Haec autem cum in se sit quid positivum et reale *in concreto*, sicut ipsa perfectio ac realitas determinata per rationem *simplicis bonitatis* quam prae se fert etiam in singulis actibus, congruit vel maxime naturae rationali, ejusque voluntati; nec proinde eidem motivum seu incitamentum *intrinsecum* agendi admittitur, nec indifferentia activitatis, per exclusionem desiderii propriae felicitatis, inducitur.

ARTICULUS II.

DE NEGATIVA SUIPSUS CONSERVATIONE.

147. Debitum conservationis humani compositi, infert in primis obligationem abstinendi se (excepta manifesta divinae voluntatis significatione, quae tamen facile supponi non debet) ab illis omnibus actibus, qui *directe* ipsius compositi disolutionem inducunt, vel *notabiliter* accelerant, e-

videntique periculo objiciunt, aut gravem deformitatem qualis est e. g. membrorum mutilatio, et ineptitudinem ad vitae officia obeunda important. Diximus autem *directe et notabiliter*, nam *indirecte* vitam periculo objicere, illudque intendere, urgente officio nobiliori e. g. fidelitatis erga Deum, boni publici et obedientiae debitae erga imperantem servandae, aut charitate erga alios homines, praesertim in spiritali et gravi necessitate constitutos, postulante, non solum juri naturali non adversatur, sed ab eodem plerumque necessario exigitur, aut ut majus bonum minori laudabiliter praeferatur, permittitur. Similiter labores ordinarii et moderata corporis castigatio, intuitu majoris boni, comprimendae scilicet concupiscentiae, et carnis spiritui subjiciendae, nedum a probis viris licito suscipiuntur, sed et ab Ecclesia catholica salubriter praecipiuntur, quamvis aliquatenus vires corporis ex inde debilitentur, et quaedam interdum exigua dissolutionis compositi acceleratio sequatur (1). Atque hic manifesta elucet insania atque imprudentia plurimorum haeticorum, nostrique aevi impiorum, qui pias hujusmodi castigationes corporis, crudelitatis aut oppositionis cum jure naturae non dubitant insimulare, dum interim per ingluviem, ebrietatem et effraenae libidinis nefandam atque brutalem expletionem, nedum gravem sanitatis et virium corporis jacturam patiuntur, sed etiam ejusdem dissolutionem, non minus in semetipsos crudeles, quam juris naturae violatores; notabiliter accelerant, atque haud raro ex integro inferunt.

Verum haec innuisse sufficet; aequum namque est nos hic immorari praecipue teterrimo stoicorum errori, existimantium sapientis esse, si occasio ferat, se ipsum e vita educere, quem insana incredulorum turba cum auctore *systematis naturae* sequitur, et non solum theoreticis rationibus coonestare nititur, verum etiam, heu nimis frequenter, violentam sibi met mortem variis et exquisitis modis inferendo, practice confirmat, indubiisque documentis ostendit se id com-

(1) Quae hic dicimus concedentes potius aliquid quam positive affirmantes pronunciamus; constat enim factisque ipsis probari potest, nedum eas corporis castigationes quas catholica ecclesia praecipit, verum etiam illas longe graviore quas quidam sponte et amore solius virtutis assumunt cum vegeta et firma sanitate, nec non cum diuturna vita communiter sociari.

muniter praestare, non ex quadam physica corporis dispositione aut complicata infirmitate sicut Montesquieu (1) de Anglorum natione contendit, sed ob amissum omnis religionis sensum immanemque morum corruptionem et defectum aut abrogationem poenarum civilium: quae causae, ut advertit Tacitus, etiam apud veteres Romanos *autochiriam* seu suicidium frequentius reddiderunt (2).

PROPOSITIO.

Suicidium seu suiipsius interfectio propria auctoritate et deliberate facta juri naturae directe odversatur.

148. Manifestum est autem eos qui sibi ultro mortem inferunt gravissime laedere jus naturae; idque passim erunt

(1) *Esprit de lois*. libr. 14. cap. 12.

(2) Hic minime negamus suicidium posse esse interdum effectum dementiae, sive inculpabilem, dum haec a mero causarum physicarum influxu, sive culpabilem *in causa*, dum a quadam effraenata mentis cupiditate et passione velut expeditum rationis usum praepediente, dimanat; verum dumtaxat contendimus, nullatenus posse adeo crebra et in quibusdam regionibus fere quotidiana hujus sceleris exempla, soli cuidam aegritudini vel mentali alienationi attribui. Et sane, poteruntne soli aegritudini mentali attribui 17,524 *autochiriae*, in uno dumtaxat regno et brevi sex annorum, scilicet ab anno 1830 computandorum, curriculo patratae? Quid enim eruntne censendi dementes, qui sibi penitus conscii omnem cibi sumptionem detrectant, ut pereant? Qui immediate ante scelus, de rebus suis accurate disponunt, amicis valedicunt, et negotia tractanda committunt, quique praeterea, lenes atque exquisitos modos, e. g. per successivum ac modicum gas carbonii evolutionis augmentum, mortem oppetendi inquirunt et eligunt; eamque praestolantur aut infami sceleris socio adscito, aut impiorum Rousseau et Voltaire librorum lectione distenti? Vide Ephemerides *l'ami de la Religion* etc. ubi postremis hisce annis etiam plura alia similia facta, in quibus vesana morum depravatio et impietas elucet, enarrata reperies.

Vide quoque opus jam laudatum cl. Debreyne (pag. 279. artic. *sur le suicide*) qui indubis factis et rationibus validissime evincit, adeo frequentes suicidii casus non esse effectus amentiae, sed corruptionis morum, et praesertim neglectus legum ecclesiasticarum

doctores post S. Thomam (1) ex triplici relatione, scilicet ad seipsum, societatem et Deum. Qui itaque sibimetipsis vitam eripiunt, agunt contra naturalem inclinationem, quam nedum hominibus, sed etiam brutis natura tribuit ad sui conservationem, quae inclinatio in homine cum non sit merus sensitivus instinctus, sed etiam rationalis, rationisque directioni subjectus, evidenter sub lege naturali comprehenditur, ut vel ipse horror naturalis a tali crimine, et conscientiae stimuli, dum aliquid contrarium huic inclinationi facimus, sufficienter manifestant. Accedit quod per talem actum amor ordinatus sui ipsius gravissime laedatur; etenim cum *esse actu* sit fundamentum omnis felicitatis et bonorum, quae naturaliter appetimus in hac vita, jam ex ordine rationis naturalis ante haec omnia tenemur nostram existentiam amare, eique nuncium remittendo, omnem simul naturalem felicitatis appetitum, mediaque ad eam comparandam respicimus, ideoque naturalem ordinem pervertimus; nam evidentissimum est praesentem vitam in eaque mansionem donec auctor naturae Deus voluerit, esse medium perfectae felicitatis assequendae. Adde insuper, ordinatum sui amorem esse normam amoris debiti aliis hominibus, eoque magis quemque hunc amorem laedere et ordinem rationis pervertere, quo proximiores sibi offendit; at nemo est proximior homini se ipso: necantes itaque semetipsos ordinem naturalem, et amorem sibi debitum graviter violant, crudelesque in semetipsos constituuntur.

Verum non minus debitum quoque justitiae ordinem erga societatem ac Deum pervertunt, etenim homo non accipit vitam tantum pro semetipso, sed in bonum humanae so-

ac civilium, veraque religionis; cum inter primaevos ac veros catholicos suicidia fuerint inaudita. Id demum ita concludit. *Il est singulièrement remarquable que le suicide devient fréquent chez les peuples à mesure que le catholicisme s'en retire, et qu'il est généralement inconnu dans les pays, où la religion catholique est exactement suivie et pratiquée. Le suicide était inconnu en Espagne, tant que ces peuples sont demeurés sincèrement attachés à la religion catholique, et surtout tant qu'ils l'ont pratiquée exactement. Voyez ce qu'est devenue l'Angleterre, cette terre classique du suicide, depuis qu'on en a banni le catholicisme. Dans les états d'Italie, d'Autriche et autres contrées catholiques de l'Allemagne le suicide a toujours été extrêmement rare etc.*

[1] *Summae theolog.* part. 2. 2. quaest. 64. artic. 5.

cietatis cujus membrum ab ipsa sui nativitate naturaliter constituitur, eademque lex naturalis quae societati imponit obligationem singulorum suorum membrorum conservationi bono providendi et invigilandi, imponit singulis membrorum onus concurrenti ad bonum commune quandiu et quantum in ipsis est. Ab hoc autem *debito*, utique *absoluto* non vero *pacto* quodam *econditionato* (status enim socialis non est ex pacto) nulla infelicitas conditionis humanae vitae eximere potest quemquam, saltem enim exemplo patientiae et fortitudinis, constanter adversa perferendo, aliis potest prodesse; cum e contra se ipsum necando perniciosissime societati neceat, veluti alliciendo alios ut propter molestias et infirmitates vitam abjiciant, deficientque ab officiis societatis etiam essentialibus; sui itaque interfectores jus societatis violantes in eam injuriosi fiunt [1].

Tandem mortem sibimet inferentes debitum justitiae ordinem non servant erga Deum, in eumque impii ac rebelles constituuntur: Deus namque per dictamen rationis sufficienter unicuique manifestabit ordinatum sui amorem, qui majus bonum, quale est vita praesens relate ad jacturam quorumcumque honorum temporalium, quae frequenter versis in contrarium rebus humanis possunt recuperari, velat postponere minori, praesertim cum illius irreparabili jactura; qua in re praeterea majus malum assumitur ad minoris mali vitationem, quod est quoque evidenter contrarium rationi. Hanc igitur Dei legem interfectores sui impie contemnant; et insuper supremum Dei dominium in hominum vitam sibi arrogantes de re aliena pro lubito disponunt, nedum contra manifestissimum rectae rationis iudicium, sed etiam divinam scripturam, quae [2] in persona Dei inquit: *ego occidam; et ego vivere faciam*; dominium hoc tamquam singularem divinitatis praerogativam exhibet. His si addas, quod cum mortem sibimet conscientes sint veluti ignavi mi-

(1) Aliud gravissimum damnum quod ex suicidio ac contemptu vitae propriae, in totam dimanat societatem, sic paucis expressit apud eundem cl. Debreyne loco memorato. Delisle [*Philosoph. de la nature*, tom. 3. pag. 309]: *Un des grands principes qui doit armer la société contre le suicide, c'est que dès que la vie n'est plus rien pour un homme, il est le maître de celle des autres. Ainsi, il n'y a qu'un pas de l'envie de mourir à celle de tuer...*

(2) *Deuteronomii* cap. 32. vers. 39.

lites, qui injussu principis et ante tempus stationem sibi assignatam deserunt, nequeant id praestare etiam ob motivum futurae felicitatis citius assequendae, quam rationabiliter sperare nec possunt nec debent, habebis validam rationem, hoc quoque effingium praeccludendi: praesertim quod etsi quis certus de praeparata sibi futura felicitate, inde dumtaxat sequeretur, quod mortem ultro venientem non deberet timere, minime vero quod vitam, quae est medium ulterioris meriti augendi, posset sibimet injussu Dei eripere (1). Unde ad rem Tullius (2) ait: «Piis omnibus retinendus est animus in custodia corporis, nec injussu ejus, a quo ille nobis datus est ex hominum vita migrandum, ne munus hominum assignatum a Deo defugisse videamur.»

149. Ex dictis facile potes colligere 1°, perperam Coccejum (3) naturalem suicidii deformitatem in dubio reliquisse, quasi nempe auctoritas contrarium opinantium posset evidentes rationes elevare; parum itaque interest, etiamsi opinantes contrarium forent numero pares. 2°, nullam fingi posse necessitatem, aut malum morale perpetrandi, aut sibimetipsi mortem inferendi; nam malum morale ab actibus voluntatis elicitis et liberis totaliter dependet, voluntas autem ad actus elicitos a nulla causa extrinseca, nec ab ipsa daemonis instigatione cogi potest; dura igitur ista necessitas alterutrum faciendi dari nequit relate ad nosmetipsos; ipsaque nostra mala moralia jam perpetrata, cordis sincera contritione, non vero alterius criminis et quidem gravissimi, quale est suicidium, admissione deleri debent, veniaque de ipsis a Deo postulari.

Praeter difficultates in fundamentum expositas, sic etiam solent in primis arguere, suicidium non esse contrarium juri naturae ex parte hominis: 1° quia est indicium fortitudinis animi: 2°, quia sicut homo licito potest se in servitutem dare,

(1) Eandem rationem supposita animorum immortalitate sic urget eodem loco laudatus nuper Debreyne (pag. 283. et seq.): *Il sait ou il doit savoir qu'il est destiné à un bonheur ou à un malheur éternel, selon qu'il aura rempli ou non la mesure des devoirs que Dieu demande de lui: or, il doit raisonnablement juger qu'il n'a point encore rempli tous ses devoirs, puisque jour sont attachés des devoirs nouveaux.*

(2) In *somn. Scipionis*. cap. 3.

(3) In *Comment. ad Grotium*.

ita et vita privare: 3°, quia homo non amat *suum esse* nisi ut sit felix, et plerumque tot malis opprimitur, ut mors sit unicum contra haec mala remedium; vitae proinde verum hominis malum dum in statu misere vivendi retinet.

Respond. *Neg. antec.* Ad 1^m prob. *Neg.* pariter assertum. Fortitudinis virtus in perferendis constanter adversis praecipue elucet, non autem in praefendis majoribus malis ea quae nobis minora videntur, quod animi abjectionem potius arguit: unde et Aristoteles (1) inquit: «Ille itaque proprie vir fortis dicitur, qui circa praeclaram mortem impavidus fuerit... Fortes praeterea in iis viriliter se gerunt, in quibus vires spectantur aut praeclarum est mori»: nihil autem horum, ut per se patet, in sui ipsius nece invenitur.

Ad 2^m *Negat.* paritas. Et ratio est; etenim usus vitae propriae et civilis libertas subjacent potestati humani arbitrii, ideoque licito potest homo de his disponere, praesertim ad conservationem praestantioris boni (2); at soli divinae potes-

(1) *Ethicor.* libr. 3. cap. 6.

(2) Superius [in *nota* adjecta n. 106. nec non in altera adjecta n. 128.] ostendimus servitutem sumptam dumtaxat pro statu in quo quis destituitur civili libertate et fructibus proprii laboris ac industriae non esse quidem a jure naturae requisitam; at neque eidem juri *positive* oppositam. Qua in re hoc quoque animadvertendum est, fructus proprii laboris et industriae nec non civilem libertatem, esse bona quaedam extrinseca et spectantia dumtaxat ad felicitatem vitae praesentis, ideoque quamvis quodammodo pertinent ad humanam personam, eam tamen revera non constituunt; unde potest quis, quin desinat esse humana persona, jus in hujusmodi bona, intuitu saltem alicujus boni majoris, puta incolumitatis vitae servandae, vel heroicae virtutis exercendae, alteri cedere. Hanc distinctionem qualitatatum personalium in eas quae referuntur ad bona extrinseca et finem secundarium, et eas quae sunt proprie intrinsecae et finem hominis essentialem respicientes, non supponens vel confundens H. Ahrens in opere toties memorato, nimis extendit hujusmodi qualitatatum dignitatem sive dum (pag. 36.) ait. *Chaque homme est but pour soi même; par là il a une valeur absolue... Chacun est maître de sa personne, et aucun n'a droit sur la personne de ses semblables.* sive (pag. 123): *Comme la personnalité de l'homme et les qualités qu'elle renferme ne sont pas des acquisitions de sa volonté, mais qu'il les tient de l'Être suprême, qui en exige le respect et l'inviolabilité, l'homme ne peut, par aucun contrat, s'engager à abdiquer ses qualités en faveur d'un autre individu, ou de la société.* Numquid

tati competit jus in vitam nostram, ideoque sola divina voluntas sufficienter cognita potest esse rationabile motivum mortis anticipandae. Hinc parum proficeres urgendo, eum qui se interficit, id facere volendo, et *volenti non fit injuria*, quamvis enim ordinatum sui amorem laedendo, sibimet injuriosus minime esset, quod tamen est falsum, adhuc gravissimam divini juris laesionem haud dubie non declinaret. Praeterea axioma illud debet distingui, scilicet, volenti non fieri injuriam, quando vult sive disponit de iis de quibus rationabiliter disponere potest; non autem in casu opposito, praesertim si disponat de illis quae ejus dominio non subjacent, qualis est in casu vita propria.

Ad 3.^m *Neg. utraque sequel.* Hoc ipso quod non amamus nostrum esse nisi ut simus felices, sequitur nos debere amare in primis nostrum esse, quod et est fundamentum praesentis felicitatis et medium naturale futurae; cum nequeat dari major infelicitas, quam utrique felicitati nuncium remittere. Porro falsum est, physicis malis quibus frequenter opprimimur (quid enim sentiendum est de malis moralibus superius indicavimus) nullum aliud praeter mortem remedium superesse; nam si a sapientissimo divinae providentiae ordine more impiorum non praescindamus, necessario fatendum est, mala haec aut ad nos corripiendos, aut ad praebendam nobis aliisque occasionem patiendi a benignissimo Deo ordinari, ideoque validissimum contra ea remedium est animi firmitas atque constantia sociata cum fiducia in Deum; praesertim cum nunquam nobis certo scire datum sit propter perpetuas humanarum rerum vicissitudines, quantum hujusmodi mala sint duratura. Vita itaque praesens utcumque misera, nunquam est verum hominis malum, sed nobis aliisque plurimum potest prodesse, praecipue si vehementes cupiditates, quae mala haec plerumque augent, aut etiam sunt verae eorum causae, sedulo compescamus.

150. Opponunt deinde. Ex parte Dei suicidium juri naturae non adversatur; non enim divinae providentiae ordo

filii e. g. amittet valorem absolutum suae personae ex eo quod pater jus habeat in ipsum? Numquid nullum erit discrimen, sicut auctor vellet, inter jura realia et *proprie dicta* personalia? Numquid jus naturae violare censendus esset, qui pro incolumitate e. g. patriae, aut spiritualis et aeternae vitae hominis alterius, se ipsum modo supra dicto in servitutum traderet?

violatur, si materiae modificatio immutetur nec mente a corpore soluta ordo universi orbis detrimentum patitur, aut anima minus sublimis erit, corpore aliam induente formam. Praeterea, vitam nobis Deus concessit tamquam beneficium, beneficio autem fas est nuncium remittere illudque abjicere, praesertim si fuerit molestum.

Respond. *Negando Antec.* cujus prima probatio, est mera rerum distinctarum confusio; siquidem nullus ordo divinae providentiae absolute intentus violatur, sive per mutationem modificationum materiae, sive per separationem animae a corpore, violatur tamen in hoc secundo casu, ordo moralis, *hypothetice* a Deo intentus, dum ante tempus ab ipso definitum vis propriae vitae infertur; qui ordo moralis cum ordine physico mundi, et mutatio modificationum materiae arbitrio nostro subjectae, cum solutione animae a corpore, non nisi per absurdum ad invicem comparantur.

Ad 2.^m probationem dicimus, vitam homini concessam quidem esse tamquam beneficium seu donum, quatenus non est ex debito, aut praecedente aliquo hominis merito, verum ejus dominium homini concessum non fuit, sed tantum usus, unde habet simul rationem cujusdam depositi nobis ad custodiendum traditi, de quo rationem ei qui tradidit reddere debemus.

Denique si quis opponeret facta quaedam e. g. Samsonis, Saulis, Raziae etc. quasi nempe hi alique quos sacrae litterae et historiae memorant, licet sponte interfecerint semetipsos, tamen vel sunt sancti, vel laude digni; poteris ea omiltere, cum addita ratione, quod sacra Scriptura nunquam possit docere, aut Ecclesia adprobare quae sunt contra rationem, quodque responsio ad ea, pendeat, ab explicatione locorum s. Scripturae: at si particulares rationes scire velles, adeas S. Thomam (1), aliosque auctores.

ARTICULUS III.

DE POSITIVA SUIIPSUS CONSERVATIONE.

151. Debitum conservationis compositi nostri fundatum in ordinato sui amore, aut ordini naturalis rationis, non so-

(1) *Summae theolog.* part. 2. 2. quaest. 64. artic. 5.

tati competit jus in vitam nostram, ideoque sola divina voluntas sufficienter cognita potest esse rationabile motivum mortis anticipandae. Hinc parum proficeres urgendo, eum qui se interficit, id facere volendo, et *volenti non fit injuria*, quamvis enim ordinatum sui amorem laedendo, sibimet injuriosus minime esset, quod tamen est falsum, adhuc gravissimam divini juris laesionem haud dubie non declinaret. Praeterea axioma illud debet distingui, scilicet, volenti non fieri injuriam, quando vult sive disponit de iis de quibus rationabiliter disponere potest; non autem in casu opposito, praesertim si disponat de illis quae ejus dominio non subjacent, qualis est in casu vita propria.

Ad 3.^m *Neg. utraque sequel.* Hoc ipso quod non amamus nostrum esse nisi ut simus felices, sequitur nos debere amare in primis nostrum esse, quod et est fundamentum praesentis felicitatis et medium naturale futurae; cum nequeat dari major infelicitas, quam utrique felicitati nuncium remittere. Porro falsum est, physicis malis quibus frequenter opprimimur (quid enim sentiendum est de malis moralibus superius indicavimus) nullum aliud praeter mortem remedium superesse; nam si a sapientissimo divinae providentiae ordine more impiorum non praescindamus, necessario fatendum est, mala haec aut ad nos corripiendos, aut ad praebendam nobis aliisque occasionem patiendi a benignissimo Deo ordinari, ideoque validissimum contra ea remedium est animi firmitas atque constantia sociata cum fiducia in Deum; praesertim cum nunquam nobis certo scire datum sit propter perpetuas humanarum rerum vicissitudines, quantum hujusmodi mala sint duratura. Vita itaque praesens utcumque misera, nunquam est verum hominis malum, sed nobis aliisque plurimum potest prodesse, praecipue si vehementes cupiditates, quae mala haec plerumque augent, aut etiam sunt verae eorum causae, sedulo compescamus.

150. Opponunt deinde. Ex parte Dei suicidium juri naturae non adversatur; non enim divinae providentiae ordo

filii e. g. amittet valorem absolutum suae personae ex eo quod pater jus habeat in ipsum? Numquid nullum erit discrimen, sicut auctor vellet, inter jura realia et *proprie dicta* personalia? Numquid jus naturae violare censendus esset, qui pro incolumitate e. g. patriae, aut spiritualis et aeternae vitae hominis alterius, se ipsum modo supra dicto in servitutum traderet?

violatur, si materiae modificatio immutetur nec mente a corpore soluta ordo universi orbis detrimentum patitur, aut anima minus sublimis erit, corpore aliam induente formam. Praeterea, vitam nobis Deus concessit tamquam beneficium, beneficio autem fas est nuncium remittere illudque abjicere, praesertim si fuerit molestum.

Respond. *Negando Antec.* cujus prima probatio, est mera rerum distinctarum confusio; siquidem nullus ordo divinae providentiae absolute intentus violatur, sive per mutationem modificationum materiae, sive per separationem animae a corpore, violatur tamen in hoc secundo casu, ordo moralis, *hypothetice* a Deo intentus, dum ante tempus ab ipso definitum vis propriae vitae infertur; qui ordo moralis cum ordine physico mundi, et mutatio modificationum materiae arbitrio nostro subjectae, cum solutione animae a corpore, non nisi per absurdum ad invicem comparantur.

Ad 2.^m probationem dicimus, vitam homini concessam quidem esse tamquam beneficium seu donum, quatenus non est ex debito, aut praecedente aliquo hominis merito, verum ejus dominium homini concessum non fuit, sed tantum usus, unde habet simul rationem cujusdam depositi nobis ad custodiendum traditi, de quo rationem ei qui tradidit reddere debemus.

Denique si quis opponeret facta quaedam e. g. Samsonis, Saulis, Raziae etc. quasi nempe hi alique quos sacrae litterae et historiae memorant, licet sponte interfecerint semetipsos, tamen vel sunt sancti, vel laude digni; poteris ea omiltere, cum addita ratione, quod sacra Scriptura nunquam possit docere, aut Ecclesia adprobare quae sunt contra rationem, quodque responsio ad ea, pendeat, ab explicatione locorum s. Scripturae: at si particulares rationes scire velles, adeas S. Thomam (1), aliosque auctores.

ARTICULUS III.

DE POSITIVA SUIIPSUS CONSERVATIONE.

151. Debitum conservationis compositi nostri fundatum in ordinato sui amore, aut ordini naturalis rationis, non so-

(1) *Summae theolog.* part. 2. 2. quaest. 64. artic. 5.

lum infert obligationem cohibendi nos ab iis actibus, qui nostram vitam praesertim in manifestum interitum directe adducunt, verum etiam ex adverso ponendi eos actus qui sunt naturaliter necessarii, tamquam media continuationis ejusdem vitae. Hinc in primis debitum incumbit moderati usus cibi et potus, nec non aliarum rerum, quae defectum quotidianum physicarum virium aut arcant, aut suppleant; deinde aegritudine aut infirmitate ingruente, tenemur adhibere *ordinaria*, et quae in nostra sunt potestate remedia, quamvis satis gravem molestiam adferentia: quod si remedia *molestissima* forent, puta membrorum amputationes, iisdem quidem licito uti possemus, et saltem sub gravi obligatione, nisi forte in casu, quo vita et sanitas certo recuperari posset, aut pro communi bono necessario servari deberet, minime teneremur; cum in certa vitae conservatio, non videtur tantum onus posse imponere, et praeceptum ejusdem conservationis pro hac parte est *affirmativum*.

Atque de hoc usu mediorum nulla est controversia: verum duae aliae quaestiones agitari solent; 1.^a, an urgente *extrema* aut *quasi extrema* necessitate, licito quis valeat rebus alienis uti ad sui conservationem; 2.^a, an vitam suam possit quis licito defendere etiam cum occisione injusti aggressoris; certum namque est, justis aggressoribus, quales sunt publicae justitiae ministri, *positive* resistere, sine laesione ejusdem iustitiae nefas esse; sicut e contra, res ipsas nostras licito defendi contra injustos aggressores, nullum eis inferendo damnum saltem grave.

152. Antequam primae quaestioni satisfaciamus, innuenda est prius multiplex *necessitatis* acceptio, et sensus istius axiomatis *necessitas non habet legem*, quo lex ipsa *necessitatis* dicitur exhiberi. Cum itaque *necessarium* illud sit *quod aliter fieri nequit*, ut per se patet *necessitas* ipsa non aliud erit, quam *vis quaedam* (aut ejus defectus) *actionem vel ejus omissionem physice aut moraliter ita inducens, ut aliter fieri non possit, vel saltem non sine operantis aut alterius periculo*. Unde manifestum est necessitatem dividi in primis in *physicam*, quae *simplex et absoluta* erit, prout exigentia aut defectus virium physicarum, aliter fieri non sinunt, cui si adjungatur etiam absoluta repugnantia de opposito erit *necessitas metaphysica*; *moralis* vero tantum aderit prout aliquid aliter fieri nequit sine magna difficultate. Deinde *moralis* haec *necessitas* dicitur *extrema*, quando quis e. g. invenitur in

proximo periculo vitae corporalis aut spiritualis amittendae; cui assimilatur *necessitas quasi extrema*, quae adest in adjunctis *extremam necessitatem* immediate inducentibus. *Necessitas gravis* aderit, dum v. g. pericula, aut defectus rerum *necessariorum*, alterutrius vitae aliorumque bonorum conservationem reddunt admodum *difficilem et molestam*, juxta *diversam* cujusque status conditionem. *Necessitas* tandem vocatur *communis*, quae citra proximum periculum amittendi, et magnam difficultatem servandi alterutrius e. g. vitae statum, eum satis *incommodum* efficit.

Porro *necessitas simplex et absoluta*, tam *metaphysica* quam *physica*, ut pote impediens libertatem actus, nulli legi subjicitur ideoque relate ad eam axioma illud *necessitas non habet legem* semper verum est; relate vero ad *necessitatem* *molestem* eget magna limitatione, nam in *lege mere positiva humana*, imo quandoque et *divina*, *necessitas* *moralis* non solum *extrema* sed *etiam gravis*, reddit saepe *actionem licitam*, quae alias *illicita* foret: non tamen *semper*, quia *legem positivam* *divinam*, imo et *humanam* cum vitae ipsius periculo tenemur custodire, quando secus agendo, detrimentum fidei et religionis, boni publici, vel contemptus legis et legislatoris sequeretur. In *jure naturali*, dum agitur de *praeceptis*, quorum materia nequidem *improprie dictam* (1) *mutationem* patitur e. g. circa *blasphemiam*, sicut ab eorum custodia *nulla* *necessitas* *moralis* quemquam eximere potest, ita nec axioma illud locum habere: in aliorum vero *praeceptorum* materia, *necessitas* *moralis extrema* aliquam *mutationem* efficere, seu potius *objectum* ab ipsa lege subtrahere valet. Atque hoc est a quo pendet primae quaestiones solutio.

PROPOSITIO.

In extrema aut quasi extrema necessitate quis constitutus, licito potest uti rebus alienis domino suo superfluis aut non absolute necessariis, eodem etiam invito.

153. Statuta propositio paucis evincitur. Jus conservan-

(1) Vide dicta superius (part. 2. cap. 2. artic. 2. n. 89.).

di se ipsum est *absolutum*, et antecedens divisionem naturalium bonorum, inductam a jure gentium propter commodum eorundem usum; ergo jus non laedendi alium in suis bonis, utpote *hypotheticum*, illius integritatem non tollit, neque debitum se conservandi admit. Praeterea naturalis finis bonorum terrenorum est, ut sint medium conservationis humanae naturae, quique illis abundat, tenetur ex ratione naturalis ordinis et amoris *saltem* in extrema necessitate constitutis, superflua largiri; ideoque id non faciens, talemque rerum usum impediens foret *irrationabiliter* invitus, resque illas tamquam non suas retineret; unde per talium rerum subtractionem nullum ejusdem jus laeditur, seu usus talium rerum, sub jure vetante laesionem alienorum bonorum non comprehenditur.

Ne autem quis de suo jure necessitatis sibi blandiendo, cum magno aliorum detrimento velit sola surreptione propriae conservationi providere; animadvertendum est, quod ut hoc sit licitum, debeat supponi et vera ratio *extremae* aut *quasi extremae* necessitatis, cui insuper paucis et deterioribus rebus aequum est satisfieri, et *nulla* adesse spes rem precibus aut aliter domino consentiente obtinendi: nisi forte urgens indigentiae casus aut aliae rationabiles circumstantiae, a praemittenda postulatione excusarent. Hinc facile colligitur, quoniam sit verus sensus istius enunciationis: *In extrema necessitate omnia sunt communia*: et quare *jus necessitatis* non sit aliud, quam *facultas naturali aequitate nixa, se eximendi ab aliqua lege, quae ad casum necessitatis non praesumitur a legislatore extensa*. Utrum autem qui in extrema necessitate aliquid surripit, ad meliorem fortunam veniens teneatur restituere; id pendet ab alia quaestione utrum extrema necessitas non solum *usum rei* concedat, sed etiam *dominium* transferat, et an ille qui surripit, in actu surreptionis nec *re* nec *spe* dives fuerit.

154. Quod pertinet ad alteram quaestionem, circa defensionem propriae vitae etiam cum injusti aggressoris occisione, id quoque fas esse, non tamen necessario *praeceptum* communior doctorum sententia tenet. Fas quidem esse uti mox ostendemus, non esse vero *generaliter* praeceptum, sicut velent Zieglerus, Buddeus etc. quia licet foret inordinatum vitam propriam alterius vitae *ratione sui* postponere, tamen si id fieret ratione perfectae charitatis erga Deum, vel intuitu spiritualis boni invasoris, aut alterius cujusdam virtutis, pror-

sus liceret cohibere se a tali suiipsius defensione; nisi forte vita nostra esset valde necessaria communi bono, aut animae nostrae salus spiritualis periclitaretur, tunc enim tantum *in-cumberet debitum* se defendi etiam cum caede invasoris.

Violenta haec sui ipsius defensio ut sit undequaque licita, per *moderamen inculpatae tutelae* solet temperari, quod involvit quatuor conditiones: 1.^a, ut *invasus* non utatur majori violentia quam sit opus ad vitae propriae ingruens et certum periculum propulsandum: 2.^a; ut in ipso *aggressionis actu*, non *ante*, nec *post* vita adhuc vel jam in discrimine non existente, talis violenta defensio suscipiatur; secus in utroque casu potius vindicta privata quam necessitas defensionis locum haberet: 3.^a, ut nullum aliud adsit medium mortis ejusque periculi declinandi; etenim hac in re, etiam fuga, utpote ex officio se conservandi arrepta minime dedecet virum utcumque timiditatis notam declinantem; sapientis namque est nulla cogente necessitate ancipiti aleae pugnae tutius remedium praehabere: quamquam fatendum est, fugam plerumque non esse remedium satis tutum, propter obversa terga inimico et periculum perniciosi lapsus: 4.^a, ut aggressus non intendat per se et *absolute* mortem aggressoris, sed propriae vitae defensionem; illam enim intendere ratione sui *forte* esset quid semper inordinatum vel speciem vindictae contineret. Distinctio haec duplicis intentionis et effectus ejusdem actus optime subsistit, ut observat S. Thomas (1), estque modus solvendi difficultates, quae ex auctoritate patrum Ecclesiae proponerentur; ipsi enim ut plurimum damnant etsi injusti aggressoris necem, quatenus haec *forte* nequeat unquam *rationi sui et absolute* intendi, quod speciem quamdam privatae vindictae prae se ferret; vel etiam loquuntur, ut ait Lessius (2), de defensione non necessaria aut de periculo excessus, odii, irae et debitae moderationis. Similiter per illa sacrae Scripturae loca in quibus videtur prohiberi defensio sui, non nisi livor vindictae, ut notant interpretes, excluditur.

(1) Loco proxime indicato. artic. 7.

(2) *De justit et jure*. libr. 2. cap. 9. dub. 8.

PROPOSITIO.

Servato moderamine inculpatae tutelae licita est quamvis non praecepta pro sui defensione iniusti vitae aggressoris occisio.

155. Assertio facile suadetur. In supposito conflictu cum bonum naturalis vitae aggressi in discrimen vocetur, si non esset licita violenta sui defensio, teneretur aggressus plus alienae quam suae conservationi consulere; hoc vero ordinatae sui dilectioni adversatur. Similiter iniustus aggressoris actus, cum iniquitas nemini suffragari debeat, nequit jus certum propriae conservationis aggresso adimere, quod tamen in hypothese contraria accideret. Aequitas naturalis postulat, ut in casu etiam aequalitatis iurium, jus innocentis inique ac dura necessitate in discrimen vocatum per se praevaleat juri alterius sponte sua atque per nefas se ipsum in discrimen conjicientis; quod non fieret si iniuste invasus a nece invasoris se cohibere teneretur (1). Praeterea, societas humana et

(1) Argumenta haec jugulant quoque memoratum H. Ahrens, qui quamvis justae sui defensionis condiciones (pag. 153. et seq.) exponat, violentam tamen hujusmodi defensionem sui et necem aggressoris velut immoralem et aequae inhonestam ac est ipsa aggressio habet, inquit (pag. 156. et seq.): *La morale ne peut en aucune manière reconnaître à un homme le pouvoir de tuer sciemment un autre dans quelque circonstance extrême que ce soit, parce qu'elle doit rejeter le principe qu'on puisse faire le mal parce qu'un autre l'a fait, ou a l'intention de le faire visa-vis de nous.* [Nonne ista ratio supponit velut certum, talem sui defensionem esse moraliter malam?] *La moral prescrit de faire en tous cas le bien, jamais le mal.* [Utique numquam malum morale, non autem physicum]. *Elle prescrit de plus de ne pas considérer dans les actions la propre personnalité...* Nunquid hoc locum debet habere etiam in officiis erga nosmetipsos? Aut forte nulla sunt hujusmodi officia? Falsa itaque est illatio: *Tuer un autre sciemment pour se conserver soi-même, pour quelque motif que ce soit, c'est violer un principe de morale.* Hoc namque non est, sicut auctor autumat, propriam utilitatem l'interest personnel, sive egoismum pro regula actuum moralium statuere, sed tantum in naturali lege proximum amandi ejusque jura servandi hunc ordinem agnoscere, scilicet, nos teneri proximum amare sicut nos

civilis jus naturale propriae conservationis membris suis, nisi intuitu boni communis, abrogare nequit, et aliunde a repentinae injustae invasionis casibus eadem membra plerumque custodire non valet; ideoque relinquit illis *potestatem naturalem* se ipsa in iis adjunctis defendendi, unico quod tunc ex hypothese superest medio, violenta scilicet invasoris nece: praesertim quod et *vim vi moderate repellere*, omnia jura civilia permittant; et si secus foret, scelestorum hominum improbitas, cum magno societatis humanae detrimento, validum haberet stimulum, proborum civium vitam audacius aggrediendi; istorumque pietas sibimetipsi cederet in poenam.

156. Opponunt 1.^o In casu talis defensionis interfectio invasoris fit auctoritate *privata*; invasusque constituitur iudex in causa propria quod utrumque rationi adversatur. 2.^o Invasor in eo statu necatus in aeternum periret, ideoque bonum ejus spirituale postponitur bono temporali invasi, quod pariter est contra rationem.

Respond. ad 1.^m Verum quidem est necem invasoris in tali casu non fieri auctoritate personae publicae e. g. principis aut iudicis, fit tamen auctoritate publici juris naturalis et civilis, tribuentis invaso, tamquam custodi vitae suae, potestatem *vim vi repellendi*, absque animo infligendi poenam et sumendi vindictam legalem, ad quod tantum requiritur auctoritas personae publicae. Unde etiam parum refert, quod invasus constituatur iudex in causa propria; non enim agitur de iudicio legali et contentioso, ubi praecipue locum habet illud axioma, *nemo iudex in causa propria*; sed de determinatione particulari circa necessitatem medii ad sui conservationem; in qua quidem determinatione potest quandoque haberi defectus moderaminis inculpatae tutelae, ast per hoc jus

ipsos, non autem *plus quam nos ipsos*. Unde falsum quoque est quod ibidem subdit: *Car toute justification se réduirait à cette argumentation: qu'il vaut mieux tuer un autre que d'être tué par lui.* Reliqua in quibus hic a veritate recedit, Ahrens fundantur in omnimoda exclusione *moralitatis a jure*, in quod jam animadvertimus superius [in nota adjecta n. 62. part. 2. cap. 1. artic. 1.]; ideoque per se corrunt, nullaque ratione possunt fulcire hanc illationem: *Les deux parties, l'agresseur et l'attaqué se sont mis dans ce cas par leurs actes tous les deux hors de la sphère du droit. Ils ne sont plus justiciables que devant la morale, et celle-ci les condamne tous les deux.*

naturale propriae defensionis, quo et ipsa bruta modo suo gaudent, minime adimitur.

Ad 2.^m Similiter nex inuasoris, cum praeter directam et absolutam invasi intentionem sequatur, ejus aeternus interitus ipsi tantum potest et debet imputari, qui ab aggressionem si vellet, poterat desistere, fitque dumtaxat *per accidens*. Unde idem foret dicendum, si invasor supponeretur demens aut ebrius; praecipue quod aequitas talis defensionis non ex minori aut majori inuasoris damno, sed ex necessario jure conservationis invasi colligatur. Praeterea unde potest certo constare, invasorem superstitem in vita ad meliorem frugem atque ad aeternam salutem fore perventurum? Nonne, potest aequae ipsius invasi aeterna salus in discrimine, vel saltem in dubio versari?

Urgent. Homicidium est gravius malum omni actu inhonesto, et nulli fas est talem committere actum pro conservatione propriae vitae: ergo a fortiori non debet licita esse interfectio aggressoris. Deinde, cum pudicitia et honor saltem adaequantur bono vitae, etiam pro defensione illorum deberet fas esse necare invasorem injustum.

Respond. ad 1.^m, *Neg. cons.* cum S. Thomas (1) quia scilicet, actus e. g. fornicationis vel adulterii non ordinatur ad conservationem propriae vitae ex necessitate, sicut actus ex quo quandoque sequitur homicidium.

Ad 2.^m *Neg. paritatem.* Etenim quamvis et hoc plerique auctores licitum esse contendunt, idque forte admitti possit et debeat relate ad pudicitiam in casu manifesti periculi consentiendi in peccatum, attamen sufficit manifestum utriusque discrimen assignare; siquidem naturalis vita hominis utpote fundamentum ceterorum bonorum, est bonum praeslantioris ordinis, pro ejus amissione nulla compensatio haberi potest, sicut potest pro pudicitia per vim oppressa, et pro honore injuste ablato. Praeterea pudicitia pro actu virtutis considerata, et verus honor in virtute fundatus ac ab ipsa dimanans, nemini invito potest auferri; pudicitia vero ut est integritas corporis, et honor ut est testimonium aliorum de nostra excellentia, constituunt bonum quoddam extrinsecum, instar pulchritudinis aut ornatus corporei cum bono vitae nostrae naturalis aut proximi nullatenus comparandum. Idem potest et debet dici de conservatione bonorum fortunae

(1) *Summae theolog.* part. 2. 2. quaest. 64. artic. 7. ad 4.^m.

nisi in casu quo haec essent *unicum et ultimum* medium conservationi vitae naturalis necessarium; tunc enim talis medii violenta ac injusta aggressio, aequivalet aggressioni ipsius vitae.

CAPUT III.

DE MUTUIS HOMINUM OFFICIIS.

157. Sicut ipsum jus naturale solet in genere distingui in *absolutum*, quod scilicet respicit actiones, aut omissiones hominum, spectata dumtaxat sola eorum natura, independenter ab omni determinato statu, pacto, facto, aut conditione, quae exigentiis mere naturalibus aliquid adjiciunt; et *hypotheticum*, quod omnia aut aliqua istorum supponit: ita et officia hominis erga alios, in eodem sensu, alia dicuntur *absoluta*, *hypothetica* alia. Officia absoluta, rursum distinguntur in *perfecta*, quae important debitum ex justitia *rigorosa*, ut sunt, *neminem laedere, suum cuique tribuere etc.* a quibus deficientes constituuntur formaliter injusti, et in *imperfecta*, quae tantum *ex aequitate* aut *convenientia* quadam *naturali* dimanant, ut e. g. erranti viam ostendere, haustum frigidae profluentis non prohibere vel permittere etc. quaeque vocantur *imperfecta* non ideo, quasi nulla unquam daretur obligatio ea adimplendi, sed quia pro majori vel minori circumstantiarum exigentia, magis aut minus naturali aequitati congrunt aut adversantur, et seclusa *gravi* alterius *necessitate*; qui ab iis deficit tantum *inhumani*, aut *non benevoli* et *non benefeci*, notam contrahit: *iniquus* tamen, vel etiam aliquatenus *injustus* merito diceretur, si gravis alterius necessitas ad illa adimplenda urgeret. Unde patet quomodo officia haec *imperfecta* transeant quandoque in *perfecta*, et quomodo sub obligatione legis naturalis comprehendantur; non semper enim habent tantum rationem merae virtutis et humanitatis aut ultro-neae beneficentiae, sicut foret in casu quo e. g. ex errore viae grave alteri damnum immineret; vocantur autem talia officia *innocentiae utilitatis*, quia communiter exhibentibus ea nullum aut leve incommodum adferunt, egentibus illis apprime prosunt.

Fundamentum omnium istorum officiorum, est amor naturalis ex praescripto rationis omnibus hominibus, debitus, et

naturale propriae defensionis, quo et ipsa bruta modo suo gaudent, minime adimitur.

Ad 2.^m Similiter nex inuasoris, cum praeter directam et absolutam invasi intentionem sequatur, ejus aeternus interitus ipsi tantum potest et debet imputari, qui ab aggressionem si vellet, poterat desistere, fitque dumtaxat *per accidens*. Unde idem foret dicendum, si invasor supponeretur demens aut ebrius; praecipue quod aequitas talis defensionis non ex minori aut majori inuasoris damno, sed ex necessario jure conservationis invasi colligatur. Praeterea unde potest certo constare, invasorem superstitem in vita ad meliorem frugem atque ad aeternam salutem fore perventurum? Nonne, potest aequae ipsius invasi aeterna salus in discrimine, vel saltem in dubio versari?

Urgent. Homicidium est gravius malum omni actu inhonesto, et nulli fas est talem committere actum pro conservatione propriae vitae: ergo a fortiori non debet licita esse interfectio aggressoris. Deinde, cum pudicitia et honor saltem adaequantur bono vitae, etiam pro defensione illorum deberet fas esse necare invasorem injustum.

Respond. ad 1.^m, *Neg. cons.* cum S. Thomas (1) quia scilicet, actus e. g. fornicationis vel adulterii non ordinatur ad conservationem propriae vitae ex necessitate, sicut actus ex quo quandoque sequitur homicidium.

Ad 2.^m *Neg. paritatem.* Etenim quamvis et hoc plerique auctores licitum esse contendant, idque forte admitti possit et debeat relate ad pudicitiam in casu manifesti periculi consentiendi in peccatum, attamen sufficit manifestum utriusque discrimen assignare; siquidem naturalis vita hominis utpote fundamentum ceterorum bonorum, est bonum praeslantioris ordinis, pro ejus amissione nulla compensatio haberi potest, sicut potest pro pudicitia per vim oppressa, et pro honore injuste ablato. Praeterea pudicitia pro actu virtutis considerata, et verus honor in virtute fundatus ac ab ipsa dimanans, nemini invito potest auferri; pudicitia vero ut est integritas corporis, et honor ut est testimonium aliorum de nostra excellentia, constituunt bonum quoddam extrinsecum, instar pulchritudinis aut ornatus corporei cum bono vitae nostrae naturalis aut proximi nullatenus comparandum. Idem potest et debet dici de conservatione bonorum fortunae

(1) *Summae theolog.* part. 2. 2. quaest. 64. artic. 7. ad 4.^m.

nisi in casu quo haec essent *unicum et ultimum* medium conservationi vitae naturalis necessarium; tunc enim talis medii violenta ac injusta aggressio, aequivalet aggressioni ipsius vitae.

CAPUT III.

DE MUTUIS HOMINUM OFFICIIS.

157. Sicut ipsum jus naturale solet in genere distingui in *absolutum*, quod scilicet respicit actiones, aut omissiones hominum, spectata dumtaxat sola eorum natura, independenter ab omni determinato statu, pecto, facto, aut conditione, quae exigentiis mere naturalibus aliquid adjiciunt; et *hypotheticum*, quod omnia aut aliqua istorum supponit: ita et officia hominis erga alios, in eodem sensu, alia dicuntur *absoluta*, *hypothetica* alia. Officia absoluta, rursum distinguntur in *perfecta*, quae important debitum ex justitia *rigorosa*, ut sunt, *neminem laedere, suum cuique tribuere etc.* a quibus deficientes constituuntur formaliter injusti, et in *imperfecta*, quae tantum *ex aequitate* aut *convenientia* quadam *naturali* dimanant, ut e. g. erranti viam ostendere, haustum frigidae profluentis non prohibere vel permittere etc. quaeque vocantur *imperfecta* non ideo, quasi nulla unquam daretur obligatio ea adimplendi, sed quia pro majori vel minori circumstantiarum exigentia, magis aut minus naturali aequitati congrunt aut adversantur, et seclusa *gravi* alterius *necessitate*; qui ab iis deficit tantum *inhumani*, aut *non benevoli* et *non benefeci*, notam contrahit: *iniquus* tamen, vel etiam aliquatenus *injustus* merito diceretur, si gravis alterius necessitas ad illa adimplenda urgeret. Unde patet quomodo officia haec *imperfecta* transeant quandoque in *perfecta*, et quomodo sub obligatione legis naturalis comprehendantur; non semper enim habent tantum rationem merae virtutis et humanitatis aut ultro-neae beneficentiae, sicut foret in casu quo e. g. ex errore viae grave alteri damnum immineret; vocantur autem talia officia *innocentiae utilitatis*, quia communiter exhibentibus ea nullum aut leve incommodum adferunt, egentibus illis apprime prosunt.

Fundamentum omnium istorum officiorum, est amor naturalis ex praescripto rationis omnibus hominibus, debitus, et

specifica naturae aequalitate identitate finis proprii rationalis naturae, mediiorumque ad illum obtinendum communitate, dimanans, atque medium per se constituens communis felicitatis, per pacatam et tranquillam vitam sociale, saltem ex parte assequendae. Mutuus iste hominum amor infert obligationem ad omnia illa seu *perfecta* seu *imperfecta* officia, quibus servatis manet salva, neglectis vero manet deficiens in aliis prosecutio aut assecutio naturalis felicitatis: quia autem ab amore unicuique proprio et ordinato, ut aequum est et alias monuimus, amor iste communis ac mutuus normam sumere debet, hinc pro generali ipsius et istorum officiorum principio recte statuitur sequens enunciatio; *quod tibi vis, vel non vis fieri, alteri feceris, vel non feceris* (1).

(1) Principium istud, ut ex dictis facile colligitur, in ipsa rationali hominum natura fundatur, ideoque ab omni homine ratione utente et non solum a christiano debet admitti. Non est autem in se *vagum* et omnimode indeterminatum, sed pro ratione generalis principii sive regulae se porrigit tantum, ut mox videbimus, ad omnia ea, quae spectata similitudine atque specifica identitate humanae naturae nos aliis et alii nobis teneantur ad invicem praestare, comprehenditque positivam et negativam huiusmodi officiorum partem. Neque principium hoc omnium istorum officiorum determinationem in arbitrio cuiuslibet relinquit, cum in eo subintelligatur relatio ad exigentiam naturalis ordinis et iudicium rectae rationis, seu *quod tibi vis vel non vis rationaliter fieri; alteri feceris* etc.

Hinc vero cogimur etiam hac postrema vice animadvertere in H. Ahrens, qui propter consuetam voluptatem cuncta innovandi et christianam doctrinam indentidem carpendi, istud quoque principium velut *vagum*, indeterminatum et arbitrarum respuit in memorato saepius opere (pag. 66.): *La maxime chrétienne: ne fais pas a autrui ce que tu ne voudrais pas qu'on te fit, maxime qui a été souvent établie comme règle de conduite dans les rapports de l'homme avec ses semblables, trop vague pour être une règle morale, est encore moins propre à devenir un principe de droit et de législation, puisqu'au lieu d'énoncer une règle générale et précise, elle abandonne tout à l'appréciation et au sentiment personnel de chacun.* Vocat porro Ahrens huiusmodi principium *christianum*, et illud tantum *negative* exprimit: at christiani doctores tale principium magis determinatum et ab individuali arbitrio independens semper statuerunt. Eritne ideo *christianum* quia in illo Dei et Christi Domini praecepto, *diliges proximum tuum sicut te ipsum*, quodammodo praecontinetur? At Deus et Christus Dominus non solum *negativa* sed et *positiva*

Duplex pars huius enunciationis praebet nobis duplicem distinctionem in expositione horum officiorum sequendam, quarum prima comprehendet generaliora officia absoluta sive *perfecta* sive *imperfecta*, ad neminem laedendum spectantia; altera eadem considerabit prout ad promovendam communem felicitatem sunt positive requisita; his adiciemus particularem quaestionem de officio sermocinantium; haec namque scitu magis necessaria arbitramur, omissis interim aliis praesertim *hypotheticis officis*; quae cum ad particulares hominum status aut condiciones, et contractuum, pactorum etc. adimpletionem, aut rerum pecuniarumque permutationem etc. pertineant, videntur potius esse proprium objectum jurisprudentiae forensis, et quatenus ad conscientiae directionem praerequiruntur, a moralibus theologis fuisse exponi solent.

ARTICULUS I.

DE MUTUO OFFICIO NEMINEM LAEDENDI.

153. Latissime huiusmodi officium porrigitur; pro diversitate bonorum naturae et fortunae, animi et corporis, nec non pro diversa ratione, qua verbis vel factis, positive vel negative, directe vel indirecte, laesioni subijci possunt. Vetatur itaque in primis laedere alios circa bona animi, turpissimis scilicet erroribus, praediciis et opinionibus illum imbuendo, falsis dogmatibus depravando, ab acquisitione cognitionum ad vitam rationalem recte instituendam necessariorum impediendo, exemplis aut pravis suasionibus ad vitia et voluptatum sequelam pelliciendo etc. Porro huiusmodi bona cum ad nobiliorem hominis partem, scilicet rationalitatem et vitam rationalem pertineant, proximusque conducant ad naturalis felicitatis assecutionem, laesio hominis in iis gravissimam continet oppositionem cum debito naturalis amoris in similitudine naturae, identitate finis et communis felicitatis fundati; praecipue, quod qui ex depravatione mentis et cordis seu rationis et voluntatis, po-

va mutuae dilectionis praecepta seu officia tradidisse dicendus est et aeterna sapientia non poterat regulam seu mensuram moralitatis dumtaxat insufficientem, vagam et arbitrariam commendare.

tius, quam ex humana fragilitate in vitia prouunt atque a fine proprio deflectunt, longe difficilius ad bonam frugem revocantur, graviolemque perniciem humanae societati, tamquam putrida ejusdem membra, parant.

Idem dicendum est de laesione in bonis corporis, aut *naturalibus*, ut sanitate, integritate membrorum, vita, mediis ejusdem conservandae, et civili libertate, aut in bonis *fortunae*, ut rebus mobilibus vel immobilibus, earumque naturalibus aut industrialibus fructibus; cum enim haec omnia unicuique vel ex generali divina ordinatione, vel particulari ejusdem providentia, aut propria cujusque industria cedant in proprietatem aut usum, jam unusquisque habet ad ea jus proprium, quod in aliis supponit debitum se abstinendi ab iis sibi vindicandis, vel quovis modo destruendis. Accedit, quod si tale jus ex una parte et debitum ex altera non supponatur, et si cuilibet quemvis percussio-nibus, vinculis, mutilatione, inedia, furtis, rapinis, vitaeque ipsius aggressionem et ereptionem etc. laedere impune liceret, supremum jus divinum in res omnes arbitrio cujuslibet subiceretur, omnesque passim jure se suasque res honestis mediis conservandi ac perficiendi, cum ingenti boni publici et socialis tranquillitatis jactura privarentur; sicque aequalitas specifica naturae, et ratio communis felicitatis pessundaretur atque homo in homine santissimam Dei imaginem singulari ratione et naturaliter referente, nullatenus venerari teneretur.

Id ipsum fere valet relate ad detractiones, calumnias, falsas delationes, etc. quibus laedi solet honor et fama, seu bona apud alios existimatio, quam quisque sibi, vel propter singularem donorum naturalium eminentiam, vel propter diligens virtutum exercitium comparat, et ad quam tamquam bonorum fortunae maximum, jus retinet, donec per proprios defectus manifestos aut legalem declarationem, ab eodem excidat.

159. Prohibitio alios laedendi fert secum aliud gravissimum hypotheticum et consequens debitum, scilicet injuste illata damna reparandi, quotiescumque eadem nobis *proprie et vere* imputari possunt, et laesus in damnum libere non consenserit, nec juri suo cesserit. Etenim frustra pro-sus natura aequalitatem juris unicuique ad sua tribuisset, si qui damnum injustum, vel personalem injuriam intulit ad compensationem utriusque minime teneretur, et insuper deficeret efficax naturale medium cohibendi effraenam morali-um cupiditatem habendi, et vindictam sumendi insanam

voluptatem. Praeterea reparatione damnorum nullatenus facta naturalis ordinis violatio *in effectu* semper subsistens nedum privatam, sed et publicam quietem et ad communem felicitatem tendentiam redderet impossibilem; laedentium vero animus *in affectu* nocendi hostiliter persistens viam redeundi ad debitam cum offenso pacem omnino praeccluderet.

160. Atque haec in genere dicta sufficient, peculiarem namque modum, per privata scilicet certamina vulgo *duella* seu *monomachiae* dicta, mutuo sibi nocendi a truculentis, barbaris, et superstitiosis temporibus ad nos manantem, et in plerisque nationibus ob defectum praesertim legum civilium et contemptum ecclesiasticarum adhuc in usu, naturali legi et rationi adversari, probare debemus. Origo et causae *duelli* (quo nomine apud antiquos veniebat etiam bellum) introducti penes diversas nationes videri possunt apud Cl. Gerdil (1) pluribus eas prosequentem; nobis sufficit ani-

(1) Porro cl. autor (*Traité des combats singul. chap. 1.*) ad tres classes revocat occasionales et morales causas quae originem dederunt duelli instituendi: 1. *Une indépendance et une liberté sauvage, qui se soutient à la faveur d'un gouvernement grossier et à peine ébauché.* 2. *Un point d'honneur mal entendu, fondé sur des notions fausses et imparfaites de la valeur, des talens militaires et de la gloire des armes.* 3. *Une superstition aveugle, qui faisoit regarder l'issue du combat comme un témoignage de la Divinité, qu'ils croyaient devoir toujours se déclarer d'une manière sensible en faveur de l'innocence et du bon droit.* Postrema haec causa apud omnes nationes locum amplius non habet nec nisi auctoritate quarundam civilium legum suffulta, potuit per plura ignorantiae saecula horum certaminum inhonestatem tegere eorumque usum et consuetudinem promovere. At vehementer mirandum est, quare duae primae causae etiam nostris temporibus in quibusdam nationibus vel maxime cultis (si tamen vera praesertim moralis cultura dari unquam possit absque solidis catholicae religionis et fidei fundamentis, ejusque legum custodia) adhuc non desinant suos effectus producere, quum et ipsi Turcae testibus Busbeequo et Brantomio, nec non gregales milites regni Tonquinensis (Alexand. Rhodes *Itiner. libr. 1.*) europaeorum hominum duellandi rationem, barbariem redolere, esseque indignam homine rationali et viro equestri, autumant.

Turpissimam hanc fere totius Europae et praesertim suae patriae aberrationem candide et sincere fatetur, simulque accurate in eam animadvertit cl. Debreyne in opere superius laudato (Artic. sur le Doel): *Dans l'état actuel de notre dépravation in-*

madvertere, duellum prout in praesenti quaestione sumitur, non esse aliud quam, *singularem et funestam duorum aut paucorum pugnam, privata auctoritate, privatisque de causis, et ex conducto initam*. Porro per hanc definitionem duellum istud differt: 1^o, a bello, in quo multitudo contra multitudinem solet certare; et a rixis atque ludicris certaminibus, in quibus communiter nec singuli contra singulos, nec armis ad graviter nocendum aptis, nec animo nocendi certamen instituitur: 2^o, a duello publica auctoritate publicaeque utilitatis causa, vel Dei jussu suscepto, e. g. ad citius securius et cum minori sanguinis humani effusione bellum absolvendum: 3^o, ab aggressionem inopinata, in qua absque conducto duo aut plures ira furentes prouunt in arma, vel casu sibimet occurrentes in platea digladiantur, aut ex insidiis erumpentes dimicant. Duellum etiam sic limitatum solet distinguit in *solemne* quod servata quadam forma circa tempus, locum, testes, patros, provocationem etc., perficitur; et *simplex*, quod fit ex sola expressa vel tacita *pactione* seu conducto loci et temporis; sive tandem utrumque *fite* tantum sive usque ad internecionem, vel gravem laesionem, aut primam sanguinis effusionem suscipiatur. Duellum vocabatur quoque *judiciale*, quando ad dirimendas contententium lites, vel supplendam insufficientiam legalis probationis a iudicibus et legibus quibusdam revera barbaris, permittebatur, et extra *judiciale*, quando quovis praetextu injuriae ulciscendae, aut ignominiae propulsandae sponte suscipiebatur.

tellectuelle et morale, dans le siècle que l'on appelle siècle des progrès et des lumières, siècle de raison et de haute civilisation, il règne en Europe, et surtout chez le peuple qui se croit le plus éclairé de l'univers et à l'apogée de la civilisation, il règne, dis-je chez ce peuple ou le peuple français un préjugé que lui ont légué les siècles d'ignorance et de barbarie, Ce préjugé, s'est l'idole du faux honneur à laquelle on sacrifie, par une cruelle et incompréhensible stupidité, la vie des citoyens, le bonheur des familles, la morale et la religion, c'est-à-dire tout ce qu'il y a de plus sacré parmi les hommes.... Sans doute un jour la postérité, plus sage que nous, regardera nos siècles dist des lumières comme des temps d'ignorance et de barbarie. Et effectivement, souffrir une coutume atroce et insensée contre la raison et au sein du christianisme, c'est-à-dire, ne point punir comme ils le méritent des homicides volontaires, des meurtres prémédités, solennels, publics scandaleux, c'est le premier et le plus grand caractère d'une nation dégradée, abrutie et barbare, etc. (pag. 332. et seq.)

Ad haec privata duella saltem ex parte reducuntur quoque *diffidationes* seu privatae renunciaciones fidei, et inimicitiae per quaevis hostilia denunciaciones, quae turbulentis Imperii Romano-Germanici saeculis plurimum invaluerunt [1]; nec non equestris scientia Italorum a Marchione Maffei acriter damnata, et a Comite Bellincini quasi esset innoxia vindicata.

Quia autem de duello quod fieret jussu Dei, aut supremae politicae auctoritatis, ratione communis utilitatis, nihil est in particulari dicendum, duella vero *judicialia* hisce nostris temporibus amplius non dantur, eorumque pravitas ex dicendis facile inferri poterit; loquemur itaque de duello in prima ejus acceptione, et prout nunc suscipi solet, velut medium contumeliae, aut laesi honoris vindicandi, animique fortitudinis venditandae, statuimusque sequentem propositionem.

PROPOSITIO

Duellum, sive singulare certamen privata auctoritati privatisque de causis, et ex conducto initum est juri naturali absolute contrarium, humanae societati vel maxime perniciosum, ineptumque ad finem ad quem solet assumi.

161. Et primo quidem duellum proprie dictum esse in-

[1] Ex P. Ignatio Schwarz [*Inst. jur. publ. univers. natur. et gent.* part. 4. titul. 4. instr. 3. §. 2.] juvat haec pauca innuere circa hujusmodi *diffidationis*, quae speciem quamdam privati belli, seu potius publicae privatorum hominum vindictae et aggressionis prae se ferebant. Denunciabantur porro voce, vel litteris, aut expositis nonnullis diffidationis signis, e. g. scopis, titionibus, carbonibus, etc. quibus ille qui se esse offensum existimabat, comminabatur alteri, se ferro, cladibus, incendio etc. tantum detrimenti ejus personae, possessionibus, domibus, pago, etc. allaturum, ut scopis converri possint. Tetrerrimus sane modus sua manu jus sibi quaerendi, aptissimusque aliquam nationem brevi tempore in latronum spoluncam convertendi; qui tamen olim in Germania praesertim tantas egit radices, ortum ducens ab infantia henrici IV. Imperatoris, et turbulento quorundam ejus successorum regimine, ut instar juris cojusdam, germanice *Haus-*

trinsece malum facile probatur vel ex tradita superius (1) doctrina de suicidio; nam et eadem rationes in oppositum consideratae valent quoque ad ostendendam homicidii pravitatem, et qui ex spontanea provocatione et acceptatione duellum instituunt; nedum propriam integritatem vel vitam sed potissime alienam, uterque eorum manifesto discrimini directe obiciant; quod evidens discrimen nec per conditionem primae tantum effusionis sanguinis, propter aestum certaminis, et difficultatem reflexi moderaminis armorum sufficienter removetur: jam vero ejusdem est pravitatis, extra casum necessitatis propriam et alienam vitae incolumitatem periculo exponere, quam actu sibi vel alteri eandem vitam auferre. Qui itaque duello congregiuntur, crudeles in semelipsos, injusti erga proximum, injuriosi Deo, qui titulo creationis et conservationis sibi reservavit jus vitae, membrorum etc. constituuntur. Quia vero uterque monachus, ut vel ex ipso certaminis sine patet, alterius necem vel laesionem unice intendit, hinc talia certamina, fabricante diabolo revera introducta, potissimum de pravitae laedendi alterum participant.

162. Deinde quod spectat ad humanae societatis perniciem etiam pro statu naturae seu ut vocant *merae libertatis*, quam sponte sua produceret nulli legi subjecta facultas duellum ineundi; quis est qui non videat, quantus hinc fortioribus debiliores opprimendi aditus panderetur? Quot caedes, vindictae perturbationes, paci cum aliis etiam in illo statu quaerendae directe oppositae inde manarent? In statu praeterea civili, cum jura privatorum, quatenus ad bonam ejusdem status gubernationem pertinet, sub tutela ipsius societatis, seu politicae ejusdem potestatis contineantur, eidemque onus incumbat civium injurias vindicare, lites atque contentiones dirimere etc. quisquis sibi metipsi, extra casum iniquae et inopinatae aggressionis, per se ipsum jus dicere, atque arreptis armis suam aliorumque vitam in discrimen

Kolben oder *Faust-Recht*, haberetur: nihilque ad illud extirpandum FRIDERICI I. et II. ALBERTI, LUDOVICI curas profuisse, quin ipse CAROLUS IV. Imperator non nisi quandam limitationem huius nefandae consuetudini inducere valuit, donec tandem conatibus FRIDERICI III. MAXIMILIANI I. et CAROLI V. habitis diversis comitiis, pestis haec a tota Germania anno 1555 exuiare coacta fuit, in ejusque autores gravissimae poenae fuerunt constitutae.

(1) Hujus partis cap. 2 artic. 2. nn. 148. 149. 150.

ponere audeat, nedum debitam eidem potestati subjectionem detrectat, sed ejusdem jura sibi arrogat, civilemque communitatem membrum suis sibi in primis necessariis, aucta hujusmodi licentia mutui certaminis, brevi expoliata ad interitum perducere satagit. Unde patet quanto opere intersit ipsorum imperantium, nefandum hunc duellorum usum legibus ac poenis gravissimis cohibere.

163. Est quoque contra ordinem naturalis rationis uti mediis ad obtinendum finem ineptis, quale profecto medium est duellum, 1° ad litem dirimendam, manifestandam veritatem, detegendamve innocentiam. Quis enim potest esse naturalis nexus horum trium cum exitu certaminis, quia a majori virium firmitate, dexteritate manuum, vel artis gladiatoriae peritia communiter dependet? Numquid minus dubiae contententium rationes, minus latens veritas, et innocentia magis perspecta esse, ideo dicenda erunt, quia unus contententium alteri vulnus, aut mortem intulit? Numquid Deus hujus dubiae aleae exitum pro ratione meriti contententium se directurum spondit; aut experientia non ostendit saepe innocentes occubuisse, vel utrumque dimicantem aequale damnum subiisse? (1). Nonne hoc est Deum tentare, seu velle divinae ejus providentiae leges ad proprii arbitrii placita exigere?

(1) Dum olim in quibusdam civilibus et criminalibus causis defectus sufficientis probationis ope duelli suppleretur, contigit interdum ut bona victori adjudicata debuerint deinde restitui haeredibus illius qui in certamine occubuit et tamquam reus habitus fuit, eo quod post aliquod tempus innocentia interficti detecta et verus criminis aut damni auctor agnitus ad talis iudicii reformandam sententiam adegit. Si vero mireris, cur hisce non obstantibus, iste contentiones dirimendi modus fuerat interdum etiam ab ecclesiasticis iudiciis admittus, et velut *Dei iudicium* habitus, aut exinde inferas ipsius Ecclesiae autoritate probari duellum quandoque licitum esse; animadvertas oportet ad miseriam illorum quando haec fiebant temporum conditionem et ad universale praepudicium quod ex falsa apprehensione divinae providentiae et curae circa sortem innocentis et rei invaluerat; haud secus quam aliae quaedam innocentiae aut veritatis vulgares probationes, e. g. ope ferri igniti, aquae ebullientis etc. quae quidem etiam a quibusdam particularibus ecclesiis probabantur, at universalis ecclesiae vel Summorum Pontificum oraculo nunquam fuerunt firmatae.

Praeclare, ut solet, declarat istud cl. Gerdil (loco superius indicato chap. 4. artic. 1.): *toutes ces épreuves, aussi bien que celle*

2.º Labem ignominiae minime abstergit, nec laudem fortitudinis adipiscitur, sive provocans sive acceptans duellum. Etenim ignavus et infamis nequit quis desinere esse ob erroream stupidissimarum mentium persuasionem, et vel ipso in statu naturae laus fortitudinis absque justitia et aequitate, ablataque aestimatio sine publico prudentum iudicio, non acquireretur. At quaeso, quaenam justitia aequali periculo infelicis exitus certaminis offensum et offendentum objicere? Quae aequitas, robore virium corporearum, quae sunt homini cum belluis communes, velle decertare pro innocentia et honore, dotibus propriis solius rationalitatis? Nonne, spreto subsannationibus ac calumniis insanæ plebis verus honor ac laus fortitudinis vel ex sola professione promptæ ac legitimæ defensionis, siquidem injuriæ audeat injusti aggressoris vices agere, honestatisque atque publici boni cura, longe facilius colligitur? accedente præsertim amicorum et prudentum hominum approbatione in statu quoque naturæ non defutura (1). Quod in statu civili adhuc facilius obtinetur,

du combat, étoit reconnus pour des jugemens de Dieu, C' étoit le nom qu'on leur donnoit dans les tribunaux, aussi bien que dans le langage ordinaire. Le préjugé général des peuples avoit pénétré jusques dans quelques Eglises particulières... Les Papes et les conciles, qui ont condamné ces abus; les plus saints et les plus savans personnages de l' Eglise, qui dans les temps même les plus obscurs les ont attaqués dans leurs écrits, le Roi St. Louis, qui les défendit dans des réglemens pleins de sagesse et de religion, font sentir que c' étoit tenter Dieu, que d'employer des moyens qui n'avoient aucune proportion avec la fin qu' on se proposoit, et par lesquels il sembloit qu'on vouloit par une téméraire présomption éprouver la Providence, en lui imposant la nécessité de faire des miracles, pour ne pas laisser périr l'innocence

(1) Haec animadversio excindit duelli honestatem etiam pro statu mere naturali, quod in quibusdam saltem casibus licitum esse quidam ex doctoribus olim arbitrati sunt. Verum de hoc inferius in solutione secundæ difficultatis adhuc loquemur, hic in antecessum monemus intrinsicam duelli pravitatem eruendam esse ex pluribus simul sumptis rationibus, et præcipue ex eo quod aequalem statuat innocentis et rei conditionem, quodque etiam in casu aequalis dubii circa rationes utriusque contendentis, exitus certaminis ope physicarum virium semper nullum contineat naturalem nexum cum veritatis aut innocentiae manifestatione, quae rationes profecto aequè pro statu merae libertatis sive naturæ, ac pro quacumque hypothesisi sive eventu debent valere. Hinc Lessius, Laymann, Reiffenstuel, Veistner, Seybold, Pichler, aliique

stantibus legibus et poenis humanis adversus calumniatores et detractores; quorum proinde petulantiam velle ope duelli

dum acceptationem præsertim duelli licitam esse dixerunt in casu quo unicum foret medium ad gravissima et certa declinanda damna, e. g. dignitatis, officii et inde manantium honorum congruae sui status conservationi necessariorum jacturam, quia nempe tunc eligeretur periculum *dubium* sive *minus* malum, ad declinanda damna certa sive *majora* mala; non videntur respexisse aliam duelli pravitatem nisi insufficientiam mediæ ad finem et defectum potestatis disponendi de propria et aliena vita, quae rationes utpote hypotheticae indicant tantum talis inordinationis objectum posse interdum extrahi a lege, sicut revera extrahitur e. g. si pro bono patriæ, aut Deo jubente vitam propriam quis periculo certi interitus objiciat. Superioribus igitur rationibus consideratis duellum pro quocumque casu et hypothesisi etiam mere naturalis status retinet suam intrinsicam pravitatem.

Hinc merito a doctis solet reprimi Grotius quod pro duobus casibus duelli honestatem tueatur; primo si invasor concedat alteri dimicandi licentiam, alioquin eum occisurus sine dimicatione; tunc enim expectanda est violenta invasio illataque vis vi repellenda, non vero dimicandi cunctatio acceptanda, ideoque nunquam locum habere potest duellum *coactum*, cum talis provocatio si moraliter transeat in injustam aggressionem, quod fieret tenendo certandi conditionem, jus dumtaxat tribuat se defendendi ab hujusmodi aggressionem. Neque etiam fas esset, quod secundo loco Grotius contendit, duellum inire, si magistratus duobus ad mortem damnatis, alterutrius salutis causa, juveret aut optionem daret mutuo certamine congregandi. Etenim hoc utpote ad commune societatis bonum minime pertinens, civilis potestatis limites prorsus excedere videtur, sicut nec directe sui ipsius occisio possit unquam damantis ad mortem a iudice permitti vel imperari; nec aliter illud a quibusdam doctoribus fuit habitum ut innocuum, nisi sub respectu quod uterque mortis reus velut publicus justitiæ executor constitueretur. Id vero ipsum, propter certaminis aestum et nimiam cupiditatem alterum opprimendi atque necandi, cum *ordinato* propriae vitae servandæ affectu, ac proinde cum jure naturæ non videtur posse sufficienter componi.

Quod si quaeras, quare saltem ficta duella in quibus dimicantes pactum ineunt se non laedendi, debeant esse naturaliter inhonestæ, facilis est responsio; scilicet, quia simulare actionem inhonestam est naturaliter inhonestum, et quia per hoc caeteri alluciantur ad similia certamina vere et non fictè instituenda. Insuper remanente pactione non se laedendi occulta (si enim esset manifesta, inanis honoris vana spes evanesceret), et persuasionem sive præjudicata aliorum opinione de præstantia victoriae in tali cer-

compescere, apud aequos rerum iudices idem erit, ac verum honorem amittere et duplicatam ignominiae labem tam propter divinae quam humanae legis despectum et violationem, contrahere, sive quis vincat sive vincatur.

164. Opponunt 1.^o Licitum est vim vi repellere etiam cum aggressoris nece, et vita ipsa est praehabenda honori, inter bona fortunae bono maximo; ideoque licitum etiam debet esse duellum. Deinde, dato quod vir e. g. equestris sit ignominia ab altero affectus, et nisi ad singulare certamen descendat, nedum timiditatis notam et famae honorisque jacuram sit passurus, sed dignitate, officio et consequenter bonis ad convenientem sui status et vitae conservationem necessariis foret destituendus; jam tunc acceptatio et etiam oblatio duelli, esset a naturali sui amore saltem permessa, velot medium habens rationem *minoris mali* ad declinandum *maius*.

Respond. ad 1.^{am} *Neg. conseq. et paritat.* Quando nam et sub quibus dumtaxat conditionibus, fas est vim vi repellere, patet ex superius (1) dictis, paritas autem ad tuendam ope duelli honorem translata non valet; nam et vita utpote fundamentum caeterorum bonorum, est quid ratione sui appetibile, quod de honore, sumpto pro existimatione seu testimonio humano de nostra excellentia, dici nequit; et honor *verus*, seu pro ipsa virtute proprio illius fundamento, acceptus, licet sit praehabendus temporali vitae, tamen quia a nemine nobis invilis eripi potest, non eget ut per oblatum aut susceptum duellum, vitaeque nostrae discrimen eidem opitulemur. Quid quod, ipse extrinsecus honor et laus fortitudinis, in iudicio hominum prudentum, facta supradicta legitimae defensionis contestatione seu professione, minime laeditur (2); insanae autem improbi et imperili vul-

tamine relatae, non est semper utriusque congrediventis incolumitati satis provisum ob infidelitatem in promissione (quae nequit contestari) alterutrius dimicantis.

(1) Capit. proxime praeced. artic. 3. nn. 154. et seq.

(2) Rem hanc cl. Debreyne loco proxime indicato (pag. 346. et seq.) pulcherrime declarat verbis auctoris in his quaestionibus fidei haud dubiae: *Supposez un militaire d'une droiture éprouvée, qui dans combats livrés sous les yeux de son prince, a fait admirer sa valeur: il n'a jamais reculé devant les ennemis, mais en même temps inébranlable dans les principes d'une morale austère. Eh bien! pensez-vous qu'un tel homme serait méprisé deshonnore; qu'il perdrait l'estime de ses compagnons d'armes, parce que, injustement provoqué, il aurait refusé de se battre? Je dois non*

gi persuasioni, de praestantia honoris et fortitudines ob tale certamen acquirenda, si quid tribuendum esset, ipsa vindicta de inimico sumenda, pleraque alia nefandissima scelera impune perpetranda forent. Unde optime quoque advertit Pufendorfius: (1) "Plures sunt, qui suum velint facere, illud Neoptolemi apud Quintum Calabrum (libr. 9.), *E-moriar potius quam nomen ignavi geram.* Tamen si quis, quarumdam injuriarum vindictam cum iudicio magis adpernetur, quam per formidinem deserat, celsi satis animi, documentum edit. Neque in eo quid est, quod existimationem naturalem aut civilem extinguat..... Neque semper singulum timiditatis est cum alio quavis de causa in pugnam nolle descendere, vitaeque et fortunarum discrimen temere subire; cum aliae longe tutiores, et vitio carentes dari queant occasiones quibus quis fortitudinem suam, queat ostentare.,"

Hinc. ad 2.^{am}, sive ad casum vel factum additum (quidquid tandem diversi auctores (2) de abstracta ejusdem probabilitate olim senserint,) patet responsio; cum enim hoc evenire

sang à la patrie. dirait-il, mais si d'insolents adversaires m'attaquent, je saurai me défendre comme au champ d'honneurs j'ai défendu mon pays. Et peut-être les plus légers et les plus incrédules respecteraient sa vertu. Quod vero duellum ineuntes potius honorem amittant apud aequos rerum iudices, sic exprimit (pag. 335.) Les duellistes foulent aux pieds ce qu'il y a de plus sacré parmi les hommes, les lois divines et humaines. Ils s'exposent librement au danger prochain de subir des conséquences extrêmes, terribles et funestes, et même de s'attirer très-probablement le souverain malheur, en recevant la mort ou en commettant un véritable meurtre. Ils sacrifient donc à la passion tous les devoirs ensemble et envers Dieu et envers les hommes et envers eux-mêmes; et tout cela pour une légère offense recue, un mot desobligeant, une légère impolitesse, un geste, un regard injurieux.

Addit porro haec alia cl. auctor in nota ibidem subjecta, on connaît l'anecdote de ce fameux ferrailleur qui se battit trois fois dans la même journée: la première fois, parce que quelqu'un l'avait regardé de travers; la seconde fois, parce qu'un autre l'avait regardé en face; et enfin en troisième lieu, parce qu'un de ses amis ne l'avait pas regardé du tout.,

(1) *Juris nat. et gent.* libr. 8. cap. 4.

(2) Vide quae dicta sunt in 4.^o ex proxime antecedentibus notis, circa hanc diversorum doctorum opinionem, et circa rationes quibus ducti in eam concesserint.

non posset nisi in hypothesi turpissimae et vanae ac superstitionis hominum persuasionis circa talis certaminis praesentiam, incommodum inde dimanans *per accidens et extraordinaria* ratione, nequaquam valeret immutare intrinsicam duelli pravitatem, nec amor naturalis hominis *privati* quorumcumque bonorum fortunae, possit esse non subordinatus *bono publico* humanae societatis, quae ob nimiam hominum proclivitatem, talis certaminis licentiam ad casus necessitatis extendendi ipsosque casus necessitatis pro lubito multiplicandi, ingens detrimentum, ac manifestum et certum periculum tranquillitatis amittendae subire cogeretur. Tandem meminisse oportet, fortunarum jacturam et incommoda pro innocentia et virtutis amore aequo animo tolerata, mirabili divinae providentiae dispositione, solere haud raro etiam in vita praesenti, versis in contrarium rebus mortalium, parere plura emolumenta, pristinique honoris ac famae decus cum foenore restituere.

165. Opponunt 2^o. Licitum est bellum suscipere ad tuendas etiam res temporales; ergo licitum erit quoque duellum; quod non est nisi bellum privatum. Adde, quod loquendo de statu mere naturali, in quo singula individua nulli supremae politicae potestati subicerentur; arbitrio suae rationis aequitatem medii propriae suarumque rerum defensionis, instar summorum imperantium, possent et deberent determinare, ideoque deficiente alio medio possent eligere etiam hujusmodi certamen.

Respond. ad 1^{am}. *Neg. Conseq. et paritatem*, nisi etiam qui vellet negare suppositum, scilicet quod inter bellum publicum et duellum non sit aliud discrimen praeter numerum dimicantium; etenim ut sapienter monet cl. Gerdil (1), publici belli sive offensivi defensiva ut sit justum finis debet esse bonum commune totius status socialis vel civilis, quod in supposito duello privato locum non habet. Deinde tale bellum non suscipitur recte nisi post maturam deliberationem et moraliter certam de justitia motivi scientiam, quod pariter in singulari illo certamine, propter inordinatum individualement amorem de facili haberi non posset. Insuper cum bellum sit, *violentus modus quaerendi per vim, publicam tranquillitatem et laesae justitiae reparationem* (2); tunc tantum

(1) *Traité des combat. singul. chap. 16.*

(2) Istam belli definitionem caeteris praehabendam censuimus eo quod in maxima parte earum quae communiter tradi so-

juste et rationabiliter suscipi potest, quando pacifica contentionis compositio non est possibilis amplius, et quando moraliter certa spes adest finem seu laesionis justitiae reparationem assequendi, minori quantum potest fieri cum detrimento et periculo propriae conditionis et status; secus major foret publici boni jactura quam emolumentum; quod similiter in duello ex pactione inito, aequalem exitus conditionem et periculum injuste offenso et offensori tribuente, subsistere nequit. Ingens itaque est utriusque discrimen; ideoque consequens et paritas non subsistit.

Quod additur vim difficultatis non auget, ideoque *Neg.*

lent, hoc videatur latere inconveniens, scilicet bellum in iis spectari velut quendam civilis societatis aut regni *statum*; sic et Grotius (*De jur. bel. et pac. libr. 1. cap. 1. § 2.*) bellum definit, *Status per vim certantium qua tales sunt*; et alii post Pufendorfium *status hominum de controverso jure per vim certantium*. Ast hoc nec cum definitione Tullii (*De offic. libr. 1. cap. II.*) *certatio per vim*, congruit; nec in se verum est, quia quamvis bellum unico certamine communiter non absolvatur et proinde quamdam durationem habeat, nequit tamen dici proprie *status*, qui per se *permanentem vitae conditionem* significat, talis namque humanae societatis conditio a natura requisita est pax; hinc bellum a civili societate ejusque politica potestate assumi nequit, nisi sub ratione medii tutandae pacis aut vindicandae justitiae, et quidem tunc dumtaxat quando aliud medium conveniens et sufficiens deest. Unde et S. Augustinus (*Epist. 189. alias 205. ad Bonifacium*) inquit: *Non enim pax quaeritur ut bellum excitetur, sed bellum geritur ut pax acquiratur*. Porro usus medii extraordinarii et quidem violentis, non inducit in civilem societatem nisi conditionem sive modum existendi et operandi *transientem*.

Definitioni a nobis allatae forte hoc unum tantum (implicite namque in ea praecontinetur, quod bellum non nisi supremae politicae potestatis jussu suscipi debeat) objici posset, scilicet eam non comprehendere *bella injusta*. At quis est qui bellum suscipiens, saltem speciem justae motivi non portendat? Praeterea bella injusta sunt latrocinia, rapinae, etc. et bellum sive offensivum sive defensivum, quod jure naturae aut gentium fas est suscipere requirit inter alia, ut de aequitate illud gerendi quaedam moralis certitudo habeatur. Haec sane motivi aequitas *in se* sive *a parte rei*, ex utraque contententium parte, cum in contradictorio versentur haberi nequit ut per se patet; potest tamen haberi in opinione sive persuasione utriusque, propter controversas juris rationes.

similiter *Conseq.* Et sane, concedendum est quidem hominibus in statu etiam naturae jus se suasque res tuendi, obligatio namque quaevis damna et injurias verbis aut opere illatas facile concoquendi et deglutiendi, redderet vitam nimis amaram, et nullatenus securam ob pravam aliorum nocendi cupidinem omni metu solutam, modestissimoque cuique semper miserum esse necessum foret, quotiescumque pravo cuiusdam leges naturae violare placeret: at jus hujusmodi, justae et prudentis offensionis aut defensionis modum et conditiones excederet, et nostrae incolumitatis in tuto locatae exclusivae probabilis timoris ulterius injurias et damna patiendi limites nullatenus transilire deberet. Haec porro satis evincunt etiam statum mere naturalem minime tribuere libertatem ac licentiam extrema quaevis semper tentandi, et in infinitum injurantibus resistendi, sicut quidam autumant; neque licitum reddere duellum, quod praeter alia, uti nuper vidimus, justae ac prudentis defensionis conditionibus caret. Atque haec fere omnia de pravitate duelli etiam in statu mere naturali, ad mentem laudati Gerdil, qui dignus est ut per totum legatur, expressimus; eo vel maxime quod contrariis sententiis aliorum auctorum qui forte has rationes non perpenderit [1] minime moveamur, dum phylosopho Catholico nefas sit amplius eos sequi post damnatam ab Ecclesia [2] sequentem propositionem: *Licitum est in statu hominis naturali, acceptare et offerre duellum, ad servandas cum honore fortunas quando alio remedio eorum jactura propulsari nequit.*

ARTICULUS II.

DE MUTUO OFFICIO ALIOS JUVANDI

166. Ad socialitatis et mutui amoris debitum exhauriendum parum est alios non laesisse, vel damna illata reparasse per quod tantum paci cum aliis naturaliter colendae utcumque consulitur, nisi etiam boni quidpiam in alios confera-

[1] Vide quae diximus superius (in nota 2. adjecta n. 163). et animadvertite etiam in mere naturali statu jus propria et privata auctoritate se defendendi, non posse reddere honestum medium in quo aequalis statuitur periculi et damni conditio tam pro offenso quam pro offendente.

[2] *Benedict. XIV.* Constitut. *Detestabilem.* Anno 1752.

mus, eosque propter aequalitatem naturae et identitatem finis communis, nedum *esse* sed et bene *esse* ac *vivere* gaudeamus. Praeclare id expressit cum Platone Tullius [1]: «Non nobis solum nati sumus, ortusque nostri partem patria vindicat, partem parentes, partem amici; atque, ut placet Stoicis, quae in terris gignuntur ad usum hominum omnia creari, homines autem hominum causa esse generatos, ut ipsi inter se aliis alii prodesse possent: in hoc naturam debemus ducem sequi, communes utilitates in medium afferre, mutatione officiorum, dando, accipiendo, tum artibus, tum opera, tum facultatibus devincire hominum inter homines societatem.»

Atque hinc in primis generale cuilibet debitum incumbit, animi corporisque sui facultates probe excolere, ut ad producenda socialis vitae commoda reddatur idoneus; ideoque in legem naturae peccare sunt dicendi, qui nulla honesta arte aut scientia excolti, sibi quae ignavi, aliis graves sunt, numerus tantum et fruges consumere nati. Unde et civitates quaedam bene ordinatae, juxta prudens Solonis monitum, solent interdum instituire Magistratus, apud quos cives universi profiteri nomina, modumque et rationem vivendi indicare tenentur.

Verum quia propter varias humanarum rerum vicissitudines, ipsarumque animi et corporis virium defectum aut imbecillitatem, plures in statu civili inveniuntur, non defuturi quoque in mere naturali statu, qui sibi met insufficientes aliorum ope egent; haud abs re quaeri solet quantum necessitatem lex ipsa naturalis imponat divitibus, juvandi alios in vera inopia constitutos. Quod ut clarius determinetur distinguendi sunt, juxta dicta superius [2] gradus inopiae seu necessitatis, scilicet, *extremae, gravis et communis.*

PROPOSITIO I.

Juxta diversos inopiae gradus tenentur divites vere egenos juvare.

167. Assertio evincitur per partes. Ac primo quidem in *extrema* necessitate seu inopia constitutis (etsi forte ex

[1] *De Offic.* libr. 1. cap. 7.

[2] Capite proxime praecedent. artic. 3. n. 152.

similiter *Conseq.* Et sane, concedendum est quidem hominibus in statu etiam naturae jus se suasque res tuendi, obligatio namque quaevis damna et injurias verbis aut opere illatas facile concoquendi et deglutiendi, redderet vitam nimis amaram, et nullatenus securam ob pravam aliorum nocendi cupidinem omni metu solutam, modestissimoque cuique semper miserum esse necessum foret, quotiescumque pravo cuiusdam leges naturae violare placeret: at jus hujusmodi, justae et prudentis offensionis aut defensionis modum et conditiones excederet, et nostrae incolumitatis in tuto locatae exclusivae probabilis timoris ulterius injurias et damna patiendi limites nullatenus transilire deberet. Haec porro satis evincunt etiam statum mere naturalem minime tribuere libertatem ac licentiam extrema quaevis semper tentandi, et in infinitum injurantibus resistendi, sicut quidam autumant; neque licitum reddere duellum, quod praeter alia, uti nuper vidimus, justae ac prudentis defensionis conditionibus caret. Atque haec fere omnia de pravitate duelli etiam in statu mere naturali, ad mentem laudati Gerdil, qui dignus est ut per totum legatur, expressimus; eo vel maxime quod contrariis sententiis aliorum auctorum qui forte has rationes non perpenderit [1] minime moveamur, dum phylosopho Catholico nefas sit amplius eos sequi post damnatam ab Ecclesia [2] sequentem propositionem: *Licitum est in statu hominis naturali, acceptare et offerre duellum, ad servandas cum honore fortunas quando alio remedio eorum jactura propulsari nequit.*

ARTICULUS II.

DE MUTUO OFFICIO ALIOS JUVANDI

166. Ad socialitatis et mutui amoris debitum exhauriendum parum est alios non laesisse, vel damna illata reparasse per quod tantum paci cum aliis naturaliter colendae utcumque consulitur, nisi etiam boni quidpiam in alios confera-

[1] Vide quae diximus superius (in nota 2. adjecta n. 163). et animadvertite etiam in mere naturali statu jus propria et privata auctoritate se defendendi, non posse reddere honestum medium in quo aequalis statuitur periculi et damni conditio tam pro offenso quam pro offendente.

[2] *Benedict. XIV.* Constitut. *Detestabilem.* Anno 1752.

mus, eosque propter aequalitatem naturae et identitatem finis communis, nedum *esse* sed et bene *esse* ac *vivere* gaudeamus. Praeclare id expressit cum Platone Tullius [1]: «Non nobis solum nati sumus, ortusque nostri partem patria vindicat, partem parentes, partem amici; atque, ut placet Stoicis, quae in terris gignuntur ad usum hominum omnia creari, homines autem hominum causa esse generatos, ut ipsi inter se aliis alii prodesse possent: in hoc naturam debemus ducem sequi, communes utilitates in medium afferre, mutatione officiorum, dando, accipiendo, tum artibus, tum opera, tum facultatibus devincire hominum inter homines societatem.»

Atque hinc in primis generale cuilibet debitum incumbit, animi corporisque sui facultates probe excolere, ut ad producenda socialis vitae commoda reddatur idoneus; ideoque in legem naturae peccare sunt dicendi, qui nulla honesta arte aut scientia excolti, sibi ignavi, aliis graves sunt, numerus tantum et fruges consumere nati. Unde et civitates quaedam bene ordinatae, juxta prudens Solonis monitum, solent interdum instituire Magistratus, apud quos cives universi profiteri nomina, modumque et rationem vivendi indicare tenentur.

Verum quia propter varias humanarum rerum vicissitudines, ipsarumque animi et corporis virium defectum aut imbecillitatem, plures in statu civili inveniuntur, non defuturi quoque in mere naturali statu, qui sibi met insufficientes aliorum ope egent; haud abs re quaeri solet quantum necessitatem lex ipsa naturalis imponat divitibus, juvandi alios in vera inopia constitutos. Quod ut clarius determinetur distinguendi sunt, juxta dicta superius [2] gradus inopiae seu necessitatis, scilicet, *extremae, gravis et communis.*

PROPOSITIO I.

Juxta diversos inopiae gradus tenentur divites vere egenos juvare.

167. Assertio evincitur per partes. Ac primo quidem in *extrema* necessitate seu inopia constitutis (etsi forte ex

[1] *De Offic.* libr. 1. cap. 7.

[2] Capite proxime praecedent. artic. 3. n. 152.

culpa non amplius reparabili, in eam inopiam inciderint) tenetur quivis nedum e bonis superfluis, sed et ex non multum statui suo necessariis subsidium ferre, quantum saltem opus est ad praesens gravissimum periculum arcendum, idque ex debito perfecto justitiae sive aequitatis legalis, eoque majori, quo cum temporali damno proximi animae quoque salus spiritualis periclitaretur. Etenim evidens est ordinem aequalitatis debiti amoris ob similitudinem naturae, non amplius substitutum, si maximo bono proximi non teneremur postponere inferiora bona nostra, eorumque aliquod non grave detrimentum. Praeterea, hac ratione non servaretur praestantia *juris absoluti* ad conservandam vitam proximi, prae jure *hypothetico* inducente temporalium bonorum fortunae proprietatem. Deinde, neque divinae providentiae inaequaliter bona fortunae distribuentis intentioni satis fieret, namque, ut vel ex communi istorum bonorum sine sufficienter colligitur eam non esse aliam dicendum est, nisi ut opulentiores praeter convenientem ac necessarium conservationi proprii status suorum bonorum usum, haberent unde vere indigentium inopiae opitularentur, atque sic praeclarum beneficentiae munus exequentes, vice ejusdem divinae sapientissimae providentiae, quae praesertim in absolute necessariis nemini deest, fungerentur.

Idem fere dicendum est de debito sublevandi inopiam gravem, quae foret quasi extrema; quod si intra limites solius gravitatis contineretur, nec sermo fieret de bonis superfluis elargiendis, talis obligatio minus quidem urgeret, at adhuc ejusdem violatio involveret haud levem deformitatem, propter magnam inproportionem inter malum proximi et incommodum pro ejusdem levamine subeundum; ipsaque humanae societatis felicitas, ob defectum talis aequitatis naturalis saltem negative a sua perfectione redderetur deficientis.

Quod spectat ad egenos communi inopia laborantes, eos etiam, si vere tales, sunt, identidem juvare, divites tenentur ex officio mutuae charitatis et minus rigoroso, saltem quoad singulos particulares casus, debito aequalitatis naturalis. Et sane, videtur prorsus repugnare sinceritati et efficaciae mutui amoris, nunquam exercere extrinsecum ejusdem actum, etsi quotidiana occasio se se porrigat, et absque omni vel cum levi tantum proprio incommodo fieri possit. Deinde, quia per se a ratione dissentit, ut quod quis in simili statu sibi ab aliis fieri assidue et rationabiliter cu-

peret, id alteri praestare nunquam deberet; ut dum quis se bonis affluere continuo gestit, alium egentem, etsi supplicem nunquam juvare teneatur. Adde insuper, quod facultas qua aliis emolumentum, absque ullo fere nostro damno, praestare possumus, in eam data occasione exerceamus, evadit frustranea et in opprobrium domini sui cedit. Atque hinc qui officia talia praesertim *innocentiae utilitatis* passim negligunt, haud immerito comparantur canibus, qui foeno incubantes, quo vesci nequeunt, boves eodem accessuros morsu abigunt.

168. Dubium porro non est, teneri nos eadem charitatis officia, et quidem peculiari ratione praestare erga parentes, propinquos, amicos etc. eos ceteris simili necessitate oppressis anteposendo; et si sermo sit de parentibus in extrema aut gravi necessitate constitutis, a quibus nedum vitam, sed et modum recte vivendi ac perficiendi accepimus, etiam ex debito *rigorosa justitiae*. Verum inquiritur, utrum eadem officia et praecipue *innocentiae utilitatis*, debeant quoque exhiberi nostris inimicis. Grotius (1) existimat; *charitatem non videri per se obstringere in gratium nocentis*; Heinecius vero (2) inquit: *In statu naturali hosti, quatenus hostili erga nos animo est, etiam innocentiae utilitatis officia jure denegamus*. At hujusmodi assertiones verae non sunt, nisi in hypothesi, quod exhibitione talium officiorum, hostis vires et animum sumeret magis magisque nobis nocendi, et quod absque eorum denegatione justam nostri defensionem prosequi non possemus; vel si ageretur de officiis quae dumtaxat sunt *signa specialis dilectionis*: nam et nemo obligatur ex charitate cum gravi proprio detrimento, et inimicus nequit esse melioris conditionis quam amicus, cui etiam, extra casum necessitatis, *signa specialia* dilectionis exhibere minime tenemur.

PROPOSITIO II.

Exceptis quibusdam casibus tenemur quoque inimicos in inopia constitutos juvare, eosque odio prosequi nunquam licet.

169. Facile autem probatur, exceptione supposita, in

(1) *De jure bell. et pac* libr. 2. cap. 1.

(2) *De jure natur. et gent.* libr. 1.

casibus necessitatis superius indicatis exhibenda esse dicta officia etiam inimicis quos non sufficit non odisse, nisi signis *communibus* benevolentiae eosdem prosequamur; idque nedum a Christo Domino in Evangelio (1) praescribitur, sed cum ipso jure naturae apprime congruit. Et sane inimici quoque retinent in se imaginem Dei, suntque membra ejusdem magnae familiae humani generis, aequalitate naturae et identitate mediorum ac finis ad communem felicitatem ordinata; totum agitur fundamentum naturalis amoris, in dignitate naturae non vero in merito quodam personali situm, in ipsis subsistit; ideoque sub eodem debito universalis amoris per dicta officia manifestandi etiam ipsi comprehenduntur. Accedit, quod per exercitium talium officiorum insignis spes affulgeat animos inimicorum divitiendi, quod debito universalis pacis quaerendae, maxime consonat.

Cum autem vero amori directe adversetur odium, patet et quidem potiori jure, non esset fas odio prosequi inimicos, nec ipsis malum adprecari, aut de eorum malo, etsi a juridica ultione dimanet *quatenus est eorum malum* delectari; quod tamen non impedit quominus malum ipsum inimicitiae, damnaque inde nobis illata, liceat cuique detestari, atque aequam pro ipsis reparationem, etiam ope legitimae coactionis valeat quisque temperato mentis affectu exquirere. Nec obstat quod iniquum, in statu naturali debet fas esse facere contra inimicum privatum, quod licet politicae potestati contra hostes publicos, scilicet, denegare ipsis officia etiam *innocuae utilitatis*: etenim propter limitationem superius factam hoc non adversatur generali nostrae doctrinae; nec in ipso publico bello talis denegatio officiorum extra actualem conflictum et casus exceptos, locum habere, aut rationem medii ad justam defensionem simpliciter necessarii excedere licito potest.

ARTICULUS III.

DE MUTUO OFFICIO SERMOINANTIUM.

170. Officium istud seorsim ab aliis exponimus, ne vi-

[1] *Matth.* cap. 5. vers. 44. *Ego autem dico vobis, diligite inimicos vestros, benefacite his qui oderunt vos: et orate pro persecuentibus et calumniantibus vos: etc.*

deamur illud reducere, more nonnullorum, ad negativam dumtaxat obligationem *neminem laedendi*: quamvis enim fateamur recto usu loquelae felicitatem humani generis apprime promoveri, illiusque abusu gravissime interdum laedi, non possumus tamen Grotio (1), Pufendorffio, Barbeyraco, aliisque assentire, qui ut dissidentes sententias antiquorum concilient turpitudinem loquelae ad alios fallendos conformatae, seu mendacii, non ex oppositione ad veritatis manifestationem seu veriloquium, sed dumtaxat ex repugnancia *cum jure existente ac manente ejus, ad quem sermo aut nota dirigitur*, colligere satagunt, atque plures casus mendacii, quos ibidem enumerat Grotius (2), tamquam non inhonestos excipiunt.

Sciendum itaque est mendacium definiri, *falsam contra mentem locutionem*, (addunt alii; *cum intentione aut voluntate fallendi prolatam*), unde etiam idem est *mentiri, ac contra mentem ire*; sive tandem talis enunciatio fiat per voces, sive per alia quaevis signa, ex communi usu ad declarandos mentis conceptus determinata. Quamvis porro *veri* vel *falsi*, quod est obiectum manifestationis, relatio ad intellectum sit opus rationis, tamen prout talis manifestatio est actus moralis debet pendere ab intentione voluntatis; quae potest inordinate ferri tam ad hoc, *ut falsum enuncietur*, quod habet veram rationem mendacii, quam ut aliquis inde actu fallatur, quod est tantum proprius illius enunciationis effectus. Et quia moralis actus desumit speciem suam praecipue ab obiecto *formali*, quod in mendacio est ipsa enunciatio *falsi* seu *locutio contra mentem*; ratio igitur formalis mendacii in falsitate quatenus veriloquio opponitur sita est.

[1] *De jure bell. et pac.* libr. 3. cap. 1.

[2] Ita vero inter alia (ibidem §. 14). loquitur: *Sic ergo videtur non peccare, qui aegrotantem amicum persuasione non vera solatur, ut Arria Fetum filio mortuo, quae historia est (E. III. 16.) in Plinii Epistolis: aut in praelio periclitanti ex falso nuncio animum addit quo incitatus victoriam et salutem sibi pariat, ac sic deceptus non capiatur, quemadmodum Lucretius loquitur. Affert porro in eundem sensum alia quaedam antiquorum dicta, scilicet: amicos decipere licet ipsorum bono.... mendacio uti pro remedio: et Maximi Tyrii sententiam quod: medicus aegrotum, et imperator exercitum, et gubernator nautas decipit: nec quidquam in hoc mali est: et denique opinionem Platonis, qui (3. de Republica) imperium habentibus concedit falsum dicere.*

casibus necessitatis superius indicatis exhibenda esse dicta officia etiam inimicis quos non sufficit non odisse, nisi signis *communibus* benevolentiae eosdem prosequamur; idque nedum a Christo Domino in Evangelio (1) praescribitur, sed cum ipso jure naturae apprime congruit. Et sane inimici quoque retinent in se imaginem Dei, suntque membra ejusdem magnae familiae humani generis, aequalitate naturae et identitate mediorum ac finis ad communem felicitatem ordinata; totum agitur fundamentum naturalis amoris, in dignitate naturae non vero in merito quodam personali situm, in ipsis subsistit; ideoque sub eodem debito universalis amoris per dicta officia manifestandi etiam ipsi comprehenduntur. Accedit, quod per exercitium talium officiorum insignis spes affulgeat animos inimicorum divinciendi, quod debito universalis pacis quaerendae, maxime consonat.

Cum autem vero amori directe adversetur odium, patet et quidem potiori jure, non esset fas odio prosequi inimicos, nec ipsis malum adprecari, aut de eorum malo, etsi a juridica ultione dimanet *quatenus est eorum malum* delectari; quod tamen non impedit quominus malum ipsum inimicitiae, damnaque inde nobis illata, liceat cuique detestari, atque aequam pro ipsis reparationem, etiam ope legitimae coactionis valeat quisque temperato mentis affectu exquirere. Nec obstat quod iniquum, in statu naturali debet fas esse facere contra inimicum privatum, quod licet politicae potestati contra hostes publicos, scilicet, denegare ipsis officia etiam *innocuae utilitatis*: etenim propter limitationem superius factam hoc non adversatur generali nostrae doctrinae; nec in ipso publico bello talis denegatio officiorum extra actualem conflictum et casus exceptos, locum habere, aut rationem medii ad justam defensionem simpliciter necessarii excedere licito potest.

ARTICULUS III.

DE MUTUO OFFICIO SERMOINANTIUM.

170. Officium istud seorsim ab aliis exponimus, ne vi-

[1] *Matth.* cap. 5. vers. 44. *Ego autem dico vobis, diligite inimicos vestros, benefacite his qui oderunt vos: et orate pro persecuentibus et calumniantibus vos: etc.*

deamur illud reducere, more nonnullorum, ad negativam dumtaxat obligationem *neminem laedendi*: quamvis enim fateamur recto usu loquela felicitatem humani generis apprime promoveri, illiusque abusu gravissime interdum laedi, non possumus tamen Grotio (1), Pufendorffio, Barbeyraco, aliisque assentire, qui ut dissidentes sententias antiquorum concilient turpitudinem loquela ad alios fallendos conformatae, seu mendacii, non ex oppositione ad veritatis manifestationem seu veriloquium, sed dumtaxat ex repugnancia *cum jure existente ac manente ejus, ad quem sermo aut nota dirigitur*, colligere satagunt, atque plures casus mendacii, quos ibidem enumerat Grotius (2), tamquam non inhonestos excipiunt.

Sciendum itaque est mendacium definiri, *falsam contra mentem locutionem*, (addunt alii; *cum intentione aut voluntate fallendi prolatam*), unde etiam idem est *mentiri, ac contra mentem ire*; sive tandem talis enunciatio fiat per voces, sive per alia quaevis signa, ex communi usu ad declarandos mentis conceptus determinata. Quamvis porro *veri* vel *falsi*, quod est objectum manifestationis, relatio ad intellectum sit opus rationis, tamen prout talis manifestatio est actus moralis debet pendere ab intentione voluntatis; quae potest inordinate ferri tam ad hoc, *ut falsum enuncietur*, quod habet veram rationem mendacii, quam ut aliquis inde actu fallatur, quod est tantum proprius illius enunciationis effectus. Et quia moralis actus desumit speciem suam praecipue ab objecto *formali*, quod in mendacio est ipsa enunciatio falsi seu *locutio contra mentem*; ratio igitur formalis mendacii in falsitate quatenus veriloquio opponitur sita est.

[1] *De jure bell. et pac.* libr. 3. cap. 1.

[2] Ita vero inter alia (ibidem §. 14). loquitur: *Sic ergo videtur non peccare, qui aegrotantem amicum persuasione non vera solatur, ut Arria Fetum filio mortuo, quae historia est (E. III. 16.) in Plinii Epistolis: aut in praelio periclitanti ex falso nuncio animum addit quo incitatus victoriam et salutem sibi pariat, ac sic deceptus non capiatur, quemadmodum Lucretius loquitur. Affert porro in eundem sensum alia quaedam antiquorum dicta, scilicet: amicos decipere licet ipsorum bono.... mendacio uti pro remedio: et Maximi Tyrii sententiam quod: medicus aegrotum, et imperator exercitum, et gubernator nautas decipit: nec quidquam in hoc mali est: et denique opinionem Platonis, qui (3. de Republica) imperium habentibus concedit falsum dicere.*

Unde et S. Thomas (1) ait; *quod autem aliquis intendat falsitatem in opinione alterius constituere, fallendo ipsum, non pertinet ad speciem mendacii, sed ad quamdam perfectionem ipsius.* Et sane si quis enunciet *materialiter* verum contra mentis apprehensionem formalem, seu cum intentione falsum enunciandi, omnium iudicio mentitur licet in aliorum opinione nullam constituat falsitatem; sicut e contra, de solo *falsiloquio* tantum argui potest, qui quidem enunciat falsum, sed secundum appresionem mentis et intentionem voluntatis illud pro vero tradit; fallitur tunc siquidem, sed non fallit.

171. Mendacium in *se ipso* vel *per excessum* vel *per defectum* veritati seu veriloquio opponitur; communiter autem solet distingui ratione diversae deformitatis objectivae, scilicet in *perniciosum*, quod dirigitur a mente ut alicui noceat; *officiosum* ut innoxia utilitate prosit; *jocosum* ut delectet; haec vero omnia dum proferuntur contra mentem et ex intentione fallendi, nec ex modo loquendi aut circumstantiis contraria mens loquentis sufficienter colligi queat, habent veram rationem formalem mendacii, sive tandem materialis falsitas aduerit, sive non; sive quis actu decipiat, sive non. Diximus porro, *nec ex modo loquendi aut circumstantiis etc.* 1º, ut sub ratione veri mendacii comprehendatur quoque *restrictio pure mentalis* seu *interna*, id est talis locutio, in qua et ratione sui et circumstantiarum unus tantum determinatus sensus isque falsus continetur, etsi per aliquid *sola mente* retentum posset efficere sensum verum; e. g. si quis interrogatus an occiderit Petrum, dicat *non occidi*; relinendo in mente *die Jovis* cum occiderit *die Veneris*; etenim veritas locutionis non ex conceptibus per se, sed per vocum significationem colligitur, et qui retinet aliquid mente nullo signo sensibili expressum, quod ad determinationem veri sensus locutionis pertinet, aliud revera in mente habet, aliud verbis intendit significare; loquitur itaque contra mentem cum conscientia falsitatis vel cum intentione fallendi, ideoque revera mentitur. 2º, ut sub ratione veri mendacii non comprehendantur illae locutiones in quibus vera mens loquentis ex modo loquendi aliisve adjunctis sufficienter colligi potest, quamvis voces in se dumtaxat consideratae falsam ingenerare opinionem valeant, tunc enim error seu deceptio tantum inconsiderationi au-

(1) *Summae theolog.* part. 2. 2. quaest. 110. artic. 1.

dientium tribuitur; eo vel maxime quod ex ipso usu sermonis voces quaedam plures sensus contineant et aequivocationi subjiciantur, et quod mentiri quidem nunquam liceat, at quasdam veritates lacere et occultare frequenter nondum honeste possimus sed etiam teneamur. Sic e. g. non censetur mentiri respondens *se nescire*, dum evidenter constat et interrogantem nullum prorsus jus habere sciendi id quod quaerit, et interrogatum in nullo unquam casu posse id aut debere licito manifestare.

Ad has vel similes innoxias ac prorsus a mendacio immunes aequivocationes et quidem potiori jure revocandae sunt, conditionatae hyperbolicae vel figuratae, aut parabolicae locutiones, in quibus ex modo agendi, aut personarum et rerum adjunctis colligitur non id significari quod vox exprimit secundum communem acceptionem. Hoc si advertere voluisset Grotius, cujusdam mendacii notam minime inussisset (1) pluribus sacrae scripturae et ipsius Christi Domini locutionibus, quae pro magna parte et recte explicatae videri possunt apud S. Thomam (2). Simili modo a mendacii nota liberantur signa et stratagemata bellica, quibus insidiae hostibus struuntur occultando potius animi veros sensus vel propositum, quam manifestando exterius aliud quam revera est. His praefactis sit.

PROPOSITIO.

Omne mendacium proprie dictum, seu leve seu grave pro ratione materiae, est lege naturae absolute retitum utpote quid intrinsece malum, et communi humanae societatis bono oppositum.

172. Assertio facile evincitur. Et in primis, cum uti rebus contra naturalem earum institutionem sit quid per se ac intrinsece malum et cum loquendi facultas, ac per consequens ipsae articulatae voces vel alia quaevis signa ex institutione humana ad loquendum adhibita, naturaliter ordinentur ad manifestandos aliiis mentis conceptus; jam mendacium in quo adhibentur voces contraria ratione ipsis con-

(1) Loco proxime indicato.

(2) In eadem parte et quaestione ut supra, artic. 3.

ceptibus mentis, erit quid evidenter huic ordini seu institutioni naturali contrarium, et per se ac intrinsece malum. His adde naturalem mendacii difformitatem a ratione, oppositionem cum veritate et aptitudinem, quantum in ipso est, ingenerandi alii errorem; quod proinde nulla unquam ratione cohonestari, aut per mutationem circumstantiarum materialis objecti, a naturali lege subtrahi potest. Tres adjectae rationes sunt validissimae (1); prima quidem, quia quisquis mentitur, hoc ipso animum suum transformat in illud quod

(1) Mirum vero cuique videri potest P. Ignatium Schwarz auctorem caeteroquin profundum et eruditum harum rationum vim ac pondus haud perspexisse, et redum in sententiam, quae ex sola oppositione mendacii cum bono communi societatis, ejus turpitudinem eruit, concessisse; verum etiam (*Instit. juris. public. univers.*, etc. part. 1. titul. 3. instr. 3. §. 1.) easdem rationes sicut et illam primo loco positam velut insufficientes traduxisse. Porro hae sunt praecipuae illius dubitationes, scilicet hujusmodi rationes partim *obscuras* partim *incertas* esse, laborantesque *petitione principii*, quasi nempe ideo mendacium jure naturae vitium diceretur, quia est *intrinsece malum*; et hoc ideo quia *in nullis circumstantiis est cohonestabile*; istud vero ideo quia *mendacium semper manet mendacium*, nec ulla necessitate vel fine extrinseco mutat *objectum* nempe *difformitatem loquelae cum mente*; a quo objecto *praecise* habet suam deformitatem *essentialem* atque *intrinsecam*. Si instes, inquit cur et hoc ita sit? hic jubet *Plato* quiescere.

Verum quid est incerti et obscuri in illis rationibus? Num ad hoc ut intelligantur debeamus ascendere, sicut cl. auctor autumat ad abstractas veritatis, divinae perfectionis, virtutis-que humanae notiones? Num naturalis humanae rationis conformatio et cum ipsa oppositio possit desinere esse talis etiam in casu avertendi interitus toti reipublicae imminenti? Num similitudo desumpta ab intrinseca pravitate *homicidii*, cujus materiale objectum subjacet potestati alienae estque realiter distinctum ab objecto formali, quidquam potest valere in casu praesenti? Est ne hoc difficilius cognitu quam oppositio mendacii cum ultimo fine sive felicitate humano generi propria? Praeterea nulla est petitio principii in illo processu rationum dummodo duae primae rationes sumantur ut generales et propriae omnibus illis quae jure naturae sunt vitia, postrema vero ratio spectetur tamquam determinans peculiarem mendacii cum naturali ordine oppositionem, sive ejus a mente et ratione humana deformitatem, quae cum ex ipso essentiali conceptu mendacii eruatur, illius ulterior ratio quaeri nec potest nec debet, nisi velis quaerere rationem quare mendacium est mendacium. Merito itaque assignata illa ratione, jubet quiescere *Plato*.

revera non est, seque exhibet prorsus alium a semetipso, seu ab eo quod actu est, (mens enim cognoscens est velut imago rei cognitae:) vim igitur rationali animo suo directe et positive infert, sive ponit *actum positive difformem a ratione*. Altera vero, quia similiter quisquis mentitur, sciens et volens contra naturalem propensionem in verum et horrorem a falso mutat in *non est*, illud *quod revera est*, vel vicissim; contradicit itaque directe et positive huic naturali propensioni, sive ipsi rationali principio ac fundamento veritatis in homini. Tertia demum, quia propter eandem naturalem et invincibilem propensionem in verum et horrorem a falso, determinata ac positiva viri provi atque honesti (debet autem quilibet supponi talis, nisi contrarium manifeste probetur et constet) assertio sive locutio, per se et naturaliter in audientium ad quos sermo dirigitur animis judicium eidem conforme cedere solet: alienae igitur etiam propensioni in verum mendacium adversatur, utpote per se aptum ad ingenerandum errorem.

Deinde, cum finis *proximus* humanae loquelae sit mutua communicatio conceptuum mentis, *ultimus* vero commune bonum totius humanae societatis, ex eadem communicatione quae est praecipuum instrumentum conversationis, eruditionis, commercii etc. dimanans; cumque hujus assecutio postulet *absolutam securitatem*, excludentem etiam prudens periculum deceptionis, nedum a pactorum et promissionum fidelitate, sed et ab ordinaria cognitionum manifestatione: si quodvis mendacium, et in qualiscumque utilitatis aut necessitatis casu non foret jure naturae prohibitum, talis securitas non haberetur, propter innumeros respectus audientibus communiter ignotos, sub quibus mendacium posset a loquente apprehendi tamquam necessarium vel utile, ac proinde tamquam licitum: unde et loquela redderetur medium improprietatum ad finem et natura deesset in necessariis. Apposite hanc rem declarat Pallavicini (1): «Cum per loquelam, regantur deliberationes cunctae, judicia, distributio poenarum et praemiorum; verbo universa rerum omnium procuratio contineatur, praestat nullo ut eventu mentiri liceat: alioquin semper auditor jure verebitur, ne tum forte in eo eventu in quo mendacium innocens est, loquens aut re, aut opinione saltem versetur.»

173. Opponunt porro. Mendacium jocosum aut officio-

(1) *Philosoph. moral. sive de bono*, libr. 1. cap. 21.

sum, nullum fert damnum bono communi societatis aut privato individuorum, quin etiam istud potest esse frequenter medium aptissimum impediende, e. g. necem innocentis, aut totius Reipublicae interitum, ideoque tunc saltem mendacium licitum fore dicendum est.

Respond. *Neg. Consequens.* Et ratio est; etenim intrinseca deformitas mendacii adhuc subsisteret, ut patet ex nostris probationibus primo loco positis, et nos in antecessum monuimus intrinsecam mendacii pravitatem non esse dumtaxat aut etiam praecipue desumendam ex jure alterius ad quem sermo dirigitur, aut ex damno quod potest dimanare. Deinde, nonne id ipsum posset quis opponere contra intrinsecam pravitatem e. g. perjurii, blasphemiae, et quorundam actuum vel maxime turpium? Praeterea, neque inde vis posterioris probationis omnino elevatur; siquidem *utilitas* haec ex supposita salute innocentis vel totius Reipublicae ope cujusdam mendacii, foret tantum per *accidens*, atque communiter alio licito medio *celandae veritatis*, vel per usum *scientiae duplicis* haud ignotae ipsis rudibus, aequè obtinenda, ideoque nequit praevalere *jacturae absolutae securitatis* in quotidiano hominum commercio, ex supposita cujuslibet mendacii licentia, *per se ac naturaliter* secuturæ; quam proinde jus naturæ intendit impedire generaliter omne mendacium prohibendo.

Potest quis addere cum Barbeyraco aliisque, homicidium etsi et ipsum intrinsece malum, ac longe gravius mendacio, fit licitum ratione necessariae conservationis vitae nostrae, aut boni communis; ergo etc.

Respond. *Neg. suppositum Antecedentis et Consequens.* Homicidium prout constituit actum intrinsece malum spectandum est formaliter non autem materialiter; nam non omnis occisio hominis est intrinsece mala et vetita jure naturæ, sed tantum illa quæ fit auctoritate privata; ideoque in casu inculpatae fulelae vitae nostrae, aut boni communis, occisio hominis utpote a jure naturæ permessa aut requisita, fit auctoritate ipsius Dei juris naturalis auctoris, habentis dominium vitae hominum. Unde cum in hisce casibus nulla fiat divinae supremæ auctoritatis usurpatio, quæ privati homicidii deformitatem ejusque excessum supra mendacium, constituit, patet non valere paritatem relate ad mendacium, cujus deformitas non dependet ab hypothesi divini juris et voluntatis, aut solum a damno quod inferitur proximo, sed ex absoluta ac intrinseca inordinatione, ut vidimus.

APPENDIX.

DE VIRTUTIBUS ET AFFECTIBUS.

174. Quod ab initio nostri tractatus indicavimus, et in postrema parte relate ad notiones virtutum promisimus, id nunc praestamus, ut et fides obligata servetur, et doctrinae nostrae morali ac piaee accedat illud complementum, quod tantum forte desiderari potest. Breviori quam fieri poterit ratione complectemur distinctis articulis praecipua eorum, quæ tam in genere, quam in specie de virtutibus et affectibus dici a philosopho possunt; vix autem ac ne vix quidem hac in re aliquid inveniens, quod more scholarum quaestionem contentiosam requirat.

ARTICULUS I.

DE VIRTUTIBUS IN GENERE.

175. Quoniam in generalem virtutum definitionem ingreditur notio *habitus*, advertendum est in primis quod in anima nostra seu potius ejusdem facultatibus dentur quaedam dispositiones diversae ad proprios actus *facile et expedite* ponendos, quæ cum possint esse vel abesse, integra remanente natura animæ ejusque facultatum, induunt naturam qualitatum accidentalium permanentium, prout ab actu transeunte, qui pariter potest esse vel abesse, discriminantur, constituuntque id quod dicimus *habitus*; unde habitus prout ad rem nostram pertinet, in genere non est aliud quam *dispositio* seu *qualitas quaedam animæ nostræ reddens ejusdem facultates ad proprios actus facile ponendos expedite*; quæ si *naturaliter* animo inesset, constitueret *habitus innatum*, (qui etsi daretur, deberet nihilominus distingui a simplici et naturali facultatum aptitudine ad actum, quæ nequit unquam abesse, cum facultas non sit aliud quam *potentia alienus actus*); si a Deo ut auctore supernaturali animo adjiciatur, erit *habitus infusus*; si per iteratos actus seu exercitium facultatum acquiratur, erit *habitus acquisitus*; *bonus* vel *malus* prout ordinatur ad actus bonos vel malos. Atque hinc, cum in prima parte hujus nostri tractatus jam ex-

sum, nullum fert damnum bono communi societatis aut privato individuorum, quin etiam istud potest esse frequenter medium aptissimum impediende, e. g. necem innocentis, aut totius Reipublicae interitum, ideoque tunc saltem mendacium licitum fore dicendum est.

Respond. *Neg. Consequens.* Et ratio est; etenim intrinseca deformitas mendacii adhuc subsisteret, ut patet ex nostris probationibus primo loco positus, et nos in antecessum monuimus intrinsecam mendacii pravitatem non esse dumtaxat aut etiam praecipue desumendam ex jure alterius ad quem sermo dirigitur, aut ex damno quod potest dimanare. Deinde, nonne id ipsum posset quis opponere contra intrinsecam pravitatem e. g. perjurii, blasphemiae, et quorundam actuum vel maxime turpium? Praeterea, neque inde vis posterioris probationis omnino elevatur; siquidem *utilitas* haec ex supposita salute innocentis vel totius Reipublicae ope cujusdam mendacii, foret tantum per *accidens*, atque communiter alio licito medio *celandae veritatis*, vel per usum *scientiae duplicis* haud ignotae ipsis rudibus, aequè obtinenda, ideoque nequit praevalere *jacturae absolutae securitatis* in quotidiano hominum commercio, ex supposita cujuslibet mendacii licentia, *per se ac naturaliter* secuturæ; quam proinde jus naturæ intendit impedire generaliter omne mendacium prohibendo.

Potest quis addere cum Barbeyraco aliisque, homicidium etsi et ipsum intrinsece malum, ac longe gravius mendacio, fit licitum ratione necessariae conservationis vitae nostrae, aut boni communis; ergo etc.

Respond. *Neg. suppositum Antecedentis et Consequens.* Homicidium prout constituit actum intrinsece malum spectandum est formaliter non autem materialiter; nam non omnis occisio hominis est intrinsece mala et vetita jure naturæ, sed tantum illa quæ fit auctoritate privata; ideoque in casu inculpatae tutelae vitae nostrae, aut boni communis, occisio hominis utpote a jure naturæ permessa aut requisita, fit auctoritate ipsius Dei juris naturalis auctoris, habentis dominium vitae hominum. Unde cum in hisce casibus nulla fiat divinae supremæ auctoritatis usurpatio, quæ privati homicidii deformitatem ejusque excessum supra mendacium, constituit, patet non valere paritatem relate ad mendacium, cujus deformitas non dependet ab hypothesi divini juris et voluntatis, aut solum a damno quod inferitur proximo, sed ex absoluta ac intrinseca inordinatione, ut vidimus.

APPENDIX.

DE VIRTUTIBUS ET AFFECTIBUS.

174. Quod ab initio nostri tractatus indicavimus, et in postrema parte relate ad notiones virtutum promisimus, id nunc praestamus, ut et fides obligata servetur, et doctrinae nostrae morali ac piaee accedat illud complementum, quod tantum forte desiderari potest. Breviori quam fieri poterit ratione complectemur distinctis articulis praecipua eorum, quæ tam in genere, quam in specie de virtutibus et affectibus dici a philosopho possunt; vix autem ac ne vix quidem hac in re aliquid inveniens, quod more scholarum quaestionem contentiosam requirat.

ARTICULUS I.

DE VIRTUTIBUS IN GENERE.

175. Quoniam in generalem virtutum definitionem ingreditur notio *habitus*, advertendum est in primis quod in anima nostra seu potius ejusdem facultatibus dentur quaedam dispositiones diversae ad proprios actus *facile et expedite* ponendos, quæ cum possint esse vel abesse, integra remanente natura animæ ejusque facultatum, induunt naturam qualitatum accidentalium permanentium, prout ab actu transeunte, qui pariter potest esse vel abesse, discriminantur, constituuntque id quod dicimus *habitus*; unde *habitus* prout ad rem nostram pertinet, in genere non est aliud quam *dispositio* seu *qualitas quaedam animæ nostræ reddens ejusdem facultates ad proprios actus facile ponendos expedite*; quæ si *naturaliter* animo inesset, constitueret *habitus innatum*, (qui etsi daretur, deberet nihilominus distingui a simplici et naturali facultatum aptitudine ad actum, quæ nequit unquam abesse, cum facultas non sit aliud quam *potentia alienus actus*); si a Deo ut auctore supernaturali animo adjiciatur, erit *habitus infusus*; si per iteratos actus seu exercitium facultatum acquiratur, erit *habitus acquisitus*; *bonus* vel *malus* prout ordinatur ad actus bonos vel malos. Atque hinc, cum in prima parte hujus nostri tractatus jam ex-

planatum sit, quinam usus facultatum nostrarum constituat actus nostros *moraliter bonos* vel *malos*, facile intelligitur cur virtus quae vitio opponitur, generaliter definiatur et ab Aristotele: *habitus, qui bonum facit habentem et opus ejus reddit bonum*; et a Tulio: *affectio animi constans, conveniensque, laudabiles efficiens eos in quibus est*. His tamen praebenda videtur definitio quam post S. Augustinum tradit S. Thomas [1]: *virtus est bona qualitas mentis, qua recte vivitur, qua nullus male utitur, quam Deus in nobis sine nobis operatur*: continet namque, sumeado *qualitatem* pro habitu tamquam genere proximo, tam rationem formalem cujusvis virtutis, quam illud per quod haec distinguitur sive ab habitu *vitioso* qui semper ad malum, sive ab illo qui quandoque ad bonum, quandoque ad malum porrigitur [2]; virtute quoque tamquam principio actionis nemo potest abuti, seu efficere ut non inclinet ad actus bonos: si vero postrema definitionis verba omittas, contrahes eam dumtaxat ad virtutes quae sunt *habitus acquisiti*. Unde etiam fuit divisio virtutum, in *infusas* a Deo, et *acquisitas* ope exercitii nostrarum facultatum.

De *infusis* a Deo supernaturali modo virtutibus, uti sunt fides, spes et charitas supernaturalis etc. quaestionem Theologi sibi jure vindicant; *acquisitas* etiam moralis philosophia considerat quae cum ex recto *rationalium* facultatum usu exurgant, distinguuntur praecipue in *intellectuales* quae ad rationem, et *morales* quae ad voluntatem *mediate* vel *immediate* spectant. De intellectualibus, quae sunt, *intelligentia*, seu *habitus principiorum universalium per se notorum*; *sapientia*, seu *habitus considerandi altissimas causas*; et *scientia*, seu *habitus cognoscendi aliquid per proprias causas* in hoc vel illo genere *determinatas*; quibus additur *ars* seu *recta ratio aliquorum operum faciendorum*, quae eatenus habet rationem virtutis intellectualis quatenus scilicet nec ars nec habitus speculativus faciunt bonum opus quantum ad usum et perfectionem voluntatis, sed solum ad facultatem bene agendi, nihil est in particulari dicendum; praesertim cum non

[1] *Summae theolog.* part. 1. 2. quaest. 55. artic. 4.

[2] *Habitus opinandi* cum aequae circa veriores et honestiores quam circa his oppositas sententias versari queat, quandoque ad bonum quandoque ad malum porrigitur. Idem quoque dici potest de quovis habitu scientiarum praesertim naturalium, relate ad perfectionem voluntatis et moralitatem ac totalem operis perfectionem.

sint, nec dicantur virtutes *simpliciter* sed *secundum quid* tantum. De *prudencia* autem quae licet in intellectu seu ratione resideat, tamen ad *morales* etiam virtutes refertur, simul cum his disserendum erit.

176. Virtutes morales, quae voluntatem perficiunt, et ad quas ceterae omnes magno agmine revocantur, sunt quatuor summae, et ideo *cardinales* dictae, scilicet, *prudencia*, *justitia*, *fortitudo*, et *temperantia*; de quibus in genere scire sufficit: 1.º, eas, loquendo *generatim*, consistere in *mediocritate* seu potius in *medio*, quod ratio non quidem in suo actu, sed invirtutis materia, sive fuerit *res* sive *persona*, determinat: cum enim tales boni habitus voluntatis nostrae non acquirantur, nisi per ejus exercitium conforme rationi, quae proinde est *norma* seu *regula* talis exercitii; a qua cum possit haberi *declinatio* vel per *excessum* vel per *defectum*, et a daequatio seu vera conformitas, inter haec duo seu in *medio* contineatur: patet quoque, naturam istarum virtutum hanc conformitatem postulantium, in *medio* sitam esse. Quod semper verum est, dum agitur de moderatione dumtaxat actionum, vel affectionum et passionum animae, reducendo eas ad regulam rationis, unde e. g. inter *ignaviam* tamquam extremum deficiens, et *audaciam* tamquam extremum exuberans, *fortitudo* velut medium rectissime collocatur: at si natura quoque objecti, circa quod actus vel affectus mentis versantur consideretur, illud interdum e. g. summum bonum, nullum modum seu *medium* ratione sui admittere videtur, ideoque diximus *generatim* loquendo.

2.º Eas esse ad invicem connexas, ita ut qui unam earum habet, reliquias censeatur habere (quod de virtutibus mere intellectualibus verum non est) si tamen sub earum *perfecta ratione* considerentur, quae postulat non solum habitum ad *bonum opus*, sed etiam ad *bene agendum*: sic quamvis aliquis possit esse temperans valetudinis dumtaxat tuendae causa; attamen haec temperantia laudem perfectae virtutis minime habebit, si ad finem ultimum non referatur, fiatque proinde sine debita *discretionem*, *rectitudine*, et *animi firmitate*, quod est officium *prudenciae*, *justitiae*, et *fortitudinis*. Similiter cum omnis virtus moralis supponat electionem rectam, quae sine discretionem *prudenciae* fieri nequit; et cum ipsa *prudencia*, utpote *recta ratio agibilium*, seu eorum quae sunt ad finem, sequatur velut ex principio ex recta dispositione mentis relate ad fines ceterarum virtutum, patet nec

veram prudentiam ab virtutibus, nec has ab illa separabiles esse.

3.º Ordinem praestantiae istarum virtutum hunc videri esse. *Prudentia* utpote in ratione, qua nihil est in homine nobilius fundata, et ceterarum gubernatrix, omnibus iis est praestabilior; eo vel maxime quod immediate respiciat theoretici et practici intellectus veritatem, quae est omnis rectitudinis naturalis *proximum* fundamentum; prudentiam excipit *justitia*, quae pro objecto bonum praecipue commune habet; tertium locum sibi vindicat *fortitudo*, quae ad magna et ardua indeterminata patranda animum humanum comparat; sequitur tandem *temperantia*, quae hominis affectus moderatur, quatenus ad peculiare ipsius bonum praecipue referuntur.

ARTICULUS II.

DE VIRTUTIBUS MORALIBUS IN PARTICULARI.

177. Ordine praestantiae earum procedemus. *Prudentia* itaque ut communiter definitur *recta ratio agibilium*, differt in primis *ab arte* quae non respicit simpliciter agere, sed tantum efficere aliquid actu transeunte ad extra, licet interim utraque circa singularia versetur (1). Est porro maxime homini necessaria, sicut summopere interest rationalem creaturam non ex impetu aut passione, sed secundum rectam electionem operari. Cum autem recta electio circa media ad finem debitum, praeter tendentiam voluntatis seu potentiae appetitivae in finem tamquam bonum, supponat consilium, electionem et ejusdem executionem, prout haec dimanant ab habitu rationis practicae; patet prudentiam principaliter residere in ratione practica, et habere veram rationem virtutis, utpote consistentem in habitu, qui bonum facit habentem et opus ejus bonum reddit; respiciensque rec-

(1) Ideo superius (§ penultimo) dictum est, artem esse *rectam rationem operum faciendorum* sive potius *efficiendorum*, ut constaret nunc discrimen illius a definitione prudentiae, quae etiam ad opera intellectualia et ad actus mere internos porrigitur, quibus proprie vox agere tantum competit, dum voces *facere, efficere* etc. operibus ad extra, quae ex praesupposita materia formantur, videntur dumtaxat convenire.

itudinem appetitus refertur ad bonum morale nedum *materialiter* sed et *formaliter*, sub ratione boni.

Animadvertendum est autem, ut observat cl. Gerdil (1), ne prorsus ignorentur quae de his rebus a gravissimis philosophis tradita sunt, tres statui seu distingui potentiales seu virtuales prudentiae *partes*, seu potius virtutes particulares eidem *in* nexas, aut eandem constituentes, pro tribus scilicet, ejusdem muneribus, bene consultare, bene judicare, bene praecipere.

Earum prima dicitur graeco nomine *eubulia*, quatenus est rectitudo consilii; altera *synesis*, quatenus est rectitudo iudicii; et tertia *gnome*, quatenus est rectitudo praecepti, a singulari et extraordinaria iudicii perspicacia orta. Praeterea, prout recta ratio agibilium seu prudentia supponit necessario cognitionem praeteritorum, praesentium, et futurorum praevisionem, ac inquisitionem sententiarum doctorum, promptamque mediorum inventionem, nec non horum omnium efficacem ad casum particularem applicationem; octo ejusdem integrantes partes solent assignari, videlicet, *memoria, intelligentia, docilitas, solertia, ratio, providentia, circumspectio, et cautio*.

Tandem vitia prudentiae *directe* opposita haec sunt. 1.º *Temeritas*, seu praecipitatio ac inordinatio consilii in agendo. 2.º *Inconsideratio*, seu defectus recti iudicii circa agenda. 3.º *Inconstantia*, seu facilis recessus a recta sententia semel determinata. 4.º *Negligentia*, seu defectus debita sollicitudinis; ut nihil dicamus de vitis praesefertibus ementitan. speciem prudentiae, qualia sunt; prudentia carnis, astutia, dolus, fraus, et nimia sollicitudo rerum temporalium.

178. *Justitia* si non sumatur pro omnium virtutum complexu, nec pro ipso jure aut lege debitum vel moralem facultatem aliquid praestandi inferente, sed pro speciali virtute, seu habitu adimplendi ex praescripto rationis ea quae jus exigit, convenienter definitur, *constans et perpetua voluntas jus suum unicuique tribuendi*, seu *habitus* quo quis *constanti et perpetua voluntate jus suum unicuique tribuit*; sic namque innuit, nedum qualitatem bonam mentis, sed et operationem, utpote attingentem rationis regulam, ideoque est revera virtus, atque tamquam in subjecto in voluntate residet; cum prosequi bonum, quod ex proportionem vel aequali-

(1) *Institut. philosoph. moralis.*

tate unius rei ad alteram exurgit, spectet ad appetitum rationalem, seu ad facultatem quae operatur praevalente ratione, utiturque appetitu rationali, qualis est voluntas. Ex eo autem quod haec proportio et aequalitas possit spectari, vel individuorum relate ad communitatem *ut talem*, vel individuorum ad invicem, vel communitatis *ut talis* relate ad individua; oriuntur tres species justitiae ratione objecti, ut patet, distinctae; quarum prima est justitiae *generalis ac legalis*, quatenus legis est respicere bonum commune: altera *commutativa*, quatenus respicit proportionem omnimode arithmetica rei ad rem aequalitatem, sive a voluntaria pactione, sive consequenter ab injusta laesione dimanantem; unde in ipsa medium rationis est ipsum medium seu aequalitas rei, media inter majus et minus; sive excessum et defectum potestque interdum habere locum etiam inter communitatem instar individualis personae consideratam, et individua: tertia *distributiva*, quatenus respicit *aequalitatem* distributionis munerum, praemiorum, et poenarum; unde in ipsa attenditur dumtaxat proportio geometrica aequalitatis rei ad meritum vel demeritum personarum, quae simul est medium rationis.

Justitiam comitantur aliae virtutes velut ejusdem partes *saltem* in debito naturalis aequitatis fundatae; ut *religio*, seu exhibitio cultus debiti Deo: *pietas*, seu obsequium ac veneratio parentum vel patriae, *observantiam*, quae idem quod pietas praestat, erga superiores seu personas in dignitate constitutas; *obedientia* seu subjectio superioribus, aut legibus; *gratia*, vel *gratitudo*, quae exhibet benefactoribus grati animi sensus; *vindicatio*; quae laesae justitiae reparationem per poenam peccantis, absque animo ulciscendi respicit; *veritas vel veracitas*, qua exhibetur signis extrinsecis quod revera in animo est, quodque alii scire possunt et debent; *amicitia* in mutua affectuum unione fundata et orta ob similitudinem naturalium donorum vel virtutum; minime autem vitiorum, foret namque vinculum Satanae; *liberalitas*, seu rationalis abundantia in rerum suarum exhibitione indigentibus. Praeter autem vitia peculiaribus hisce virtutibus opposita, quae per se sunt manifesta; justitiae *distributivae* praecipue adversatur *personarum acceptio*; *commutativae* vero homicidium, mutilatio, verberatio, detentio, furtum, omnisque alia injusta laesio proximi in bonis naturae aut fortunae.

179. Cum homo in sectando ordine praescripto a ratione ab hoc retrahatur vel per aliquid *difficile* quod superandum incumbit, vel per *delectabile* quod voluntatem ad se ve-

hementer allicit; primum impedimentum tollit *fortitudo* mentis, alterum *temperantia*: unde utraque habet rationem virtutis, in quantum continet hominem in ordine rationis, ejusque opus bonum reddit. Fortitudo, ut eam post Tullium definiunt, *considerata periculorum susceptio, et laborum perpessio*, est virtus specialis, non enim importat simpliciter *animi firmitatem*, secundum quod est generalis virtus vel conditio cujuslibet virtutis, sed firmitatem in sustinendis, et repellendis his, quae eam maxime difficilem reddunt, quod est proprium ejus objectum. Cum autem timor, qui importat recessum a malo difficultatem praeseferente, sit ille qui praecipue avocat voluntatem a sequela rationis, eamque sequi non valeamus, nisi etiam difficilia, praesertim in casibus repentinis et dum agitur de maximo malo quale est mors vel ejus periculum, moderate et cum consideratione (quod est audaciae oppositum,) aggrediendo; patet fortitudinis officium esse, timorem ad praescriptum rationis cohibere, et audaciam moderari; nam aequae est contra rationem non timere quae sunt timenda, non aggredi difficilia quae sunt aggredienda, quam e contra. Quia tamen pericula gravia et repentina de se ipsis aliquid conferunt ad reprimendam audaciam, timorem vero seu *mentis trepidationem de ingruenti malo*, e contra augent, difficilius est reprimere timorem quam audaciam moderari; ideoque principalior est actus fortitudinis sustinere, seu sistere immobiliter in malis ac periculis, quam eadem aggredi. Unde eruitur timorem seu *timiditatem* per defectum, *audaciam* per excessum fortitudini adversari. Unde pariter confirmatur quod alias (1) jam innuimus, scilicet, eos qui sibi violentas manus injiciunt, ut declinent mala quibus premuntur vel quae ipsis imminet, nullatenus virtutem fortitudinis praeseferre, cum tales actus, si cum plena rationis advertentia fiant, speciem cujusdam insanae audaciae, junctae ex altera parte singulari prorsus timiditati seu animi abjectioni, potius exhibeant.

Fortitudini adnexae sunt velut ejusdem partes aliae virtutes: 1°. *Magnanimitas*, quae modum rationis ponit circa magnos honores. 2°. *Magnificencia*, quae circa magnos sumptus ad praescriptum rationis faciendos, meramque liberalitatem excedentes, versatur: 3°. *Patientia*, qua mala ae-

(1) Part. 4. cap. 2. artic. 2. n. 149. in respond. ad 1^m probat.

quo animo toleramus: 4°. *Perseverantia*, qua sustinemus difficultatem a diuturnitate boni operis proveniente.

180. Temperantia si non pro moderatione quarumvis actionum et passionum nostrarum, quod omni virtuti est commune, sed pro habitu ponente medium rationis circa delectabilia quae voluntatem maxime alliciunt, sumatur, est virtus specialis ratione objecti; sicut enim appetitus sensitivus propter nimium timorem refugiens mala contra praescriptum rationis ope fortitudinis, ita illiciens ad delectabilia ope temperantiae moderandus erat, ne nobilioris boni rationis assecutionem per excessum aut defectum impediret; cum aliunde secundum suam speciem dumtaxat consideratus, rationi minime adversatur, potestque eidem servire instar instrumenti ad proprios fines assequendos. Quia vero vehementiores sunt, faciliusque a rationis praescripto recedentes illae delectationes, quae proxime consequuntur operationes tendentes ad conservationem humanae vitae vel in individuo vel in specie, quod accidit in usu cibi et potus, atque cujusdam carnalis voluptatis; ideoque et temperantia praecipue versatur circa moderationem gustus et tactus seu carnalis voluptatis. Atque hinc quatuor assignantur principales partes, seu specificae virtutes temperantiae: 1°. *Abstinencia* quae moderatur usum ciborum secundum praescriptum rectae rationis: 2°. *Sobrietas*, idem praestans relate ad potum: 3°. *Castitas*, delectationes venereas rectae rationis imperio cohibens: 4°. *Pudicitia*, quae castitati famulatur cohibendo actus et signa extrinseca de quibus homines naturaliter verecundantur, quaeque castitati sunt opposita.

Partes velut integrales temperantiae sunt: *verecundia et honestas*; quarum prima, cum sit *timor alicujus turpitudinis exprobrabilis*, si versetur circa turpitudinem, quae a prosecutione delectabilium contraria rationi, dimanare potest, fovet temperantiam in omnibus ejus specificis partibus; altera vero, si non sumatur generice, ut quaedam spiritualis pulchritudo, sed ut opposita turpitudini delectabilium; est virtus repellens brutales voluptates et concupiscentias pravas. Ad temperantiam revocantur, *continentia, mansuetudo, clementia, modestia, moderatio, humilitas, studiositas, urbanitas, simplicitas*, quarum acceptiones, sicut et vitiorum oppositorum, ex dictis facile colligi poterunt.

ARTICULUS III.

DE AFFECTIBUS IN GENERE.

181. Observant doctores post S. Augustinum (1), quod *motus animi*, graece *πάθη*, Cicero perturbationes, alii quidam affectiones vel *affectus*, ceteri vero post graecum fontem *passiones* expressius dixerunt. Verum quia *pati* potest accipi vel *improprie*, pro quavis receptione vel actione quae a determinatione animo extrinseca et non libera provenit, sicut animus dicitur velut pati in percipiendis impressionibus factis in sensus nostros, vel *proprie*, pro receptione alicujus rei, cum abiectione alterius aut in deterius aut in melius, sicut accidit in transitu ex statu sanitatis ad infirmitatem, vel vicissim; hinc *passio* proprio sensu accepta solet definiri, *motus appetitus sensitivi ex apprehensione boni, vel mali cum aliqua mutatione non naturali corporis*; sive tandem haec mutatio non naturalis in corpore praecedat motum appetitus sensitivi, et apprehensionem boni vel mali, ut accidit e. g. in laesione corporis vel tilillatione; sive subsequatur, ut in passionibus irae, et timoris, dum e. g. ex apprehensione mali incumbentis, aut imminentis, videntur nonnulli toti inflammati, ac plane furentes; aut exanimati timore palentes, totisque artibus contremiscentes.

Ad passionem itaque proprie dictam duo concurrunt, actus animi sentientis qui se habet quasi formale, et transmutatio extraordinaria seu non naturalis corporis, quae est quasi quid materiale; corporis namque utpote inertis nullus est proprie dictus sensus seu sensibilitas activa. Hinc patet, quare et *passiones* dicantur *elicitivae* pendere a toto composito humano, et quare non debeat et forte etiam non possit id ipsum generatim affirmari *de affectibus*, quorum acceptio latius videtur patere; cum etiam vehementioribus quibusdam vel insolitis solius animi motibus nulla intercedente *saltem* extraordinaria corporis transmutatione, rectissime applicatur. Sic *admiratio* qua animus rapitur, dum aliquid insolitum aut novum et praeter expectationem primum occurrit, indeque dimanantes *existimatio* aut *contemptus*, possunt quidem dici *affectiones* vel *affectus* mentis, at minime *passio-*

(1) *De civit. Dei*. libr. 9.

quo animo toleramus: 4°. *Perseverantia*, qua sustinemus difficultatem a diuturnitate boni operis proveniente.

180. Temperantia si non pro moderatione quarumvis actionum et passionum nostrarum, quod omni virtuti est commune, sed pro habitu ponente medium rationis circa delectabilia quae voluntatem maxime alliciunt, sumatur, est virtus specialis ratione objecti; sicut enim appetitus sensitivus propter nimium timorem refugiens mala contra praescriptum rationis ope fortitudinis, ita illiciens ad delectabilia ope temperantiae moderandus erat, ne nobilioris boni rationis assecutionem per excessum aut defectum impediret; cum aliunde secundum suam speciem dumtaxat consideratus, rationi minime adversatur, potestque eidem servire instar instrumenti ad proprios fines assequendos. Quia vero vehementiores sunt, faciliusque a rationis praescripto recedentes illae delectationes, quae proxime consequuntur operationes tendentes ad conservationem humanae vitae vel in individuo vel in specie, quod accidit in usu cibi et potus, atque cujusdam carnalis voluptatis; ideoque et temperantia praecipue versatur circa moderationem gustus et tactus seu carnalis voluptatis. Atque hinc quatuor assignantur principales partes, seu specificae virtutes temperantiae: 1°. *Abstinencia* quae moderatur usum ciborum secundum praescriptum rectae rationis: 2°. *Sobrietas*, idem praestans relate ad potum: 3°. *Castitas*, delectationes venereas rectae rationis imperio cohibens: 4°. *Pudicitia*, quae castitati famulatur cohibendo actus et signa extrinseca de quibus homines naturaliter verecundantur, quaeque castitati sunt opposita.

Partes velut integrales temperantiae sunt: *verecundia et honestas*; quarum prima, cum sit *timor alicujus turpitudinis exprobrabilis*, si versetur circa turpitudinem, quae a prosecutione delectabilium contraria rationi, dimanare potest, fovet temperantiam in omnibus ejus specificis partibus; altera vero, si non sumatur generice, ut quaedam spiritualis pulchritudo, sed ut opposita turpitudini delectabilium; est virtus repellens brutales voluptates et concupiscentias pravas. Ad temperantiam revocantur, *continentia, mansuetudo, clementia, modestia, moderatio, humilitas, studiositas, urbanitas, simplicitas*, quarum acceptiones, sicut et vitiorum oppositorum, ex dictis facile colligi poterunt.

ARTICULUS III.

DE AFFECTIBUS IN GENERE.

181. Observant doctores post S. Augustinum (1), quod *motus animi*, graece *πάθη*, Cicero perturbationes, alii quidam affectiones vel *affectus*, ceteri vero post graecum fontem *passiones* expressius dixerunt. Verum quia *pati* potest accipi vel *improprie*, pro quavis receptione vel actione quae a determinatione animo extrinseca et non libera provenit, sicut animus dicitur velut pati in percipiendis impressionibus factis in sensus nostros, vel *proprie*, pro receptione alicujus rei, cum abiectione alterius aut in deterius aut in melius, sicut accidit in transitu ex statu sanitatis ad infirmitatem, vel vicissim; hinc *passio* proprio sensu accepta solet definiri, *motus appetitus sensitivi ex apprehensione boni, vel mali cum aliqua mutatione non naturali corporis*; sive tandem haec mutatio non naturalis in corpore praecedat motum appetitus sensitivi, et apprehensionem boni vel mali, ut accidit e. g. in laesione corporis vel tilillatione; sive subsequatur, ut in passionibus irae, et timoris, dum e. g. ex apprehensione mali incumbentis, aut imminentis, videntur nonnulli toti inflammati, ac plane furentes; aut exanimati timore palentes, totisque artibus contremiscentes.

Ad passionem itaque proprie dictam duo concurrunt, actus animi sentientis qui se habet quasi formale, et transmutatio extraordinaria seu non naturalis corporis, quae est quasi quid materiale; corporis namque utpote inertis nullus est proprie dictus sensus seu sensibilitas activa. Hinc patet, quare et *passiones* dicantur *elicitivae* pendere a toto composito humano, et quare non debeat et forte etiam non possit id ipsum generatim affirmari *de affectibus*, quorum acceptio latius videtur patere; cum etiam vehementioribus quibusdam vel insolitis solius animi motibus nulla intercedente *saltem* extraordinaria corporis transmutatione, rectissime applicatur. Sic *admiratio* qua animus rapitur, dum aliquid insolitum aut novum et praeter expectationem primum occurrit, indeque dimanantes *existimatio* aut *contemptus*, possunt quidem dici *affectiones* vel *affectus* mentis, at minime *passio-*

(1) *De civit. Dei*. libr. 9.

nes simplices aut mixtae, utpote quae non supponunt commotionem non naturalem corporis, solentque cieri ex sola apprehensione e. g. ordinis, veritatis, pulchritudinis, vel deformitatis, et antecedenter ad perceptionem utrum objectum illud sit nobis conveniens nec ne, utrum bonum vel malum.

182. Animus itaque prout sentiens, seu vis ejusdem atque potentia mediante organo corporeo bonum sensibile appetendi, id est appetitus sensitivus, est subjectum *passionum*, quae quidem si considerentur, dumtaxat ut motus seu actus appetitus sensitivi prosequenti objecta sensibilia, sunt semper aliquid *physice* bonum, et ejusdem naturae ac ipsa facultas sensitiva, cujus auctor est Deus, et per quam homo inclinatur ad objecta suae naturae animali convenientia, vel repellit eidem noxia; si autem spectentur ut subjectae imperio rationis et voluntatis induunt naturam actus voluntarii imperati, et quidem potiori jure, utpote animo proximiores, quam actus extrinseci corporis, possuntque proinde esse *moraliter* bonae vel malae, prout cum rationis praescripto congruunt, vel eidem adversantur. Attenditur porro hoc moderamen rationis non praecise secundum intensiorem aut remissionem passionis, sed secundum quod, spectatis objecto et circumstantiis, recta ratio exigit passionem intendi aut remitti: non itaque semper moraliter male agit, qui vehementer e. g. irascitur, vel dolet, vel timet etc. sed qui hisce passionibus indulget ultra quam postulat recta ratio. Atque hinc sponte sua fluit errasse eos, qui cum Stoicis existimarunt humanas passiones radicitus extirpandas esse, non vero ad praescriptum rationis moderandas.

Antiquiores philosophi in ipso appetitu sensitivo nihil reprehendentes unde passionum diversitatem et partitionem eruerent, in ipso bono et malo duo spectarunt, scilicet, solum boni et mali rationem, et rationem boni et mali ut ardui; atque pro hac diversitate appetitum sensitivum vocarunt *concupiscentem*, prout spectat simplicem boni vel mali rationem; *irascensem*, prout respicit malum et bonum quatenus arduum. Ex hac distinctione partiti sunt *simplices* affectus seu *passiones* (plures namque possunt esse *mixtae* (1) quae etiam propria appellatione carent) in undecim; qua-

(1) Juxta hanc passionum partitionem inter *mixtas* solent potissimum, recensere, *zelotypiam*, *aemulationem*, *admirationem*, *indignationem*, *invidentiam*, *commiserationem*, *pudorem*, *impudentiam*, *poenitentiam*.

rum primae sex *amor* et *odium*, *desiderium* et *fuga*, *gaudium* et *tristitia* ad appetitum concupiscentem; aliae quinque *spes* et *desperatio*, *audacia* et *timor*, ac *ira* ad irascentem spectant: «Hanc distinctionem, monet sapienter cl. Gerdil (1), non satis apte oppugnasse Carthesius videtur, quoniam inquit, in anima nullam cognosco distinctionem partium. Id vero mihi videtur nihil aliud significare, quam quod habeat duas facultates: unam concupiscendi, alteram irascendi. Sed cum similiter habeat facultates admirandi, amandi, sperandi, metuendi, atque sic in se recipiendi singulos affectus, aut ea agendi ad quae hi affectus eam impellunt, non video, cur voluerint eos omnes referre ad concupiscentiam et iram. At vero Carthesius ipse non diffidet, ex diversa ratione boni, et mali rependendam esse potissimum affectuum ac passionum diversitatem. Nihil igitur obstat, quominus potuerint veteres in omni bono et malo spectare vel simpliciter ipsam rationem boni et mali vel adjunctam praeterea conditionem boni et mali ardui etc. Unde etiam non videtur nobis probanda partitiio affectuum seu passionum a Carthesio invecata, revocans eas ad sex primitivas [2], eo vel maxime quod id praeci-

(1) *Instit. philosoph. moralis* disput. 5. cap. 2.

(2) Sex hujusmodi primitivae passiones sive affectus ad mentem Carthesii sunt istae, scilicet, *admiratione*, *amor*, *odium*, *cupiditas*, *laetitia* et *moeror* sive *tristitia*, reliquas omnes velut ex istis mixtas aut ad illarum species pertinentes considerat. Porro *admirationem*, sive subitanam animi occupationem in attenta consideratione objectorum quae rara et extraordinaria videntur, primam omnium ponit, quatenus nempe ipsum amorem et odium antevertat, oriaturque in nobis antequam etiam apprehendatur illud rarum objectum esse nobis conveniens aut repugnans, sive bonum aut malum. Verum hoc ipso quod talis animi occupatio sistat in sola objecti contemplatione, licet sit subitanea et attenta nihil habet de natura passionis: secus quaelibet attentio, reflexio et attenta consideratio dicendae forent passiones. Quod si hujusmodi subitanea objecti rari consideratio fieret cum quadam animi propensione aut aversione ab illo, supponeret jam apprehensionem illius tamquam nobis boni aut mali, ideoque speciem quamdam sive inchoationem passionis amoris aut odii exhibere. Praeterea quia admiratio tota in intellectuali animi operatione residet, nec ullam extraordinariam ac non naturalem in corpore commotionem gignit, vi cujus animus vel invitatus ad objecti considerationem raperetur, solam mere intellectualis affectus rationem continere videtur. Unde

pue faciat ex non admissa distinctione inter affectus simpliciter et passiones, quam nuper indicavimus.

ARTICULUS IV.

DE AFFECTIBUS SEU PASSIONIBUS IN PARTICULARI.

183. Quod spectat itaque ad appetitus concupiscentis passiones, prima earum est amor, eique opposita odium, quae subsequuntur simplicem apprehensionem boni vel mali sensibilis, abstraendo ab eo utrum objectum sit praesens vel absens. Non loquendo autem de amore naturali, qui non est aliud quam inclinatio in bonum suae naturae conveniens, quae per metaphoram etiam rebus inanimis tribui solet; sed de amore proveniente ab appetitu elicitio proprie dicto, qui proinde definitur *complacentia boni*; distinguitur in primis in *rationalem et sensitivum*, prout scilicet tendentia vel complacentia dirigitur ad bonum delectabile secundum rationem, vel secundum sensum; deinde uterque iste amor, cum amare sit *velle alicui bonum*, dividitur in amorem *concupiscentiae*, quo amatur aliquid tamquam bonum nobis vel aliis, et in amorem *amicitiae* seu *gratuitum*, quo aliquid amatur ratione sui seu propter se.

Amor sensitivus evadit revera *passio*, dum extraordinaria quaedam cordis dilatatio, vel sanguinis agitatio in corpore exurgit; quod ealim accidere potest circa amorem rationa-

et Malebranchius vocavit eam passionem dumtaxat *imperfectam*.

Ex admiratione porro assertit Carthesius oriri in primis *existimationem et contemptum* prout scilicet miramur magnitudinem sive excellentiam vel parvitatem sive deformitatem illius extraordinarii objecti. Quae si in nobismetipsis deprehenderemus, possent inde ulterius exurgere affectus sive passiones *magnanimitatis* aut *superbiae, humilitatis* aut *objectionis*. Si vero eadem in aliis hominibus libere agentibus conspiceremus, affectus inde manantes essent *venerationis* aut *despectus* etc. Nescio autem quomodo *despectus* differat a *contemptu*, et *veneratio* orta ab *existimatione* actionis liberae, a *veneratione* subsequente apprehensionem excellentiae e. g. donorum mere naturalium vel pulchritudinis. Vide has aliasque affectuum dimanationes a cl. Gerdil (loco nuper memorato cap. 3. expositas, juxta Carthesii partitionem, quam licet ipse meliorem esse existimet, eam tamen communiorem quam nos sequimur a Carthesii oppugnatione, sicut vidimus, vindicat.

lem: quando mentis intensio in complacentia boni intellectualis redundat in corpus, propter inimam et physicam animae cum corpore unionem, in eoque determinat extraordinarios et non naturales motus, in casu contrario, uterque amor remanebit velut simplex affectio mentis et quaedam dumtaxat inchoatio passionis.

184. Nonnulli recentiores doctores quaestionem instituerunt circa amorem amicitiae et gratuitum, utrum scilicet esset possibilis, praesertim respectu summi boni quod est ultimus finis noster, tamquam qui bonum nobis, amabilis; at quaestio haec facile solvitur *affirmative*, ex dictis superius [1] de amabilitate virtutis ratione sui; praecipue si advertas ad distinctionem inter principium efficiens vel inclinans ad amorem et motivum amoris. Et sane, voluntatis actus qui repraesentationem intellectus necessario praesupponunt eamque sequantur, a proximo *formali motivo* praecipue dependent et specificantur; jam vero potest intellectus Deum sub solo respectu bonitatis *rationi sui* amabilis actu directo repraesentare, cum talis conceptus a conceptu bonitatis nobis proficuae formaliter distinguatur; ergo potest quoque voluntas tendere in Deum sub hoc tantum respectu. Talis autem actus amoris, ut patet, nec potest nec debet a desiderio nostrae felicitatis tamquam a principio materiali movente et efficienter determinante voluntatem ad actum praescindere, aut illud excludere; sicut nec prorsus remove, ejusdem desiderii propriae felicitatis sub ratione motivi formalis saltem implicitam ac indirectam, et per actum reflexum, admitionem; cum primum, tamquam naturalis animi nostri conformatio, sit ab ipso omnino inseparabile; aliud vero in amore bonitatis etiam ratione sui amabilis, implicite praecontineatur. Unde colliges, possibilitatem hanc amoris amicitiae seu gratuiti nihil commune habere cum doctrina ab Ecclesia (2) damnata, in qua statuebatur dari talem amorem Dei gratuitum et purum atque habitualement, ut in eo nullam partem amplius habere ratio propriae perfectionis, praemii, meriti etc. possitque cum totali aeternae nostrae felicitatis renunciatione, seu potius desperatione, consociari.

Causae impellentes seu formalia motiva amoris sunt gene-

(1) Part. 4. cap. 2. artic. 2. nn. 145. 146.

(2) *Innocentii XII. Brev. die 12. Martii. Anno 1699.*

ratum, 1°. Bonitas objecti, 2°. Cognitio bonitatis, cum bonitas non moveat, nisi ut cognita, et in quantum cognita. 3°. Similitudo in natura vel proprietatibus, unde illud adagium commune, *simile simili gaudet*. Tandem cum omnis actio hominis deliberata fiat propter finem, et finis habeat aliquam boni rationem ad quod inclinamur, evidens est quam late pateat affectus et passio amoris.

185. *Odiū*, utpote oppositum amori, non est aliud quam *renisus* seu *aversio appetitus sensitivi a malo*, sicut enim amor consistit in quadam convenientia amantis ad rem amabilem, ita odium in quadam oppositione ad malum; cum autem malum nec sit aliud in se, nec a nobis apprehendatur, nisi ut imminutio boni, illud non aversamur nisi ex eadem tendentia in felicitatem, seu amore boni; atque hoc sensu dicitur amor causa odii ratione ejusdem radicalis principii; causae enim moventes seu motiva, sunt opposita iis quae ad amorem excitat. *Odiū* etiam *intellectuale* quod procederet ab appetitu rationali, transit in *passionem* dum commotionem extraordinariam corporis adnexam habet: sive tandem fuerit odium *inimicitiae* quod respicit personam proximi vel Dei, quas tenemur amare, quodque proinde est semoraliter malum; sive *abominationis* quod respicit rem aliquam ut repugnantem nobis et noxiam, quae si revera talis est in se, eam odio prosequi non est illicitum, si autem tantum apprehenditur a nobis ut noxia, vel per accidens tantum evadit nobis noxia, et si praesertim aliunde eam amare teneamur e. g. virtutem quamvis molestam, veritatem quamvis redarguentem, odium illius foret quoque rectae rationi vehementer contrarium. *Odiū* praecipue *inimicitiae*, est passio naturam humanam infra conditionem brutorum, quae propriam speciem minime aversantur, deprimens, gravissimamque humanae societatis tranquillitati perniciosam vel subversionem inferens.

186. Aliae duae concupiscentis appetitus *passiones* vel *affectus* sunt, *desiderium* seu tendentia ejusdem appetitus in bonum ut absens, quod eum ad se allicit; et *fuga* seu recessus quidam a malo ut absenti, quod eum quodammodo a se retrahit. *Desiderium* solet etiam dici simpliciter *concupiscentia*, si feratur in bonum sensibile determinata ratione naturae conveniens; *cupiditas* vero, si tantum indeterminata ratione conveniat,

Postremae duae ejusdem appetitus *passiones* et *affectus* sunt, 1°, *gaudium* seu *delectatio*; est autem gaudium delectatio

tatio *spiritualis* consequens rationalem boni *praesentis* apprehensionem, quod de sui possessione seu acquisitione mentem exhilarat; atque sic gaudium differt a delectatione *mere sensitiva*, quae subsequitur sensibilem boni presentis apprehensionem, et interdum constituit passionem. 2°, *tristitia* vel *dolor* oritur in mente ex malo praesenti quod experimur; et si tales affectus fuerint *mere intellectuales*, sufficit sola mali praesentia in mente, quod tamen non sufficit relate ad *sensibilem* praesertim dolorem, quia juxta ordinem naturalem debet a toto composito humano elicitive procedere. Quatuor etiam istae *passiones* seu affectus ne sint inordinati, ex praescripto rectae rationis, tam circa objecta, quam circa modum tendentiae, moderandi sunt.

187. Relate ad affectus seu *passiones irascentis appetitus*, cujus objectum est bonum et malum *ut arduum* eas nedum ratione objecti sed etiam modi differre ab affectibus et *passionibus* superius expositis dicimus; illae enim feruntur circa opposita objecta, sic *amor* tendit in bonum, *odium* recedit a malo; istae vero idem respiciunt objectum, at contrariis motibus: sic *spes* tendit in bonum arduum, *desperatio* ab eodem recedit. Si itaque bonum in mente repraesentatum necdum possessum seu futurum, fuerit quidem difficile et arduum, adeptu tamen possibile, oritur in mente *spes* illud adipiscendi, sicut e contra oritur *desperatio*, agnita vel potius in mente supposita impossibilitate illud adipiscendi. Cum vero ex supposita possibilitate adipiscendi augeatur propensio seu accessus ad bonum amatum, ex impossibilitate autem supposita imminuatur, seu fiat quidam recessus, *spes* desperationi opponitur, et ab invicem differunt, sicut accessus a recessu. Juvenes parum perpendentes impedimenta moralem saltem impossibilitatem boni assequendi constituentia, frequenter inanes *spes* pascunt, iisdemque falluntur.

Ex apprehensa possibilitate repellendi gravi aliquod et imminens malum, oritur interdum in appetitu vehemens motus, quo animus insurgit, ad illud malum fugandum et superandum, constituitque *audaciam*; quod si ob difficultatem malum istud arduum superandi, animus dejiciatur, refugiatque ab ejus aggressionem et impugnationem, constituitur affectio *timoris*, inter caeteros animi motus post tristitiam magis obtinens de natura passionis, dum eam facile comitatur extraordinaria corporis transmutatio, inducens vitalis caloris diminutionem, pallorem, artuumque tremorem, etc.

188. *Ira* tandem seu *appetitus vindictae*, ut eam definit

S. Augustinus, quando cum quodam sanguinis fervore et agitatione sociatur, est postrema passio, non habens oppositam aliam, sed solum motus animi cessationem, seu ejusdem irae privationem. Cum autem ira respiciat duo objecta, scilicet, vindictam sub ratione boni quod appetimus, et aliud e. g. hominem noxium, secundum rationem mali, de quo vindicari volumus; patet eam differre ab odio etiam inimicitiae, quod respicit dumtaxat malum alteri, tamquam eidem malum. Porro tres solent distingui irae species: 1^a, quae cito accenditur et *excandescencia* vocatur: 2^a, *duriturnior*, quae diutius in mente retinetur, estque velut quaedam species insaniae: 3^a, *inveterata* et alte in animo reposita, occasionem ulciscendi captans; pertinetque ad furorem, qui non quiescit donec puniat.

Quae in hac Appendice de virtutibus et affectibus brevissime indicavimus, si quis uberius et profundius exposita videre cupit, adeat S. Thomam in tota secunda parte ejusdem summae theologiae; eo vel maxime quod ceteri omnes doctores, qui de hisce praesertim quaestionibus accurate disseruerunt, vestigiis ejusdem Sancti doctoris institerunt.

EXPLICIT PHILOSOPHIA MORALIS.

A. M. D. G.

INDEX

SECUNDI VOLUMINIS.

INSTITUTIONES ETHICAE

SEU

PHILOSOPHIAE MORALIS.

| | |
|--|-----------|
| PROOEMIUM continens definitionem Ethicae tamquam scientiae practicae, istiusque rei declarationem. Determinationem objecti proprii, utilitatis ac necessitatis, et limitum. Partitionem ejusdem sequendam in praesenti tractatu, ac demum generalem narrationem de ejus progressu nec non praestantia apud protestanticos moralistas et comparatione eorum cum doctrina praesertim patrum Ecclesiae. . . | Pág. 3 |
|--|-----------|

PARS PRIMA.

DE FELICITATE SEU ULTIMO HOMINIS FINE ET DE ACTIBUS HUMANIS GENERICE SPECTATIS.

| | |
|---|----|
| De nexu quaestionem hujus partis. | 9 |
| CAPUT. I. DE FELICITATE SEU ULTIMO HOMINIS FINE Adstruitur posse et debere dari felicitatem, quae sit ultimus hominum finis; et ordo ejusdem inquirendae exponitur. | 10 |
| ARTIC. I. NOTIONES PRAEVIAE. I. De appetitu, ubi statuitur non posse aversari bonum quatenus bonum nec appeti malum quatenus malum: II. De bono, ejus generalis notio exponitur: III. De fine, ejus multiplex acceptio innuitur; et non posse ab homine duos fines simpliciter ultimos simultanae intendi probatur, atque in contrarium opposita solvuntur. IV. Beati- | |

S. Augustinus, quando cum quodam sanguinis fervore et agitatione sociatur, est postrema passio, non habens oppositam aliam, sed solum motus animi cessationem, seu ejusdem irae privationem. Cum autem ira respiciat duo objecta, scilicet, vindictam sub ratione boni quod appetimus, et aliud e. g. hominem noxium, secundum rationem mali, de quo vindicari volumus; patet eam differre ab odio etiam inimicitiae, quod respicit dumtaxat malum alteri, tamquam eidem malum. Porro tres solent distingui irae species: 1^a, quae cito accenditur et *excandescencia* vocatur: 2^a, *duriturnior*, quae diutius in mente retinetur, estque velut quaedam species insaniae: 3^a, *inveterata* et alte in animo reposita, occasionem ulciscendi captans; pertinetque ad furorem, qui non quiescit donec puniat.

Quae in hac Appendice de virtutibus et affectibus brevissime indicavimus, si quis uberius et profundius exposita videre cupit, adeat S. Thomam in tota secunda parte ejusdem summae theologicae; eo vel maxime quod ceteri omnes doctores, qui de hisce praesertim quaestionibus accurate disseverunt, vestigiis ejusdem Sancti doctoris institerunt.

EXPLICIT PHILOSOPHIA MORALIS.

A. M. D. G.

INDEX

SECUNDI VOLUMINIS.

INSTITUTIONES ETHICAE

SEU

PHILOSOPHIAE MORALIS.

| | |
|--|-----------|
| PROOEMIUM continens definitionem Ethicae tamquam scientiae practicae, istiusque rei declarationem. Determinationem objecti proprii, utilitatis ac necessitatis, et limitum. Partitionem ejusdem sequendam in praesenti tractatu, ac demum generalem narrationem de ejus progressu nec non praestantia apud protestanticos moralistas et comparatione eorum cum doctrina praesertim patrum Ecclesiae. . . | Pág. 3 |
|--|-----------|

PARS PRIMA.

DE FELICITATE SEU ULTIMO HOMINIS FINE ET DE ACTIBUS HUMANIS GENERICIS SPECTATIS.

| | |
|---|----|
| De nexu quaestionem hujus partis. | 9 |
| CAPUT. I. DE FELICITATE SEU ULTIMO HOMINIS FINE Adstruitur posse et debere dari felicitatem, quae sit ultimus hominum finis; et ordo ejusdem inquirendae exponitur. | 10 |
| ARTIC. I. NOTIONES PRAEVIAS. I. De appetitu, ubi statuitur non posse aversari bonum quatenus bonum nec appeti malum quatenus malum: II. De bono, ejus generalis notio exponitur: III. De fine, ejus multiplex acceptio innuitur; et non posse ab homine duos fines simpliciter ultimos simultanae intendi probatur, atque in contrarium opposita solvuntur. IV. Beati- | |

| | | |
|-------------|---|-----|
| | itudinis et felicitatis diversae acceptiones et conditiones enucleantur. | 44 |
| ARTIC. II. | DE NATURALI HUMANA BEATITUDINIS OBJECTO. | |
| | Innuuntur diversae hac de re philosophorum sententiae. | 46 |
| | Adstruitur nullum bonum creatum esse objectum humanae beatitudinis. | ibi |
| | Quae in contrarium possent opponi diluuntur. | 49 |
| | Probatur solum Deum seu bonum increatum esse tale objectum. | ibi |
| ARTIC. III. | DE FORMALI HUMANA BEATITUDINE. | |
| | Ejus natura exponitur, et quomodo pro statu mere naturali foret concipienda innuitur. | 25 |
| | Statuitur in perfecta cognitione et fruitione summi boni sitam esse formalem beatitudinem, modo tamen proportionato conditioni humanae naturae. | 26 |
| | Eorum rationes expenduntur qui in sola intellectus operatione essentiam hujus beatitudinis constituunt. | 29 |
| | Beatitudo perfecta non nisi in altera vita obtinetur. | 30 |
| | Difficultatibus occurritur. | 33 |
| CAPUT. II. | DE ACTIBUS HUMANIS GENERICE SPECTATIS. | |
| | Generalis notio istorum actuum traditur, et quid de ipsis quaeramus. | 38 |
| ARTIC. I. | DE ACTUUM HUMANORUM NATURA | |
| | 1. de definitione et multiplici partitione voluntarii. | |
| | 2. de voluntario in se et in causa. 3. de conditionibus voluntarii in causa 4. de involuntario, ejusque causis in genere. | 40 |
| | Asseritur voluntatem ad actus elicitos nullatenus posse cogi a vi extrinseca, quaeque possent opponi refelluntur. | 43 |
| | Non est idem iudicium ferendum de imperatis nostrae voluntatis actibus. | 45 |
| | Metus etiam gravis rationem voluntarii simpliciter perfecti minime tollit: et quae huic doctrinae solent opponi. | 46 |
| | De ignorantia, ejus diversis speciebus, et influxu ad actum involuntarium. | 49 |
| | De concupiscentia ejusque diversis speciebus, et utrum reddat actum humanum involuntarium. | 50 |
| ARTIC. II. | DE IMPUTABILITATE ACTUUM HUMANORUM. | |
| | Ejus fundamentum: et ratio formalis. | 54 |
| | Quaedam actiones sunt revera hominibus imputabiles. | 55 |

| | | |
|-------------|--|-----|
| | Generalis notio de humanarum actionum merito et ejus conditionibus. | 56 |
| | Probatur posse competere actibus humanis respectu aliorum hominum rationem meriti vel demeriti. | 57 |
| | Id ipsum evincitur respectu Dei | 59 |
| | Argumentis contrariis Pufendorffii respondetur. | ibi |
| ARTIC. III. | DE MORALITATE ACTUUM HUMANORUM. | |
| | Ejus conceptus formalis exemplo declaratur, et status quaestionum proponitur. | 61 |
| | Duae sententiae indicantur circa generalem moralitatis conceptum. | 62 |
| | Generalis iste conceptus moralitatis, hujus specibus bono scilicet et malo morali aptatur, ac de istius formalis ratione dirseritur. | 63 |
| | Ex objecto, circumstantiis, et fine, diversitas bonitatis aut malitiae moralis humani actus desumenda est. | 68 |
| | Quaeritur an specifica moralitatis distinctio in bonum et malum sit adaequata. Exposito statu quaestionis, probatur actum revera humanum in individuo spectatum ex rei natura et considerato solo naturali ordine, non posse esse indifferentem. | 66 |
| | Solvuntur rationes in contrarium. | 69 |
| | Refellitur Barbeyracus hanc doctrinam irridens. Indicantur philosophorum errores circa intrinsicum discrimen boni ac mali moralis, et status quaestionis determinatur. | 70 |
| | Asseritur dari intrinsicum discrimen inter bonum et malum morale. | 72 |
| | Error Hobbesii et Spinosae aliorumque ab opinionibus arbitrariis hominum et constitutione legum civilium hoc discrimen repetentium refellitur; fitque brevis animadversio in principium, <i>utilitate honestatem esse metiendam</i> | 73 |
| | Pufendorffii, aliorumque id ipsum a libera Dei voluntate et lege positiva repetentium, rationes expenduntur. | 76 |
| ARTIC. IV. | DE SENSU ET ORGANIS MORALITATIS. | |
| | Errores circa hanc rem enarrantur, et conceptus sensus moralis declaratur. | 78 |
| | Respuitur sextus quidam sensus corporeus et organicus moralitatis, ab auctore libri <i>de natura</i> adstructus. | 80 |
| | In systema moralitatis organorum corporeorum Gall inquiritur, ejusque et aliorum Phrenologorum erroneae sequelae refelluntur. | 84 |

PARS SECUNDA.

DE REGULA SEU NORMA HUMANORUM ACTUUM, ID EST, DE LEGE NATURALI.

Generalis notio regulæ seu normæ indicantur, ubi etiam breviter de conscientia, tamquam proxima norma actuum humanorum, disseritur. 86

Diversæ naturalis legis definitiones indicantur, cum characteribus propriè dictæ legis, nec non illius discrimen a lege positiva assignatur. 87

CAPUT. I. DE FUNDAMENTO, EXISTENTIA, ET SANCTIONE LEGIS NATURALIS.

Quaestio de fundamento, seu origine divina legis naturalis, quantum confert ad ejus naturam determinandam, quæ magis adhuc explicatur et status quaestionis aperitur. 90

ARTIC. I. DE FUNDAMENTO LEGIS NATURALIS.

Lex aeterna Dei breviter explicatur, et a commento Thomasi vindicatur. 92

Aeterna ratio divinae sapientiae tamquam fons et fundamentum legis naturalis adstruitur, fitque in fine animadversio in doctrinam hac de re H. Ahrens aliorumque recentiorum philosophorum Germaniae, quod etiam praestamus in plerisque aliis subsequentibus quaestionibus. 93

Solvuntur difficultates, praesertim quæ ex sufficientia rationis ad legem et perfectam obligationem constituendam desumuntur. 98

ARTIC. II. DE EXISTENTIA JURIS SEU LEGIS NATURALIS

Diversi errores circa existentiam legis naturæ enarrantur. 106

Ostenditur Deum habere jus legem hominibus imponendi, istiusque juris fundamentum contra errores Hobesii aliorumque determinatur. ibi

Asseritur Deum eodem jure usum fuisse, unde vel ideo legem naturæ existere. 108

Ex his argumentis inferitur, legem naturæ gaudere ceteris quibusdam proprietatibus propriè dictæ legis. 110

Quæ in contrarium opponi solent diluuntur. 112

Error Thomasi et Fleischeri ad mera consilia et monita legem naturalem revocantium refellitur. 113

ARTIC. III. DE LEGIS NATURALIS SANCTIONE.

Sanctionis natura et necessitas; ac diversæ partitiones indicantur. 116

Existentia sanctionis imperfectæ pro præsentis vita, et perfectæ pro alia evincitur. 118

Rationes necessitatem, possibilitatem et existentiam sanctionis elevantes exsufflantur. 124

CAPUT. II. DE PROPRIETATIBUS LEGIS NATURALIS, EJUSQUE PRINCIPIO COGNITIONIS. 127

ARTIC. I. DE PERSPICUITATE ET CERTITUDINE LEGIS NATURALIS.

Determinato statu quaestionis tres classes principiorum legis naturæ distinguuntur, atque statuitur generaliora ejus principia per se manifesta et cognitu facilia esse; ac a nemine posse invincibiliter ignorari. 128

Quaestiones morales his principiis innixæ, demonstrationi ac certitudini propriè dictæ subjiciuntur. 131

Refelluntur contrarium opinantes. 132

ARTIC. II. DE AETERNITATE ET IMMUTABILITATE LEGIS NATURALIS.

Exponuntur diversi modi ejus mutabilitatem aut cessationem concipiendi. 134

Ostenditur eam nec ab intrinseco, nec ab extrinseco mutari aut deficere posse. 135

Oppositiones dissolvuntur. 138

Traduntur generalia principia respondendi quibusdam factis in contrarium. 140

ARTIC. III. DE PRINCIPIO COGNITIONIS LEGIS NATURALIS. 143

Exponitur ratio hujus quaestionis et conditiones requisitæ ad constituendum tale primum principium. 144

Diversæ sententiæ philosophorum hac de re expenduntur. ibi

Verior sententia determinatur, et ab oppositionibus vindicatur. 149

PARS TERTIA.

DE DIVERSO HUMANI GENERIS STATU ET PRINCIPIO JURIS PUBLICI.

CAPUT. I. DE NATURALI ET CIVILI HOMINUM STATU.

Utriusque status conceptus determinatur. 153

ARTIC. I. DE FALSIS SENTENTIIS CIRCA STATUM HOMINIS NATURALEM. 154

Hujusmodi sententiæ enarrantur, ac deinde asseritur statum hunc non esse sylvestrem, solitarium belluinoque similem. 155

Respuuntur quæ in commendationem talis status protulit Rousseau. 157

- Hobbesii opinio de statu hominum hostili, seu bello omnium in omnes refellitur. 159
Ejusdem rationibus respondentur. 160
- ARTIC. II. DE VERA DOCTRINA CIRCA NATURALEM ET CIVILEM HOMINUM STATUM**
Positive determinatur conceptus status naturalis, Pufendorffique commentum rejicitur. 163
Ostenditur statum hominum naturalem esse domesticum, ac sociale. 164
A statu naturali et domestico dimanare statum civilem evincitur. 166
Pufendorffii et Kemmerichii sententiae circa causas remotas status civilis respuuntur. 170
Satisfit difficultatibus contra hanc doctrinam; simulque ostenditur differentia juris naturae ac obligationis relate ad statum naturalem et civilem: nec non exploditur nimia nativae libertatis commendatio. 171
- ARTIC. III. DE DIFFERENTIA PRAEEMINENTIAE STATUS CIVILIS A NATURALI** 178
Adstruitur, statum civilem simpliciter praestare statui naturali etiam recte apprehenso. 179
Exhibentur generales animadversiones et rationes pro solutione difficultatum. 183
- CAPUT. II. DE POTESTATE POLITICA ET PRINCIPIS JURIS PUBLICI**
- ARTIC. I. DE ORIGINE POLITICAE POTESTATIS, EJUSQUE DIVERSIS FORMIS.**
Exponitur status quaestionis, et diversitas formarum regiminis. 185
Supremam politicam potestatem legitime introductam et absolute ac in se spectatam esse immediate a Deo ostenditur. 187
Etiam relative ad diversas regiminis formas, non est necesse ut potestas haec prius in communitatem civium derivetur ac deinde in aliquam regiminis formam transfundatur. Rationes contrarium suadentes expenduntur. 189
Simplicem Monarchiam, absolute et simpliciter spectatam, inter ceteras regiminis formas excellere statuitur, ex iisque quae in contrarium opponuntur confirmatur. 193
- ARTIC. II. DE PRAEROGATIVIS SUPREMAE POLITICAE POTESTATIS**
Principales praerogativae innuuntur, et Pseudo-politicorum sententia potestatem hanc despoticam et exlegem statuens rejicitur. 197
Adstruitur supremo politico principatui competere

- potestatem leges ferendi easque leges etiam in conscientia ligare. 198
In particulari jus gladii seu poenam mortis infligendi, defenditur: atque ab appositionibus Caesaris Beccariae aliorumque vindicatur. 200
- ARTIC. III. DE JURE GENTIUM.** 202
Diversae circa ipsum sententiae indicantur, et definitio ceteris praehabenda exponitur. 203
Contra protestanticos moralistas evincitur dari jus gentium stricto sensu acceptum, ejus generale discrimen a jure naturae et civili innuitur, ac Pufendorffii rationibus occurritur. 205

PARS CUARTA.

- DE OFFICIIS HOMINUM A NATURALI LEGE MANANTIBUS.** 208
- CAPUT. I. DE OFFICIIS HOMINUM ERGA DEUM.**
Horum officiorum conceptus, ac multiplex partitio, et circa theoretica officia animadversio exhibetur. 209
- ARTIC. I. DE CULTU INTERNO ET EXTERNO DEO DEBITO A SINGULIS HOMINIBUS.** 210
Evincitur hujusmodi debitum. 211
Quae contra hoc debitum a deistis, et a Thomasio ejusque asseclis objiciuntur. 214
- ARTIC. II. DE CULTU INTERNO ET EXTERNO DEO DEBITO AB HUMANA SOCIETATE.** 218
Adstruitur debitum colendi Deum, relate ad humanam societatem; cuius finis adaequatus et versus in antecessum determinatur. 219
Satis fit difficultatibus. 220
- ARTIC. III. DE RATIONIS HUMANAE INSUFFICIENTIA CIRCA DETERMINATIONEM DEBITI DEO CULTUS.** 222
Ex humanae rationis impotentia (cujus diversae acceptiones et determinatio status quaestionis praemittuntur) ad perfecte reddendum cultum Deo infertur contra naturalistas et incredulos debitum inquirendi, utrum Deus manifestaverit nec ne modum se colendi positivum distinctum a ratione. 223
Praeter difficultates probationibus immediate annexas, aliae quaedam expenduntur. 227
- CAPUT. II. DE OFFICIIS HOMINUM ERGA SEMETIPSOS.**
Eorum fundamentale principium et vera ratio obligationis hominis erga semetipsum, secus ac vellent Thomasio et Fleischerus, determinatur. 229


- ARTIC. I. DE CULTURA ANIMI, EJUSQUE AD VIRTUTIS ASSECUTIONEM COMPARATIONE
 Generale debitum hujus culturae exponitur. 231
 Virtutem esse etiam ratione sui amabilem evincitur. 232
 Hubneri et Wolffii contrariae rationes refutantur. 233
- ARTIC. II. DE NEGATIVA SUIPERSUASIONE.
 Expositis et distinctis diversis actionibus, quae nostrae conservationi adversantur, eae innuuntur a quibus tenemur abstinere, addita notione suicidii. 235
 Intrinsicam suidii pravitas ex triplici capite eruitur. 237
 Arguitur dubitatio Cocceii, pleraeque difficultates dissolvuntur. 240
- ARTIC. III. DE POSITIVA SUIPERSUASIONE.
 Statuitur generatim quibus mediis uti tenemur ad nostri conservationem, et quaestiones instituendae proponuntur. 243
 Indicata multiplicitate, et sensu axiomatis: *necessitas non habet legem*; asseritur in extrema necessitate constitutos licito posse uti rebus alienis etiam invito domino ad sui conservationem. 245
 Praejaetis necessariis notionibus defenditur licere non tamen praecipue esse, pro sui defensione cum moderamine inculpaetae tutelae, injusti aggressoriis necem. 248
 Insufficiencia contrariarum rationum evincitur. 249
- CAPUT. III. DE MUTUO OFFICIO.
 Multiplex distinctio, fundamentum, et generale istorum officiorum principium declaratur. 251
- ARTIC. I. DE MUTUO OFFICIO NEMINEM LAEDENDI.
 Probatur istud officium se extendere ad quaevis bona naturae et fortunae, spiritualia et corporalia, honorem, famam etc. et debitum illata damna reparandi statuitur. 253
 Explicatur origo et multiplex duelli acceptio, ac definitio. 255
 Singularis certaminis privata auctoritate privatisque de causis suscepti, intrinsicam pravitas, etiam pro hypothesisi status mere naturalis, evincitur. 257
 In solvendis difficultatibus praecipue advertimus discrimen duelli ab justa sui defensione et a bello. 262
- ARTIC. II. DE MUTUO OFFICIO ALIOS JUUVENDI. 266
 Exponitur debitum se rendendi utile societatis

- membrum; et inquiritur qualis sit obligatio juvandi alios pro diversa eorum necessitate. 267
 Quomodo istud officium etiam erga inimicos sit explendum. 269
- ARTIC. III. DE MUTUO SERMOINANTIUM OFFICIO.
 Indicato Pufendorfii, Grotii, aliorumque errore circa mendacium, hujus propria natura, definitio, et a mera veritatis occultatione distinctio exponitur. 270
 Statuitur mendacium nedum esse bono publico oppositum sed pro quacumque hypothesisi intrinsicam malum. 273
 In contrarium opposita diluuntur. 275

APPENDIX.

DE VIRTUTIBUS ET AFFECTIBUS.

- ARTIC. I. DE VIRTUTIBUS IN GENERE
 Praemissa notione habitus generalis, virtutum definitio, partitio, et quaedam communes proprietates explicantur. 277
- ARTIC. II. DE VIRTUTIBUS MORALIBUS IN PARTICULARI.
 Prudentiae, iustitiae, fortitudinis et temperantiae, aliorumve virtutum cum his connexarum notiones et proprietates quaedam exponuntur. 280
- ARTIC. III. DE AFFECTIBUS GENERATIM.
 Eorum, et passionum definitio, distinctio, subjectum et partitio innuitur ac vindicatur. 285
- ARTIC. IV. DE AFFECTIBUS SEU PASSIONIBUS IN PARTICULARI.
 Dissertitur primo de iis quae ab appetitu concupiscente, deinde, quae ab irascente dimanant. 288



NIHIL OBSTAT
Philippus Cossa Censor Theolog. Deput.

IMPRIMATUR
Fr. Dom. Buttaoni O. P. S. P. A. M.

IMPRIMATUR
A. Piatti Patr. Antioc. Vicesg.

UANL

UNIVERSIDAD AUTÓNOMA DE NUEVO LEÓN



DIRECCIÓN GENERAL DE BIBLIOTECAS

